

**FR. JOSEPHI  
AUGUSTINI ORSI  
ORDINIS  
PRAEDICATORUM ...  
DE IRREFORMABILI...**

---





Y. 2. 3







**FR. JOSEPHI AUGUSTINI ORSI**  
**ORDINIS PRAEDICATORUM**

**SAC. INDICIS CONGREGATIONI A SECRETIS, DEIN SAC. PAL. AP. MAGISTRI**  
**ET S. R. E. CARDINALIS**

**DE IRREFORMABILI**  
**ROMANI PONTIFICIS**

**IN DEFINIENDIS**  
**FIDEI CONTROVERSIIS**  
**JUDICIO**

**EDITIO ALTERA**

**CUI PRAETER VITAM AUCTORIS ACCESSIT RERUM INDEX**  
**ACCURATISSIMUS IN SINGULOS TOMOS.**

**TOMUS I. PARS PRIMA.**



**ROMAE MDCCLXXII.**

**TYPIS PAULI JUNCHI, PROVISORIS LIBROR. BIBLIOTHECAE VATICANAE.**

**Sumptibus Natalis, & Caroli Barbiellini Bibliopol.**  
**in Foro Pasquini.**

**SUPERIORUM FACULTATE.**






# SANCTO PETRO

APOSTOLORVM PRINCIPI  
CATHOLICAE ECCLESIAE FVNDAMENTO  
ET PRIMO CHRISTI DOMINI IN TERRIS VICARIO  
QVI

INSTINCTV DIVINITATIS  
SEDE IN VRBE IMPERII PRINCIPE FVNDATA  
AETERNA CONFESSIONIS SVAE FIRMITATE MVNITA  
AC PROPRIO SANGVINE DEDICATA  
TOTIVS CHRISTIANAE REIPVBLICAE CAPVT  
ROMANAM ECCLESIAM CONSTITVIT  
SVISQVE IN EA SVCCESORIBVS  
VNIVERSAS OVES PASCENDAS  
FRATRES CONFIRMANDOS  
FIDEM CVSTODIENDAM VINDICANDAM  
ET DECLARANDAM COMMISIT  
CLAVES REGNI CAELESTIS TRADIDIT  
ATQVE CETERA SIBI DIVINITVS CONLATA IVRA  
PERPETVO ADTRIBVIT  
PAVLLVS IVNCHIVS  
PRAESTANTISSIMVM HOC OPVS  
QVO DATA ROMANAE CATHEDRAE POTESTAS  
ADSERIVR ET VINDICATVR  
SVIS TYPIS ET SVMPTIBVS ITERVM EXCVSVM  
PATRONO BENEFICENTISSIMO MAXIMOQVE  
L. A. D. D. D





*SANCTISSIMO DOMINO*  
**D. CLEMENTI XII.**  
**PONT. OPT. MAX.**

**FR. JOSEPH AUGUSTINUS ORSI**  
**ORDINIS PRAEDICATORUM**

*SAC. INDICIS CONGREG. A SECRETIS.*



**OT** inter munera & privile-  
gia, quibus Petri Sedes or-  
natur, ejusque in ea Successores Romani  
Pontifices decorantur, nullum, **BEATISSIME**  
**PATER**, augustius est, nullum divinius,  
quam

quam quod illa universae Ecclesiae immobile fundamentum est, & columna & firmamentum veritatis; hi vero quum inde oracula fundunt, certissimi sunt & indeficientes caelestium dogmatum, divinarumque legum ac voluntatis Interpretes. Quid enim ultra humanae naturae conditionem magis hominem provehit, Deoque similem ac proximum exhibet, quam quod ejus decretis summum & inviolabile humanae mentis obsequium, velut immotis aeternisque Fidei Catholicae regulis, debeatur? Hoc sane tam magnum, tamque praecepsum est, ut nisi ex Deo primaque illa & immutabili Veritate homini inesse profiteremur, hominem pro Deo colere videremur, adeoque summo & infando Idololatriae scelere implicaremur. Quis namque Deo, aeternaeque illius Sapientiae ac Bonitati magis debitus cultus, quae Deo magis digna religio, quam illi rationem subicere, & in ejus obsequium intellectum in captivitatem redigere? Id

Deus

Deus ab homine suapte natura exigit ,  
qua ipsa Veritas , ipsa Sapientia , ipsa Lux  
mundi est : quae quum Petri Successori-  
bus ipsius Dei munere facta sint quadam  
*participatione communia* <sup>(a)</sup> , quum eorum  
de fide Sanctionibus indivulſe inhaere-  
mus , nihil in eis humanum cogitamus ,  
sed divinam colimus , veneramur ac su-  
spicimus auctoritatem .

Id tamen quanto sublimius & augu-  
stius est , tanto molestius excipitur , ac dif-  
ficilius Transalpinis quibusdam Theolo-  
gis persuadetur : nullaque est tam levis ra-  
tio , nulla tam futilis causa , quam non  
obtendant , ut non injuria praeclarum  
hunc ineluctabilis auctoritatis titulum Ro-  
manis Pontificibus detrahare videantur .  
Horum propterea aliquot , quamquam  
non fidei vel <sup>(b)</sup> *praedicationis* , sed disci-  
plinae & *conversacionis* errata , opportu-  
ne importune ingerunt , depraedicant ,

m-

---

(a) S. Leo *serm. III. Adsumt. suae ad Pontif.*

(b) *Ex Tert. lib. de Praescript. cap. XXIII.*

amplificant, & extollunt. Liberii lapsus, imprudens Honorii dissimulatio, saeculi decimi scandala eorum voluminum, utramque paginam faciunt: & quamquam Apostolicae Sedis Praefulibus non *ἀναμαρτία*, sed in fidei dogmatibus ex Petri Cathedra definiendis & adserendis *ἀσφαλείαν* & indeficientiam vindicamus; vix tamen illi concoquere possunt, eos a Spiritu Sancto ad sustinendum universae Ecclesiae aeternum aedificium instar immobilis fundamenti fuisse destinatos, quos aliquando vident, eandem Ecclesiam in maximum discrimen suis aut pravis moribus, aut turbulentis affectibus, aut minus limatis iudiciis, adduxisse.

Reponimus quidem, haec quae illos offendunt, privatis personis esse imputanda, quas interdum humanus spiritus in transversum abripiat; non autem ad Petri Cathedram, aut Sedentes in ea Pontifices pertinere, quos ex Christi im-

mobili



mobili promissione indefinenter divinus Spiritus regit. Verum quanto praeclarius apud homines Sedis Apostolicae causa ageretur, si quotquot in ea sederunt Pontifices caelestibus virtutibus enituisent, eandemque sanctis & inculpatis moribus exornassent; si omnia eorum judicia divinae sapientiae luminibus refulgerent; si ad tuendam veritatem firmam constantiam, & invictum animi robur, & inexpugnabilem fortitudinem adtulissent! Hoc est, si in Apostolicorum Praesulum serie nulli, nisi quales Cornelius, Silvester, Julius, Damasus, Innocentius, Caecilius, Leo, Gregorius, Martinus, Agatho, tot alii ejusdem spiritus ac virtutis Pontifices occurrerent. Quem enim non pueret de divinarum promissionum vi & amplitudine disceptare, si eas tam praeclare & magnifice impletas, tam certis luculentisque argumentis, & manifestis effectibus demonstrarem? Aut quem in sui venerationem & admirationem,

amorem & obsequium non raperet Pontificia majestas; si quotquot ea exornati sunt Pontifices, non modo dignitate & auctoritate, verum & morum gravitate & virtutum splendore, divini Verbi, cujus vices in terris gerunt, vivam nobis & spirantem imaginem retulissent?

Quamquam ergo inde non pendeat nostrorum dogmatum ratio; est tamen cur alacrius ad Apostolicorum jurium defensionem excitemur & accingamur, qui eo saeculo vivimus, quo Clemens XI. Innocentius XIII. & Benedictus item XIII. eximia in Deum pietate & religione, mira in tam sublimi & excelso gradu animi moderatione, invicta & immobili tot inter turbines firmitate, Petri Cathedram illustrarunt; quove Tu, BEATISSIME PATER, eamdem singulari Dei munere, jam fere per duo lustra in vivida & vegeta senectute, iisdem virtutibus exornare pergis. Quam enim Tui Decesores vel ad Chri-

stianæ

stianae religionis inter Barbaras gentes  
propagationem, vel ad Schismaticos &  
Haereticos ad fidem & unitatem Catho-  
licam revocandos, vel ad Evangelici cul-  
tus puritatem ab Ethnicarum superstitionum  
mixtura & sordibus defaecandam,  
vel ad Janсенianae contagionis reliquias  
delendas ac penitus profligandas, vel ad  
Apostolicae Sedis jura, & partem Chri-  
sti sanguine Ecclesiarum libertatem ad-  
ferendam & vindicandam, curam & sol-  
licitudinem, vigorem & longanimita-  
tem adtulerunt; Tu ad Christi corporis  
aedificationem, & ad eadem Christianae  
Reipublicae commoda aut comparanda,  
aut amplificanda, aut facta tectaue ser-  
vanda, constanter adhibes: atque eo  
quidem successu, ut quae ab illis in-  
choata & exculta sunt, a te jam fere con-  
fecta & maturata laetemur. Te namque  
Pontifice, Saxonicae Domus, sub ipsis  
tuis Decessoribus ad Patria & avita Sa-  
cra postliminio reversae, lectissimum.

Principem ad Tuos provolutum pedes ,  
& Apostolorum limina , aliaque Urbis  
Sacra miranda pietate & religione colen-  
tem Roma suspexit, & adhuc suspicit,  
& quotidie laeta stupensque miratur, Te  
item Pontifice, tum VVirtembergenses  
Principes haeresim ejurarunt, tum eorum  
tenella soboles ad veram germanamque  
pietatem juxta Catholicos ritus eruditur.  
Tu primariae nobilitatis Virum ex ulti-  
mis Septentrionis partibus velut alterum  
Abraham, relicta Patria Patriaeque com-  
modis, ac Domo Avorum, & Proavo-  
rum titulis clara, ac deliciis & opibus  
affluente, imo & plusquam Abraham.,  
relictis etiam in ipso aetatis flore Paren-  
tibus, ac dulcissima Sponsa, ad Eccle-  
siae Romanae sinum, ejuratis erroribus  
convolantem, non modo Paterna carita-  
te complexus es; verum & amplissimo  
Magistratu donatum Capitolinis Arcibus  
praefecisti: ut ex illo dominatricis Ur-  
bis editissimo loco apud omnes Nationes  
cele-

celeberrimo , in universum orbem virtutum suarum famam fulgoremque diffunderet ac propagaret . Illud denique , quod nuperrime accepimus , ad gestorum Tuorum gloriam & felicitatem amplificandam , mirum quantum idoneum & opportunum est ! Quod nimirum prudentia atque sapientia Tua , & vigili sollicitudine , & invicta constantia ; Tuis obsecundante votis Eminentissimo Gallici Regni Administro , qui velut Ecclesiae & maximi Imperii Cardo , Sacerdotales perinde ac Regios spiritus gerens , non minus spiritualem & aeternam , quam Politicam & temporalem subiectis populis felicitatem parare satagit ; Parisiensem Artium Facultatem , ad solenniter revocandam jamdudum interjectam a Constitutione *Unigenitus* , ad Synodum Oecumenicam provocationem , adduxisti . Sic tandem , Te Pontifice , novo exemplo comprobatum est , quod olim Nicolaus Magnus ad Michaëlem Imperatorem de Sede Aposto-

postolica vere perinde atque magnifice,  
scripsit <sup>(a)</sup>: Quod illi quamquam *Ecclesia*  
*aliquando per aliquantulum temporis in*  
*quibusdam reluctata sit*; quae illa tamen  
*probavit, quandoque probaverit: & quae*  
*illa refutavit, ipsa refutaverit*. Nempe  
laudatae Clementis Undecimi Constitu-  
tioni aliquot Galliarum Episcopi, plures-  
que Theologi aliquamdiu pertinaci con-  
tentione reluctati sunt: Nunc autem il-  
lam, Te auctore, suscipiunt, amplectun-  
tur, exosculantur; & post diutinum bel-  
lum & acerrimam animorum conflicta-  
tionem reparata tranquillitate laetantur.  
Ad quos proinde ea merito dirigat Xysti  
Tertii decessoris Tui dulcissima verba,  
ad Johannem Antiochenum post restitu-  
tam pacem scribentis <sup>(b)</sup>: *Experti estis ne-*  
*gotii praesentis eventu, quid sit sentire no-*  
*biscum Beatus Petrus Apostolos in succes-*  
*soribus suis, quod accepit, hoc tradidit.*  
*Quis*

---

) *Epist. X. ad Mich. Imperat.*

*III. Par. Concil. Ephef. cap. XLII.*

*Quis ab ejus se velit separare doctrina ,  
quem ipse inter Apostolos primum Magi-  
ster edocuit?*

Hanc ergo Tibi lauream , BEATISSI-  
ME PATER , cum universa Ecclesia festivis  
acclamationibus gratulatus ; ac prope-  
diem , ut spero , Pontificatus Tui decen-  
nalia celebraturus , votaue in aliud de-  
cennium Deo Optimo Maximo nuncu-  
paturus , hoc quaecumque munus vene-  
rabundus offero . Quod ea saltem ratio-  
ne Tibi haud ingratum fore confido ,  
quod sacratiora Tuæ Sedis jura pro in-  
genii modulo ac virili parte defendo . Ani-  
mo enim revolventi , qua demum ratio-  
ne , tum Cardinalis Nerii Sanctitatis Tuæ  
Fratris Filii , quem Tibi in laboribus fe-  
rendis administrum adiutoremque adjun-  
xisti , quique me nihil tale cogitantem sub  
ipsum Tui Pontificatus initium , ut ipsi a  
sanctioribus essem consiliis , Romam ultro  
evocavit , menti ac proposito responde-  
rem ; tum etiam Tuis erga me beneficiis  
( qui-

( quibus nuper illud accessit , quod Sacrae Indicis Congregationi a Secretis datum arctius Sedi Apostolicae devinxisti ) grati animi perenne aliquod monumentum statuerem ; nihil meae professioni statuique magis accommodatum occurrit , quam ut Tibi Tuaeque Cathedrae concessam divinitus auctoritatem adfererem adversus Opus , non jampridem publica luce donatum : cui plurimum momenti Clarissimi Praefulis nomen suarum adversus haereticos Lucubrationum & concertationum fama percelebris adjungebat . Quod meum ausum ut felices & prosperos & ad votum successus habeat , & Opus ipsum , quod Tuis sub auspiciis prodire gestis , & Auctorem ad Tuos provolutum pedes , Sanctitas Tua Apostolica benedictione dignetur .

PRAE.



# P R A E F A T I O.



Nnus fere quinquagesimus agebatur ab edita per Cleri Gallicani Comitia celebri Declaratione *De Potestate Ecclesiastica*, quum Illustrissimus Trecensum Episcopus e re esse Ecclesiae iudicavit, ut publicam tandem lucem adspiceret *Defensio* ejusdem Declarationis ab inclyto & celeberrimo ipsius Patruo *Jacobo Benigno Bossuet* Meldenſi olim Episcopo speciali jussu Ludovici Magni Christianissimi Regis, elaborata. *Opus*, ut dicitur in Monito ad Lectorem, *vere aureum, balſenus reconditum, tamdiu desideratum, toties laudatum, sed praesertim hisce temporibus, propter ferventia iidem partium studia, maxime necessarium*. Non potuit ergo nisi magno cum plausu & communi gratulatione excipi tantum, Opus ac tamdiu votis communibus expetitur: ad cujus etiam commendationem, ut ibidem subjungitur, pertinebat, non ipsa tantum celebritas & nomen Auctoris, & argumentum Operis, sed ipsius maxime Christianissimi Regis auctoritas, cujus speciali jussu fuerat ab eruditissimo Praesule elucubratum. Omnia ergo ad excitandam eruditi Orbis expectationem, & conciliandam hisce Libris omnium exultationem conspirare videbantur. Primum *Nomen Auctoris*, qui ob alias Lucubrationes vere aureas cedroque dignas immortalem sibi gloriam pepererat, eaque apud omnes sapientiae doctrinaeque laude florebat, ut quidquid ab ejus profectum ingenio diceretur, facile omnium mentes in sui raperet admirationem. Deinde suscepti Operis *argumentum*: Non enim causa agebatur, quae inter singulares Episcopos, aut privatos Theologos disceptaretur: sed tuenda erat & vindicanda sollemnis & publica Declaratio, qua Clerus Gallicanus, rem maximi momenti adgressus fuerat; ut nimirum post septemdecim saecula limites Pontificiae auctoritati praescriberet, quam nullis circumscriptam limitibus Christus ipse omnipotens Dei sapientia, Regnique sui, quod est Ecclesia, ejusque gubernationis atque regiminis auctor & institutor, Apostolorum Principi ejusque Successoribus adtribuerat: *Tibi dabo claves regni caelorum: Et quodcumque ligaveris &c. Quodcumque solveris &c.* Incesserat ergo omnium animos vehemens desiderium cognoscendi, quibus tandem rationibus freti atque incitati Gallicani Patres terminos Romanis Pontificibus constituissent, quos transgredi non liceret. Quis vero ad has rationes enucleandas aptior aut magis idoneus reperiri poterat Illustrissimo olim Meldenſium Episcopo? qui, ut ipse testatur, Deputatis adscriptus, publicis privatisque conventibus interfuit, nec tantum audivit religiosissimos Episcopos, sed etiam quaecunque insigniora, ac memoratu digniora dicerentur, diligenter descripsit. Qua vero de rebus Theologicis perspicue, graviter, & cum majestate differendi vi & arte pollebat, ve-

rendum certe non erat, ut quae alios diferentes audierat, ipse minus apte ac segnius efferret, vel ut eorum vis ipsius oratione aliquatenus infringetur. Denique accedebat ad Operis commendationem Ludovici Regis *auctoritas*, quo iubente id laboris ab Episcopo Meldensi susceptum est. Nihil enim nisi perfectum & numeris omnibus absolutum tanto Regi tantus Episcopus obtulisset; maximeque in hac causa, quae non Episcoporum modo, verum & ipsius Regis erat: qui Cleri sui Declarationem Regia auctoritate muniverat, & Regni legem esse decreverat. Itaque demonstrandum erat, non temere illos optimo ac piissimo Principi ejusmodi sensus inspirasse; agendumque omnino, ut qui victricibus armis ducumque suorum expeditionibus id adsequutus fuisse videbatur, ut Europae universae jura, pro arbitrio suo & libito, daret; id etiam obtineret, ut Sedis Apostolicae auctoritatem certis limitibus coërceret, quos deinceps violare nefas esset. Quod quidem ille non vi aut armis consequi poterat, sed doctissimorum hominum lucubrationibus, per quas universus orbis, & ipsa etiam Sedes Apostolica agnoscerent, Scripturae traditionisque regulis Romanis Episcopis interdicti, ultra hos fines excurrere, quos ipsis Rex, perinde sapientissimus ac potentissimus, statuit. Haec omnia apprime apta & idonea erant ad optimam Bossuetiani Operis opinionem omnium animis ingerendam. Non enim aliquid nisi & argumentum, in quo versabatur, & Rege maximo, cujus jussis parebat, & suo Nomine dignum, adeoque nisi & summo studio elaboratum, nec minore accurate perpolitum Magnus ille Meldensium Episcopus emisisset. Quod & diserte his verbis Illustrissimus ejus nepos testatur: *Cet Ouvrage, que l'Auteur a revû plusieurs fois, & peu de tems avant sa mort, doit être regardé comme un des plus précieux monumens de sa profonde Erudition, de sa Sagesse, de sa Moderation, & de sa Piété; de son attachement à la Chaire de S. Pierre, & à l'Unité, & de son amour pour l'Eglise, pour la Vérité, & pour la Paix*. Haec sane magnifica sunt, & quae jampridem iis omnibus, quibus, ut idem ait, Ecclesiae & Reipublicae salus cordi est, vehemens hujus Operis desiderium adflaverant. Addebat Illustrissimus Praesul, in eo summa perspicuitate (*avec la dernière évidence*) demonstrari, doctrinam Ecclesiae Gallicanae de Potestate Ecclesiastica & temporali quatuor Declarationis Articulis comprehensam, ipsissimam esse Scripturarum traditionisque doctrinam: eaque non modo Summorum Pontificum Sanctaeque Sedis auctoritatem minime labefactari; verum & eis totam vim, & primaeum splendorem, & veterem majestatem restitui, depulsis falsis, vanis, incommodis, communi odio & periculis obnoxiiis, ac futilibus praerogativis, quibus ea veluti densa nube involvere postremis hinc temporibus ignorantia & adulatio tentaverant.

Mirum profecto, quod tantum Opus, totque titulis commendatum tam diu publicae utilitati & communibus votis, cum ipse celeberrimus Auctor, tum Illustrissimus ejus Nepos inviderint: nec meum est in rationes inquirere, cur tamdiu latuerit, aut cur tam sero, ac tantum proxime elapsis an-

nis

nis publicam lucem adspexerit. Nunquam enim minus quam hoc aevo necessarium videbatur : quo certe Gallis Episcopis minus laborandum est, ut projectae, aut quam par sit propensiori populorum in Sedem Apostolicam venerationi modum imponent, quam ut plurimorum temeritati frenos injiciant, a quibus sacratiora apud omnes Catholicos ejus jura audacissime violantur. Quidquid enim Gallicani Episcopi praedicent, Declarationis articulis firmatum fuisse Petri & Successorum ejus Primatum, & primaevo splendori & amplitudini restitutam reverendam omnibus gentibus Sedis Apostolicae majestatem; attamen diuturno experimento compertum est, ab ipsa Christianae Religionis origine, debitam Summis Pontificibus ab omnibus Catholicis reverentiam & obedientiam, nunquam fuisse impudentius & immanius, quam post emissam celeberrimam Declarationem, nisi a professis haereticis, violatam : & quod magis dolendum est, eandem ingenii lascivientis insaniam, qua non pauci in Galliis laborant, nunquam liberiore cursu sese aliis etiam Nationibus infudisse. Quod etiam in causa est, cur id genus Lucubrationes propensos ubique Lectores inveniant, & passim magno cum plausu excipiantur; praefertim si eorum nominibus insigniantur, qui aliis suorum ingeniorum foetibus in lucem eductis, consummatae eruditionis, solidae sapientiae, ac subacti limatique judicii sibi gloriam pepererunt. Atque ea est hodie apud nos Gallicae gentis existimatio, ut quidquid inde in oras nostras advehitur, facile a nobis laudes & admirationem extorqueat. Nec mirum sane : nam & mirificae sunt horumce librorum & opinionum illecebrae. Quid enim non in eis placeat? Placet subjectionis jugum, si non omnino excutere, tamen quam levissimum ferre : Placet sentiendi atque opinandi libertas : Placent linguae genii stylique Gallici amoenitates : Placet a scholae sordibus & squallore repurgata de rebus Theologicis disserendi ratio : Placent denique, quae nulli magis ostentant, aut quibus nulli melius fucantur, pietatis species, tuendae veritatis ardor, Ecclesiae & Reipublicae salus atque tranquillitas, quae solum cordi & amoris sint, & quibus unice consulatur. Quibus illecebris illud etiam plurimorum animis percellendis atque capiendis accedit, quod de iis opinionibus, de quibus invicem digladiamur, ejusmodi Auctores tam fidenter pronuntiant; & tam certo ac sine ulla prorsus haesitatione constituunt, nihil esse quam puram putam Scripturarum, veterum Pontificum Romanorum, universorum Patrum, & Conciliorum doctrinam traditionemque defendi; totque eorum testimonia Chartis illiniunt : ut nullo adhibito examine (hoc enim pauci suscipiunt) facilis illis dicentibus sibi que credi jubentibus adsensus praebatur.

Vidimus paullo ante, quam fidenter Episcopus Trecentis adfirmet, ab Episcopo Meldensi in hoc Opere demonstrari, *avec la dernière évidence, que la doctrine de l'Eglise Gallicane . . . n'est que la doctrine même des Ecritures, & de la Tradition*. Nihil autem minus est, quod longe amplioribus verbis ipse Illustrissimus Auctor sese demonstraturum in Operis praefatione promittit : *Præcipua inquit, hæc momenta percurram, ut intelligat*

*Christianus orbis, a Clero Gallicano nihil novi prolatum, sed vetustam atque constantem Scholae Parisiensis totiusque adeo Ecclesiae Gallicanae, imo & Universae, sententiam repetitam; eamque Scripturarum fonte, atque Apostolica Traditione manantem. Quid superest, nisi ut haec sola deinceps pro Catholica habeatur? juxta illam omnium ore celebratam & consensione firmatam Vincentii Lirinensis regulam (a), sciscitentis illud esse vere proprietate Catholicum, quod ubique, quod semper, quod ab omnibus creditum est. Non multum ab hac cogitatione abfuisse videtur, aut abesse videri voluit Illustrissimus Auctor; quamobrem statim adjecit: *Atque ea me dicturum confido, quae plane sufficient, ut haec duo probentur. Primum, doctrinam Gallicanam vere Catholicam esse, & ab omni censura ac nota liberam; tum eam doctrinam absolute esse veram, ac si censura adhibenda sit, adversam sententiam animadversione esse dignam.* Haec magno Bossuetio tanta fiducia iactanti quis fidem abnuat? quis tuto ac secure non credat? Neque contentus haec generatim dixisse, ut omnem penitus suspicionem amoliretur, & facilius sibi ac tenacius Lectoris animum in ipso Operis vestibulo addiceret ac devinciret, certiorum eum facit, Veterum testimonia & monumenta quae profert, non mutila hic exhiberi vel interpolata, aut velut a suis locis sedibusque revulsa, & in alienos sensus misere detorta, sed integra & intacta, & quae illorum locorum genuinam sententiam plene ac fideliter repraesentent: *Nos enim hic non nostra, inquit, argumenta, sed Majorum testimonia & acta referemus; eaque integra & tota, ne fraudi & insidiis locus esse possit. Placuit enim in tanta re perspicuitati potius quam brevitati consuli.* Denique & illud ab Illustrissimo Auctore ad Operis sui commendationem adjicitur, sese in eo concinnando gravium Virorum consiliis esse obsequutum, qui Gallicanos Episcopos Doctoresque hortabantur, ne avitam doctrinam, qua veteris Ecclesiae jura ac dogmata continentur, indefensam relinquerent. Nec tamen satis dignum operae pretium, existimabant, si solum recentibus illius doctrinae Adversariis refellendis incumberetur; sed rem totam ab origine repetendam esse judicabant, atque Ecclesiastica monumenta proferenda, quibus Clerus Gallicanus, tanta doctrinae pietatisque fama conspicuus, Declarationem suam munitam credidisset.*

Nemo profecto ad hanc provinciam obeundam, & ad haec arma tractanda magis idoneus, quam Illustrissimus Bossuetius, tot editis Operibus celebris, tot litterariis certaminibus clarus, tot victoriis ac triumphis conspicuus. Quare & in hac causa bellove suscipiendo haud obscure certam sibi victoriam promississe videtur: quum ipsis quoque Italis & Romanis, ipsis quoque Sedis Apostolicae summis Rectoribus a se persuaderi posse credidit, non modo Gallicana Declaratione nihil laesam & violatam Romanae Cathedrae auctoritatem, verum & eidem egregiam ab Episcopis Gallicanis narratam operam, quod ejus potestatem legitimis finibus circumscriptam honoris

rium suorum insanis molitionibus & impressionibus invictam & immotam, non caeca pietate aut humanis ratiociniis, sed manifestissima veritate, ac traditionis robore, & Canonum haud minus auctoritate, quam moderatione praestarent. Nec sane omnino sua perspicacissimum Virum spes fefellit. Ipse enim & Romae & alibi plures audiavi nec malos, nec indoctos aut imperitos, qui Bossuetiano Opere pervoluto, nec indiligenter, ut eis videbatur, expenso, causam hanc non ultra a Romanis Theologis sustinendam, sed veluti conclamatam & deploratam, dimittendam esse censerent. Nihil esse quod perspicuae veritati objici possit; nec unquam Scholasticis subtilitatibus aut distinctiunculis retundendam aut hebetendam, aciem argumentorum, quae Cl. Adversarius eduxerat. Non enim, ut in Scholastica disputatione fieri solet, unum aut alterum locum ab eo produci, unde suas ipse consecutiones eliciat; quas ope Dialecticae artis eludere, aut aliis objectis locis obnuere, arduum non est: sed omnibus Ecclesiae saeculis decursis, omnium Conciliorum actis evolutis, omnium celebriorum controversiarum historia clare lucideque contexta demonstratum ab eo esse, omnia, quae ad summam attinent, coalescere, & uni omnino formae respondere, quam Gallicani Episcopi edita Declaratione informant; unde, ut ipse monet, existit illa dogmatum consensio ac plane unitas, in cuius amorem admirationemque ipsi hostes Ecclesiae, vel inviti rapiantur.

Rem ergo tacitus considerabam, nec enim animus erat, imparatum rem tantam aggredi; nec nisi instructis lustrisque copiis, quae mihi suppeterent, in pugnam descendere, cum nobili & potentissimo adversario manus conferturum. Sentiebam tamen, illius argumentis non eam inesse vim, quam plerique jactabant, nec omnino invicta esse arma, quibus utebatur. At multa erant quae a congressione animum revocabant. Primum illud, ne apud multos temeritatis audaciaeque notam incurrerem, quod cum tanto hoste congredi non vererer: tum illud etiam, ne operam luderem, aut inanem laborem suscipere viderer eo versando argumento, quod nobilissima ingenia penitus exhaustisse creduntur. Denique aut omnino ab hac causa abstinendum existimabam, aut illam sic agendam, ut rationes Adversariorum funditus everterentur, nostrarum autem firma & inconcussa soliditas demonstraretur. Donec enim utrinque probabilibus rationibus & aequalibus momentis agatur, nihil a nobis agi videtur. Non enim probabiliter sed certo constare debet, esse Petri successores ad fidei controversias dirimendas divina praeditos auctoritate, ut eorum decreta veluti Spiritus Sancti oracula, ac veluti certas & irretractabiles fidei Catholicae regulas excipiamus.

At postquam omnia, aut saltem praecipua, quae utrinque adlata fuerant, vel utrinque adferri possent, diligentissime contulissim, eorumque momenta librassem, hae ipsae rationes, quibus antea deterrebar, ad opus aggrediendum incitarunt. Tanta enim ad adstruendam Romani Pontificis in faciendis fidei dogmatibus summam & ineluctabilem auctoritatem, [ ut interim de aliis Sedis Apostolicae praerogativis taceam ] mihi se obtulit gravissimorum argumetorum

rum

rum copia : Contra vero ea , quibus ab Adversariis eadem Sedis Apostolicae auctoritas impetebatur , speciatim collata cum nostris , adeo levia visa sunt ; ut , quantum ego sentio , alia fidei nostrae certissima dogmata , nec gravioribus riti momentis , nec levioribus premi difficultatibus videantur . Quod aliis etiam adprobari posse , qui praejudicatis opinionibus liberi aequas Veritati aures accommodarent , in animum induxi meum ratusque sum ; dum tamen eandem methodum , quam Illustrissimus Adversarius nobis oppugnandis , & nos tum ejus argumentis refellendis , tum nostris urgendis & confirmandis adhiberemus . Quod quum alii , qui in eadem se se palaestra exercuerunt , non adhuc , ut mihi videbatur , satis plene copioseque , pro ea quae suppetit rerum ubertate , praestitissent , haud inanem me lusura operam judicavi , si rem totam ex integro retractarem . Quo etiam me ipsa & Operis & Auctoris celebritas , cui respondendum esset , vehementissime adegit , atque exstimulavit . Quamquam enim haud omnes curandos , imo & plerosque negligendos existimem luxuriantium ingeniorum foetus , levissimosque de hoc argumento libellos , ex uberi Galliarum solo quotidie fruticantes ; haud tamen dissimulandum esse sentiebam hoc celeberrimi Auctoris opus , in quod omnia argumenta congesta essent , *quibus Clerus Gallicanus Declarationem suam munitam credidisset* . Nam hinc tanti Operis contemptus nostrae imbecillitatis argumentum videri posset ; hinc vero non una vel altera , sed omnes simul hostium machinae disiectae , eorumque copiae profligatae judicari debent , si hoc unum Opus solide confutetur , impetitaque veritas adferatur .

Quum haec igitur a me , superno adstante Numine , praestari posse , non omnino diffiderem , experiri decrevi . Nam etsi quae mihi insunt , & quae Adversario , vires aetimentur , longe me congressioni imparem esse sentio ; longe tamen alia ratio est & causae , pro qua certamus , & apparatus armorum , quibus in hoc certamine utimur . His namque mirum quantum superiorem ipse me judico . Haec enim invicta , illa vero adeo imbecilla videntur , ut nulli fere usui Adversariis esse debeant . Nam quod velut achilleum obijciunt , post Apostolicae Sedis decreta , ad terminandas fidei controversias , Synodos Oecumenicas celebratas , quam in nostram sententiam inaniter torqueatur , inde apertissime constat , quod Conciliorum generalium maxima pars ad ea Sedis Apostolicae decreta fideique dogmata vindicanda , coacta est ; quibus tanquam immotis fidei Catholicae regulis Episcoporum per universum orbem unanimitas , paucis ex adverso reclamantibus , adhaerebat : quaeque proinde juxta notissimam & pervulgatam Tertulliani , Vincentii Lirinensis , aliorumque Patrum doctrinam , ad eam jam fidem pertinebant , quae sola est immobilis & irreformabilis . Hoc itaque argumento ii tantum uti possunt , quibus paucorum Episcoporum resistantia satis est ad totius mundi consensum elevandum : a cujus opinionis pravitate quam longissime abesse Gallicanorum Episcoporum ac Theologorum maximam partem ex eorum libris ac Theubus compertum & exploratum habet .

habemus . Quam ergo nos potiori jure [ ut alia interim omitamus quae deinde speciatim ac dearticulate expendemus ] illud eis generatim ex Conciliis objicimus , nullum esse coactum , & legitime celebratum , vel in auctoritatem receptum , in quo non secundum Romanos Pontifices judicatum sit ! Victori Romano Pontifici Pascha legitimo tempore celebrari jubenti restitit Polycrates , Stephano collatum ab haereticis Baptisma ratum habenti Cyprianus in Africa , Firmilianus in Asia restiterunt : Sed Victoris & Stephani sententiam Nicaena Synodus adprobavit . Liberio & Damaso pro Spiritus Sancti Divinitate pugnantibus Semi Ariani & Macedoniani ; Caelestino Nestorium & ejus in Christum ejusque Matrem blasphemias diris devoventi Nestorius ipse & Antiocheni tractus Episcopi ; Leoni Magno in Eutychianam impietatem detonanti Dioscorus & Pseudo Synodus Ephesina ; Severino & aliis ad Agathonem usque Romanis Pontificibus pro duabus in Christo voluntatibus etiam usque ad sanguinem decertantibus Regiae Urbis Patriarchae aliique Orientis Episcopi ; duobus Gregoriis Secundo & Tertio , eorumque usque ad Hadrianum Primum successoribus Graecorum Imperatores Iconomachi ; Nicolao Magno , & Hadriano II. Photius ejusque Schismatica factio , pertinacissime refragati sunt ; atque , ut Adversarii volunt , propter dijudicandam eorum adversus Romanos Pontifices causam , Constantinopolitana prima , Ephesina , Chalcedonensis , sexta , septima , & octava Oecumenicae Synodi celebratae sunt . Quid est ergo , quod tot inter diuturnas & acerrimas contentiones Romana Sedes nunquam a veritate deflexit , quod semper victrix evasis , quod de omnibus hostilibus triumphavit ? Neque secus in Occidentalibus Synodis eadem Apostolica Sedes fide , justitia , pietate , Religione , & veritate munita , Haereticos , Schismaticos , ipsos quoque Principes summos quamquam scelere & impietate furentes , suas subire leges coëgit ; nec aliquando contigit , ut aliquod ejus de fide decretum , aut ullus decretorum ejus apex Synodi generalis auctoritate reformaretur . Neque in iis tantum controversiis , quibus sopiendis ex universo Christiano orbe in Oecumenicas Synodos Episcopi convenerunt ; verum in aliis quoque , quibus terminandis generalis Synodi congregatione , opus non fuit , rectum , & indeclinabile , & indeficiens , & Catholicae veritati indivulsa cohaerens , Sedis Apostolicae judicium ubique & semper emicuit . Quid ergo , inquam , est , quod tot inter fluctus & tempestates Romana Ecclesia non modo submersa non est , verum & inquiringibus & amantibus veritatem nunquam non exstitit salutis arca , nisi quia Christum habet Rectorem , qui illi jugiter praesidet , & omnes adversarias cohibet potestates ? quod hisce ipsis verbis docet S. Thomas Cantuariensis Episcopus & Martyr (a) . An ergo septemdecim saeculorum experimentum satis esse non debet , ut si quid in Christi promissis & verbis , quibus Petrum ejusque Successores [ ut id Patres , atque ipsae Oecumenicae Synodi intellexerunt ] fidei columnas & Ecclesiae immobile fundamentum , nec non

cen-

---

(a) Lib. I. Epiſt. XCVII.

centrum Unitatis Catholicae destinavit ; quibus item pro eodem Apostolorum Principe , ejusque in Sede Apostolica Successoribus rogavit , ne desiceret fides eorum ; adeoque ne unquam adversus eos portae inferi praevalerent ; si , inquam , in his Christi verbis atque promissis , & in veteri traditione , quae Christi verborum & promissionum interpretes fidissima est , quidpiam esset obscurum & ambiguum , septemdecim saeculorum experimentum satis esse non debet , ut eis certam perpetuae firmitatis & inerrantiae promissionem contineri , & persuasum habeamus , & constantissime praedicemus ? Hinc in Libello fidei , ad quem sollemniter profitendum , per plura saecula in ipsis quoque Oecumenicis Synodis Orientales Episcopi add. ſi sunt , utraque conjungebantur , nimirum & certa Christi promissa , & rerum ipsarum experimenta : quibus certo constaret , Christianam religionem & Catholicam fidem semper integram , & inviolatam , & immaculatam in Sede Apostolica permanere .

His autem semel constitutis , & Patrum & Conciliorum traditione firmatis , quid quaeso momenti esse potest in iis quorundam Pontificum Romanorum privatis erratis ac lapsibus , quae Bossuetius cum aliis exaggerat , alii vero ex ipsis etiam Adversariis nullo modo ad praesentem controversiam & causam pertinere , candide agnoscunt , & profitentur (a) ? An ex iis , quae incerta & ambigua sunt , quae aliter interpretari licet , quae ad causam minime pertinent , de iis judicandum & statuendum est , quae inconcussa , quae certa sunt , quae alio flecti , & in alium sensum detorqueri , nisi vi adhibita , & audaci sententiae depravatione non possunt ? Nos eas Sedis Apostolicae Romanorumque Pontificum Constitutiones irretractabiles & irreformabiles esse dicimus , & propugnamus , quibus Catholica fides ab ingruentibus erroribus adseritur & vindicatur ; quibus sacrarum literarum & Ecclesiae traditionis sensus exponitur & sancitur ; quibus quidquam omnibus Christianis & corde credendum ad justitiam , & ore profitendum ad salutem , Principis Apostolorum adsumpta persona , & adscita auctoritate decernitur , perinde atque ipse Petrus in sua Sede vivens & praesidens praestaret adhuc quaerentibus fidei veritatem ; Hae , inquam , sunt Apostolicae Sedis Constitutiones , quas & Christi pollicitationibus Petro factis , & constanti Conciliorum & Patrum traditione freti , ante quaecumque Synodos Oecumenicas , velut certas & immotas fidei Catholicae regulas habendas esse docemus & praedicamus . Hujusmodi illae fuere , juxta Gallicanos Episcopos scribentes ad Innocentium X. quibus hic Pontifex quinque Jansenii propositiones confixit . Hujusmodi & illae fuere , laudatis Episcopis Gallicanis in eadem ad Innocentium epistola auctoribus , quibus olim Damasus ante secundam Synodum Oecumenicam Macedonii & Apollinarii commenta haereticisque prostravit . Hujusmodi ob easdem rationes & illas fuisse contendimus , quibus olim & Caelestinus Nestorianam , & Leo Magnus Eutychianam , & Martinus I.

Mono-

---

(b) *Touss. de Eccles. Tom. II. Quaest. V, art. III. pag. 183. & seqq.*



Monothelitarum, & duo Gregorii & Hadrianus Iconomachorum haeresim, profligarunt. Hujusmodi & illae, quibus ab Anastasio I. haeresis Origeniana, ab Innocentio I. & Zosimo Pelagiana, ab Hadriano I. Felicianae compressae sunt. Denique hujusmodi & illa, qua nuper Clemens XI. Jansenianae pestis reliquias delevit. Accessit quidem ad hasce Sedis Apostolicae Constitutiones sollemnique pro sancienda regula fidei Pontificum Romanorum judicia Ecclesiae universae consensus; accessit, inquam; verum, ideo accessit, quoniam, ut auctor est splendidissimum illud Galliarum, imo & totius Occidentis & Orientis jubar S. Irenaeus (a), necesse est, ut omnis Ecclesia cum Romana, propter potio-rem ejus principalitatem, in fidei rebus conveniat: quoniam, ut ait Tertullianus (b), *omne genus ad originem suam recensatur necesse est: ac* (c) *proinde omnem doctrinam, quae cum Ecclesiis Apostolicis matricibus & originalibus fidei conspirat, veritati deputandam: quae vero ab illis damnetur, de mendacio praedicandam.* Superest autem hodie inter Apostolicas sola Ecclesia Romana universo orbi Catholico matrix & radix & origo fidei; ex qua proinde necesse est ceteras per orbem Ecclesias & traducem fidei, & Apostolicae adeoque genuinae minimeque fucatae doctrinae semina mutuari. Denique, quoniam Petri Sedes juxta veterum Patrum constantem & unanimem traditionem, centrum est Catholicae unitatis, & communionis; haec autem praerogativa (d) eadem cum illa sentiendi necessitatem imponit; atque illud ejusdem Tertulliani adversus quaecunque novam & extraneam doctrinam invictum est (e): *Communicamus cum Ecclesia Apostolica, quod nulla doctrina diversa. Hoc est testimonium veritatis.* Adeoque signum salutis & erroris est, quum quis ob diversitatem doctrinae ab Ecclesiae Apostolicae communi- one repellitur. Nam, ut idem observat (f) *jura communio- nis & pacis non alia ratio regit, quam ejusdem sacramenti una traditio*; ac proinde Sedes Apostolica centrum unitatis non esset, nisi ei vis & auctoritas inesset ad omnes Ecclesias sibi unius fidei doctrinaeque vinculo conjungendas.

Quum haec itaque aliaeque hujusmodi perspecta haberem & explorata, quumque ea nulla ratione & arte convelli & labefactari posse intelligerem; pervidi etiam, non adeo arduum ac difficile opus esse, tum ea repellere quae ab Illustrissimo Adversario tanto fragore & strepitu objecta sunt; tum etiam adferere & vindicare, nativaeque luci & splendori restituere quae ipse infirmenda & obscuranda suscepit. Quod ut efficacius praestarem statui ipsius vestigiis insistere *κατὰ τὴν* eademque & acta & monumenta, & majorum testimonia recensere, quae ipse *integra & tota* se retulisse testatur. Quod tamen [pace id Illustrissimi & eruditissimi Viri dixerim] quam longissime a vero abesse comperi: nisi forte hoc unum his verbis & ipse significare, & a nobis intelligi voluit, nihil a se neglectum ac praetermissum, quod utcum- que

b

(a) Lib. III. advers. Haeres. c. 3.

(b) Lib. de Praescript. cap. XX.

(c) Ibid. cap. XXI.

(d) Petr. de Marca lib. I. de Conc. Sac. &amp; Imp. c. II.

(e) Ubi sup. cap. XXI.

(f) Ibid. cap. XX.

que ad suam causam juvandam & suslinendam, nostram autem deterendam & elevandam facere posse videbatur. Nam quae nobis militant, & quibus potissimum nitimur, omiſſa fere ab illo & neglecta sunt, atque in iis confutandis immoratum, quae leviora sunt, & in quibus causae praesidium & firmamentum minime collocandum existimavimus: ut, quae Bellarminus de celebri S. Leonis ad Flavianum epistola; quae idem doctissimus Cardinalis, Baronius & alii de interpolatis, in iis quae ad Honorium pertinent, sextae Synodi aliisque vetustis actis & monumentis; & quae Duvallius de Pontificiae confirmationis effectu, aut quae Anonymus in tractandis aliquot Augustini locis, aut quae alii de Episcoporum in Synodis Oecumenicis munere & auctoritate, minus commode disseruerunt. Quae sanae aliaeque hujusmodi loca ipse de industria excerptisse videtur, non tam ut ea serio confutaret, quam ut Lectoribus persuaderet, ad has tandem, ut ipse ait, *ineptias & insanias* eos redigi oportere, qui nostram sententiam tueri velint. Quo certe artificio nihil est quod levibus ingenii, nec solida eruditione subactis, & examen refugientibus [ quae Lectorum maxima pars est ] non facile persuadeas. Aliam itaque ingredi & insistere viam ipse constitui; singulaque Capita retractare adgressus sum, in quae suos libros Illustrissimus Adversarius distribuit: ne videlicet ullus suspitioni locus pateret, aut quidquam a me omisſum diceretur, quod ad causam maxime pertineret. Propterea singulorum Capitulorum titulos, quibus summa rerum & series indicatur, ipse retinui; adjunctis etiam, summaque fide ac diligentia exhibitis, quae opportuna judicavi ad Adversarii mentem accurate ac dilucide repraesentandam. Addidi quoque, ubi rerum ubertas & copia id exigere visa est, unum aut plures Articulos, quibus aut supplerem quae ab Illustrissimo Auctore neglecta sunt; aut complanarem, nativumque sensui restituerem, quae ille minime coherentibus interpretamentis detorserat; aut confirmarem & urgerem quibus ipse pondus spiritumque detraxerat; aut repellerem tela quae in nos contorserat, & machinas everterem, quibus ab illo oppugnati sumus. Quamquam autem integrum hujusce rei judicium penes aequum Lectorem esse debeat; attamen id non tam male & infelicitur cessisse video, ut non hunc saltem laboris mei fructum mihi promittere ausim, veterem splendorem doctrinae nostrae restitutum iri, qui aliquanto videbatur Cl. Viri disputationibus obscuratus: Et contra omnes facile adsensuros, nimia esse, & quam longissime a veritate distita, quae idem Cl. Auctor de Cleri Gallicani Declaratione se demonstraturum spondit; nihil videlicet ab eo *novi prolatum, sed vetustam*, atque constantem Universae Ecclesiae sententiam repetitam; eamque a Scripturarum fonte, atque Apostolica traditione manantem. Et rursum: *Rem consecram, judicatam, definitam dabimus Majorum sententiis*. Haec ille: nos autem huic e diametro adversam doctrinam atque sententiam tanta fiducia tuemur; ut qui haec nostra lecturi sunt vehementer hortemur, ne ab eis disjungant quae pro contraria opinione ab Episcopo Mel-

Meldenſi conſcripta ſunt , ſed utraque ſimul conjungant , & ſingula Operis illius Capita cum meis Obſervationibus & Articulis ſerio , ac diligenti examine ſummaque accuratone contendant . Ita enim facilius & planius intelligent , quis noſtrum univerſae Eccleſiae ſententiam doceat vetuſtam atque conſtantem , & e Scripturarum fonte atque Apoſtolica traditione manantem .

Supereſt ut tandem rationem indicemus inverſi a nobis ordinis ; cur nimium Boſſuetiani Operis examen ab ea Propoſitione auſpicemur , quam in ultimum locum Gallicani Epifcopi rejecerunt . Verum ea ratio ſtatim omnium oculos inſilit . Quis enim non facile intelligat , ex hac quarta Propoſitione ceterarum veluti ſortem judiciumque pendere ? Si enim Romani Pontificis Sedisque Apoſtolicae judicium Eccleſiae univerſae judicio ſubjectum eſt , ejuſque retractandi ac reformandi Eccleſia univerſa jus habet ; plane inde conſequens eſt , majorem eſſe Oecumenicae Synodi , univerſam Eccleſiam repraeſentantis , quam Romani Pontificis uniufve Sedis Apoſtolicae auctoritatem : [ quae altera Cleri Gallicani propoſitio eſt : ] adeoque & Apoſtolicae Potestatis uſum moderandum per Canones Spiritu Dei conditos & totius mundi reverentia conſecratos ; uti tertia Gallicanae Declarationis propoſitione ſancitur . At contra ſi Romanus Pontifex ad ſanctiendas fidei morumque controverſias ſummam ex ſe & indeclinabilem , nulliusque obnoxiam judicio , ipſius Chriſti institutione divinoque jure , obtinet auctoritatem ; proſpecto Oecumenicae Synodi non eſt ejus , praefertim de fide , judicia retractare ; aut leges illi ac terminos conſtituere , quos tranſilire non liceat , & quibus conſeſſae illi divinitus potestatis amplitudo coërceatur . Quum ergo ſecunda & tertia propoſitio ex hac quarta religatae ſint , & ad hanc veluti amuſſim & regulam exigendae ſint ; naturalis ordo exigere viſus eſt , ut prius in conſutanda quarta Propoſitione , & in doctrina , quam illa aggreditur , ſtabilienda verſaremur . Id autem nos ea moderatione perfeciſſe confidimus , quae ſummo Viro , aliisque ſuis Operibus de Eccleſia optime merito debebatur : nec ipſos Adverſarios quidquam in hac noſtra diſputatione notaturos credimus , quo Episcopalis dignitas laeſa ſit , vel ubi officio defuerimus , quo Gallicanum Clerum , doctrinae pietatiſque fama conſpicuum , ex animo colimus . Nam neque ipſas cum haereticis diſputationes contumeliis & conviciis tractandas exiſtimamus ; quanto ergo magis modestia gravitasque ſervanda eſt , quum pugna inter Catholicos agitur , aut quum nos juſta veritatis deſenſio cum ſummis Viris , & Eccleſiaſticis dignitatibus & eruditione fulgentibus , committit ? Neminem ergo nobis ſuccenſendum exiſtimamus ob modeſte ſuſceptam Boſſuetiani Operis conſutationem . Non enim niſi injuria id a nobis Galli contenderent , quod quum ipſi innumeros quotidie adverſus Sedis Apoſtolicae jura libellos , felle ut plurimum conditos , in vulgus ſpargant , nobis ne hiſcere quidem fas eſſet ad ejuſdem Sedis dignitatem auctoritatemque tuendam , & ab eorum aduſtibus vindicandam .

## NOS FR. THOMAS RIPOLL

*Sacrae Theologiae Professor , ac totius Ordinis Praedicatorum humilis Magister Generalis & Servus .*

**H**Arum serie nostrique auctoritate Officii licentiam concedimus Patri Magistro Fratri Josepho Augustino Orsi Congregationis nostrae S. Marci de Florentia , Sacrae Congregationis Indicis Secretario , ut Typis mandare valeat Opus ab ipso compositum , ac in tria Volumina distributum , cui Titulus : **DE ROMANI PONTIFICIS IRREFORMABILI IN DEFINIENDIS FIDEI CONTRARIIS JUDICIO &c.** cum adjuncta Dissertatione **DE MODO CONCILIANDI &c.** postquam revisum & approbatum fuerit ad Adm. RR. PP. Magistris Fr. Pio Thoma Schiara Provinciae nostrae Utriusque Lombardiae , Bibliothecario Casanatense , & Fr. Dominico Vincentio Elephantae Provinciae Romanae in Collegio Urbano de Propaganda Fide Sacrae Theologiae Lectore : servatisque aliis de jure servandis . In nomine Patris , & Filii , & Spiritus Sancti Amen . In quorum fidem his Sigillo nostro munitis propria manu subscripsimus . Datum Romae in Conventu nostro S. Mariae super Minervam die 29. mensis Aprilis 1739.

Fr. Thomas Ripoll Magister Ordinis .

Reg. fol. 70.

Loco \* Sigilli .

*Fr. Dominicus Ponsi Mag. Ex - Provincialis & Socius .*

## A P P R O B A T I O .

**J**Ussu Rm̃i P. Magistri Generalis nostri Fr. Thomae Ripoll legi tria Volumina , quae **DE ROMANI PONTIFICIS IRREFORMABILI IN FIDEI CONTRARIIS JUDICIO** V. Cl. Joseph Augustinus Orsi Sacrae Indicis Congregationi a Secretis adornavit ; & legi certe cupidissime jucundissimeque : gratulatusque cum primis sum Ordini meo , post amplissimos Turrecrematam & Cajetanum summumque Canum , suis quemque temporibus celeberrimos pro Romana Ecclesia pugnae Duces , nostro hoc quoque Aevo Spartam hanc Familiae nostrae Viro contigisse , tanta Doctrinae atque Eruditionis laude , apteque & eleganter copioseque dicendi praestantia cumularo , quocum congregi , si in vivis ageret , minime de dignaretur Magnus ille alias Meldenium Episcopus . Quam merito de auctore nostro tot jam vulgatis Operibus probatissimo ista depraeedicem , qui se posito partium studio praeclarissimum hoc serio attenteque perlegerint , atque cum Bossuetiana Gallicae Declarationis Defensione contulerint , plane deprehendent . Ita profecto rem exequitur , ut non modo reprimat Adversarii conatus omnes , verum & arma praecipua , quibus sibi de victoria pene parta adblanditus fortasse fuerit , omnino eripiat , quin & in illum suosque contorqueat ; nostra vero ita acuit firmat invictaeque tractat , ut nullo jam retundi scuto , ullo nec effugio Theologica gravitate digno declinari ab Adversariis

sariis posse mihi videantur. Exordio enim a Concilio Apostolorum petito, per cetera generalia usque ad Tridentinum, ducta vindicataque Traditione; quam potissimum Defensionis Auctor ostentaverat, hanc pro se perpetuo stare, tam distincte tam valide luculenterque demonstrat; Scripturarum quoque & Patrum loca ita enucleat urget atque exornat, ut optimam Causam apud Veri Amatores prorsus illum confecisse suspiciam. Opus itaque quammaxime Orthodoxum pro Fidei & Unitatis Arce elaboratum, utilitati publicae jure proferendum exillimo, Romae apud S. Mariam super Minervam Idibus Maji MDCCXXXIX.

*Fr. Pius Thomas Schiara Ord. Praed. S. Theol. Mag.  
Casanatensi Bibliothecae Praef.*

## A P P R O B A T I O.

**J**ussa exsecutus Rm̃i P. Fr. Thomae Ripoll Ordinis Nostri Generalis Magistri perlegi Opus in tria Volumina tributum, quod inscribitur: DE IRREFORMABILI ROMANI PONTIFICIS &c. nec non Dissertationem Secundo Volumini adnexam: DE MODO CONCILIANDI &c. maximaque cum voluptate perspetxi, Virum Cl. Josephum Augustinum Orsi Sac. Indicis Congregationis a Secretis cum Jacobo Benigno Bossuetio, qui unus omnium in Galliis maxime floruit, conferentem manus, eo dicendi robore, mentis acie, eruditionis, & eloquentiae copia hujus argumenta propulsasse, ut non inanem fuisse operam mihi visus sit. Causam dicere felici ausu adgressus est, non eam sane, quae deserta pene, ac desperata esset; sed cui sapientissimus ceteroquin Bossuetius sui nominis fama, atque dicendi copia damno fuerat; ut Nostrates non pauci hujus lucubratione pellecti causa sese excidisse tantum non sint arbitrati. Sane longissime abest ut quicquam in eo opere evolvendo deprehenderim, quod ad amissum dogmatum nostrae Fidei, proborumque morum rite sciteque non sit exactum; immo vero solide juxta ac sancte ea ipsa ubique tuetur Autor, Romanorum Antistitum Privilegia ab Adversarii telis strenue vindicando. Illud igitur Autoris fama dignum Opus publica typorum luce frui posse, servatis alias de jure servandis exillimo. Romae e Coenobio S. Mariae super Minervam, XVIII. Kalendas Quintiles Anno Aerae vulg. MDCCXXXIX.

*Fr. Dominicus Vincentius Elefante S. Theologiae Mag. ejusdemque in Collegio Urbano de Propaganda Fide Professor, ac Sac. Congregationis Indicis Consultor, Ordinis Praedicatorum.*

## A P P R O B A T I O.

**Q**uot quantaque praeconia Gallicarum Libertatum Vindices & Assentatores in posthumum derivaverint Opus Jacobi Benigni Bossuetii Episcopi Meldensis, ubi famosa Cleri Gallicani Declaratio Anno 1682. Parisiis edita fuso

fuso calamo propugnatur, notius profecto est, quam ut hic palam fieri indigeat. Gratulabantur scilicet sibi metipsis hujuscemodi Librum, eoque in tuto se positos jactabant, praesertim, quod per octo & amplius annos postquam typis prodiiit, nemo id Operis refellere atque elevare de indultia aggressus esset. Haec autem exultatio, quae doctis piisque viris qua indignationem, qua commiserationem exprimebat, zelum ac doctrinam excivit Reverendissimi P. Magistri Fr. Josephi Augustini Orsi Ordinis Praedicatorum Sacrae Congregationis Indicis a Secretis, ob alias a se divulgatas Lucubrationes de Sacris Studiis optime meriti; qui adeo solidam, eruditione plenam, undique sanam, ac simul claram, elegantem, supercilii fellisque expertem Bossuetiano Operi Responsionem adhibuit, ut illius inanitatem infirmaque fundamenta oculis vel caligantibus inspicienda coram exhibeat. Quum vero tribus hujusce Responsionis Voluminibus ab Rmo P. Fr. Aloysio Nicolao Ridolfi Sac. Pal. Apostol. Magistro meae censurae conceditis, quae DE ROMANI PONTIFICIS IRREFORMABILI IN DEFINIENDIS FIDEI CONTROVERSIIS JUDICIO inscribuntur, ejusmodi dotes inesse omnes citra indaginem prehenderim; ea ipsa tria Volumina aprobo, collaudo, luce typique dignissima judico. Eademque plane sententia superadditam circa id argumenti in Petrum de Marca dissertationem tutus autumo excipiendam.

Romae ex Aedibus S. Mariae ad Montes die 10. Aprilis 1739.

*Thomas Sergius Congreg. Piorum Operar. S. Rom. Inquisitionis Consultor.*

## A P P R O B A T I O.

**O**Pus inscriptum DE ROMANI PONTIFICIS IRREFORMABILI IN DEFINIENDIS FIDEI CONTROVERSIIS JUDICIO Auctore Rmo P. Magistro Josepho Augustino Orsi Ordinis Praedicatorum Sacrae Congregationi Indicis a Secretis, cum jussu Reverendissimi Patris Aloysii Nicolai Ridolfi Sacri Palatii Apostolici Magistri attente perlegissem, non potui quin illud vehementer laudarem, adprobaremque. In eo Clarissimus Auctor posteriores quatuor Libros DEFENSIONIS, quos ad convellendum Romani Pontificis in Fidei Controversiis non errandi Privilegium Jacobus Benignus Bossuetius Meldensis Episcopus exaravit, ad trutinam revocat, ac ejus argumenta magno apparatu, singularique artificio exposita dispungit, atque refellit; luculentissime probans nullum Antiquitatis testimonium, nullum sequioris Aevi monumentum Meldensis opinionis patrocinari; quinimo ex Scripturarum, Pontificum, Conciliorum, Patrum, aliorumque Scriptorum conspiratione & consensu invictissime confici, Romanum Pontificem errori haud esse obnoxium, dum Fidei Quaestiones ex Apostolico Tribunali dijudicat. Tanto autem argumentorum pondere, tanta doctrinae copia, ac tam subacto judicio haec proponit, ac firmat, ut eorum plausus, qui sibi de prostrato per Bossuetium Romanae Cathedrae indeficientis Judicii Privilegio blandiebantur, silere jubeat. Utrumque enim Ille in sua  
caus-

caussa agenda caeteros , qui eandem pertractarunt longe superasse sit visus , ac qui nihilominus rerum aestimatores post diligentem Operis Clarissimi Patris Orsi Lectionem facillime agnoscent , quantum Meldensis Episcopus egregiis Operibus adversus errantes conscriptis celeberrimus a se distet , dum , praepjudiciis dispendio veritatis obsequitur : ac simul fatebuntur Clarissimum Auctorem praestantissimi Vindicis Apostolici Privilegii numeros , ac partes implevisse ; & ita quidem , ut alium difficile sit invenire , qui solidioribus rationum momentis , profundiorique eruditione inconcussam quam tuetur , veritatem , Lectoribus confirmarit , atque persuaserit . Ita de hoc Opere , quod omni errore purum est , praeeloque dignissimum , censeo .

Romae ex Aedibus S. Callisti die 10. Maji 1739.

*D. Fortunatus Tamburinus Abbas S. Petri Muiinae Sacr. Congregationum Rit. & Ind. Consult. ac Sanctae Romanae Universalis Inquisitionis Qualificator .*

## A P P R O B A T I O .

**P**erlegi , sic iubente Rmo S. A. P. Magistro , quam diligentissime potui , pro Operis merito , Auctorisque praestantiâ , Tomos tres **DE IRREFORMABILI ROMANI PONTIFICIS IN DEFINIENDIS FIDEI CONTROVERSIIS JUDICIO , ADVERSUS QUARTAM GALLICANI CLERI PROPOSITIONEM AB ILLUSTRISS. J. B. B. MELDENSI EPISCOPO PROPUGNATAM** , Auctore Rmo P. Josepho Augustino Orsi Ordinis Praedicatorum Magistro , & S. Indicis Congregat. Secretario . Opus profecto est sine furo , pietatis solidissimae ; sine saevitiâ , acutissimae disquisitionis ; sine elatione stupendae eruditionis ; sine elatione stupendae eruditionis ; sine studio sententiosae elegantiae ; & ita in amoeniora excurrit Auctor , ut non diffugiat sentes , sed exaequet ; sic implexa pertractat , ut enodet ; sic obscura ventilat , ut copiosâ subtilitate vera a nothis secernat . Equidem Illius Bossuetii sui celebritate nominis , opere illo posthumo tam redundantem sermone , totque congestis undecunque antiquae memoriae documentis , propositionem Cleri Gallicani defensionem suscepit , ut siquis unquam , is certe in hac concertatione vicisse videri posset ; atque virorum quorundam mentem ita percussit , ut Causam Apostolicae Sedis non ultra ab Italis Theologis suscipiendam , ac veluti conclamatam dimittendam esse censerent ; nullumque ausurum in pugnam descendere , atque manus cum tam celebri Adversario conserturum arbitrarentur . Sed vanum hunc timorem prorsus abiecit Auctor noster , qui solidissimae doctrinae ubertate argumentis Bossuetii non eam inesse vim , quam illi iactabant , nostris vero firmam , & inconcussam superesse demonstrat ; adeo ut collatis invicem rationibus , quibus Auctoritas Apostolicae Sedis in hoc Opere munitur ; & iis quibus ab Adversario impetitur ; istae adeo leves visae sunt , ut , quantum ego sentio , alia fidei nostrae certissima Dogmata nec gravioribus niti momentis , nec levioribus impeti difficultatibus videantur . Atque huic quidem



dem testimonio , quod solius veritatis conscientia ductus perhibeo , non refragabitur , opinor , quisquis hoc eximium opus sedulo evolverit . Unde sentio Opus praestantissimum esse , ac dignissimum , quod diu a multis exoptatum lucem videat , ad sui Auctoris gloriam , & ad publicam omnium utilitatem .

Ex Collegio S. Francisci de Paulâ die 8. Maji 1739.

*Fr. Franciscus Zavarroni Ordinis Minimorum Ex - Generalis , in Collegio Urbano de Propag. Fide Sac. Theologiae Polemicae Lector , Sac. Congreg. Indicis Consultor , & S. Rom. Univ. Inquisitionis Qualificator ,*



R E I M P R I M A T U R .

Si videbitur Reverendissimo Patri Magistro Sacri Palatii Apostolici.

*Dom. Jordani Patr. Antioch. Vicegerens .*



R E I M P R I M A T U R .

Fr. Thomas Augustinus Ricchinius Sacri Palatii Apostolici Magist. Ord. Præd.



# T O M I P R I M I

## P A R S P R I M A :

*De quaestionibus fidei per sex priores Oecumenicas Synodos definitis. Nihil in earum Actis occurrere, quod cum nostra sententia non facile concilietur : quae inde etiam uberrime illustratur & confirmatur.*

### LIBER PRIMUS.

*Quo liber duodecimus Defensionis examinatur & confutatur.*

pag. I.

#### C A P U T P R I M U M.

„ **I** nfallibilitas quibus verbis ab antiquis explicetur : Ubi sit sita-  
„ quaeritur . 1.

#### A R T I C U L U S U N I C U S.

*Quasnam Christianae doctrinae sanctiones ; quam de causa ; quove sensu Tertullianus irreformabiles , & irrettractabiles dixerit . 2.*

#### C A P U T I I.

„ Sententia Parisiensium res inter judicatas reponenda ex dictis de  
„ Concilio Constantensi . 6.

#### C A P U T I I I.

„ Alia Modernorum quorundam cavillatio confutatur , ostenditur-  
„ que ex ipsis Concilii Constantiensis verbis ac gestis , Papam non  
„ modo teneri Conciliaribus de fide decretis jam factis ; sed etiam  
„ in quaerendo & tractando in Concilii potestate esse . ibid.

#### C A P U T I V.

„ Aliae cavillationes : Papam subici  
„ quidem Concilio in fidei quaestio-

„ nibus, sed tantum postquam se illi  
„ sponte submitit : tum esse quidem  
„ illum per sese infallibilem, si non  
„ adsit Concilium, sed praesente  
„ Concilio jam illi subesse . ibid.

#### C A P U T V.

„ An Concilii Constantiensis judicium  
„ antiqua traditione nitatur . Prae-  
„ mittimus quaedam ex Vincentio  
„ Lirinensi de Ecclesiae Catholicae toto orbe diffusae auctoritate : hinc valere Concilia Oecumenica : duplex ratio agnoscenda Ecclesiasticae consensionis , ac finiendarum fidei quaestionum ;  
„ altera per Concilia Oecumenica ;  
„ altera sine Conciliis Oecumenicis . Utraque suo ordine tractanda suscipitur : A prima ordimur,  
„ atque octo primorum Conciliorum generalium traditionem , ac praxim explicare incipimus . ibid.

#### A R T I C U L U S U N I C U S.

*Ex Vincentio Lirinensi , & Illustrissimi Auctoris principiis demonstratur, Fidei sanctiones , quamlibet ex se*  
c  
ir-

*irretractabiles & irreformabiles ,  
fuisse nihilominus in Conciliis gene-  
ralibus retractatas .* 7.

## CAPUT VI.

- „ Concilium Apostolicum Hierosoly-  
„ mis habitum de Legalibus , ut  
„ omnium Conciliorum forma pro-  
„ ponitur : Perpenditur illud ; Vi-  
„ sum est Spiritui Sancto, & nobis :  
„ Vis spiritus in ipsa consensione  
„ posita : in eam rem egregiae  
„ Concilii quinti , ac S. Caelestini  
„ Papae in Concilio tertio aucto-  
„ ritates . 12.

## ARTICULUS PRIMUS.

*Sententiam de non adigendis Gentilibus  
ad Legalium observationem , Apo-  
stolos jampridem ante Hierosolymita-  
num Concilium pro certo ratoque  
dogmate habuisse , & ad eam fidem  
pertinuisse , quam Tertullianus im-  
mobilem & irreformabilem , ad eo-  
que & irretractabilem esse definit .*  
ibid.

## ARTICULUS II.

*Quo sensu in Concilio Hierosolymitano  
de Legalibus disceptatum . Rem jure  
suo irretractabilem Apostolorum in-  
dulgencia fuisse in ea Synodo retra-  
ctatam .* 17.

## ARTICULUS III.

*Juxta Gallicani Cleri opinionem , Con-  
cilium Apostolicum aliorum Con-  
ciliorum forma esse non potest : sed  
juxta nostram sententiam reliqua  
Concilia ad illius primi Concilii nor-  
mam & amissum celebrata sunt .* 23.

## CAPUT VII.

- „ Concilii Nicaeni primi decreta ad-  
„ versus Arianos , ipsa Patrum  
„ consensione valuerunt ; nullo an-  
„ te gestam nullo post gestam Sy-  
„ nodum Sedis Apostolicae speciali

„ decreto : In eo Concilio ipsius  
„ consensionis auctoritate tres prae-  
„ cipue finitae quaestiones : ad Se-  
„ dem Apostolicam communis de-  
„ creti executio pertinet . 30.

## ARTICULUS PRIMUS.

*S. Alexander Alex. Episcopus ante  
Concilium Nicaenum , & Patres  
Nicaeni in ipso Concilio , prae-  
cipuum Christianae fidei & religionis  
Articulum , quamquam jure suo ir-  
retractabilem , attamen ad frangen-  
dam Haeticorum pervicaciam , re-  
tractari & examinari permiserunt .*  
ibid.

## ARTICULUS II.

*Formula fidei in Nicaeno Concilio edi-  
ta consentientibus Apostolicae Se-  
dis Legatis . Id vero quandoque  
satis esse indicamus , ut sine alia Ro-  
mani Pontificis confirmatione Synodi  
Oecumenicae de fide definitiones im-  
mobiles & irretractabiles habeau-  
tur .* 32.

## CAPUT VIII.

- „ Constantinopolitana prima Synodus,  
„ secunda generalis , in medium  
„ adducitur : ex ea demonstratur ,  
„ quaestiones fidei sola Ecclesia-  
„ rum consensione finitas . 39.

## ARTICULUS PRIMUS.

*Celebre de hac re Sozomeni testimo-  
nium adfertur , examinatur , &  
illustratur .* ibid.

## ARTICULUS II.

*Ostenditur , eum fuisse ante Constanti-  
nopolitanam Synodum omnium Ec-  
clesiarum in damnando Macedoniano-  
rum dogmate cum Romana consen-  
sum , ut etiam juxta adversariorum  
doctrinam , tam opus non fuerit ad  
evertendam eorum haeresim , quam  
ad profligandos Pelagianos , post*  
Re-

Romanum de illis iudicium , Synodi generalis auctoritate , Orbisque adunati consensione . 42.

### ARTICULUS III.

Constantinopolitana Synodus coacta reapse non est , ut Romanorum Pontificum de Macedonianis iudicium , aut horum de Spiritus Sancti Divinitate controversia retractaretur . 48.

### CAPUT IX.

- „ Ad Ephesinam Synodum devenimus . Referuntur ea , quae Synodum praecesserunt ; demonstraturque a S. Caelestino Papa , tota Sedis Apostolicae auctoritate , in Nestorii haeresim ac Perfonam pronunciatum fuisse : An tale iudicium pro irreformabili sit habitum ; quaestio ex Actis postea dissolvenda . 50.

### ARTICULUS PRIMUS.

S. Cyrillus irrefragabilem agnovit in Caelestino ad damnandam haeresim Nestorianam , auctoritatem . ibid.

### ARTICULUS II.

S. Caelestini de Nestorio iudicium juxta Gallicanae Ecclesiae doctrinam , etiam ante Oecumenicam Synodum , immobilem habuit & irretractabilem auctoritatem . 52.

### CAPUT X.

- „ Dicta a Caelestino Papa de fide , tota Apostolicae Sedis auctoritate , sententia , Concilii universalis mentione & convocatione suspenderit . Id Canonicae & ordinis factum , omnes Episcopi , & Papa ipse confitetur . 57.

### ARTICULUS PRIMUS.

Moralis omnium Episcoporum cum Caelestino unanimis Orientalium dissensione abrupta non est : Summa proinde fuit ejus decreti , etiam ante

Synodum Oecumenicam , & irreformabilis auctoritas ; ac nullius momenti sunt rationes , quibus , ad Apostolicum iudicium firmandum , Bossuetius Generali Concilio opusuisse contendit . 58.

### ARTICULUS II.

An lati adversus Nestorium Apostolici Decreti executionem Theodosius Oecumenicae Synodi indictione suspenderit : idque canonicae , & ordine factum esse , cum omnes Episcopi , tum ipse Caelestinus agnoverint ? 61.

### CAPUT XI.

- „ Acta Synodi Ephesinae recensentur : Ejus Act. 1. Probat Synodus , omnia , quae a Caelestino , no decreta essent , in suspensum manere usque ad Synodi sententiam : Quae de fide gesta sunt , referuntur , ostenditurque , prolatum a Papa iudicium ad examen legitimum fuisse revocatum . 65.

### ARTICULUS PRIMUS.

Quo jure , quave ratione Caelestini adversus Nestorium sententia , ante Synodum Ephesinam , ad effectum perducta re ipsa non fuerit . 66.

### ARTICULUS II.

Esse aliquam rerum a Summo Pontifice definitarum discussionem , quae cum ineluctabili ipsius in fidei dogmatibus definiendis auctoritate conciliari optime potest : ejusmodi autem esse , quam Ephesini Patres adhibuerunt . 69.

### CAPUT XII.

- „ Continuatio Actionis primae Concilii Ephesini : quae circa Nestorii Personam a Caelestino Papa decreta essent , ad Synodale examen & ipsa revocantur , nec nisi quaestione habita compro-

,, bantur.

74.  
**ARTICULUS UNICUS.**

*Ex forma iudicii, ac tenore sententiae, quam in Nestorium Ephesina Synodus protulit, demonstratur, maiorem esse Romani Pontificis, quam Concilii Oecumenici auctoritatem.* 75.

**CAPUT XIII.**

„ Gesta Actionis II. quibus praece-  
 „ dentia comprobantur. Quid sit  
 „ confirmare decreta stylo Eccle-  
 „ siastico, ex gestis demonstratur.  
 „ In Synodi examine, atque ju-  
 „ dicio quaestionis finem non modo  
 „ Sacra Synodus, sed etiam Le-  
 „ gati Apostolici, atque ipse etiam  
 „ Papa Caelestinus agnoscunt. 79.

**ARTICULUS PRIMUS.**

*Noluisse Caelestinum suum de Nesto-  
 rio iudicio veluti non satis firmum  
 aut aliqua ex parte reformabile in  
 Ephesina Synodo retractari. ibid.*

**ARTICULUS II.**

*Ephesinae Synodi Acta Pontificis Le-  
 gati confirmarunt. Quantum in hac  
 re Apostolicae Sedis auctoritas emi-  
 cuerit.* 82.

**ARTICULUS III.**

*De eodem argumento differitur; osten-  
 diturque, finem controversiae fuisse  
 impositum Sedis Apostolicae aucto-  
 ritate.* 84.

**CAPUT XIV.**

„ Ephesinae Synodi praxis qua doctri-  
 „ na nitatur: Episcoporum auctoritas  
 „ in Apostolis instituta: iis omnibus  
 „ fidei depositum in commune tra-  
 „ ditum, & communi cura custo-  
 „ diendum: Apostolici in Hieroso-  
 „ lymis Concilii auctoritas in secu-  
 „ tis Conciliis: Haec est Caelestinus  
 „ Epistola Ephesi lecta: Confu-  
 „ tantur ii, qui docendi auctori-

tem a Papa in Episcopos manare  
 „ contendunt. 87.

**ARTICULUS UNICUS.**

*Ad singulas hujus Capituli propositiones,  
 breves quaedam observationes.* 88.

**CAPUT XV.**

„ Chalcedonenſis Concilii Quarti Ge-  
 „ neralis acta proponuntur: refe-  
 „ runtur ea, quae antecesserint:  
 „ ex his demonstratur, etiam in  
 „ fidei causis, post Romani Ponti-  
 „ ficis iudicium, a tota Ecclesia,  
 „ ipsoque Romano Pontifice, ple-  
 „ nius, ac majus, jamque irrefra-  
 „ gabile iudicium expectari. 89.

**ARTICULUS PRIMUS.**

*Nec Synodum Ephesinam secundam,  
 neque Chalcedonensem absolute fuisse  
 ad proſtigandam Eutychetis haere-  
 ſim neceſſarias.* 90.

**ARTICULUS II.**

*Noluisse Leonem, fidei causam veluti  
 dubiam & incertam in Chalcedonenſi  
 Synodo retractari.* 93

**ARTICULUS III.**

*Quo sensu dixerit S. Leo, post rem a  
 Sede Apostolica judicatam, pleniore  
 iudicio errorem in Synodo aboleri;  
 & quaestionem communem Epi-  
 scopis sententia finire oportere.* 95.

**CAPUT XVI.**

„ In Chalcedonenſi Concilio duo ad  
 „ rem faciunt: alterum, Diosco-  
 „ ri Patriarchae Alexandrini (de-  
 „ positio); alterum examen Epi-  
 „ stolae Leonis: hic de Dioscoro:  
 „ Demonstratur, in causis, quae  
 „ universalem Ecclesiam spectant,  
 „ in ipsa consensione vim summam  
 „ & indeclinabilem esse repositi-  
 „ tam. 100.

**ARTICULUS PRIMUS.**

*In restituendis Ecclesiae rebus, quae  
 „ fues-*

fuerant per Dioscorum in Ephesina  
Pseudo-Synodo labefactatae, Ma-  
gnum Leonem summam exercuisse,  
& a futurae Synodi iudicio nullatenus  
dependentem auctoritatem. 101.

## ARTICULUS II.

Summam emicare Sedis Apostolicae  
auctoritatem in Dioscori per Chalce-  
donensem Synodum damnatione. 107.

## ARTICULUS III.

Quae superioribus Articulis dicta sunt,  
variis Imperatorum & Augustarum  
in suis Epistolis testimoniis confir-  
mantur. 113.

## CAPUT XVII.

Alterum Caput in Synodo Chalce-  
donensi tractatum, de exposita  
fide: S. Leonis Epistola nonnisi  
facto examine comprobata: Gal-  
lorum & Italarum, ante Chal-  
cedonense Concilium de reci-  
pienda Leonis Epistola, Litterae  
eiusdem spiritus referuntur: De-  
cretum Apostolicae Sedis, non-  
nisi consensione Ecclesiarum, ir-  
retractabile fieri, Christiani om-  
nes, & ipse Leo confiteretur. 118.

## ARTICULUS PRIMUS.

Concilium Chalcedonense, imo univer-  
sa Ecclesia S. Leonis ad Flavianum  
Epistolam pro irretractabili fidei re-  
gula habuit, antequam illa sollemni-  
ter in ipsa Synodo ab omnibus Epis-  
copis subscriberetur. 119.

## ARTICULUS II.

Ostenditur, non recte inde probari, re-  
tractationi obnoxias esse Pontificum  
Romanorum de fide Constitutiones,  
quod eis propterea subscriptum ab  
Episcopis aliquando sit, quod prae-  
cedentium Conciliorum fidei regulis  
consonae essent. 124.

## ARTICULUS III.

Aliis Meldenfis Episcopi objectis uber-  
rime ac luculentissime ex Thomassi-  
no sit satis. 130.

## CAPUT XVIII.

Adversariorum effugia: Bellarmi-  
nus & Baronius diversa sectan-  
tur: aliorum cavillationes: de  
Theodoreto in Sedem restituto  
agitur, ex eoque facto nostra  
sententia confirmatur. 135.

## ARTICULUS PRIMUS.

Quae de S. Leonis Epistola in Chalce-  
donensi Synodo examine Bossuetius  
iterum ingerit ex jam dictis refel-  
luntur. ibid.

## ARTICULUS II.

Eiusdem examinis continuatio: demon-  
straturque, Epistolam S. Leonis ad  
Chalcedonense Concilium fuisse trans-  
missam, non ut de ipsa, verum ut  
secundum ipsam tamquam immobi-  
lem & irreformabilem regulam de  
fide Synodus iudicaret. 138.

## ARTICULUS III.

De Theodoreto aliisque per Chalcedo-  
nense Concilium in suis Sedibus con-  
firmatis. 143.

## CAPUT XIX.

Concilium V. Generale, seu Con-  
stantinopolitanum II. in medium  
adducitur: In eo referuntur 3. &  
4. Synodi acta jam a nobis re-  
censita, & clare docetur, Ro-  
manorum Pontificum, ut & alio-  
rum scripta, non nisi inquisitio-  
ne facta, a Synodis comprobari:  
Unde trium simul Synodorum,  
Oecumenicarum auctoritas nostram  
sententiam firmat. 147.



## ARTICULUS PRIMUS.

*Quam docet quinta Synodus, Romanorum Pontificum de fide litteras a tertia & quarta Synodo, nisi praemisso examine non fuisse susceptas, eam nec reapse locutam esse nec loqui potuisse de examine, quod ex dubitatione procedat.* ibid.

## ARTICULUS II.

*Quae dicta sunt in Articulo superiori, ex Vigilio Papa confirmantur: & ostenditur, Romanorum Pontificum de fide litteras spectatas id temporis fuisse ut irreformabiles fidei regulas, & ejusdem cum generalium Conciliorum decretis auctoritatis.* 151.

## CAPUT XX.

„ Synodus, quinta, invito ac repugnante Vigilio Papa habetur:  
 „ ejusdem Vigili Constitutum solvit: Ibae Epistolam ipsius sententia ab haeresi absolutam, impiam & haeticam judicat: a Romanis Pontificibus comprobatur. 157.

## ARTICULUS PRIMUS.

*Legitimam non fuisse & canonicam, refragante Vigilio, quintae Synodi celebrationem.* ibid.

## ARTICULUS II.

*Vigilii pro tribus Capitulis Constitutum non fuit in quinta Synodo relectum aut promulgatum; nec proinde discussum, ejusque auctoritate damnatum.* 163.

## ARTICULUS III.

*De Baluzii ad septimanam Collationem additamento differitur: & ex eo, aliisque monumentis demonstratur, Vigili Constitutum non fuisse decretum diffinitivum ac peremptorium, sive, ut modo loquimur, ex Cathedra pronuntiatum.* 166.

## ARTICULUS IV.

*Quintae Synodi decreta non ante adeptata sunt irretectabilem & indeclinabilem auctoritatem, quam a Romanis Episcopis confirmarentur.* 171.

## CAPUT XXI.

„ In Synodo sexta generali, quae  
 „ Constantinopolitana est tertia,  
 „ causa Honorii Papae per Synodum condemnati: tria effugia  
 „ proponuntur: Quaestiones aliae  
 „ quot ex actis suo ordine resolvendae: brevis Monothelitarum historia praemittitur. 176.

## CAPUT XXII.

„ Honorii Cyri Alexandrini & Pyrrhi Constantinopolitani scripta  
 „ dogmatica in sexta Synodo condemnata directe probat: Sophronii Hierosolymitani, ab eadem  
 „ sexta Synodo, atque ab omnibus Orthodoxis comprobata, improbat: Ejus Legatos a veritate deterret: Consultus a tribus Patriarchis prava rescribit: Ejus litterae toto Oriente vulgatae: his Monothelitae praecipue nitebantur: An haec pro privato Doctore scripserit? Eae Epistolae dogmaticae habentur, hoc est, decretales. Dogmatis nomen explicatur: confutantur effugia. 177.

## ARTICULUS PRIMUS.

*Honorii Epistolas partim ad dogmata pertinere, partim ad oeconomiam, & Ecclesiasticam disciplinam: Quatenus ad dogmata referuntur, puram esse & Catholicam earum doctrinam: Quatenus ad disciplinam, improvidam fuisse & inconsultam de tacenda duplici voluntate vel operatione dispensationem.* 178.

## ARTICULUS II.

*In Honorii Epistolis omnia desiderari , quae ad constituendam , juxta illius aevi disciplinam , dogmaticam Constitutionem requirebantur .* 187.

### §. I.

*Quae olim in edendis Dogmaticis Constitutionibus Romani Pontifices ut plurimum observarent .* 188.

### §. II.

*Honorii ad Sergium Epistolae non fuisse cum aliqua Romana Synodo communicatas , aut in aliqua Romana Synodo editas .* 190.

### §. III.

*Honorii literas non fuisse cum Ecclesiae Romanae Clero in publico & solenni Conventu communicatas .* 195.

### §. IV.

*Solvuntur Adversariorum objecta , eademque Thesis uberius confirmatur & illustratur .* 200.

### §. V.

*Dogmaticas non fuisse Honorii ad Sergium Epistolae .* 206.

## CAPUT XXIII.

„ Bellarmini ac Baronii effugium; quod  
„ haec Honorius dispensatorie pa-  
„ cis gratia scripserat , quod ad  
„ rem exactius definiret : id ipsius  
„ Honorii verbis confutatur ; do-  
„ ceturque , Honorium cum Mo-  
„ nothelitis a Romanis Pontifici-  
„ bus , ac praesertim a S. Martino ,  
„ presso licet nomine condemna-  
„ tum . 209.

## CAPUT XXIV.

„ De Synodo sexta generali : ea post  
„ Romanorum Pontificum , atque  
„ imprimis S. Martini exquisitissi-  
„ mas definitiones est habita : in  
„ ea de S. Agathonis totiusque Oc-  
„ cidentalis Synodi Litteris rite de-

## XXIII

„ liberatur : Quo sensu Synodus  
„ suscipiat quae a S. Agathone de  
„ Sede Apostolica praedicantur. 210.

## ARTICULUS PRIMUS.

*Ante Oecumenicam Synodum sola Ro-  
manorum Pontificum auctoritas va-  
luit , obtinuitque , ut Monothelitae  
eorumque dogmata ab omnibus Ec-  
clesiis , quae Catholica communione  
gaudebant , pro haereticis haberen-  
tur .* 211.

## ARTICULUS II.

*Sanctus Agatho , & Synodus Occiden-  
talis dogma de duabus voluntatibus  
& operationibus ut certam & in-  
violabilem Catholicae fidei verita-  
tem Imperatori ac sextae Synodi pro-  
ponunt .* 218.

## ARTICULUS III.

*S. Agathonis Epistola tanquam certissi-  
ma , & divinitus inspirata , & ip-  
sius Petri veluti ore prolata , fidei  
Catholicae regula ab Oecumenica  
Synodo suscepta est .* 221.

## CAPUT XXV.

„ Sextae Synodi in Honorium dicta  
„ sententia : Ejus sententiae fre-  
„ quens repetitio : Cur Synodus  
„ eum damnatum voluerit , quem  
„ Romani Pontifices excusare vi-  
„ deantur . 227.

## CAPUT XXVI.

„ Actio falsi intentata Synodalibus  
„ gestis , ac duabus Leonis II. Epi-  
„ stolis , temeraria & absurda : re-  
„ pugnantibus omnibus scriptori-  
„ bus , actisque publicis . ibid.

## CAPUT XXVII.

„ Potissimum argumentum falsitatis  
„ ex Agathonis epistola ductum :  
„ quam vanum illud sit : Agatho  
„ & Leo II. inter se componuntur :  
„ Et si Honorius de fide prava do-

„ cet.

„ cuerit , haud minus Ecclesiae ,  
 „ Romanae permanere inconcus-  
 „ sam fidem . 228.

ARTICULUS UNICUS.

*Sancti Agathonis testimonium expendi-  
 tur ; indeque adseritur Sedis Apo-  
 stolicae inerrantia ; cum eaque con-  
 iunctam esse demonstramus indeficien-  
 tem Romani Pontificis ex Cathedra  
 pronunciantis auctoritatem .* ibid.

CAPUT XXVIII.

„ Quaestio de Honario concluditur ,  
 „ atque utcumque illius res se ha-  
 „ bent , inuictum manet ex his pe-  
 „ titum argumentum . 233.

CAPUT XXIX.

„ Patres Toletani Concilii decimi

„ quarti Synodum VI. pro Oecu-  
 „ menica non habent , eo quod His-  
 „ pani ad eam vocati non essent ;  
 „ neque eam probant nisi facto exa-  
 „ mine , tamen a Leone Secundo  
 „ probatam constitisset . ibid.

ARTICULUS PRIMUS.

*Romani Pontifices , & reliqui omnes  
 Occidentis Episcopi sextam Synodum  
 pro Oecumenica agnoscunt , etsi nul-  
 li ei ex Hispanis Episcopis interfue-  
 rint .* 234.

ARTICULUS II.

*De Sedis Apostolicae auctoritate totius  
 Synodi Occidentalis iudicium : Ab eo  
 discrepasse Toletanos Patres , Bos-  
 fuetius non probat .* 236.





# DE VITA JOSEPHI AUGUSTINI

CARDINALIS URSII.



JOSEPHUS AUGUSTINUS URSIUS Florentinus, parentes habuit Josephum Ursium & Elisabetham Jannetiam quibus etsi honos, ac jus Florentinæ Civitatis hereditarium, tamen non admodum ampla res familiaris erat. Ab his, quod integritate morum eminent, quanta diligentia fuerit Josephus jam a prima ætate institutus, facile est existimare: Quamam vero is de se jam tum omnibus faceret expectationem, hoc erit testimonium. Quartum agebat ætatis annum, cum ad Materteram, quæ in oppido S. Cassiani, quod Florentia millia passuum octo abest, religiosum vitæ genus professâ fuerat, eum parentes adduxerunt. Erat eo loci eadem vita institutoque astricta virgo quædam laude pietatis excellens e gente Paolanta, quæ ut puerulum vidit, patri ominata est illum Romana purpura illustrem fore. Quod prædictum facile obtinuit fidem, non solum quia non sine aliquo instinctu inflatuque divino factum esse putabatur, sed etiam quia non levi confirmabatur conjectura. Elucebat enim in puero indoles ad virtutem magna, quæ summa omnia atque præclara portendere videbatur. Politioribus studiis, ut primum per ætatem licuit, viris e Societate Jesu magistris usus, operam adeo diligentem, tantoque cum progressu dedit, ut industriam laudarent omnes, ingenium admirarentur. Nec minori laude, cum se ad Philosophiam contento cursu transfulisset, in ea versatus est, secutus Peripateticos. Tali modo quasi gradu quodam, atque aditu ad ceteras facultates jacto, Pisas proficisci meditabatur, ut ibi Juri Civilî & Pontificio studeret. Sed repente hoc consilium abjecit, ut se totum Deo voveret, eam putans esse præclaram beate vivendi & simplicem & directam viam, quæ vix rerum humanarum flucti-

*T. I. P. I.*

d

bus

bus alluatur . Itaque Fesulas ad S. Dominici Cœnobium se contulit , ibique ix. Kal. Martias anno mdcviii. , cum ageret septimum & decimum ætatis annum in Prædicatorum Familiam cooptatus est , nomine sibi imposito Josephi Augustini , cum autea Augustinus Franciscus appellaretur . Annum ipsum cum tiro ita vixisset , ut facile prospicere Collegæ ejus possent , qui veteranus aliquando futurus esset , incredibili eorum omnium voluntate , suam Ordini , cui nomen dederat , perpetuo obstrinxit fidem . Florentiam inde missus ad excolenda in Cœnobio S. Marci rerum divinarum studia , tantam in his operam collocavit , ut ternas vel ad summum quaternas noctis horas quieti concederet . Præsertim vero his temporibus versatus est in legendis SS. Patrum operibus , cognoscendisque Historiæ Ecclesiasticæ monumentis ; videbaturque jam ab adolescentia , perfectum quiddam atque absolutum hoc in genere attigisse . Neque illud est prætereundum , quod nunquam se ad legendum conferebat , quin prius , secutus splendidissimum illud non modo sui Ordinis , sed etiam Catholicæ Ecclesiæ lumen Thomam Aquinatem , preces quasdam diligenter adhibuisset . Quæ , aliaque multa sinceræ pietatis signa cum effugere non possent oculos suorum , illud fiebat , ut non minori apud illos esset opinione sanctitatis , quam doctrinæ . Non post multo quam Sacerdos est factus , suscepit munus docendi ; docuitque eodem in Cœnobio S. Marci Philosophiam primum , satis quidem doctè & perite ; mox Theologiam tanta nominis sui commendatione , tantaque auditorum frequentia , ut magna adhuc memoria sit ejus magisterii . Etenim non exsuccum quidpiam exhibebat auditoribus suis , sed plenum ac perfectum , quodque argumentorum vi , variaque eruditione animos & veritate percelleret , & singulari voluptate perfunderet . Sed tamen adhuc Urbis fama exiguis continebatur finibus . Hi vero : multis postea ab eo scriptis libris , magnisque doctorum virorum de iis judiciis , sic amplificati sunt , ut ille non minus fuerit absentibus , quam suis civibus cognitus . Est Florentiæ *Melani* , quod vocant , *Oratorium* ad S. Jacobi in eo statis diebus cœtus habebantur illustrium aliquot civium Florentinorum , cum quibus una adesse , deque divinis rebus , rectaque institutione morum familiari sermone col-

colloqui unus aliquis consueverat Cœnobii ad S. Marcum Alumnus . Id munus cum Ursio obtigisset , accidit ut aliquando sermonem instituerit de mendacio , docueritque quam illud esset indignum non solum orthodoxo , sed etiam honesto quolibet homine . Cui e sodalium unus : *Valde tibi assentior illud quod a te dictum est ; sed velim mihi persuaderi , non extare , ut aliqui existimarunt , & in his Carolus Ambrosius Cataneus , legem quandam hominum consensu statutam , quæ verbis interdum omnem adimit sensum , sic ut est , & non est , desinant esse notæ affirmationis & negationis , nihilque sonent , quando ex proditione veri nasci oportet gravè aliquod damnum , puta vitæ , rei , atque existimationis .* Hanc sententiam paucis tum verbis confutavit Ursius ; sed mox accuratius , & copiosus auctoritatibus , exemplis , & rationibus conquestis , oppugnandam putavit . Librum ergo confecit , ediditque Romæ au. mcccxxvii. quo contendit legem illam ignorasse veteres Philosophos & Ecclesiæ Patres , e quorum scriptis , ac præsertim Augustini multa sumit , quibus in hac questione testimoniis utatur : clara & illustria Martyrum exempla in medium profert , qui mortem oppetere maluerunt quam veritatem lædere : hoc exigere Dei Numen , naturæque rationem dicit , ut verba declarent animi nostri sensus , proptereaque non esse in potestate hominum , excogitato materiali , ut vocant , verborum usu , divinam hanc , naturalemque legem dissolvere . Hæc aliaque hujusmodi bono in lumine posita , & haud impolite patrio sermone explicata , satis multa esse putabat Ursius ad sententiam suam propugnandam . Quoniam vero non defuere qui illa conati sunt invadere , non dubitavit iterum in arenam descendere ; editoque in vulgus altero libro , ut sua magis magisque confirmaret , & quæ contra dicebantur dilueret , excitata de se expectationi cumulate satisfecit . Sed non propterea alterius partis propugnatores siluere . Cumque horum nescio quis epistolam vulgasset , quæ maximam apud eosdem consecuta fuerat celebritatem , hanc continuo adortus est Ursius , opposuitque ei *Demonstrationem* quandam *Theologicam* , in qua est summa quædam continuatio seriesque argumentorum , ut aliud ex alio nexum , & omnia inter se apta colligataque videantur . Inter hæc siquid incurreret

subsecivorum temperum, quæ homo, siquis unquam alius industrius, perire non patiebatur id ille totum insunebat in actis martyrii Sanctarum Perpetuæ, Felicitatis, Sociorumque illustrandis vindicandisque iisdem Sanctis Martyribus a Montanismi nota, quam Samuel Basnagius, plaudentibus Actorum Lipsensium Scriptoribus, illis inurere studuerat. Quod si laude dignos eos existimamus, qui scriptis suis a Platone, Aristotele, Epicuro, Solone, aliisque antiquitatis Philosophis criminum suspensionem propulsarunt; quanto magis prædicandus est is, qui non inanis ac falsæ sed solidæ ac veræ sapientiæ cultores, propagatoresque eximios, & unde tot & tam præclara ad nos dimanarunt exempla virtutum, sibi defendendos sumit adversus inimicorum calumnias? Ursius igitur librum elucubravit, ac typis commisit an. MDCCXXVIII. in quo firme, eleganter, ac copiose comprobat horum Martyrum orthodoxiam, omnesque contrarias Basnagii rationes labefactat. Cujus rei nullum certius asserre possum testimonium, quam quod iisdem Actorum Lipsensium Scriptores non dissimile huic nostræ illo libro pronuntiarunt iudicium\*. In hoc ipso libro haud pauca disputantur contra Ruinartium & Doduëllum, qui negabant horum Martyrum Acta collegisse atque edidisse hominem e grege Montanistarum: deinceps disseritur de visis, qua in re illud Ursius ostendit, prioribus Ecclesiæ sæculis Deum illa sæpe sectatoribus suis dedisse ad occulta iis aperienda. Porro id causâ exigere videbatur, quoniam Basnagius non leve se arbitrabatur ducere argumentum, cur ii Martyres dicendi essent Montani hæresi contaminati, ex iis, quæ eosdem in somniis vidisse, atque prædixisse Acta narrant. Demum quasi quandam appendiculam in librum intulit, quæ Franciscus Castilionensis scripserat de vita, atque morte, quam pro vera Christi religione exeunte sæculo xv. occubuit B. Antonius Pedemontanus, eaque notis illustravit. Sic enim se putavit de Cœnobio, in quo degebat, mereri optime, propterea quod Pedemontanus ejus alumnus fuerat; quodque tum ille, tum Castilionensis fuerant S. Antonino Florentino Archiepiscopo conjunctissimi, quem institutorem ac parentem ha-

---

\* Supplem. ad nov. Act. Erudit. Tom. 2. scd. 12.

habuisse merito idem Cœnobium gloriatur . Vix dum opus istud perfecerat Ursius , cum aliud est aggressus , ut probaret adversus Martenium , Lupum , Petavium , Juveninium ac præsertim Albaspinæum , Ecclesiam tribus primis sæculis minime denegasse reconciliationem iis , qui essent capitalium criminum rei . Videtur Ursius orbem omnium peragrassæ Ecclesiarum , quæ ab Apostolis conditæ fuerant , aut quæ illarum erant soboles , ut ex earundem monumentis gravissima certissimaque in eam rem sumeret testimonia . Nec vero ignorabat iis temporibus fuisse quosdam in Affrica , & in Hispania tantæ severitatis in majoribus criminibus animadvertendis , ut iis , qui eorum culpa tenerentur , redditum in gratiam cum Ecclesia patere noluerint ; sed ajebat , unum aut alterum hujusmodi exemplum nihil valere contra morem & disciplinam , quam homines ab Apostolis acceperant , quaque docti fuerant , sic in fontes severitatem adhibendam esse , ut magnis condimentis lenitatis , ac misericordiæ mitigetur . Profecto in hoc libro Ursius se præstitit Theologum præclara , reconditaque eruditione atque doctrina . Cum vero non semel a re proposita , opportune tamen semper , digressus fuisset , ut tempora constitueret quibus aut Marcio in Ponto & Asia disseminavit Cerdonis errores , aut Tertullianus Montani sectator esse capit librosque suos vulgavit *de Corona Militis* , & *de Pudicitia* , aut uterque Decius urbem reliquerunt , aut Illeberitana Synodus habita fuit , tantam temporum scientiam ostendit , ut huic rei in primis studuisse videatur . Accidit interea ut Religiosi viri , quos idem sodales contubernalesque habebat , sibi de more constituere vellent Præsidem . Etsi permulti erant quos ætas , rerumque usus , & virtus , doctrinaque commendabant , unus tamen Ursius cunctis suffragiis electus est , cum vix octavum & trigessimum ingressus esset ætatis annum . Quod ubi intellexerunt amici , venerunt ad eum gratulatum . Ille vero valde suam vicem dolere dicebat , quod non satis virium ad hoc sustinendum onus haberet ; quodque necesse esset plurimum detrahi studiis ac litteris suis . Quæ quidem indicio esse possunt , quam modeste de se sentiret , quantusque in eo esset doctrinæ amor . Sic autem muneri suo præfuit , ut omnes existimarent quasi lumen aliquod sanctitatis

Citatis elucere omnes actiones, omniaque dicta ejus. Quanquam ita comparatus erat, ut magis exemplo quam verbis homines ad virtutis amorem accenderet. Eo tempore in familiam recepit Cœnobii Constantinopolitani nomine Thomam Mariam Mamachium, quæ res magnæ ei lætitiæ fuit. Nam præsentiebat quanto eidem familiæ is futurus esset ornamento; quo fiebat, ut uni huic maxime indulgeret, neque eum secus diligeret ac filium. In regendo Cœnobio licet omnem operam curamque ponere videretur Ursius, potuit tamen absolvere, quæ paullo ante inchoaverat *de Invocatione Spiritus Sancti in Liturgiis Græcorum, & Orientalium*. Fuit olim in Concilio Florentino magna Græcos inter & Latinos disceptatio, num ad Eucharistiam conficiendam præter verba quæ Christus adhibere Sacerdotes docuit, necessaria quoque esset S. Spiritus invocatio. Affirmabat Græci, negabant Latini; postque diuturnam pugnam eum tandem res exitum habuit, ut illi convicti ac veritatis vi coacti errorem suum deseruerint. Sed non diu pax fuit, cum illum eundem Græci, facta secessione, instauraverint: quod ab illa Gente in Latinos jamdju conceptum inveteratumque odium cogitanti mirum videri minime debet. Illud potius mirandum quosdam nostratum, & in his Ricardum Simonem, & Antonium Augustinum Tuetum, hac ætate extitisse, qui pene in Græcorum abierint sententiam. Id ægre ferens Ursius eos confutare est aggressus. Confutationem autem sic contexuit, ut excutiat & explicet plurima Latinorum, ac præsertim Græcorum Patrum loca ac testimonia, libros præterea Rituales Græcarum & Orientalium Ecclesiarum, demonstretque minime ex iis confici posse, sicuti contendebant adversarii, easdem Ecclesias, tradita a majoribus disciplina, ita invocasse Divinum Paracletum, ut viderentur in eo ponere absolutionem perfectionemque Eucharisticæ consecrationis. Diligentissime quoque is perpendit monumenta Concilii Florentini, quod causæ suæ conducere arbitratus est; nihilque earum rerum omittit, quæ hunc librum perfectum, expletumque omnibus suis numeris & partibus efficere possint. Vix illum Ursius absolverat, cum anno secundo postquam Cœnobio præesse cæperat, Romam a Cardinali Nerio Corsinio accersitus est, ut Theologi locum apud eum

cum teneret . Id illi pergratum atque jucundum fuit , quod vehementer ad studiorum suorum rationem , naturamque suam , quæ prorsus ab omni præfectura abhorrebat , accommodatum arbitrabatur . Cardinali autem multis magnisque in rebus , eo præsertim tempore , quo ejus Patruus CLEMENS XII. Ecclesiæ clavum rexit , consilio adfuit . Etenim ille neminem Ursio laude prudentiæ , fidelitatisque anteferebat . Sed hoc in primis ad tanti viri laudem illustre fuit , quod idem Pontifex sæpe eo non solum consiliario , sed etiam scriptore usus est . Sunt in manibus quæ jussu illius exaravit ( minora silentio prætermittimus ) ut probaret , potuisse eum jure privare Cardinalem Nicolaum Cosciam Archiepiscopatu Beneventano ; utque ostenderet fas haud esse Regi adigere Episcopos , qui in ejus ditione sunt , ad *Homagii* , aut , nisi oppida ab eo accepta habeant , ad *Fidelitatis* , ut appellant , jurandum . His mandatis confectis , totum se convertit ad contexendas *Dissertationes Theologicas de Baptismo in nomine Jesu Christi* ; & de *Chrismate Confirmatorio* . Noverat enim Theologos haud paucos fuisse sæculo superiori , & esse etiam hoc nostro , qui Baptismum ab Apostolis in Christi nomine nunquam fuisse datum defenderent , ac S. Thomæ contra sentientis opinionem nec veram nec verisimilem dicerent : Et illud quoque noverat , Samuelem Bagnagium gravissimo captum fuisse errore , ut arbitraretur Chrismatis usum in Confirmationis Sacramento ignorasse Ecclesiam primis temporibus , & in eam a Valentinianis derivatum fuisse . Priores sic est adortus Ursius , ut sententiam Doctoris Aquinatis satis esse probabilem demonstraverit ; alterum vero tam est graviter infectatus , ut plane convicerit impietatis . Quibus in rebus cum esset occupatus summa CLEMENTIS XII. voluntate factus est Cathedraticus Casanatensis . Vocantur autem Cathedratici Casanatenses duo ex Ordine Prædicatorum scientia clari viri , qui instituto Hieronymi Cardinalis Casanata e superiori loco mane quidem alter , alter vesperi statis diebus S. Thomæ *Summam* rei Theologicæ studiosis Romæ interpretantur . Ex quo factum est ut Ursius non solum honesto , sed etiam grato fungeretur munere . Ita enim erat in illum Doctorem animatus , ut omnes cuperet ad illius disciplinam adjungere . Interim Romæ nuntia-

tur ,

tur, in Gallia typis impressam fuisse Bajanismi Historiam a Joanne Baptista Dufchesnio conscriptam, hacque infamari Petrum Sotum hominem e Dominicana Familia præclarissimum, quasi ipse jecisset initia, & tanquam semina, unde errores Baii procreari fuissent. Id ut audivit Thomas Ripollus, qui eidem Familiæ præerat, Ursio mandavit, ut libro falsas Dufchesnii accusationes refelleret. Quod quidem illi facile fuit. In promptu enim habebat, quæ Pontifices MM., Tridentina Synodus, Cardinales, Episcopi, Principes, Scriptoresque magni nominis Soto impertierant præconia ac testimonia hominis pietate, studio Catholicæ Religionis, fide, integritate, atque doctrina præstantissimi. Quæ postquam collegit Ursius, transit ad examen librorum, ac præsertim *Epistolaris Dissertationis cum Ruaro Tappero de conciliatione gratiæ, ac liberi arbitrii*, neque ullum esse in iis locum probat, ex quo jure meritoque Soto conslari invidia possit, contra vero esse multa, quæ plane adversantur erroribus, quorum illum Historicus insimulaverat. Neque solum pro aliis, sed etiam pro se ipso his temporibus pugnavit Ursius. Etenim Droinius impotentis ingenii Gallus adeo in illam, quam paullo supra memoravimus *de Baptismo ec.* Dissertationem stylum acuerat, ut non tam eam refellere, quam in ejus auctorem furere videretur. Huic Ursius sic respondit, ut se injuriis prorsus abstineret, nihilque aliud egerit, nisi ut ostenderet omnium pene temporum memoriam sententiæ Doctoris Aquinatis suffragari videri. Hæc atque alia (nam edidit quoque Latinam Orationem de laudibus B. Catharinæ de Ricciis) quæ ad hæc usque tempora typis mandaverat ingenii monumenta, magnam illi famam confecerant, ut jam videretur in Theologorum numero, qui Romæ florebant, principem locum tenere. Itaque nemini dubium erat brevi illum in amplissimum dignitatis gradum collocatum iri. Ad hunc primus illi ascensus fuit an. MDCCXXXVII. quo tempore a CLEMENTE XII. factus est a Secretis illius Magistratus, cujus munus est interdicare lectionem librorum, in quibus se se prodit scribendi licentia, nequid Christiana Respublica detrimenti capiat. Occupato hoc honoris loco, primam habuit curam Ursius, ut Pontifici optime de se merito, Ecclesiæque voluntatem studiumque suum magis magisque



gisque declararet. Cujus rei amplam eidem occasionem dedit opus illud Jacobi Benigni Bossuetii, quod jussu Ludovici XIV. ad propugnandam notam *de Potestate Ecclesiastica Declarationem* an. MDCLXXXII. in Comitibus Cleri Gallicani editam conscripserat, quodque Episcopus Trecentium ejusdem Bossuetii Fratris Filius, mortuo jam Auctore, anno MDCCXXX. Luxemburgi typis imprimendum curaverat. Auctoris celebritas, ubertas, varietas, copia argumentorum, quibus idem evincere nitebatur jura Sedis Apostolicæ in definiendis Fidei controversiis suis contineri finibus, iisque non admodum amplis, illud effecerant, ut permulti essent tum apud Gallos, cum apud Italos qui palam dicerent, Bossuetium istorum jurium defensoribus non modo spem victoriæ, sed etiam voluntatem defensionis abstulisse. Quod judicium falso prolatum fuisse ii intelligent, qui legent libros Ursii, quibus se se illi Scriptori opposuit. Profecto fortiter is cum tanto adversario bellum gessit. Nam omnia quæ conferri poterant, in illum contulit tela; contraria sic excepit, ut pleraque leviora atque hebetiora esse ostenderit, ac multa in ipsum adversarium retorserit; & siqua res fuit quæ premeret vehementius, non modo non abiecit, sed ne rejecit quidem scutum, sic ut nunquam cessasse, contra superiorem semper discessisse haud injuria a doctis quibusdam viris judicatum fuerit. Longum esset de omnibus rebus, quæ in his libris continentur dicere. Itaque dixisse sufficiat: Ursum tribus prioribus voluminibus, quæ sunt *De irreformabili Romani Pontificis in definiendis fidei controversiis judicio*, multa enucleasse sacrorum librorum, Patrum, aliorumque gravissimorum scriptorum loca, ac multo plura exposuisse Conciliorum decreta, ut ostenderet, Ecclesiam ab ultimis usque temporibus consensisse (mirum putasse Bossuetium ex Ecclesiæ consensu se quoque maximum causæ suæ præsidium petere posse) de hoc *irreformatibili judicio*: Postremo vero operis volumine, quod inscribitur, *De Romani Pontificis in Synodos Oecumenicas & earum Canones potestate* æque firmiter ac copiose probat, Romanos Pontifices minime Conciliorum legibus, sed has illis subjectas esse. Ad hæc addi quoque illud potest, eundem multas in his libris collegisse rationes ac testimonia ad refellendos viros doctissimos Antonium

Arnaldum, & Petrum de Marca; quorum alter acerrime propugnauerat haud posse revocari in dubium vim, auctoritatem; pondus decretorum Concilii Constantiensis; alter novam proposuerat rationem conciliandi conjungendique libertatem suffragiorum, quam in Œcumenicis Conciliis Episcopi habere debent; cum summa Pontificis potestate. Pontifici enim eas tantummodo partes dabat, quas Romani Imperatores in condendis Senatus Consultis obtinere solebant. Sic Ursius magna doctrinæ & eruditionis copia cum demonstrasset, nullis posse terminis definiri jus Romanorum Pontificum in præscribendis, vel declarandis iis rebus, quæ ad Religionem pertinent, aliud sumpsit opus in manibus, quod non minorem & sibi laudem, & Christianæ Reipublicæ utilitatem peperit. Historiam Ecclesiasticam, quam Gallice scripserat Claudius Fleurius, nescio, quis in Italicum converterat, & Venetiis typis imprimere instituerat. Id ut Romam allatum est, quod detrimentosum esse existimabatur (nam multis in locis scriptor ille animum haud mediocriter juribus Romanorum Pontificum insensum patefecerat) si in omnium manus illa perveniret, quæritur quid facto opus sit. Consulentibus Ursius respondit, dandam esse operam, ut cæpta impressio intermitteretur; quo vero Italarum utilitati ac decori prospiceretur novum opus conficiendum. Hoc consilium majori parti cum placuisset ille rogatus est, ne graveretur hoc in se onus suscipere. Tum ille: intelligere se se quanti res esset operis ac laboris; hoc tamen esse in Christianam Rempublicam animo, ut nihil ejus causa recusaret. Hac re constituta, nullam interponendam esse moram putavit quin ad eam conficiendam se pararet. Quanquam non multis ille egebat adjumentis. Habebat enim insculpta in animo monumenta temporum, locorum, hominum, gestarumque rerum; mirabilis in eo erat cognitio, Conciliorum ac Patrum, in quibus legendis omnem triverat ætatem; judicio acri & recto præditus erat, ut posset non solum consilia, acta, & eventus rerum ordine declarare, sed etiam tuto ac vere exponere quid probandum rejciendumque esset. Siquid eum deficiebat erat perfecta Etruscæ scribendi laus, ad quam obtinendam omne suum studium convertit. Nam optimos scriptores diu noctuque legendô,

e qui-

e quibus germana quædam locutio exurgere solet , nativum illum colorem , quo sermo Etruscus imbuatur , mirifice expressit . Ut vero stylum exercitatione acueret , libros quos Latine *de Pontificis Maximi irreformabili iudicio, potestateque* fecerat , patrio sermone in epitomen contraxit ; aliudque opus pariter Etrusce conscripsit , in quo originem subtexuit dominatus , quem habent Pontifices Maximi in civitatibus atque oppidis , quæ olim ad Romanam Provinciam , & Exarchatum Ravennæ pertinebant ; & ex quo perspicui potest , quam eximia fuerit erga eosdem Pontifices liberalitas ac studium Gallorum Regum Pipini , & Caroli Magni . Sic Ursius cum continuus se frangeret laboribus ac vigiliis , cepit incommoda esse valetudine . Cujus rei causa cum sibi aliquamdiu a severioribus studiis temperare coactus fuisset , ne prorsus tempus amitteret , dedit se convertendis e Gallico in Italicum vitis primorum Discipulorum S. Dominici , virorumque aliorum illustrium Ordinis Prædicatorum , quas eleganter explicaverat Antonius Tournonius . His studiis atque exercitationibus consecutus est Ursius genus orationis fustum atque tractum , & cum lenitate quadam æquabili profluens ; scribendique elegantiam adeo suam effecit , ut bene multas conderet Historiæ suæ paginas dulces atque nitidas , quin aut in scribendo hæreret , aut necesse haberet verbum ullum mutare . Quo factum est , ut cum anno mdcxlvii. primum edidisset ejusdem Historiæ volumen , a vide illud omnes arripuerint , ac Florentina Academiâ , cujus omnis cura versatur in excolendo , puro & casto Etrusce scribendi genere , grave testimonium Auctori impertierit elegantissimi scriptoris , & illum inter suos cooptaverit . Præsertim vero laudibus elata sunt , quæ præfatus est de ratione Ecclesiasticæ Historiæ conscribendæ , quæ quidem ostendunt non modo perelegantem scriptorem , sed etiam doctum , & in primis eruditum . His ille rebus alacrior factus ad institutum opus persequendum , ita illud urisit reliquæ vitæ cursu , ut neque corporis imbecillitas , neque ingravescentes ætas , neque dignitates , quibus deinde auctus est , neque onera , quæ has comitabantur , industriam illius retardaverint . Nam an. mdcxxlix. factus est a BENEDICTO XIV. Sacri Palatii Apostolici Magister ; & decennio post , studiosissime instante Cardinali Nerio

Corfinio , a CLEMENTE XIII. in amplissimum Purpuratorum Patrum Senatum cooptatus est . Atque utinam ei diutius vita frui licuisset , ac magis brevitati in hac contexenda Historia consulere voluisset . Sic enim haberemus non paucorum seculorum , sed omni , aut saltem magna ex parte perfectam Historiam . Præterquamquod , ut bene apud Ciceronem dicitur , nihil est in Historia pura & illustri brevitatem dulcius . Sed si causam quærimus , cur Ursius sepe redundans & superfluens extiterit , hanc fortasse veram reperiemus , quod omnibus familiaris esse voluerit , ac vulgi in primis utilitati servire . Profecto legitur ab omnibus opus hoc , cuius rei non mediocriter est illud indicium , quod paucis annis ter typis impressum est . Et hoc quoque in ejusdem operis laude ponendum , quod Hispania patrium in sermonem conversum illud suum fecit ; quodque in Germania non defuere , qui idem magna ex parte Latine reddiderunt . Primum & vigesimum volumen inchoaverat Ursius ; cumque Historiam ad tempora Gregorii Magni perduxisset , ab eoque depulisset falsam assentionis criminationem ; in morbum incidit , quem neque mortiferum , neque gravem initio medici judicarunt . Hi tamen veriti ingravescentem ætatem , debilitatamque valetudinem assiduis ac diuturnis legendi , meditandi , scribendique laboribus , ægroto imperarunt , ut ad omnem eventum sacris se muniret . Quibus cum libentissime paruisset ; essentque omnes magna in spe fore , ut brevi convalesceret , subito eum febris corripuit , quam cum gravius peripneumonix genus consecutum fuisset , horarum spatium non amplius octo mortem cum vita ( fidenter sane , ut solent ii , qui optime mentis conscientia sustentantur ) commutavit . Extremo vitæ tempore perbreve testamentum fecit , quo rem familiarem domesticis , Bibliothecam Florentino S. Marci Cœnobio , sacram suppellectilem certis quibusdam Templis reliquit . Eidem morienti adfuit Johannes Bottarius , quocum a condiscipulatu vixerat conjunctissime , eique , quod inchoaverat XXI. Historiæ volumen , perficiendum commisit : quod ni vellet , ederet saltem quæ pro defensione S. Gregorii scripserat : Talis fuit vir , ut si mores spectes , nihil præ se nisi , grave probum , purumque tulerit ; si doctrinam , dogmatum Christianorum defen-

for

for egregius, ac vindex judicari possit. Custos perfectioris disciplinæ severus, sed ita temperatis moribus, ut summa severitas summa cum humanitate jungeretur. Ex quo fiebat, ut facillimi ad eum essent aditus, ac nemini opis ejus indigenti, si modo illam præstare posset, non libentissime & promitteret, & concederet. Veritatis adeo diligens, ut nihil ultra. Parce uti consueverat verbis, quod indicium erat hominis cælestia, resque alias altissimas perpetuo contemplantis. Tanta eum cura occupabat studiorum suorum, ut interdum videretur sui oblitus, ac sæpe cogere in iis rebus gerendis, quæ suorum munerum erant, uti fidis peritissimisque adjutoribus. Ut laudis, ita & reprehensionis, omniumque rerum humanarum fuit contemptor eximius. Huic iusta funera confecta in Templo S. Mariæ ad Minervæ. Corpus vero deportatum ad S. Sixti, cujus titulum ipse gerebat, ibique conditum in sepulcro, in quo hoc scriptum est elogium.

D. O. M.

JOSEPH AUGUSTINUS URSIUS FLORENTINUS  
ORDINIS PRÆDICATORUM

S. R. E. PRESBYTER CARDINALIS TIT. S. SIXTI.

INTEGRITATE MORUM CONSPICUUS

ET EDITIS SCRIPTIS PRÆCLARUS

HIC REQUIESCIT IN PACE

VIXIT ANNOS LXIX. M. I. D. III.

OBIIT IDIBUS JUNIIS A. S. MDCCLXI.

**DISSERTAZIONE** Dogmatica e Morale contro l'uso materiale delle parole &c., opera del P. L. Fr. Giuseppe Agostino Orsi della Congregazione di S. Marco di Firenze dell'Ordine de' Predicatori. Dedicata alla Santità di Nostro Signore Bened. XIII. del medesimo Ordine. In Roma 1727. nella Stamperia di Girolamo Mainardi. in 4.

**LA CAUSA DELLA VERITÀ** sostenuta contro l'anonomo Apologista del P. Carlo Ambrogio Cattaneo della Compagnia di Gesù: opera del Rev. P. L. Fr. Giuseppe Agostino Orsi dell'Ord. de' Pred. In Firenze 1729. in 4.

**DIMOSTRAZIONE TEOLOGICA** colla quale si prova, che ad effetto di conciliare i dritti della verità colle obbligazioni del segreto, nè si può, nè si deve ricorrere ad alcuna di quelle leggi, che alcuni moderni Teologi all'umana Repubblica attribuiscono, ma che dee sfare alle regole de' SS. Padri Agostino e Tommaso per un tal fine prescritte: opera del &c. dedicata alla Santità di Nostro Signore Benedetto XIII. In Milano 1729. per Giuseppe Ricchino Malatesta, in 4.

**DISSERTATIO APOLOGETICA** pro Ss. Perpetua, Felicitatis, & Sociorum Martyrum Orthodoxia adversus Samuelem Easnagium, Autore R. P. Fr. Josepho Augustino Orsi O. P. Florentiae ad S. Marcum Sac. Theologiae Lectore. Accedit Francisci Castilionensis Martyrium Antonianum seu B. Antonii de Ripolis Ord. Præd. ab eodem Orsio notis illustratum. Florentiae 1728. typis Bernardi Paperini, in 4.

**DISSERTATIO HISTORICA**, qua ostenditur Catholicam Ecclesiam tribus prioribus sæculis capitalium criminum reis pacem & absolutionem neutiquam denegasse, & plures aliæ incidentes quæstiones ad eorundem temporum Chronologiam Ecclesiasticam pertinentes quibusdam digressionibus data opera examinantur; Autore &c. Mediolani 1730. apud Josephum Richinum Malatestam, in quarto.

**DISSERTATIO THEOLOGICA** de Invocatione Spiritus Sancti in Liturgiis Græcorum & Orientalium, Autore ec. Mediolani 1731. apud Josephum Richinum Malatestam, in 4.

**DISCORSO** sopra il giuramento prestato dai Vescovi del Piemonte alla Maestà del Rè di Sardegna Carlo Emanuele. Extat in fin. tom. 1. par. 2. libri, cui titulus = Delle Ragioni della Sede Apostolica nelle presenti controversie colla Corte di Torino. 1732. =

**VOTO TEOLOGICO** intorno alle cause, per cui uno può essere privato del Vescovato.

**DE BAPTISMO IN NOMINE JESU CHRISTI**; & de Hæreticis qui Baptismi formam olim adulterarunt, Dissertatio Historica in duas partes divisa, Autore F. Josepho Augustino Orsi Ord. Præd. Cathedralis Casanaten. & Sac. Cong. Indicis Consultore. Mediolani 1733. apud Josephum Richinum Malatestam, in 4. In hoc libro extat quoque

DIS-

**DISSERTATIO HISTORICO-THEOLOGICA** de Chrismate Confirmatorio .

Oratio de B. Catharina de Ricciis Moniali Tertii Ordinis S. Dominici , habita Romæ in Templo S. Maria super Minervam ad Eminentissimos & Reverendissimos Cardinales a F. Jo. Aug. Orsi Ord. Præd. Romæ 1733. ex typographia Hieronymi Mainardi in 4.

FR. JOSEPHI AUG. ORSI . O. P. e Congreg. S. Marci S. Theologiae Mag. de Petri a Soto ejusdem Ordinis , & Judoci Ravesteyn de concordia gratiæ & liberi arbitrii cum Ruaro Tappero Epistolari disputatione , liber Apologeticus , quo Soti doctrina a recentis Historici censuris adferitur . Romæ 1734. typis Hieronymi Mainardi , in 4.

VINDICIÆ Dissertationis de Baptismo in nomine Jesu Christi a Sorbonici Doctoris objectis . Florentiæ 1735. ex Typographia Petri Cajetani Viviani . in 4.

F. JOSEPHI AUGUST. ORSI O. P. Sac. Indici Congregationi a Secretis De irreformabili Romani Pontificis in definiendis Fidei controversiis judicio adversus quartam Cleri Gallicani propositionem ab Illust. J. B. Bossuetio Meldensi Episcopo propugnatam Tom. I. Pars Prima . Romæ 1739. Typis Sac. Congreg. de Propaganda Fide , in 4.

TOM. I. PARS SECUNDA. Eundem præ se fert titulum . Accedit Dissertatio circa modum ab Illustrissimo Petro de Marca propositum conciliandi summam ejusdem Romani Pontificis auctoritatem cum libertate suffragiorum in Synodis Oecumenicis .

TOM. II. Similem omnino prioribus habet titulum .

FR. JOSEPHI AUGUSTINI ORSI O. P. Sac. Ind. Cong. a Secretis de Romani Pontificis in Synodos Oecumenicas & Earum Canones potestate . Romæ 1740. Typis Sac. Cong. de Propaganda Fide . Extat in fine hujus voluminis Dissertatio qua Ecclesiasticæ Monarchiæ forma , seu ratio explicatur , unde clare ac dilucide conitat , sit ne Romanus Pontifex Ecclesiæ legibus subiectus , nec ne sit ; quoque sensu id affirmari vel negari commode possit .

DELLA INFALLIBILITÀ, E' AUTORITÀ del Romano Pontefice sopra i Concilj Ecumenici: Ristretto di un opera sopra lo stesso argomento di F. G. A. Orsi dell'Ord. de' Pred. S. D. S. C. D. I. Tom. I. e II. in Roma 1741. Nella Stamperia de' Pagliarini in 12.

DELLA ORIGINE del dominio , e della sovranità de' Romani Pontefici sopra gli stati loro temporalmente soggetti, Dissertazione di F. G. A. Orsi dell'Ord. de' Predic. S. D. S. C. D. I. in Roma 1742. appresso i Fratelli Pagliarini , in 12.

RISTRETTO delle Vite dei primi Discepoli di S. Domenico scritto in lingua Francese dal P. Antonio Tournon dell' O. de' P. e tradotto nell' Italiana favellando da un Religioso del medesimo Ordine . In Roma 1744. appresso Nicolò e Marco Pagliarini , in 8.


ISTORIA degli Uomini illustri dell'Ordine di S. Domenico scritta in lingua Fran-

*Francese dal R. P. Antonio Tuoron, e tradotta nell' Italiana favella da un Religioso del medesimo Ordine Tom. 1. in Roma 1745. Nella Stamperia di Pallade appresso Nicolò e Marco Pagliarini. •*

*DELLA ISTORIA ECCLESIASTICA descritta da F. Giuseppe Agostino Orsi dell'Ordine de' Predicatori &c. Roma nella Stamperia di Pallade. Tom. XXI. in 4. e in 12.*







# LIBER PRIMUS

## QUO LIBER DUODECIMUS DEFENSIONIS

*Examinatur & confutatur.*



Illustrissimus Melden-  
sium Episcopus hunc  
Libro duodecimo Ti-  
tulum præfixit. *De*  
*Quæstionibus fidei*,  
*præsertim per Conci-*  
*lia Generalia definitis*. Ipsorum Conci-  
liorum generalium traditio explicatur,  
ad Caput Quartum Declarationis Gal-  
licanae. Hunc autem ipsum & ego  
volo hujusce Libri Titulum esse; est  
enim mihi propositum eandem fidei  
quæstiones in Conciliis Generalibus  
tractatas ac definitas diligenter exami-  
nare, eorundemque Conciliorum ge-  
neralium traditionem luculenter expo-  
nere. Ex clara enim & minime fuca-  
ta harumce rerum expositione apertis-  
sime, ut mihi videtur efficiam; tum  
ex omnibus generalibus Conciliis nihil  
ab Illustrissimo Auctore adlatum esse,  
quo summa Romani Pontificis in san-  
ciendis fidei controversiis auctoritas in-

*T. I. P. I.*

fringatur, tum iisdem Conciliis pro  
*immobili & irreformabili* semper ha-  
bitum fuisse Apostolicæ Sedis de fidei  
rebus judicium.

### CAPUT PRIMUM.

„ Infallibilitas quibus verbis ab anti-  
„ quis explicetur: Ubi sit sita quæ-  
„ ritur.



Arum aut nihil interest sci-  
re; an quod modo *infalli-*  
*bile* judicium dicitur, ab  
antiquis *immobile, irre-*  
*formabile, irretractabile,*  
*irrefragabile* dictum sit: his enim omni-  
bus vocibus unam eandemque rem  
significari, inter nos convenit. Illud  
autem plurimum refert, & ad præsen-  
tem controversiam illustrandam ma-  
gnum habet momentum, ut perspe-  
ctum habeamus, quos christianæ do-

*A*

*Qui*

Strinae articulos, veteres Patres, atque imprimis Tertullianus ex quo istae voces acceptae sunt, immobiles irretractabiles irreformabiles esse constituerint.

## ARTICULUS UNICUS.

*Quasnam Christianae doctrinae sanctiones; quam de causa, quove sensu Tertullianus irreformabiles, & irretractabiles dixerit.*

**N**On uno in loco Tertullianus omnes & singulos articulos Christianae fidei, qui Symbolo Apostolico continentur, irreformabiles & irretractabiles esse definit. Sic Libro de Virginibus velandis Capite primo: *Regula quidem fidei una omnino est, sola immobilis, & irreformabilis; credendi scilicet in unicum Deum omnipotentem, mundi conditorem, & Filium ejus Jesum Christum, natum ex Virgine Maria &c.* Hac lege fidei manente, cetera jam disciplinae & conversationis, admittunt novitatem correctionis, operante scilicet & proficiente usque in finem gratia Dei.

Sic etiam Libro de Praescriptionibus Haereticorum capite decimo tertio: *Regula est autem fidei, ut jam hinc quid credamus, profiteamur; illa scilicet, qua creditur, unum omnino Deum esse &c.* Haec regula a Christo, ut probabitur, instituta, nullas habet apud nos quaestiones; nisi quas haereses inferunt, & quae haereticos faciunt. Ceterum manente forma ejus in suo ordine, quantumlibet quaeras & trahes, & omnem libidinem curiositatis effundas, si

*quid tibi videtur vel ambiguitate pendere, vel obscuritate obumbrari. . . . Fides in regula posita est.*

Priore in loco Tertullianus symboli articulos confert cum institutis disciplinae, fidemque immobilem & irreformabilem esse definit, quoniam, quemadmodum disciplina, variari ac permutari non potest. Altero autem in loco articulos fidei disjungit ab his, quae salva fide, & salute in tuto posita, disputari vel ignorari a Fidelibus possunt. Quare fidem hoc sensu irretractabilem esse docet, quoniam ea dogmata, quibus fides Catholica continetur, venire in quaestionem disceptionemque non debent: quapropter antea dixerat: *Quaeramus ergo in nostro, & a nostris & de nostro; idque dumtaxat, quod salva regula fidei potest in quaestionem devenire.* Quis hujusce Libri De Praescriptionibus hoc argumentum est: Si jure cum Haereticis agatur, admittendos illos non esse ad ullam nobiscum de fidei dogmatibus disputationem. Nam & ad Christianos in fide confirmandos, & Haereticos revincendos, hoc satis esse debet, quod novam illi & peregrinam doctrinam adferunt, quam neque Ecclesiae Apostolicae ab Apostolis, neque Fideles ab Ecclesiis Apostolicis acceperunt: (a) Hanc igitur dirigimus praescriptionem; Si Dominus Jesus Christus Apostolos misit ad praedicandum, alios non esse recipiendos Praedicatores, quam quos Christus instituit. . . . Quid autem praedicaverint, id est, quid illis Christus revelaverit, & hic praescriptionem, non aliter probari debere, nisi per easdem Ecclesias, quas ipsi Apostoli condiderunt. . . . Superest ergo, uti de-

mon-

(a) Cap. XXI.

*monstremus, an haec nostra doctrina, cuius regulam supra edidimus, de Apostolorum traditione censeatur; & ex hoc ipso an ceterae de mendacio veniant. Communicamus cum Ecclesiis Apostolicis, quod nulla doctrina diversa. Hoc est testimonium veritatis.*

Itaque, Tertulliano auctore, ideo Christianae doctrinae capita, quae symbolo comprehenduntur, inter praescriptas & praepudicatas, ac proinde irreformabiles & irretractabiles veritates recensenda sunt, quoniam Ecclesiarum Apostolicarum testimonio & auctoritate nituntur: Unde consequens est, quamcumque aliam doctrinam, quae simili polleat auctoritate, etsi Apostolico symbolo neutiquam expresse contineatur, iure gaudere praescriptionis, esseque proinde, Tertulliani iudicio, pro irreformabili & irretractabili habendam: quod idem Auctor sequentibus verbis diserte atque eleganter docet (a): *Age jam, qui voles curiositatem melius exercere in negotio salutis tuae, percurrere Ecclesias Apostolicas . . . . Si Italiae adjaces, habes Romam, unde nobis quoque auctoritas praesto est . . . . Videamus, quid dixerit, quod docerit, quid cum Africanis quoque Ecclesiis contesserit . . . . Legem & Prophetas cum Evangelicis & Apostolicis Literis miscet, & inde potat fidem: Eam aqua signat, Sancto Spiritu vestit, Eucharistia pascit, martyrio exhortatur; & ita adversus hanc institutionem neminem recipit.* Quinque hic memorat Tertullianus Catholicae fidei dogmata, quorum non fit in Symbolo Apostolorum expressa mentio: nimirum utriusque Foederis libros, Baptismum, Confirmationem, Eucha-

ristiam, Martyrium. Non enim in eo Symbolo expresse traditur, veteris Testamenti Libros fuisse divinitus inspiratos; Christianos salutem adsequi non posse nisi in Trinitatis nomine baptizentur; baptizatos, & in Trinitatis nomine ablutos, Sacra Unctione & manuum impositione Spiritu Sancto repleti; sub panis & vini Symbolis Christi Corpore & Sanguine saginari; denique pro fidei confessione subeundum esse martyrium; haec, inquam, Christianae fidei dogmata Apostolorum Symbolo nequaquam adscripta sunt; ea tamen cum ejusdem Symboli articulis inter praepudicatas & irreformabiles sententias Tertullianus refert ob Apostolicarum Ecclesiarum, atque imprimis Romanae, irrefragabile testimonium. Quare laudatis verbis adjungit (b): *Si haec ita se habent, ut veritas nobis adjudicetur, quicumque in ea regula incedimus, quam Ecclesia ab Apostolis, Apostoli a Christo, Christus a Deo accepit; constat ratio propositi nostri, definientis, non esse admittendos Haereticos ad ineundam de Scripturis provocationem, quos sine Scripturis probamus ad Scripturas non pertinere.* Igitur statim ac de aliquo dogmate conlaret, illud in Apostolicis Ecclesiis, & maxime in Romana, quaeque cum iis communicatione pacis, ut idem Auctor loquitur (c), & appellatione fraternitatis, & contestatione hospitalitatis conjungebantur, communiter obtinere, & jam olim obtinuisse, inter irreformabiles & irretractabiles veritates recensendum, erat, a quibus disceptandis Haeretici jure ac merito repellabantur.

Jure, inquam; nam Tertullianus neu-

A 2

ticae

(a) Ibid. cap. XXXVI.

(b) Cap. XXXVII.

(c) Ibid. cap. XX.

4  
tquam inficiatur, quin ex quadam indulgentia audiri Haeretici possint, & eorum causa disceptari valeat, eisque permitti, ut si quas habent adversus Catholicam dogmata difficultates in medium adferant, easque sedulo ac diligenter examinandas excutiendasque proponant. Imo, salvo & integro jure praescriptionis, quo novellae & exoticae opiniones de mendacio, ut ait, praejudicantur, ubique facultatem Haeticis tribuit, ac tribuendam docet, omnia suae aut nequitiae aut inscitiae dubia proponendi; & cum eis perinde agendum constituit, & eorum causam sic fere de Integro retractandam, ac si Catholicum dogma vetustate traditionis irretractabile, & ipsi Haeretici jam damnati novitatis praescriptione non essent. Hanc suam sententiam pluribus in locis Tertullianus proponit, & cur ita sentiat, verbis sequentibus aperit: *Sed quoniam* (inquit laudato Libro de Praescriptionibus) *tam expedita probatio est, ut si statim proferatur, nihil jam sit retractandum, ac si prolata non sit a nobis, locum interim demus diversae parti, si quid putent ad infirmendam hanc praescriptionem movere se posse.* Et Libro primo contra Marcionem capite primo postquam dixit, quod alius Libellus hunc gradum suffinebit adversus Haeticos etiam sine retractatu doctrinarum revincendos, quod hoc sint de praescriptione novitatis, subiungit: *Nunc quatenus admitenda congressio est, interdum ne compendium praescriptionis ubique advocatum diffidentias deputetur; regulam Adversarii prius praetexam, ne cui lateat, in quo principalis quaestio dimicatura*

*est.* Longe id etiam luculentius exponit Libro adversus Praxeam capite secundo, ubi praecipuis Symboli Apostolici articulis descriptis, haec addit: *Hanc regulam ab initio Evangelii decurrisse, etiam ante priores quosque haeticos, nedum ante Praxeam bererum, probabit tam ipsa posteritas omnium Haeticorum, quam ipsa novellitas Praxae besterni.* Quo peraeque adversus universas haereses jam hinc praejudicatum sit, id esse verum, quodcumque primum; id esse adulterum, quodcumque posterius. *Sed salva ista praescriptione, ubique tamen propter instructionem & munitionem quorundam, dandus est etiam retractatibus locus; vel ne videatur unaquaeque perveritas, non examinata, sed praepudicata damnari; maxime haec, quae se existimat meram veritatem possidere.* In his locis Tertullianus & veterem Ecclesiae doctrinam irreformabilem & irretractabilem esse docet, & adversas haereses ipsa statim novitatis praescriptione damnatas; & nihilominus congregationem cum haeticis non refugit, neque abnuit, ut Catholica dogmata retractentur. Quinimo, etsi brevior & commodior praescriptionis via ad omnes haereses revincendas, sine doctrinarum retractatu, uti nos posse discernat; attamen & ad instruendos imperitos, & ad debiles confirmandos, & ad omnem Adversariis obtentum eripiendum, dandum esse judicat & retractatibus locum; ne, inquit, unaquaeque perveritas videatur, non examinata, sed praepudicata damnari. Quare iisdem locis Catholicam doctrinam & irretractabilem & retractabilem esse de-

definit; ex se ipsa quidem & jure suo irretractabilem; sed retractabilem ex indulgentia, qua haereticis, qui jure repellii possent nec audiri, permittitur tamen, ut in medium adferant quod eorum animos torquet, & quidquid eos in Ecclesiae dogmatis & institutis offendit.

Haec autem, de quibus haftenus disseruimus, ad sequentem disputationem illustrandam plurimum momenti habere videntur: Ut enim postea videbimus, quidquid in quatuor prioribus Conciliis generalibus primo retractatum, & postea sancitum est, ad praecipua Christianae doctrinae capita pertinebat, quae Apostolorum symbolo continentur; ac proinde ad eam fidem pertinebat, quam Tertullianus immobilem & irreformabilem esse pronuntiaverat. Deinde, nihil unquam, ut suis locis demonstrabitur, Conciliis generalibus retractandum Romani Antistites proposuerunt, quod aperte ad Apostolicam traditionem suam non referret originem; aut in omnibus qua late patebat Christianus Orbis Ecclesiis jamdiu antequam haereses erumperent, non obtineret; quod proinde pars illius fidei non esset, quam Tertullianus irreformabilem & irretractabilem vocat. Hinc autem consequens est; non statim ac videbimus, Apostolicae Sedis decreta, ipsismet Romanis Pontificibus annuentibus, in Conciliis oecumenicis retractari & examinari, debere nos cogitare, Ecclesiae Romanae de fide sanctiones, irretractabiles & irreformabiles Conciliis generalibus non fuisse. Alioquin nullum Tertullianus aeo suo fidei Catholicae articulum habuisset, quem jure irretractabilem, immobilem & irreformabilem diceret: nam &

praecipuos deinceps in Conciliis Oecumenicis retractatos videbimus; & juxta Illustrissimi Scriptoris principia, nullus omnino est, qui simili alicujus Concilii generalis examini ac retractatui esse non potuerit obnoxius. Quapropter, quemadmodum Conciliorum generalium de praecipuis Christianae doctrinae decretis disputationes non probant, Catholicam fidem, eosque ipsos fidei Catholicae articulos, qui in disceptationem veniebant, jure suo irretractabiles, & irreformabiles non fuisse: ita nec probant, Apostolicae Sedis de iisdem fidei dogmatibus sanctiones non fuisse irreformabiles & irretractabiles judicatas, antequam eis eorumdem Conciliorum generalium auctoritas vel adensus accederet. Nam quod ejusmodi dogmata, tum perpetua & constanti Ecclesiae traditione ubique recepta, tum Apostolicae Sedis judicio roborata, in Conciliis oecumenicis retractata, & ad examen revocata sunt, maximoque studio & contentione disceptata, non illud, ut postea dearticulate demonstrabitur, in causa fuit, quod ulla de iis dogmatibus ac sanctionibus inesset Patribus dubitatio; sed, uti laudatus Tertullianus ait, propter instructionem & munitionem, quorundam admissa cum Haereticis congressio est, & datus examini ac retractatibus locus; ne scilicet unaquamque perversitas videretur, non examinata, sed praepjudicata damnari. Sed haec postmodum luculentius, & articulatim, ut dixi, ac distincte disputantur.

## CAPUT II.

- „ Sententia Parisiensium res inter ju-  
 „ dicatas reponenda ex dictis de  
 „ Concilio Constantiensi .

## CAPUT III.

- „ Alia Modernorum quorundam ca-  
 „ villatio confutatur , ostenditurqu-  
 „ ex ipsis Concilii Constantiensis  
 „ verbis ac gelis , Papam non mo-  
 „ do teneri Conciliaribus de fide  
 „ decretis jam factis ; sed etiam  
 „ in quaerendo & tractando in Con-  
 „ cilio potestate esse .

## CAPUT IV.

- „ Aliae cavillationes : Papam subji-  
 „ quidem Concilio in fidei quaestio-  
 „ nibus , sed tantum postquam se illi  
 „ sponte submitit : tum esse qui-  
 „ dem illum per sese infallibilem ,  
 „ si non adsit Concilium , sed prae-  
 „ sente Concilio jam illi subesse .

**Q**uae in tribus hisce Capitibus ex  
 Concilio Constantiensi Melden-  
 sium Episcopus disputat , discuti ac ri-  
 te examinari non possunt , nisi prius  
 ipsius Concilii decreta ad examen fue-  
 rint revocata : quod quum in alio Ope-  
 re initari simus , in praesentia quae ad  
 haec tria Capita pertinent , praeter-  
 mittimus .

## CAPUT V.

- „ An Concilii Constantiensis iudicium  
 „ antiqua traditione nitatur . Prae-  
 „ mittimus quaedam ex Vincen-  
 „ tio Lirinensi de Ecclesiae Catho-  
 „ licae toto orbe diffusae auctorita-  
 „ te : hinc valere Concilia Oecu-  
 „ menica : duplex ratio agnoscen-  
 „ dae Ecclesiasticae consensionis ,  
 „ ac finiendarum fidei quaestionum ;  
 „ altera per Concilia Oecumenica ;  
 „ altera sine Conciliis Oecumeni-  
 „ cis . Utraque suo ordine tractanda  
 „ suscipitur : A prima ordinur  
 „ atque octo primorum Concilio-  
 „ rum generalium traditionem , ac  
 „ praxim explicare incipimus .

**C**oncilii Constantiensis Iudicium  
 Illustissimus Auctor appellat de-  
 cretum illud , quo sancitum est , sum-  
 mum Ecclesiae Catholicae Antistitem  
 etiam in rebus fidei Oecumenico subes-  
 se Concilio : Inde enim consequens  
 esse contendit , irrefragabile non esse  
 Romani Pontificis in sanciendo fidei  
 controversiis iudicium , quo de argu-  
 mento alio in Opere disputabitur . In-  
 terim ergo rem ipsam cum Illustissimo  
 Auctore ad veteris traditionis amussim  
 exigamus .

ARTICULUS UNICUS.

*Ex Vincentio Lirinensi, & Illustrissimi Auctoris principiis demonstratur, Fidei sanctiones quamlibet ex se irretractabiles & irreformabiles fuisse nihilominus in Conciliis generalibus retractatas.*

**Q**uod hujusce Libri capite primo Tertulliani auctoritate probavimus; nimirum, Fidei Catholicae sanctiones, quas ille jure immobiles, irreformabiles, & irretractabiles vocat, fuisse nihilominus Ecclesiae indulgentia in Conciliis Oecumenicis retractatas & ad examen revocatas; id etiam Vincentii Lirinensis testimonio, cujus cum ceteris Catholicis de Ecclesiae & Traditionis auctoritate doctrinam celeberrimus Gallicanae declarationis defensor amplectitur, egregie confirmari potest. Nihil enim aliud aureo suo commonitorio Vincentius Lirinensis contendit, quam omnino irreformabiles & irretractabiles esse fidei veritates, quae Catholicae Ecclesiae, & perpetuae communisque Traditionis testimonio & auctoritate nituntur. Totus hic mihi laudatus Liber exscribendus esset; hoc enim in eo unum Vincentius agit, quod nervose perinde atque eleganter exsequitur: qui tamen Liber quoniam omnium jam manibus teritur, pauca dumtaxat inde delibabo, quae plus luminis ad hanc controversiam illustrandam adferre posse videntur.

Firmam & ineluctabilem esse Ecclesiae consentientis & perpetuae Tradi-

tionis auctoritatem, eique tamquam stabili & immobili fundamento inniti debere Catholicorum fidem, passim ac fere singulis paginis laudatus Auctor inculcat: *In ipsa*, inquit (a), *Catholica Ecclesia magnopere curandum est, ut id teneamus, quod ubique, quod semper, quod ab omnibus creditum est &c.* Si ergo sit aliquod dogma, quod univaria & nunc teneat, & olim ac semper tenuerit Ecclesia; nulli dubium esse potest, quin illud certissima fide amplectendum sit, & quia etiam ad eam fidem pertineat, quam Tertullianus immobilem & irreformabilem esse definit.

*Quid igitur, inquit Vincentius (b), tunc faciet Christianus Catholicus, si se aliqua Ecclesiae particula ab universalis fidei communione praeciderit? ..... Quid si novella aliqua contagio non jam portuiculam tantum, sed totam pariter Ecclesiam commaculare conetur? .... Quid si in ipsa vetustate, duorum aut trium hominum, vel certe Civitatis unius aut etiam Provinciae alicujus error deprehendatur? An ideo Catholicorum fides nutabit; & quod antea in Ecclesia firmiter, immobiliter, & irretractabiliter tenebatur, deinceps in opinione versabitur; & dubii & ancipites haerebimus, donec res tota fuerit in oecumenica aut plenaria Synodo retractata? Non ita Vincentius respondet. At si primum acciderit; tunc Christianus Catholicus pestifero corruptoque membro sanitatem universi corporis anteponet. Si alterum imminere videatur; tunc item providebit, ut Antiquitati inhaereat, quae prorsus jam non potest ab ulla novitatis fraude seduci.*

ci. Si quod postremo propositum est deprehenderit; tunc omnino curabit, ut paucorum temeritati vel inscientiae, si qua sunt universaliter antiquitus universalis Ecclesiae decreta praeponat. Quoniam vero contingere potest, ut nulla circa emergentem controversiam Ecclesiae universalis auctoritate constituta sit regula, aut conditus Canon; ideo rursus Vincentius quaerit, quid Christiano Catholico faciendum sit, si tale aliquid emergat ubi nihil ejusmodi reperitur. An tunc saltem fides ejus in ambiguo versabitur, aut in suspensio manebit, donec plenaria Synodus habeatur, & antiqua fides retractetur, & certa regula praefigatur? Minime: sed tunc operam, inquit, dabit, ut constatas inter se majorum consulat interrogetque sententias: . . . & quidquid non unus aut duo tantum, sed omnes pariter uno eodemque consensu aperte frequenter perseveranter, tenuisse scripsisse docuisse cognoverit, id sibi quoque intelligat absque ulla dubitatione credendum. In ea versamur hypothefi, quod novella contagio non jam particulam tantum, ut olim Africam Donatistae; sed, ut Ariana perversitas, pene orbem totum, & totam pariter Ecclesiam contaminare conetur; quod profanae novitati, ut olim Haereticorum Baptismus velut irritum repudiantibus, unius aut Civitatis, aut Provinciae suffragium in ipsa vetustate non desit; Quod Catholicis nulla suppetant Concilii generalis decreta, quae sacrilegiam novitatem perspicuis conceptisque verbis praedamnant; ut quum primum Appollinaris, ut postmodum Eutyches unam Christi naturam commenti sunt: In ejusmodi, inquam, versamur hypothefi, quae na-

xime exigere videtur Oecumenicae Synodi auctoritatem: nec tamen praefolari nos ejusmodi Synodum Vincentius jubet, & interim suspensos & incertos manere; sed in eo quod antiquitus traditum semel in Ecclesia Catholica accepimus, immobiles nos esse vult & inconcussos.

Haec autem ille quae toto passim in Opere sedulo ac diligenter inculcat, Capite XXXIX. accuratius & luculentius sequentibus verbis explanat: Hic jam, inquit, consequens esse video, ut exemplis demonstrem, quonam modo profanae Haereticorum novitates, prolatis atque conlatis veterum Magistro-  
rum concordantibus sibi met sententiis, & deprehendantur & condemnentur. Primum autem observat, Antiquam  
,, Sanctorum Patrum consensionem,  
,, non in omnibus divinae legis quae-  
,, siunculis, sed solum certe praecipue  
,, in fidei regula, vel ut in altero Com-  
,, munitario pariter admonet, in iis  
,, dumtaxat praecipue quaestionibus qui-  
,, bus totius Catholici dogmatis funda-  
,, menta nituntur, magno nobis studio  
,, & investigandam esse & sequendam.  
Deinde duplex adversus Catholicam  
veritatem errorum genus distinguit;  
alterum inveteratum, & jam pridem  
Concilii universalis auctoritate protri-  
tum; alterum quod recens eruperit, &  
nondum ad plenariae Synodi examen  
perductum sit. Quod ad primum adinet  
genus, hanc ille regulam statuit: Quas-  
cumque illas antiquiores vel schismatum  
vel haereseon profanitates, nullo modo  
nos oportet nisi aut sola si opus est Scri-  
pturarum auctoritate convincere, aut  
certe jam antiquitus universalibus Sa-  
cerdotum Catholicorum Conciliis convi-  
ctas damnatasque vitare. Sed quid fa-  
ciat.



sto opus erit, si haecenus invisum doctrinae monstrum exurgat? An Oecumenica Synodus expectanda erit, ut illud tamquam certam perniciem aversemur? *Quum primum*, inquit, mali cuiusque erroris putredo erumpere coeperit, & ad defensionem sui quaedam sacrae Legis verba furari, eaque fallaciter & fraudulentè exponere; statim interpretando Canonum Majorum sententiae congregandae sunt; quibus illud quodcumque exsurgat novissimum ideoque profanum, & absque ulla ambage prodatur, ET SINE ULLA RETRACTATIONE damnatur. . . . & quicquid vel omnes vel plures, uno eodemque sensu, manifestè frequenter perseveranter, VELUT QUODAM CONSENTIENTE SIBI MAGISTRORUM CONCILIO, accipiendo tenendo tradendo firmaverint, ID PRO INDOBITATO CERTO RATIONE HABEATUR.

Eandem vim in sanciendo dirimendisque fidei controversiis, & insurgentibus erroribus comprimendis & sine ulla retractatione damnandis, in Veterum Patrum qui olim in Ecclesiae pace defuncti sunt constanti & unanimi Traditione Vincentius collocat, atque in decreto Concilii, quod modo ex universis Christiani Orbis Episcopis congregaretur. Quod sane ex Divo Augustino desumptum esse videtur; qui quum undecim ex antiquis Patribus, qui diversis & locis & temporibus floruerant, testes adversus Pelagianos Catholicae Traditionis produxisset; Julianum arguit, qui maxime querebatur, examen ipsis & Episcopale iudicium denegari. Ostendit enim in undecim illis Patribus cum ceterorum choro mire

T. I. P. I.

concurrentibus tantum inesse pondus auctoritatis, ut graviore nec Synodus ex toto terrarum orbe congregata poleret: *Isti*, inquit (a), *Episcopi sunt docti graves sancti, veritatis acerrimi defensores adversus garrulas vanitates, in quorum ratione eruditione libertate, quae tria bona iudici tribuisti, non potes invenire quod spernas. Si Episcopalis Synodus ex toto orbe congregaretur, mirum si tales possent illic facile tot sedere, quia nec isti uno tempore fuerunt. . . . Hos itaque de aliis atque aliis temporibus atque regionibus, ab Oriente & Occidente congregatos vides, non in locum quo navigare cogantur homines, sed in Librum qui navigare possit ad homines. Quanto tibi essent isti iudices optabiliores, si teneres Catholicam fidem, tanto tibi sunt terribiliores, quia oppugnas Catholicam fidem, quam in laetè suserunt, quam in cibo sumserunt, cuius lac & cibum paucis magnisque ministrarunt, quam contra inimicos etiam vos tunc nondum natos, unde nunc revelamini, apertissime ac fortissime defenderunt. Talibus post Apostolos sancta Ecclesia plantatoribus rigatoribus aedificatoribus pastoribus nutritoribus crevit; ideo profanas voces vestrae novitatis expavit &c.* Horum autem iudicium omnino irrefragabile & irreformabile esse iudicium, neque ab huiusce veluti generalis Synodi eique consentientis Ecclesiae sententia esse ad quem provocetur, & a quo refragantium ipsorum doctrinae causa retractetur, eodem loco S. Augustinus disertè docet, & invictè demonstrat: *Quod inquit (b) invenerunt in Ecclesia, tenuerunt; quod didicerunt, docuerunt; quod a Patri-*

B

bus

(a) Lib. II. cont. Julian. cap. X, num. XXXVII. (b) Ibid. num. XXXV. & XXXVI.

*bus acceperunt, hoc filii tradiderunt. Nondum vobiscum apud istos Judices aliquid agebamus, & apud eos acta est causa nostra. Nec nos, nec vos eis noti fueramus, & eorum pro nobis latas contra vos sententias recitamus. Nondum vobiscum certabamus, & eis pronuntiantibus vicimus. Dicis, „ me „ si sub potestate Judicum premerer, „ quales tibi ipse componis, non habi- „ turum fuisse quid facerem, quo con- „ fugerem; cum tuis argumentatio- „ nibus unde occurrerem, reperire „ non possem. Ego plane haberem quid facerem, haberem quo confugerem: a Pelagianis enim tenebris ad haec tam praeclara catholica lumina provocarem; quod & nunc jam facio. Tu ergo responde quid facias, dic quo confugias. Ego a Pelagianis ad istos: tu ab istis ad quos? At si Catholicae veritates ab Haereticis oppugnatae in Conciliis generalibus retractantur, facile respondere poterant Pelagiani, & eorum nomine Julianus: Ego ab istis, & ab Ecclesia ubique diffusa, ad Ecclesiam in Synodo Oecumenica congregatam. Qua propter ex ea S. Augustini interrogatione aperte ac luculenter efficitur, non esse gravius aliquod & superius iudicium, in quo veteris & constantis & universalis Ecclesiae Traditionis sententia reformari valeat. Quod etiam non minus clare ac diserte eodem loco S. Augustinus sequentibus verbis confirmat (a): His igitur eloquiis, & tanta auctoritate Sanctorum, profecto aut sanaberis Dei misericordia donante, quod quantum tibi optem, videt qui faciat: aut si, quod abominor, in eadem quae tibi videtur sapientia,*

*& est magna stultitia, perduraveris; non tu Judices quaesiturus es, ubi causam tuam purges; sed ubi tot Sanctos Doctores egregios atque memorabiles Catholicae veritatis accuses, Irenaeum, Cyprianum, Reticium, Olympium, Hilarium, Gregorium, Basilium, Ambrosium, Johannem, Innocentium, Hieronymum, ceterosque socios ac participes eorum, insuper & universam Christi Ecclesiam, cui divinae familiae Dominica cibaria fideliter ministrantes, ingenti in Domino gloria clausurunt. At si in Oecumenicis Synodis veterum Sanctorum & Ecclesiae toto Orbe diffusae doctrina reformabilis esset, non defuissent Juliano Judices, ubi & causam suam purgare, & tot Sanctos Catholici dogmatis adsertores, & universam insuper Christi Ecclesiam, accusare praesumeret; nempe ipsa Synodus Oecumenica, & Ecclesia in generali Concilio congregata, ad quae semper solemne fuit Haereticis provocare: Ergo, Augustinò auctore, Ecclesiae ubique diffusae, & in Synodo congregatae sententia perinde irreformabilis est.*

Et haec quidem adeo sunt manifesta & explorata, ut iis etiam Illustrissimus Gallicanae Declarationis Defensor primo adpectu concinere in hoc Capite videatur: postquam enim ait, certissimam esse invictissimam eminentissimam Ecclesiae consentientis auctoritatem, adjungit: „ Hinc illa in Conci- „ lia generalia manat, quam in eis „ agnoscimus, certa & ineluctabilis „ auctoritas. Neque enim alia ratio „ ne in Conciliis, sive in Ecclesia „ congregata valet unitas atque con- „ sen-

(a) Ibid. num. XXXVII.

„ sensus , quam quod in Ecclesia to-  
 „ to orbe diffusa aequè valeat : ipsa  
 „ enim Synodus eo valet , quod uni-  
 „ versalem repraesentat Ecclesiam :  
 „ neque ideo Ecclesia congregatur , ut  
 „ valeat unitas atque consensio ; sed  
 „ ideo congregatur , ut quae in Eccle-  
 „ sia ubique diffusa per se valet , in  
 „ eadem congregata ab Episcopis Ec-  
 „ clesiarum Doctoribus , tamquam  
 „ idoneis testibus clarius demonstretur .  
 „ Ex his igitur duplex intelligi-  
 „ gitur ratio agnoscendae Catholicae  
 „ veritatis : prima ex consensione Ec-  
 „ clesiae ubique diffusae ; secunda ex  
 „ consensione Ecclesiae in Synodo Oe-  
 „ cumenicis sive generalibus adunatae :  
 „ quam utramque rationem a nobis  
 „ sigillatim exponi oportebit , ut vim  
 „ illam infallibilem & ineluctabilem  
 „ in toto Ecclesiae corpore repositam  
 „ esse , clarius demonstremus .

Haec , inquam , cum iis , quae  
 haecenus in praesenti Articulo ex Vin-  
 centio Lirinensi & Augustino docui-  
 mus , consentire omnino prima fron-  
 te videntur . Si enim ad hoc tantum  
 Occumenicae Synodi congregantur ,  
 ut unitas atque consensio , quae in  
 Ecclesia ubique diffusa per se valet ,  
 in eadem congregata ab Episcopis Ec-  
 clesiarum Doctoribus tamquam idoneis  
 testibus clarius demonstretur ; non ad hoc  
 certe Concilia generalia congregan-  
 tur , ut fidei dogmata , quae in Eccle-  
 sia toto orbe diffusa tamquam divini-  
 tus revelata creduntur , in discepta-  
 tionem veniant , ut de illis delibera-  
 tur , ut reformentur , ut emendantur ;  
 sed ut iis immotis manentibus , & fi-  
 des diligentius enucleetur , & haere-

ticae pravitatis anfractus & latebrae  
 detegantur , & tum Catholicae doctri-  
 nae exponendae , tum adversus errori-  
 bus profigandis certi Canones seu Re-  
 gulae ac Formulae praescribantur .  
 Quae quidem expressa est Vincentii  
 Lirinensis sententia ; sed cum ea con-  
 ciliari non potest Illustrissimi Defenso-  
 ris opinio , qui , ut deinceps videbi-  
 mus , Ecclesiae doctrinam in Conciliis  
 Oecumenicis adsertam ac definitam ,  
 tamquam reformabilem spectatam ,  
 fuisse docet , donec generalis Synodus  
 habita est . Quod quidem quam alie-  
 num a veritate sit , postea per celebri-  
 ora cum Illustrissimo Adversario Conci-  
 lia discurrendo , disertius demonstra-  
 turus sum . Interim autem Lirinensis  
 adtexam verba , cum quibus , uti di-  
 xi , illa defensoris opinio conciliari  
 nullatenus potest : (a) *Christi vero* , in-  
 quit , *Ecclesia* , *sedula & cauta depo-*  
*sitorum apud se dogmatum custos* , *nihil*  
*in his unquam permutat nihil minuit ni-*  
*hil addit ; non amputat necessaria , non*  
*adponit superflua , non amittit sua* ,  
*non usurpat aliena : sed omni industria*  
*hoc unum studet , ut vetera fideliter sa-*  
*pienterque tractando , si qua sunt illa*  
*antiquitus informata & inchoata , ac-*  
*curet & poliat ; si qua jam confirmata*  
*& definita , custodiat . Denique quid*  
*unquam aliud Conciliorum decretis enisa*  
*est , nisi ut quod antea simpliciter cre-*  
*debatur , hoc idem postea diligentius*  
*crederetur ; quod antea lentius praedi-*  
*cabatur , hoc idem postea instantius*  
*praedicaretur ; quod antea securius co-*  
*lebatur , hoc idem postea sollicitius ex-*  
*coleretur ? Hoc , inquam , NEC*  
*QUICQUAM PRÆTEREA , hae-*

*reticorum novitatibus excitata, Conciliorum suorum decretis Catholica perfecit Ecclesia; nisi ut quod prius a Majoribus sola traditione susceperat, hoc deinde Posteris etiam per Scripturæ Chirographum consignaret; magnam rerum summam paucis literis comprehendendo; & plerumque propter intelligentiæ lucem, non novum fidei sensum novæ appellationis proprietate signando.* His ergo limitibus Conciliorum generalium negotium circumscribitur & officium; neque unquam hanc sibi curam Concilia generalia sumserunt, ut avitam universalis Ecclesiæ fidem reformarent, vel ut deliberarent, utrum immota consisterent aut consistere deberent Catholici doctrinæ fundamenta. Quod tamen omnino dicendum est, si quæ postmodum de prioribus Conciliis generalibus Cl. Bosuetius disputat, vera sunt.

## CAPUT VI.

- „ Concilium Apostolicum Hierosolymis habitum de Legalibus, ut  
 „ omnium Conciliorum forma proponitur: Perpenditur illud; *Videtur est Spiritui Sancto, & nobis:*  
 „ Vis spiritus in ipsa consensione posita: in eam rem egregiæ  
 „ Concilii quinti, ac Sancti Cælestini Papæ in Concilio tertio  
 „ auctoritates.

Quæ initio hujus Capituli monet Illustrissimus Gallicanæ Declarationis Defensor; „ Sacris Ecclesiæ  
 „ Catholiciæ Oecumenicis sive generalibus Conciliis, Concilii Apostolici Hierosolymis habitum de Legalibus præluere auctoritatem; & ibi

„ quam maxime futuris quæstionibus, dicendis formam dari oportuisse; hæc, inquam, quæ initio monet, & in progressu capitis sæpius ingerit & inculcat, ea nos libenter amplectimur; tum quia vero consentanea esse existimamus; tum etiam quia causæ nostræ non modo nihil nocent, sed eam mirifice adjuvant & confirmant: dum ea tamen quæ Synodum præcesserunt, & quæ in ipsa Synodo, & post Synodum gesta sunt, non leviter ac perfunctorie, sed accurate ac diligenter examinemus. Quod sequentibus Articulis præstare pro virili conabimur.

## ARTICULUS PRIMUS.

*Sententiam de non adigendis Gentilibus ad Legalium observationem, Apostolos jampridem ante Hierosolymitanum Concilium pro certo ratoque dogmate habuisse, & ad eam fidem pertinuisse, quam Tertullianus immobilem & irreformabilem, adeoque & irretractabilem esse definit.*

Quæstio, propter quam dirimendam Hierosolymitana Synodus coacta est, in eo versabatur; An Gentiles, qui Christianam Religionem amplectebantur, & Baptismo initiati ex Evangelii norma vitam agere instituebant, salutem adsequi possent, nisi & circumcisionem susciperent, aliaque Mosaicæ Legis instituta servarent. Porro ea de re tam clare Deus & aperte suam revelaverat voluntatem, tam res illa erat Apostolis explorata, & tam firmis certisque fixæ principii; ut persuadere mihi nullatenus valeas, [in quo tamen argumen-

ti tui posita vis est ] tamquam de re nondum satis comperta & eliquata disceptatum in Synodo Hierosolymitana fuisse . Nam ubi primum Cornelii Centurionis conversione patefactum est Gentibus ostium fidei , quid in earum salute procuranda facto opus esset , Deus aperta visione & clarissimis signis Apostolorum Principi declaravit . Oranti enim , & in mentis excessuposito , conspectum est linteum magnum , e caelo demissum , omni animalium genere refertum : de quibus quum promiscue comedere iussus , Gentes pro immundis habendas non esse didicisset ; Spiritu monente , cum missis a Cornelio , quibusdam e fratribus comitantibus , Caesaream perrexerit : ubi Cornelium cum tota familia & amicis quampluribus in ejus domo congregatis , concione ad eos habita , ad fidem Christi convertit ; atque Spiritu Sancto caelitus in eos ultro nulla praecedente Petri manuum impositione delapsus , Christi Baptismate tinxit . Horum fama , ubi primum Hierosolymam ad Apostolos & alios ex circumcissione Fideles perlata est , non una omnibus sedit opinio , sed in varios sese sensus induerunt . Quare quum Hierosolymam , Petrus adscendisset ; Qui ex Judaismo Christi susceperant religionem , litem ipsi intenterant , quod cum Viris incircumcisis conversatus fuisset & cibum summisset : at eis Petro rem totam ordine enarrante , quieverunt ; & glorificaverunt Deum , quod etiam Gentibus aditum in Ecclesiam reserasset .

Gesta sunt haec anno communis aerae juxta Usserii calculos XLI. qui

Concilium Hierosolymitanum anno ejusdem aerae LII. consignat : quo temporis intervallo dispersi per universum orbem Apostoli , Christi nomen & Evangelium non modo Judaeis , sed etiam Gentibus annunciarunt . Nec dubium , quin eandem regulam ac disciplinam in recipiendis in Ecclesiam Gentilibus observarint , quam ex Petro caelitus edocto didicerant . Quae speciatim in variis provinciis Paulus & Barnabas gesserint , partim Actuum Apostolicorum historia , partim ipse Paulus in suis Epistolis narrat . Nam priore quinquennio quae Lucas scribit in Actibus perfecерunt ; posteriore vero Paulus , inquit Usserius (a) Christi Evangelium usque ad Illyricum propagavisse videtur , iis qui de Christo nihil adhuc audierant illud praedicando ; eaque percellus fuisse quae in posteriore ad Corinthios Epistola ipse commemorat . Nempe ut Philippis postea semel , ita prius bis a Gentibus alibi caesus virgis fuisse ; a Judaeis quinquies quadragenas una minus accepisse ; ternaufragium fecisse , noctem ac diem in profundo egisse . Cum enim inter Pauli & Barnabae ad Ecclesiam Antiochenam reditum , & eorumdem ex ea ad Concilium Hierosolymitanum institutam profectionem , juxta nostras quidem rationes integrum interpositum reperiat quinquennium ; nusquam alibi commodius reponere ista possumus , quam in hoc tanti spatii sanctae Historiae silentio . Porro ex Actis Apostolicis & universis ejus Epistolis perspicuum est , nihil aliud Apostolum commendasse , quam fidem in Jesum Christum , ejusque gratiam , & Evangelicorum

(a) Annales, nov. & vet. Test. ad an. XLVI.

eorum praeceptorum observantiam ; omnino autem ab onere circumcisionis & jugo Legis Mosaicae exemptos voluisse Gentiles , qui Christianam Religionem amplectebantur . Quam ille praedicandi Evangelii rationem in Epistola ad Galatas *non ab hominibus neque per hominem* accepisse se atque didicisse testatur , *sed per revelationem Jesu Christi* : quae ipsi adeo perspecta erat atque explorata , ut ante Hierosolymitanam Synodum cum aliis Apostolis non contulerit Evangelium , quod jam tot annos tot Gentibus praedicaverat ; eaque fretus , aliud annuncianti Evangelium , etiamsi Angelus e caelo , esset , anathema semel atque iterum dicit .

Quum ita inter Gentes Apostolorum opera , (a) *Domino cooperante & sermonem confirmante sequentibus signis* (b) *& portentis & variis virtutibus & Spiritus Sancti distributionibus secundum suam voluntatem* , ubique terrarum Ecclesiae fundarentur ; quidam e Secta Pharisaeorum Christiani nominis professores , nulla vel a Deo vel ab Apostolis accepta missione [ *quibus* , inquit in Epistola Synodica Apostoli , *non mandavimus* ] Antiochiam ex Judaea descendentes , Christianos ex Gentibus circumcidi oportere dicebant & legem Moysi observare , si salvi esse vellent ; multorum in Syria & Cilicia Fratrum animas perturbantes . Quibus statim Paulus & Barnabas se se acriter opposuerunt . Eos *παρυσιακούς ψευδαδελφούς irreptitios falsos fratres* Paulus appellat (c) eorumq; antesigna-

num fuisse Cerinthum Haeresiarcham , Philastrius (d) & Epiphanius (e) tradunt . Apostolorum & Seniorum , qui Hierosolymis erant , nomine & auctoritate Cerinthus aliique turbones abutebantur ; perinde atque illi , secus ac Paulus & Barnabas , Gentiles qui Christo & Christianae Religioni nomen dare vellent , ad circumcisionem adigerent & Mosaicae legis jugo & servituti subicerent . Quapropter communi consilio statutum est , ut Paulus una cum Barnaba aliisque nonnullis Hierosolymam adscenderet , & illic degentium Apostolorum & Presbyterorum de oborta controversia sententiam exquireret . Verum ille ejusmodi iter non humano solum consilio , sed etiam , ut est in Epistola ad Galatas , ex divina revelatione suscepit ; adsumtoque simul Tito Graeco , cum ad circumcisionem cogi noluit , ne falsis illis fratribus ad momentum cedere videretur . Paulus ergo & Barnabas una cum sociis Antiochia profecti , in itinere per Phoeniciam & Samariam narrantes conversionem Gentium , ingenti gaudio fratres omnes adfecerunt . Et quum Hierosolymam pervenissent excepti sunt ab Ecclesia & ab Apostolis & Senioribus ; quibus quanta Deus per ipsos effecerat retulerunt . Paulus autem privatim ac seorsim primariis inter Apostolos Jacobo , Petro & Johanni qui videbantur esse columnae , Evangelium exposuit quod Gentibus praedicabat ; in quo illi non modo nihil a Christi doctrina dissonum , aut aliquid quod supplendum & adjiciendum

(a) Marci ult. vers. ult.

(b) Heb. cap. II. vers. 4.

(c) Galat. cap. II. vers. 4.

(d) De Haeres. cap. LXXXVII.

(e) Haeres. XXVIII.

dum esset, animadverterunt; sed etiam specialem in eo gratiam & vocationem admirantes, qua a Spiritu Sancto ad Apostolatam & conversionem Gentium electus erat ut ipse Gentium Apostolus, quemadmodum Petrus Circumcisorum, destinatus specialiter videretur; dextras societatis dederunt ei ac Barnabae, ut illi apud Gentes, ipsi vero apud Iudaeos Apostolatu fungerentur; hoc tantum moventes, ut pauperum qui Hierosolymis erant, sublevandorum curam susciperent.

Ex hac perbreui earum rerum quae Concilium praecesserunt expositione plurima sponte profisciscuntur argumenta, quibus certo perspicueque conficitur, rem de qua postmodum in Synodo disceptatum est, tam certam Apostolis exploratamque fuisse quam quae-

libet alia christianae fidei mysteria; nec potuisse in dubium revocari, quin ipsa Religionis fundamenta concuterentur. His enim christiana Religio cardinibus sustinetur: 1. Non esse aliam veram Religionem, nisi quam Deus instituit & hominibus revelavit. 2. Veram Religionem omnia completi quae necessaria sunt, ut homines divinis obsequiis mancipati aeternam beatitudinem adsequantur. 3. Deum ea, quibus coli pro temporum varietate, & per quae nos ad aeternam voluit entis felicitatem, sua providentia opportune hominibus revelasse. 4. Quod spectat ad christianam Religionem ejusmodi revelationem fuisse Apostolis factam, nobisque per Apostolos innotuisse. Ut praeclare Tertulianus animadvertit lib. de Praescript. capite XX. & seqq. (a) Haec

(a) Christus Jesus Dominus noster, permittat dicere interim, quisquis est, cuiuscumque Dei Filius, cuiuscumque maritiae homo & Deus, cuiuscumque fidei praeceptor, cuiuscumque mercedis promissor; quid esset, quid fuisset, quam Patris voluntatem administraret, quid homini agendum determinaret; quamdiu in terris agebat, ipse pronunciabat, sive populo palam, sive discipulis seorsum, ex quibus duodecim praecipuos lateri suo adlegerat destinatos nationibus magistros. Et infra: Hanc igitur dirigimus praescriptionem: Si Dominus Jesus Christus Apostolos misit ad praedicandum, alios non esse recipiendos Praedicatores, quam quos Christus instituit, quia nec alius Patrem novit nisi Filius, & cui Filius revelavit; nec aliis videtur revelasse Filium, quam Apostolis quos misit ad praedicandum, utique quod illis revelavit. . . . Quis enim integre mentis credere potest, aliquid eos ignorasse, quos magistros Dominus dedit, individuos habitos in comitatu, in discipulatu, in convictu, quibus obscura quaeque seorsum discebant, illis dicens datum esse cognoscere arcana, quae populo intelligere

non liceret? Latuit aliquid Petrum; aedificandae Ecclesiae Petram dictum, claves Regni caelorum consecutum, & solvendi & alligandi in caelis, & in terris potestatem? Latuit & Johannem aliquid dilectissimum Domino, pectori ejus incubantem, cui soli Dominus Judam traditorem praemonstravit, quem loco suo filium Mariae demandavit? Quid eos ignorasse voluit, quibus etiam gloriam suam exhibuit, & Moysen & Heliam, & insuper de caelo Patris, vocem? Non quasi ceteros reprobans, sed quoniam in tribus testibus stabit omne verbum. Ignoraverunt itaque & illi, quibus post resurrectionem quoque in itinere omnes scripturas edisserere dignatus est? dixerat plane aliquando, *Multa habeo adhuc vobis loqui, sed non possum testis modo ea suscinere*; tamen adjiciens: *Cum venerit ille Spiritus veritatis, ipse vos deducet in omnem veritatem*, ostendit illos nihil ignorasse, quos omnem veritatem consecuturos per Spiritum veritatis, repromiserat; & utique implevit repromissum, probantibus Actis Apostolorum descensum Spiritus Sancti.

Haec autem solida & inconcussa christianae Religionis principia nutare omnino ac periclitari necesse est, si demum post jacta ubique terrarum Ecclesiarum inter gentes fundamenta, incertum Apostoli habuerint, An sine circumcisione & Legalium institutorum observantia salutem Gentiles adsequi possent. Si enim de hac re dubitatum ab Apostolis est, sequitur, ut etiam dubitaverint, an eos Spiritus Sanctus omnem veritatem nationibus intimandam docuerit; an Evangelium, quod neque ab hominibus neque per homines Paulus acceperat, sed per revelationem Jesu Christi didicerat & Gentibus praedicaverat, omnia complecteretur sine quibus salus constare non poterat; an forma, quam recipiendis in Ecclesiam Gentibus Apostolorum Principi in excessu mentis posito Spiritus Sanctus praescripserat, legitima esset, pleneque ac perfecte divinae consona voluntati; Denique an Religio, quam Deus tot miraculis confirmaverat, tot charismatis illustraverat, tot virtutibus decoraverat, & quae jam per universum orbem, nequicquam obnitentibus Ethnicis & Judaeis, mirifice propagabatur, vera esset Christi Religio, per quam aditus ad aeternam beatitatem & beatam aeternitatem pateret: An potius aliquem Cerinthum, ut verbis utar Tertulliani (a), *liberanda veritas exspectabat*? Interea vero *perperam evangelizabatur, perperam credebatur, tot millia millium perperam tincta, tot opera fidei perperam administrata, tot virtutes, tot charismata perperam operata, tot Sacerdotia, tot mini-*

*steria perperam sancta, tot denique martyria perperam coronata*; Haec, inquam, omnia eo plurium annorum intervallo, qui a Cornelli conversione ad usque Hierosolymitanam Synodum effluxerunt, perperam gerebantur seu gesta sunt, si absque circumcisione & Mosaicae legis observantia Gentiles, qui Christianis Sacris initiabantur, ad salutem pervenire non poterant. Quapropter hac de re quaestionem movere eamque in disceptationem vocare perinde erat atque ipsa fidei ac Religionis fundamenta concutere. Quid enim in Religione firmum ac stabile, si dubium aliquando fuit, an Ecclesiae ab ipsismet Apostolis institutae, quaecumque ad verum Dei cultum & salutem hominum pertinent, reapse complecterentur? Nam si de hac re semel ambigere licuit, nutare prorsus oportuit in hominum mentibus & vacillare Christi promissa de mittendo Apostolis Spiritu Sancto, a quo ad omnem veritatem informarentur. Ergo tam certa semper in Ecclesia & constans & immobilis veritas fuit, patere Gentibus ad salutem aditum sine circumcisione & legalibus caeremoniis, quam hoc semper firmum & immobile Christianae doctrinae principium fuit, Apostolos ex Christi promissione omnem a Spiritu Sancto veritatem edoctos in ponendis Ecclesiae fundamentis errare non potuisse.

A R.

---

(a) Lib. de praescript, cap. XXIX,



ARTICULUS II.

*Quo sensu in Concilio Hierosolymitano de Legalibus disceptatum. Rem jure suo irretractabilem Apostolorum indulgentia fuisse in ea Synodo retractatam.*

**U**bi Hierosolymam tum Paulus & Barnabas una cum sociis, tum Cerinthus, ut Philastrio & Epiphanio videtur, & alii Judaizantes pervenerunt; illi ab Ecclesia & ab Apostolis ac Senioribus excepti, narraverunt quanta Deus per eos fecisset in Gentibus: & tunc videtur Paulus, cum praecipuis Apostolorum, Jacobo Petro & Johanne, Evangelium contulisse quod in Gentibus praedicabat; quod illi omnino probarunt, & ut quo coeperat pede pergeret, hortati sunt. Itaque nullum de hac re inter Apostolos divortium erat opinionum, sed omnium una sententia erat, ad legalium observantiam non esse Gentiles adigendos; quae de re Deus illis, tum caelestibus visionibus tum innumeris signis, suam demonstraverat voluntatem. Attamen quoniam ex adverso surrexerunt quidam de haeresi Pharisaeorum, qui crediderant dicentes: Quia oportet circumcidi eos, praecipere quoque servare legem Moyli, convenerunt Apostoli & Seniores videre de verbo hoc. Porro id mera Apostolorum indulgentia factum esse, duplici ratione luculentissime demonstratur.

Primo enim, uti recte Eminentissimus Bellarminus observat (a), potest.

T. I. P. I.

rat non modo Petrus, sed quilibet ex Apostolis ex se se hanc controversiam dirimere; quod quamquam Bagotius Bosuetio in hoc ipso Capite laudatus non adprobat, probatur tamen auctoritate quintae Synodi quam hic pariter idem Illustrissimus Auctor adducit (b): Pro his ad memoriam ejus (Vigilii) produximus magna illa Apostolorum exempla & Patrum traditiones. Licet enim Sancti Spiritus gratia & circa singulos Apostolos abundaret, ut non indigerent alieno consilio ad ea quae agenda erant; non tamen aliter voluerunt de eo quod movebatur, si oporteret gentes circumcidi, definire, priusquam communiter congregati, divinarum Scripturarum testimoniis unusquisque sua dicta confirmaverunt. Unde communiter de eo sententiam protulerunt. Quo testimonio nullum evidentius considerari potest ad illud adstruendum, quod in praesentia contendimus, potuisse quemlibet Apostolorum excitatam de Legalibus quaestionem absque Synodo & propria auctoritate dirimere. Idem etiam, quod ad Petrum attinet, haud obscure indicat sequentibus verbis S. Gregorius Magnus (c): Certe enim Petrus potestatem regni caelestis acceperat, ut quaeque in terra ligaret vel solveret, essent in caelo ligata vel soluta. . . . Et quia ex admonitione Spiritus ad Cornelium gentilem fuerat ingressus, contra eum quaestio a fidelibus facta est, cur ad Gentiles intrasset & comedisset cum eis, cur eos Baptismate suscepisset. Et tamen idem Apostolorum primus, tanta donorum gratia repletus, tanta miraculo-

C

rum

(a) Lib. IV. de Pontif. cap. VII.  
(b) Collat. VIII.

(c) Lib. IX. Epist. XXXIX. ad Theodist.

*rum potestate suffultus, querelae fidelium non ex potestate, sed ex ratione respondit, causam per ordinem exposuit &c. Si enim quum a fidelibus culparetur, auctoritatem quam in sancta Ecclesia acceperat attendisset, respondere poterat, ut Pastorem suum Oves, quae ei commissae fuerant, reprehendere non auderent. Sed si in querela fidelium aliquid de sua potestate diceret, profecto doctor mansuetudinis non fuisset. Humili ergo eos ratione placavit, atque in causa reprehensionis suae etiam testes exhibuit dicens: Venerunt autem mecum sex fratres illi. Si ergo Pastor Ecclesiae Apostolorum Princeps, signa & miracula singulariter faciens, non dedignatus est in causa reprehensionis suae rationem humiliter reddere; quanto magis nos peccatores, quum de re aliqua reprehendimur, reprehensores nostros ratione humili placare debemus? Ut potuit Sanctus Petrus ejusmodi controversiam, quum primum ob Cornelii Baptismum excitata est, sola auctoritate compescere ac definire: ita etiam Antiochiâ, ubi postmodum eadem contentio recruduit, ad se praecipue delatam potuit eadem auctoritate ac potestate sancire. Sed hic etiam maluit, ut Sanctus Johannes Chrysostomus inferius citandus animadvertit, mansuetudinis quam potestatis exhibere documentum. Et quemadmodum, quum primum lacescit est, perinde ac si ex aequo cum sociis causa agenda esset, non nisi ratione eorum objectioni satisfaciendum putavit: ita postmodum eandem rem, quam potestate sibi tradita uno verbo dirimere potuisset, eadem erga errantes indulgentia in Synodo examiniari permisit, & com-*

*muni iudicio ac sententia definiri.*

Secunda ratio, qua facile demonstratur, mera Apostolorum indulgentia habitum fuisse Concilium ex iis quae superiore Articulo late probavimus sponte fuit. Ostensum est enim, de hac re, quae in controversiam a quibuldam Judaizantibus vocabatur, perspectam fuisse Apostolis & exploratam Dei voluntatem; cujus, ut omittam Petri visiones & Pauli revelationes, totidem erant luculentissima argumenta innumera signa, quibus Deus ipsius Pauli tot jam annos tot inter Gentes praedicationem confirmaverat: neque enim divina Providentia Pauli doctrinam tot miraculis adprobasset, si sola Jesu Christi fides & gratia & Evangelicarum legum observantia, quae unice Apostolus Gentibus commendabat, tutum eis ad beatitudinem iter non praestabant absque circumcisione aliisque Legalibus caeremoniis; quas idem Apostolus tamquam inania elementa nihil profutura Gentibus repudiabat. Ac proinde non tamquam de re incerta tractatum de illa & inquisitionem Apostoli decernere potuerunt; sed tantum ut se paullisper repugnantibus adtemperarent, ne illorum opinio videretur magis praesudicata, quam examinata daminari. Negat id quidem apud Bossuetum Bagotius his verbis: *Nec placet, sic luisse Apostolos, aut simulate ab iis institutam quaestionem de re, quam exploratissimam habebant:* indicat tamen in hunc ipsum Actuum locum S. Johannes Chrysostomus; qui non ait quidem, luisse Apostolos, aut simulate quaestionem instituisse; sed permisisse, ut inquisitio ac disceptatio haberetur; quamquam ex praecedentibus

tribus signis exploratissimam hac de re Dei voluntatem haberent (a) : *Et non dixit Paulus : Quid ? Non merbor fidem a tantis signis ? Sed differit propter illos*. Et infra de Petro loquens : *In Ecclesia permittit primum inquisitionem & disputationem fieri, & tunc ipse dicit*. Et rursus : *Sed vide, quam mansuete & non cum auctoritate loquuntur*. Namque talia amabilia, & magis animo figuntur. Vides, nusquam sermonum, sed operationum & spiritus ostentationem. Attamen etiam tantis muniti rationibus, adhuc mansuete loquuntur. Quae consona sunt iis, quae S. Gregorius paullo ante laudatus animadverit, Petrum, ut mansuetudinis exemplum exhiberet, voluisse hoc negotium non modo auctoritate verum, & ratione transigere.

Possunt haec omnia illustrari simul & confirmari ex iis, quae scribit Apostolus in Epistola ad Galatas, quae ferme tota in hoc argumento versatur. Primum enim ait, sese Evangelium, quod praedicabat in Gentibus, cum Apostolis nequitiam contulisse : *Fuisset enim extremae dementiae*, [ ut S. Johannes Chrysostomus ac Theodoretus in hunc locum adnotant ] *eum, qui a Deo fuerat edoctus, postea cum hominibus communicare*. Attamen ubi quaestio de Gentibus circumcidendis adversus Evangelium, quod ipse caelesti revelatione didicerat & ubique in Gentibus annunciabat, Antiochiae concitata est, tunc Hierosolymam ascendit, ut hoc idem Evangelium cum Apostolis communicaret. Quae quamquam prima fronte adversa videntur, facile tamen ab Interpreti-

bus conciliantur. Observant enim, contulisse cum Apostolis Paulum, non quidem veluti incertus esset an eorum doctrina consentiret, sed ut aliis persuaderet, praecipuis Apostolorum suam probari sententiam : *Ascendit illuc*, inquit laudatus Chrysostomus, *quoniam in Civitate Antiochia . . . . quaestio nata est de hac ipsa re, quae nunc est in manibus*. Quaerebat autem, utrum essent circumcidendi, qui ex Gentibus credidissent . . . . Id temporis ascendit tum hic ipse Paulus tum Silas. Quo modo igitur dicit, Non ascendendi neque contuli ? Primum quidem, quoniam ipse sponte non ascenderat, sed missus erat ab aliis. Deinde, quoniam non accessit eo ut aliquid disceretur, sed potius ut aliis persuaderet. Nam ipse statim ab initio fuerat eius sententiae, quam Apostoli postea comprobant ; videlicet non esse circumcidendos. Ceterum quoniam ad eum usque diem non visus est illis sat idoneus, cui fides haberetur, sed magis auscultabant eis, qui versabantur Hierosolymis ; ascendit non ipse percepturus quod ante nescierat, sed ut contradicentibus persuaderet, eos qui Hierosolymis erant huic sententiae subscribere. Itaque ab initio quid esset agendum perspexerat, nec opus habebat ullo doctore, sed quae post multam discussionem erant Apostoli decreturi, haec ipsa citra discussionem caelestis habebat apud sese certa & indubitata. Idque Lucas declarans dicit, Paulum praedixam & copiosam orationem habuisse super hisce rebus apud illos, etiam priusquam iret Hierosolymam. Verum quoniam ita visum est fratribus, ut ab illis quoque discerent,

C 2

• ascen-

(a) Hom. XXXII. in Aq. Apost.

*adscendit, non sua ipsius causa sed illorum.* Ergo quemadmodum Paulus super hac ipsa quaestione de Gentibus circumcidendis prudenter cum Apostolis contulit, etsi certa illi haereret de hac re & indubitata sententia, quam & a Deo edoctus acceperat: ita Apostoli, quamvis eandem rem exploratissimam haberent, sapienter inquisitionem & disputationem fieri permiserunt: quoniam quemadmodum Paulus contulit, non ut ipse disceret sed ut alios doceret; ita disputationem Apostoli instituerunt, non ut ipsi latentem veritatem eruerent, sed ut aliis detegerent.

Quod magis etiam perspicuum fiet, si ad tempus attendamus, quo inter Paulum & Apostolos instituta collatio est; nam & seorsum cum praecipuis Apostolorum, & publice sive in Concilio, cum ipsis & ceteris Senioribus contulit. Sed privata collatio publicam praecessit, ut cum per se satis verisimile est, tum ab Interpretibus communiter observatur (a), & merito, nam Paulum & Barnabam in Concilio sedisse inter Apostolos, certum est: jam ergo eorum missionem & Apostolatam Petrus & Jacobus & Johannes probaverant, & dexteris eis dederant societatis tamquam veris ac germanis Apostolis Christi. Quod certe factum ab eis non est, ut ipse Paulus narrat in Epistola ad Galatas, antequam illis exposuissent Evangelium quod Gentibus hactenus annuntiaverant, & signa narraissent & charismata, quibus caelestem eorum missionem Spiritus Sanctus probaverat. His autem argumentis non modo Apostoli intellexerunt,

nihil esse quod eorum Evangelio adderetur, aut quod in eo corrigeretur; verum etiam sic Paulum esse a Deo ad Apostolatam Gentium specialiter destinatum, quemadmodum Petrus specialiter electus videbatur, ut Apostolatu inter Iudaeos fungeretur. Unde consequens est, Apostolos in privatis congressibus Pauli sententiam de non adigendis ad circumcisionem Gentibus adprobasse, antequam de illa sollempniter in Synodo disceptaretur. Cujus rei idem Paulus eodem loco hoc etiam suppetit argumentum, quod & Titum Apostoli susceperant, & cum eo familiariter versabantur; quamvis nulla ratione animum Paulus induxerit, ut cum circumcideret: inde enim satis perspicue constabat, persuasum esse Apostolis, non esse pro immundis habendos quoscumque Christus sua gratia purificaverat; subindeque opus non esse circumcisione, ut quis vere sanctus ac mundus reputaretur. Quapropter conquisitio de hac re in Synodo ac disceptatio non propter Apostolos, sed propter Refractarios instituta est; ut nimirum ex mutua collatione facilius intelligerent, quam praepostere, & contra manifestam & apertam Dei voluntatem cogere Gentiles vellent ad suscipiendam circumcisionem, & gravissimum Mosaeicae Legis jugum ferendum.

Hunc certe sensum praeferunt verba, quibus Princeps Apostolorum, post longam quam permiserat disputationem, suam de hac controversia mentem aperuit: *Viri fratres, vos scitis, quoniam ab antiquis diebus Deus in nobis elegit, per os meum audire*  
Gen-

(a) Vid. Synops. Criticor. & Calmet. in cap. 2. ad Galat & Usser. in Annalib. ad an. LII.

Gentes verbum Evangelii, & credere. Et qui novit corda Deus testimonium perhibuit, dans illis Spiritum Sanctum, sicut et nobis. Et nihil discrevit inter nos et illos, fide purificans corda eorū. Nunc ergo quid tentatis Deum, imponere jugum super cervices Discipulorum, quod neque Patres nostri neque nos portare potuimus? sed per gratiam Domini Jesu Christi credimus salvari quemadmodum & illi. Docet his verbis Petrus, adeo clare Deum & manifeste suam de non compellendis ad circumcissionem Gentibus declarasse voluntatem, ut qui de hac re dubitabant, & illustriora signa petebant & majorem hujusce rei evidentiam desiderabant, Deum graviter offenderent, ejusque patientiam bonitatemque tentarent: ita enim hunc locum S. Johannes Chrysostomus, eumque sequuti recentiores tum orthodoxi tum heterodoxi Expositores interpretantur: *Quid est*, inquit S. Johannes Chrysostomus, *tentatis Deum?* *Cur increduli*, inquit, *estis Deo?* *quid tentatis illum*, quasi non possit servare fide? Itaque infidelitatis est legem inferre. Et Synopsis Criticorum hoc idem latius edisserens; *Quid tentatis Deum &c.* Id est vertitis in dubium, an Deus velit circumcidi Gentes, quas jam elegit & vocavit dato Spiritu Sancto? Cur non habetis Deo fidem, quasi ille non valeat hominem fide salvare? Cur Deum offenditis? ut Aët. cap. IV. vers. 9. *Qui Deum offendit, patientiam ejus tentat: offendit autem, qui voluntati ejus sufficienter revelatae obstrepit. Deum offendit, qui ejus clara certaque dicta in dubium revocat. q. d. Cum constet de voluntate divina, Gen-*

*tiles admittendos esse in Christianismum, misso in eos Spiritu; cur de ea dubitatis, Deumque tentatis, an serio hoc velit, an in dictis suis firmus sit & constans?* Deinde tentatis Deum, quia conamini ejus voluntatem agnitam, ad vestram quae contraria est inflectere, ut contra id quod decrevit, imponat jugum Legis Gentilibus, quia hoc vos vultis & cupitis. Unde consequens est, Petrum, etsi perquisitionem disputationemque permiserit, exilimasse tamen adeo rem in propatulo esse, ut qui repugnabant, Deum gravissime laederent ac tentarent; utpote qui manifestissime Dei voluntati contumaciter refragarentur. Quam consecutionem ex praemissis Apostolorum Principis verbis etiam S. Hieronymus elicit scribens ad Augustinum (a): *Haec non debent molesta esse Lectori, sed & illi & mihi utilia; ut probemus, ante Apostolum Paulum non ignorasse Petrum, imo principem hujus fuisse decreti, Legem post Evangelium non esse servandam.*

Illustrissimus Gallicanae Declarationis defensor sic Petrum hujusce decreti Principem fuisse fatetur, ut in ejus tamen sententia vim irretractabilem & indeclinabilem non agnoscat, sed in solo totius Concilii decreto: „ Deliberatio, inquit, a Petro inchoata: qui mos deinde invaluit, ut „ Sacri coetus Principes primi sententiam dicerent, iisque auctoribus „ decretum sanciretur. Petrus ergo „ ubique rectae praedicationis & rerum agendarum auctor, primus sententiam dixit. . . . Deinde Paulus „ & Barnabas edisserunt, quae fir-

„ man-

„ mandae Petri sententiae essent .  
 „ Tum Jacobus dicturus sententiam ,  
 „ expresse a Petri dictis incipit : *Vi-*  
 „ *ri fratres, Simou narravit &c.* Quo  
 „ ritu in secutis Conciliis , dicente  
 „ coetus Principe , ceteri deinde pla-  
 „ cere demonstrant . Nec tamen sic  
 „ agunt , quasi usquequaque primae  
 „ sententiae auctoritate contriti , sed  
 „ ipsi judicant & Jacobus : *Ego* , in-  
 „ quit , *judico &c.* Decretum deinde  
 „ conditum communi nomine , ac Spi-  
 „ ritus Sancti auctoritate adscita : *Pla-*  
 „ *cuit nobis collectis in unum : & , vi-*  
 „ *sum est Spiritui Sancto , & nobis .*  
 „ Ibi ergo vis ; *Spiritus Sancto , &*  
 „ *nobis* : Non quod Petro praecise ,  
 „ sed quod nobis : & a Spiritu acti , non  
 „ unus Petrus , sed sacri coetus unitas  
 „ . . . . . Re judicata per commune ju-  
 „ diciū , nihil postea retractatum , aut  
 „ nova cuique relicta dissenso est .

Ut ab hoc quod postremo observat  
 incipiam ; fallum est , tum denu-  
 diffensionem compositam esse , quum  
 Concilii nomine decretum conditum .  
 est . Nam ubi Petrus sententiam pro-  
 tulit , omnis illico disputatio conquie-  
 vit : narrat enim Lucas , quod loquen-  
 te Petro , & postquam verba facere  
 desinit , *tacuit omnis multitudo* ; hoc suo  
 silentio reverens Petri sententiam , e-  
 iusque dicta adprobans , & ipsius sen-  
 tentiae & definitioni acquiescens . Ne-  
 mo enim quidquam objecit , sed ejus  
 iudicium silentio quodam communi  
 exceptum est , & veluti compressus  
 tumultus disceptantium : nam etsi  
 Paulus & Barnabas silentium multitu-  
 dinis ruperunt , non ideo loquuti sunt ,  
 ut latum a Petro de fide iudicium exa-

mini subicerent , aut retractarent ,  
 sed ut illud confirmarent , *narrantes*  
*quanta Deus fecisset signa & prodigia*  
*in gentibus per eos* ; etsi illas ad circum-  
 cisionem minime cogerent , sed , uti  
 Petrus edixerat , solo spiritu fidei pu-  
 tificari docerent . Eandemque Prin-  
 cipis Apostolorum sententiam Jacobus  
 deinde Prophetarum oraculis commu-  
 nivit . Itaque Petro de fide statuente  
 statim & omnis multitudo & Apostoli  
 adfensi sunt : sed ejus iudicium Apo-  
 stoli quidem viva voce , multitudo au-  
 tem silentio comprobant . *Tacuit*  
*autem omnis multitudo , & in senten-*  
*tiam ejus* , addit laudatus Hierony-  
 mus , *Jacobus Apostolus & omnes si-*  
*mul Presbyteri transierunt* : qui sta-  
 tim subjungit quae superius descriptae  
 sunt , Petrum scilicet principem hu-  
 jus fuisse decreti , Legem post Evan-  
 gelium non esse servandam . *Princi-*  
*pem* , inquam , non ideo tantum , quia  
 primus in Concilio sententiam dixit ;  
 sed quoniam auctoritate sua & dispu-  
 tationi finem & disceptantibus silentium  
 imposuit , & omnes in suam senten-  
 tiam pertraxit . Quod clarissimo ar-  
 gumento est , pro irtractabili & in-  
 declinabili habitum fuisse Petri de fi-  
 dei rebus iudicium . Id quod ex hoc  
 loco praeclare inter ceteros colligit  
 disertissimus Canus in hunc modum  
 (a) : *Si Pastor omnium Fidelium Pet-*  
*rus est a Deo constitutus ; Doctor ergo*  
*& magister Ecclesiae supremus effectus*  
*est . Quod si pascua doctrinae salubris*  
*oculis Christi non daret , sed posset eas*  
*erroribus falsis ac perniciosos pascere . ni-*  
*mirum non esset a Christo sufficienter Ec-*  
*clesiae provisum . Provisum est autem si-*

ne

(a) Lib. VI. de Loc. cap. III.

ne dubio, nisi Petrus ipse nos sefellerit in-  
quies, Viri fratres, vos scitis, quoniam  
ab antiquis diebus Deus in nobis  
elegit per os meum AUDIRE GEN-  
TES verbum Evangelii, ET CREDE-  
RE, Petrum ergo peculiariter inter  
ceteros elegit Christus, ut enim Gentes  
in fidei controversia non audirent solum  
loquentem, sed etiam crederent. Ita  
enim cum Petrus sententiam edixisset,  
tacuit omnis multitudo, Petro desinen-  
ti consentiens, ut *Actorum XV. a Lu-  
ca refertur*.

Ne porro haec quoniam a recente  
Scriptore & Pontificiae, ut ajunt,  
infallibilitatis acerrimo defensore pro-  
fecta sunt, ab Adversariis facile con-  
temnantur; adferam antiquissimi Ter-  
tulliani testimonium, quo non modo  
Cani argumentum validissime confir-  
matur, verum etiam quaecumque ad-  
versus Petri supremam & ineluctabi-  
lem in Hierosolymitana Synodo au-  
thoritatem Bossuetus adnotat, ever-  
tuntur. Ita enim scribit (a): *Sed &  
in illa disceptatione custodiendae nec ne  
legis, primus omnium Petrus Spiritu  
instinctus, & de nationum vocatione  
praefatus, Et nunc, inquit, cur ten-  
tatis Dominum de imponendo jugo  
fratribus, quod neque nos, neque  
Patres nostri susterre valuerunt?*  
*Sed enim per gratiam Jesu Christi  
credimus nos salutem consecuturos,  
sicut & illi. Haec sententia &  
solvit quae omissa sunt legis, & alligavit  
quae reservata sunt.* Haec Ter-  
tulliani verba recta fronte pugnant cum  
Cl. Defensoris observationibus: „Ibi  
ergo vis, inquit Bossuetus *Spiritus  
Sancto, & nobis: Non, quod Pe-*

tro praecise, sed quod nobis: & a  
Spiritu acti, non unus Petrus, sed  
ipsa sacri coetus unitas. At vero  
Tertullianus etsi non negat sacro illi  
coetui divinum Spiritum adfuisse; at-  
tamen specialiter Petrum Sancto Spi-  
ritu adflatum & incitatum fuisse docet,  
quum sententiam de non observandis  
Legalibus protulit: *Primus omnium  
Petrus Spiritu instinctus*. Praeterea,  
etsi decretum univervo adprobante &  
consentiente Concilio editum fuisse  
non ignoraret; agnoscit tamen in so-  
lius Petri sententia absolutam & nulli  
retractatui obnoxiam potestatem: *Haec  
sententia & solvit quae omissa sunt le-  
gis, & alligavit quae reservata sunt*.  
Ergo Petri sententia statim atque ex  
ipso prodiit, efficax fuit, nec sacri  
coetus consensum, ut vim suam exe-  
reret, expectavit.

### ARTICULUS III.

*Juxta Gallicani Cleri opinionem, Con-  
cilium Apostolicum aliorum Conci-  
liorum forma esse non potest: sed ju-  
xta nostram sententiam reliqua Con-  
cilia ad illius primi Concilii normam  
& amissim celebrata sunt.*

Quod initio hujus Capituli ani-  
madvertimus, hic iterum agno-  
scimus ac profiteamur; sacris Ec-  
clesiae Catholicae Oecumenicis Con-  
ciliis Concilii Apostolici Hierosoly-  
mis habiti de Legalibus praetulisse au-  
thoritatem, in eaque Synodo formam  
esse propositam, quam reliquae de-  
inceps imitarentur. Quamvis autem  
Gal-

(a) Lib. de Pudic, cap. XXI.



Gallicanae declarationis Defensor hoc ipsum in praesenti Capite identidem ingerat & inculcet ; contendimus tamen , plurimum ab ea forma Concilia Oecumenica discrepare , si vera sunt eorum principia ; sed optime cum illa concinere , si ad nostram sententiam exigantur .

Primo enim , statim exorta contentione , communi consilio Antiochiae decretum est , ut ea quaestio Hierosolymam ad Petrum & Apostolos & Presbyteros referretur ; ut re semel Hierosolymis judicata , dissensio conquiesceret , ut re ipsa conquievit , Re , „ inquit *Bossuetius* , judicata per „ commune iudicium , nihil postea „ retractatum , aut nova cuique re- „ lecta dissensio est : sed perlatum decretum ad Ecclesias ; docenturque „ plebes custodire Dogmata quae „ erant decreta [ graecae iudicata ] ab „ Apostolis & Senioribus , qui erant Hierosolymis . Quapropter Concilium illud , quamquam reapse Oecumenicum seu generale non fuit , attamen ob Petri praesentiam satis habere auctoritatis creditum est ad controversiam de religione gravissimam terminandam . Quod tum praesente Petro fuit Urbs Hierosolyma , id postmodum ob in ea constitutam Cathedralam Apostolicam Roma consequuta est ; ut nimirum ejus de fide ac religione iudicia , ob Petrum in Romano Pontifice adhuc loquentem , vim Concilii Oecumenici seu generalis habeant ; ac proinde re semel Romae judicata , nihil postea retractandum sit : sed perferendum ad Ecclesias decretum , docendaeque Plebes custodi-

re dogmata , quae in Urbe sancita sint . Id nos ex nostro sensu non dicimus , sed , quod certe mirandum , Heterodoxi Scriptoris fere sententiam expressimus . Grotius enim ad haec verba : *Statuerunt , ut ascenderent Paulus & Barnabas , & quidam alii ex aliis , ad Apostolos & Presbyteros in Jerusalem ;* haec adnotat (a) : *Tum Episcopos Hierosolymae atque Judaeae , tum Sacerdotes ; ad illos ut Iudices , ad hos ut consiliarios & doctores . Apostoli quamquam in se juris satis haberent & donorum Dei & auctoritatis , exemplo suo docebant Episcopos nihil agere sine Presbyterorum consilio , probantes laudabilem Synagogaem morem : Si qua inter Judaeos quaestio oriretur , iude iustus erat schismatis metus , adibatur Synedrion instructum Viris doctissimis , idque ex Lege Deut. XVII. &c. Sic Christiani , ubi tale quid inter ipsos ortum esset , ibant consultatum Hierosolyma , ubi Petrus erat & Joannes , & Jacobus , forte & alii quidam Apostolorum , & Seniores egregii . Quod tunc fuit Urbs Hierosolyma , id destructis Hierosolymis , facta est Roma , ubi magna copia Eruditorum , tum qui in Urbe habitabant , tum qui aliunde eo adventabant ; ita ut Synodus Romana Concilii Universalis ( quale nisi sub Imperatoribus Christianis haberi non potuit , nec sub illis semper ) vim aliquatenus in se contineret ; eoque magis quod ab ea Synodo etiam aliarum regionum Episcopi per Epistolas consulti solerent . Valde notanda sunt haec verba , quae sine dubio ab Heterodoxis Scriptoribus vis traditionis & veritatis extorsit . Agnoscunt enim*

(a) Eadem habentur etiam in Synopsi Criticæ.



enim in Petro & Hierosolymitana Synodo eam vim & auctoritatem controversias de rebus ad religionem spectantibus terminandi, quae in Capite XVII. Deuteronomii Summo Sacerdoti & Synedrio magno Hierosolymis constituendo adtributa est; eandemque auctoritatem cum Petro & Cathedra principali ad Romanos Episcopos Petri successores & Romanam Synodum devenisse significant; ut hanc etiam fateantur vim quodammodo Concilii generalis obtinuisse: at in veteri Testamento in rebus ad religionem pertinentibus Summo Sacerdoti, & Synedrio magno summa & suprema potestas in eo Capite adtributa est: eadem ergo summa & suprema in dirimendis fidei controversiis auctoritas in Petrum translata est, & per ipsum in Romanum Pontificem Romanamque Ecclesiam defluxit: ac proinde quemadmodum dogmata Hierosolymis iudicata retractare non licuit; ita nec retractare liceat quae semel Romae sancita sint.

Haec consona esse veteris Ecclesiae Traditioni, constat ex celeberrima Epistola qua Theodorus ab Ephesino Latrocinio ad Leonem M. Romanum Pontificem appellavit. Nam exemplo Pauli, qui Hierosolymam Antiochiae flagrantem de legalibus controversiam ad Petrum detulit, se iniuste vexatum ac depositum, Romam his literis confugere protellatur. *Si Paulus, inquit (a) Troeco veritatis, tuba Spiritus Sancti, ad magnum Petrum se contulit, ut iis qui Antiochiae de legali conversatione ambigebant, explicationem ab illo referret; multo ma-*  
T.I.P.I.

*gis nos humiles & pusilli ad Apostolicam Sedem vestram accurrimus, ut Ecclesiarum remedia a vobis accipiamus: Vobis enim PRIMAS in omnibus tenere convenit.* Agnovit ergo Theodorus in Romano Pontifice Petri Successore eandem quam Paulus in ipso Petro auctoritatem, ad enatas de Religione controversias compescendas & omnino terminandas: subindeque, ut post latum Hierosolymis de re ad Religionem pertinente decretum, omne dissidium de medio sublatum est; sic post editas Romae de fide definitiones nulla sit reliqua controversia.

Jam vero si quae tunc Hierosolymis gesta sunt normam rebus postea gerendis constituerunt, ex jam dictis facile conitare arbitror, cujus doctrina, nostra an Adversariorum ad Apostolicam regulam exacta sit. Nos enim, qui Petrum adhuc in sua Cathedra praesidentem, & in Romano Pontificeloquentem videre & audire nobis videmur; fidei morumque sanctiones, quae Romae auctore Summo Pontifice promulgantur, perinde irretractabiles iudicamus, atque illam quae de legalibus auctore Petro Hierosolymis edita est. Qui vero alios de Romani Pontificis auctoritate sensus induerunt, quamlibet amplum Cardinalium & Episcoporum Concilium Romae Pontifex cogat, eique praesit; dum illud Oecumenicum seu generale non fuerit, ejus de fide moribusque iudicium irretractabile & irreformabile esse non credunt; neque ex Romani Pontificis Petri successoris praesentia eique consentientibus Patribus, eam vim & aucto-

D

rita-

(a) Epist. CXIII. ad S. Leon.

ritatem ad componendas & terminandas de fide ac religione controversias habere judicant, quam non agnoscere in Apostolorum Principe & Concilio Hierosolymitano non possunt. Quo ergo jure illius Synodi exemplum nobis obijciunt, qui Sedis Apostolicae & Romani coetus, quo illius Concilii vis tota confluit & cum Petro translata est, auctoritatem labefactant, & irretractabilem esse negant? Quum post illius Synodi sententiam nihil amplius aevo Apostolico retractatum de Legalibus sit.

Secundo non repugnamus posse quandoque Concilia Oecumenica esse maximae utilitatis, imo esse etiam aliquando necessaria; etsi Romanum Pontificem ex sese satis habere credamus auctoritatis ad quamlibet controversiam terminandam: qua etiam in re nobis Apostolorum & Concilii Apostolici praelucet auctoritas. Quamvis enim, uti superius ostendimus, certum sit, potuisse Petrum illam de Legalibus controversiam propria auctoritate dirimere; utile tamen & expediens esse judicavit Synodum congregare & rem controversam communi nomine definire. Contra vero qui nobis adversantur, praefacte contendunt, nullam habendorum Conciliorum esse necessitatem nullam utilitatem, si quamlibet de fide aut moribus dissensionem propria valeat auctoritate Romanus Pontifex terminare. Quod si verum est; nulla necessitate Apostolorum Princeps nullaque utilitate Synodum coëgit ad quaestionem finiendam, quam poterat ipse proprio decreto sancire.

Tertio inde colligunt Adversarii, irretractabile non esse Romani Pon-

tificis de fidei rebus judicium, quoniam dogmata ab ipso definita, iterum examinata in Conciliis Oecumenicis, seu retractata sunt: perinde ac certa & immobilis Christiani dogmatis veritas, ex quadam erga errantes indulgentia, ad examen revocari non possit. At contra nos Apostoli exemplo suo docuerunt, posse quamlibet fidei veritatem, & si immobilem & jure suo irretractabilem, in Conciliis generalibus retractari, & dissidentium argumenta & difficultates expendi; ne ipsorum opinio magis videatur praepjudicata, ut ait Tertullianus, quam examinata damnari. Nam ad circumcissionem adigendos non esse Gentiles, neque illis Legalium institutorum gravissimam sarcinam imponendam, jamdudum Apostolos, quum Hierosolymitana Synodus celebrata est, & Christi promissionibus, & divinis revelationibus, & caelestibus signis exploratissimum habuisse, jam pluribus demonstravimus: & hanc tamen eandem rem veluti non satis certam & eliquatam in Synodo cognosci ac disceptari, Apostoli permiserunt.

Quarto, etsi Romanus Pontifex ob dissidentium pertinaciam recte aliquando prudenterque permittat, de fidei dogmatis haberi disputationes; attamen hanc in eo auctoritatem agnoscimus, ut ipso de re controversa sententiam pronunciante, jure suo exigere valeat, omnem statim conquiescere disputationem: aliorum autem Episcoporum tunc alias non esse partes, quam illius judicium novis argumentis, aliisque si quae illis suppetunt Scripturarum auctoritatibus confirmare; aut etiam aliquid suggerere, quod

quod salva fidei veritate, vel ad concordiam ineundam seu fovendam, vel ad veritatem magis illustrandam, vel ad errorem facilius evellendum, facere posse videatur. Haec autem omnia, ad Hierosolymitanae Synodi exemplum constituta esse, pluribus demonstrat Eminentissimus Cardinalis Reginaldus Polus Summi Pontificis ad Concilium Tridentinum Legatus in

Opere de Concilio quod alijs duobus Legatis exhibuit, ubi saepe hanc ipsam Apostolorum Synodum ceterarum formam & archetypum vocat (a).

En quomodo institutas esse Synodos judicamus, ut cum archetypo illo & ceterorum Conciliorum forma consentiant. Postquam Petrus loquutus est, ceteri aut taceant, suoque silentio iudicium illius adprobent;

D 2 aut

(a) *Quaerens enim, quaest. XXXVI.* quid in illo Concilio, in persona Petri videmus quod in reliquiis non videamus; respondet. Hoc sane primum, quod proprium est ejus qui primas partes in Conciliis tenet, ut finem imponat controversiis easque dirimat, ut concludat & auctoritate sua dimittat Concilium. Quae omnia ex verbis Scripturae videmus in illo Concilio Petrum fecisse; sic enim est scriptum: „Cum autem magna confusio fieret“. Quae verba significant, magnam primum altercationem de iis, quae decidenda essent, in Concilio exstiterat: quam Petrus sic repressit, ut verba quae sequuntur ostendunt, „Surgens autem Petrus dixit ad eos; Viri fratres“, &c.: quae cum dicit, sententiam Concilii & sententiam Spiritus Christi primis pronunciat, aequae concludit. Hoc autem videmus in persona Petri, quod in ceteris non videmus. . . . . Auctoritatem vero, quam ei Spiritus Christi dederat, valuisse in hac causa, illud maxime indicat, quod nemo ausus fuit in Concilio se ei opposere; sed, ut est in Actis, Petri sententia pronunciata, tacuit omnis multitudo: cum tamen constet, in illa multitudine fuisse Phariseos aliquot, qui extra Concilium pertinacissime contrariam semper sententiam defendissent, & hanc oppugnassent: verum illi auctoritate Petri commoti tacuerunt; qui vero postea verba fecerunt, omnes ejus sententiam approbarunt. Cum autem haec in Petri persona videmus, omnium eorum, qui in Petri Cathedra successerunt partes in Conciliis videmus: quae maxime in hoc exstare debent, ut controversias dirimant. & ut Concilium dimittant, omniaque auctoritate Petrae fidei in fundamento Eccle-

siae positae faciant. Et infra quaest. XXXVII. Huc pertinet omnis eorum, Pauli & Barnabae & qui modo ipsum locum in Conciliis tenent, oratio ut lignis miraculis atque operibus confirmet, eam esse Dei voluntatem & veritatem inflexibilem, quam Petri fides proposuit. Horum autem verbis per opera confirmantibus doctrinam fidei a Petro expositam, succedit oratio Jacobi, qui eandem confirmat per scripturas. In Jacobi vero persona significari intelligimus personam singulorum Episcoporum, quibus certae Ecclesiae sunt commendatae; quorum officium in Conciliis per ipsam Jacobi orationem satis etiam significatur. Quod ut luculentius exponat; quaerit deinde quaestione XXXVIII.: Quid in Jacobi persona sit, quod ad Episcoporum, qui singulis praesunt Ecclesiis, personam & officium in Conciliis declarandum pertineat; respondet autem: Hoc primum, ut Petri doctrinam de fide confirmet, quemadmodum Jacobus fecit; hoc enim commune omnium & singulorum Episcoporum esse debet. Deinde, si privatae eorum Ecclesiae aliquid vel consuetudine vel lege receperint, quod non adversatur sinceritati doctrinae fidei, verum ejusmodi esse videatur ut eo sublato periculum sit ne caritatis vinculum rumpatur; hoc quidem ut quisquis in sua Ecclesia experitur sic proponere poterit, quemadmodum Jacobus fecit: qui cum Hierosolymorum esset episcopus (quae nimirum Ecclesia ferme ex circumscissis constabat) confirmata Petri sententia, proposuit ut Gentilibus abstinentia ab Idolothys & sanguine, & Suffocato praeciperetur; quo facilius ex Judaeis & Gentibus unum Ovile fieret, & unus Populus coalesceret.

aut id tantum in medium adferant & Concilio suggerant, quod non ad evertendam aut labefactandam, sed ad confirmandam Petri sententiam facere videatur. Verum Gallicanae declarationis Auctores ac defensores post Romani Pontificis definitionem, seu postquam Petrus Pontificis ore loquutus est, loquendi locuum tribuunt Episcopis facultatemque non modo illius de fide sententiam confirmandi, quod in Concilio Hierosolymitano factum est; verum & retractandi & reformandi, aut etiam si eis libet penitus abjiciendi: cujus rei frustra in illa Synodo exemplum quaerunt; quam tamen nobiscum agnoscunt aliorum Conciliorum normam fuisse & exemplar.

Qua ergo, inquis, in re Apostolorum Synodum formam aliis Conciliis praebuisset volunt? Primum in eo, quod post iudicium Petri etiam Jacobus iudicat: *Propter quod ego iudico &c.* inde enim colligunt, iudicium de rebus fidei non ad solum Papam verum & ad alios Episcopos pertinere. Secundo, in eo quod decretum Apostoli ac Seniores, hoc est Episcopi, communi nomine condiderunt, & Sancti Spiritus auctoritatem non soli Petro sed universo coetui ex Apostolis ac Senioribus collecto vindicarunt: unde consequens esse putant, suam Sanctum Spiritum vim non in solo Ecclesiae Capite sed in universo corpore exercere; ac proinde summi Pastoris, antequam Ecclesiae consensus accedat, non immobile ac divinum sed humanum ac retractabile esse de fidei rebus iudicium: „ Vim ipsam „ decreti, *inquit cl. Bossuetius*, non „ in Petro solo, sed in unitate, & in „ Apostolorum ac Pastorum Ecclesiae

„ consensione ponimus. *Et infra*: Et „ quidem omnia, quae in hac Apostolica Synodo acta sunt, in sequentes manasse, Gesta prodent. Ergo „ id vel maxime manare oportet, „ quod maxime agebatur, & in quo „ robur esse positum Apostoli voluerunt: nempe ut *Spiritus Sancti* efficacia & vis conjungeretur cum illo, *nobis*, inque ipsa unitate se „ exerceret.

Verum non haec tantum, sed alia etiam quorum antea meminimus, a prima illa & Apostolica in sequentes Synodos promanarunt, & promanare debuerunt; nimirum quod Petrus Spiritu Sancto adflatus, sive, ut ait Tertullianus, *Spiritu Sancto instinctus*, primus sententiam protulit; quod finem contentioni & controversiae imposuit; quod nemo sententiam illius in dubium revocavit aut retractavit; quod eam omnes aut silentio adprobarunt, aut caelestibus signis, seu Prophetarum oraculis confirmarunt. Quum itaque haec omnia in prioribus illa Synodo ceterarum forma & archetypo occurrant; sic cogitare & adfirmare debemus, manasse in alias & facultatem ut Episcopi de fidei controversiis iudicarent, & ut Sancti Spiritus vis in ipsa se omnium consensione exereret; ut tamen singularia Petri iura ejusdem Apostolicae Synodi exemplo confirmata, facta testaque in aliis etiam Synodis retineantur. Id porro quod fieri possit ac debeat, in decursu Operis luculentius exponam. Interim autem generatim moneo id, quod est omnibus exploratum; & eos, qui Summi Pontificis de fidei rebus iudicium irretractabile & irreformabile esse decernunt, agnoscere tamen, & alio

alios Episcopos sedere ut Iudices in Conciliis & Ecclesiam, cum toto orbe diffusam, tum in Occidentis Synodis congregatam, in decernendis fidei controversiis ob inhabitantem in ea Spiritum Christi deficere & errare non posse. Quamvis autem haec omnia, possem plurium Scriptorum testimoniis confirmare, solius tamen Melchioris Cani verba adtexere libet, quod ad haec confirmanda huius ipsius Hierosolymitani Concilii exemplum & auctoritatem usurpet lib. V. de Loc. cap. V. neque ea minus luculenta sint, quam quae superius ex Gallicanae Declarationis Defensore descripsimus (a). Et tamen Canus Pontificiae doctrinae adsertor est acerrimus & Petrum ejusque Successores ineluctabilem habere auctoritatem, ex ipsius Petri in hac eadem Hierosolymitana Synodo verbis, uti etiam superius animadvertimus, demonstrat: „Viri, fratres, voscitis, quoniam ab antiquis diebus Deus in nobis legit,

„per os MEUM AUDIRE gentes verbum „Evangelii, ET CREDERE. Petram ergo, subiungit Canus, peculiariter inter ceteros elegit Christus, ut eum Gentes in fidei controversia non audirent solum loquentem, sed etiam crederent. Ita enim cum Petrus sententiam edixisset, tacuit omnis multitudo, Petro desinienti consentiens, ut Actorum XV. a Luca refertur. Frustra ergo nobis Adversarii Apostolicae Synodi exemplum & auctoritatem opponunt; eaque nos illis longe meliori iure obijcimus; qui non in una aut altera, sed in omnibus reliquis Synodos ad illius Concilii normam exigendas esse contendimus: ejusdemque Sacri Conventus historia demonstramus, haec duo recte invicem cohaerere; nimirum & Romanum Pontificem summa & ineluctabili praeditum esse auctoritate, & nihilominus Episcopos in Conciliis auctore Spiritu Sancto de fidei dogmatibus judicare.

C A-

(b) In Concilio illo primo Hierosolymitano, non solum Petrus, sed reliqui etiam Apostoli & Seniores iudices esse dicuntur: Propter quod ego JUDICO, Jacobus ait, non inquietari &c. (Actor. 15.) Et posterius capite eodem, praecepta Concilii vocat Paulus praecepta Apostolorum. Et cap. 16. dicit, ea dogmata esse decreta ab Apostolis & Senioribus. Hinc autem laudatus Theologus colligit: Episcopos Concilii in fidei causa non modo consiliarios esse, verum etiam Iudices: alioqui non solum Episcopi ad ferendam sententiam Synodalem adhiberentur, sed etiam docti Theologi, & Viri in Ecclesia prudentes: quod inauditum est, contraque formam Actor. XV. praescriptam; ubi Apostoli tantum cum Presbyteris (id est,

Episcopis) de fidei quaestione judicarunt .... Praeterea, non Romanus Episcopus modo, verum reliqui etiam Episcopi claves regni caelestis habent: ergo in causa fidei ligandi quoque ac solvendi potestatem: Visum est, inquit, Spiritui Sancto, & nobis, nihil ultra vobis imponere oneris, quam haec necessaria &c. Omnes ergo Episcopi onus praeciptumque imponunt, omnesque simul sententiae Synodalis auctores sunt. Et antea dixerat: Ecclesia unum corpus est, cujus Spiritus Deus est, qui Ecclesiae semper assistit. Quemadmodum ergo, quod toti pariter Ecclesiae visum est, id Spiritui Sancto etiam visum est: .... Ita, si quid omnibus quidem Episcopis judicatum fuerit, a Spiritu profecto Dei judicatum est.

## CAPUT VII.

## ARTICULUS PRIMUS.

„ Concilii Nicaeni primi decreta ad-  
 „ versus Arianos ipsa Patrum con-  
 „ sensione valuerunt ; nullo ante  
 „ gestam nullo post gestam Syno-  
 „ dum Sedis Apostolicae speciali  
 „ decreto : In eo Concilio ipsius  
 „ confessionis autoritate tres prae-  
 „ cipuae finitae quaestiones : ad  
 „ Sedem Apostolicam communis  
 „ decreti executio pertinet .

Quamquam ob Veterum Monu-  
 mentorum inopiam, quae fuerint  
 Sancti Sylvestri in Arianæ Haereseos  
 damnatione & in Nicaena Synodo par-  
 tes, satis aperte non conitat, nec ge-  
 nuinis testimoniis articulatum ac distin-  
 ctè demonstrari potest ; attamen ex  
 his quae supersunt plura decerpi pos-  
 sunt, quibus non modo quae Illustris-  
 simus Defensor ex Nicaenis Decretis  
 argumenta colligit penitus labefacten-  
 tur, verum etiam nostro dogmati plu-  
 rimum lucis adferatur. Quoniam vero,  
 ut jam superius indicavimus & infra  
 magis patebit, inde potissimum Ad-  
 versarius demonstrare sibi videtur, ir-  
 retractabiles non esse Apostolicae Sedis  
 de fide definitiones, quoniam in Con-  
 ciliis generalibus Episcoporum exami-  
 ni permissae sunt, diligenterque dis-  
 cussa, summaque cura & sollicitudine  
 retractata, quae a Retractariis obji-  
 ciebantur ; primum quam futile sit hoc  
 argumentum, ex his quae ante Conci-  
 lium & in ipso Concilio gesta sunt, lu-  
 culenter ut arbitror demonstrabo.

*S. Alexander Alex. Episcopus ante  
 Concilium Nicaenum ; & Patres  
 Nicaeni in ipso Concilio, praecipuum  
 Christianae fidei & religionis Arti-  
 culum, quamquam jure suo irretra-  
 ctabilem, attamen ad frangendam  
 Haereticorum pervicaciam, retra-  
 ctari & examinari permiserunt .*

Quam alte omnium federet ani-  
 mis, qui haud prorsus indigne  
 Christiano nomine centebantur, &  
 quam firma illis & immobilis haereret  
 fides, qua, Dei Filium aeterno Patri  
 aequalem, *homo* & coaeternum cre-  
 dimus ac profiteamur, quum Arius eam  
 primùm oppugnare coepit, & e fide-  
 lium cordibus convellere adnitus est ;  
 tum S. Alexander in suis adversus ip-  
 sum Arium Synodicis Literis, tum  
 SS. Athanasius & Hilarius in suis ad-  
 versus Arianos Operibus, tum deni-  
 que alii & coevi & suppres Patres,  
 testes locupletissimi sunt. Ceteris au-  
 tem omissis, unius Alexandri sensus  
 & verba subjiciam, quod ipse primus  
 adversus exorientem impietatem clas-  
 sicum cecinit. Is enim in Epistola Syno-  
 dica ad cognominem Constantinopo-  
 litanum Antistitem, & Sacrarum Li-  
 terarum perspicuis testimoniis, & ve-  
 terum Patrum Traditione, [ quos pro  
 omnium Haereticorum more Ariani  
 nullo, ut ipse testatur, in honore &  
 pretio habebant ] & Ecclesiae discipli-  
 na, quae, inquit, *Christi divinitatem  
 adorat*, & Apostolici Symboli aucto-  
 ritate, tum Arii profanas novitates  
 confutat, tum ipsis adversa Ecclesiae  
 dog-

dogmata propugnat: *De quibus, inquit, nos sic credimus, uti Apostolicae placet Ecclesiae: In unum nempe ingenitum Patrem &c. Et in unum Jesum Christum, Filium Dei Unigenitum &c. Ac praeter istam piam de Patre & Filio sententiam, unum praeterea Spiritum Sanctum, sicut nos docent Sacrae Literae, confitemur....* Ista docemus, ista praedicamus, ista sunt *Apostolicae Ecclesiae dogmata, pro quibus mortem oppetere non dubitamus. Nec vero moramur eos, qui nos ad haec ejuranda & retractanda compellere student, & licet nos tormentis cogere aggrediantur, non tamen spem quae in hac fide est abjiciamus. Sic animo adfectus quum esset Alexandrinus Antistes, ne ferre quidem poterat blasphemiarum, quae ab Haereticis evomebantur, auditum. Quare in altera ad omnes totius orbis Episcopos Synodica Epistola: Quis enim, inquit, unquam talia audivit? aut quis, si jam audiret, non ea tamquam insolita & peregrina obstupesceret, auresque obturaret, ne ejusmodi verborum sordes in audiendi sensum illaberentur? Verum, uti S. Epiphanius (a) Sozomenus [b] & alii testantur, Alium non modo blasphemantem, verum & blasphemias suas pervacaciter propugnantem, haud semel tantum, & iterum, sed & pluries audire sustinuit; ratus, inquit Sozomenus, multo satius esse, ut rationes de rebus ambiguis ab utraque parte proponerentur, quo videretur, Adversarios non necessitate coegisse, sed persuadendo ad desistendum a contentione in-*

*duxisse. Ita ille rem prorsus irretractabilem, & quam totius Religionis firmum esse & immobile fundamentum neutiquam ambigebat, aliorum imbecillitati morem gerens, in disceptationem adduci & ad examen revocari permisit; perinde ac de rebus ambiguis, non autem extra omnem controversiam positis, contentio ac disputatio fuisset.*

Eodem modo adfectos fuisse Patres, qui in Nicaena Synodo fidem Catholicam tuebantur, antiquis Scriptoribus memoriae proditum est. Nam ubi primum Arius in Episcoporum conventu sine furo pravas opiniones, quibus in transversam agebatur, exposuit; qui inter eos fidei zelo flagrabant, horrore perculsi aures occluserunt [c]; statimque manifestam impietatem execrati, aegre ferebant, sacrosancta mysteria profana curiositate vexari, & quae jam inde ab ipso Religionis exordio fixa & immota constiterant, audacibus ac temerariis disputationibus agitari: quae Sozomenus sequentibus verbis narrat (d): *Interea temporis Episcopi in unum convenientes, accersunt Arium: & opinionibus suis in medio positis, inter se differere coeperunt. Atque quum disputatio, ut erat verisimile, in varias distraberetur quaestiones; alii eorum, iique potissimum quos morum simplicitas induxit ad fidem in Deum sine curiosa inquisitione amplectendum, nihil novi contra fidem initio temporis Apostolorum traditam molendum censuerunt. Haec erat indu-*  
rum

(a) Haeref. LXVIII. cap. IV. & LXIX. cap. III.

(b) Lib. I. Hist. cap. XIV.

(c) Vid. S. Athanas. Orat. 1. in Arian.

(d) Lib. I. Hist. cap. XVI.

rum sententia. Nam iis opponit alios, quibus haec fidei simplicitas neutiquam probabatur, sed veterem doctrinam sine examine recipi non debere, acriter contendebant: *Alii, inquit, adfirmarunt, opiniones veterum nullo iudicio exploratas neutiquam sequendas esse.* Hos porro alios credere non debemus, quam septemdecim Episcopos, quibus Arius opinionum suarum virus adflaverat, & qui ut est apud Theodorum [a], *Arii patrocinio suscepto Apostolicae doctrinae contradicere non verebantur.* Nam id inter cetera S. Alexander in Epistola ad Constantinopolitanum Antistitem vitio Arianis vertit, quod *neminem, inquit, volunt ex antiquis Patribus sibi comparari; neque illis, quibus nos ab ineunte aetate usque sumus praeceptoribus, se pares existimari sinunt; imo ne unum quidam Collegarum nostrorum satis doctum esse censent; sed se solos sapientes..... solos dogmatum inventores, & sibi solis ea doctrinae patefacta esse mysteria, quae in nullius unquam sub sole cogitationem ac mentem venerint, arbitrantur.* Ex hoc loco facile intelligimus, Arianos eorumque patronos fuisse, qui traditam ab antiquis doctrinam, inexploratam sequi detestabant: Catholicos autem aegre tulisse, veterem traditionem ab impiis ac temerariis hominibus curiosius investigari. Porro quamvis aegre, indulerunt tamen, ut de rebus tanti momenti disputationes haberentur, & ut suis Haeretici difficultates & objecta proponerent; uti Scriptores superius laudati testantur, ac praecipue Sozomenus: qui etiam addit, plures e Catholicis Episcopis,

& ex reliquo Clero & potissimum S. Athanasium ob praestantem de rebus divinis disserendi scientiam celebre sibi nomen apud Constantinum in ejusmodi disputationibus peperisse: nam de fide, ut est ab iisdem Scriptoribus traditum, non modo in praevius congressibus, sed in ipsa etiam Synodo & solenni Episcoporum conventu, & coram Imperatore, saepius disputatum est.

Et haec quidem disputationes ad ipsam, ut ait dixerim substantiam dogmatis pertinebant. Sed aliae deinde longe graviores fuerunt in constituenda Formula Fidei, seligendisque verbis, quibus & Catholica doctrina promeretur, & adversa dogmata confoderentur. Postquam vero illa non absque Patrum iustissima indignatione rejecta est, quam Eusebiani ad Synodum addulerunt; quam Osius proposuit, communi fere omnium iussu probata & sancita est; de qua est jam nobis aliquid ditterendum.

## ARTICULUS II.

*Formula fidei in Nicæno Concilio edita consentientibus Apostolicae Sedis Legatis. Id vero quandoque satis esse judicamus, ut sine alia Romani Pontificis confirmatione Synodi Oecumenicae de fide definitiones immobiles & irretractabiles habeantur.*

**A**rgumentum, quod ex Nicænis Decretis Illustrissimus Declarationis Defensor in hoc Capite conficit, efficax quidem est adversus eorum opinionem, qui generatim docent, generalium Conciliorum de fide definitiones firmas non esse & irretractabiles aucto.



Auctoritatis, donec eis accedat Romani Pontificis confirmatio: verum, hanc non esse omnium Theologorum qui nobiscum sentiunt communem opinionem, doctissimus Praeful ignorare non potuit; quum qui maxime obviis est, & omnium manibus teritur Eminentissimus Bellarminus diserte statuat, fidei decreta consentientibus Apostolicae Sedis Legatis in Conciliis generalibus edita, etiam antequam a Pontifice confirmetur, firma & valida esse, si Legati cum instructione Pontificis ad Concilium accesserunt explorataque illis erat Ecclesiae Romanae de controverso dogmate fides ac doctrina, & juxta illam decretum conditum sit. Observat enim cum aliis Theologis laudatus Cardinalis, solitos non fuisse Legatos ad Synodos generales accedere, in quibus aliquod fidei dogma sciendum esset, nisi instructos prius & monitos de Ecclesiae Romanae fide circa ea, quae in Concilio finienda essent. Quapropter res antea Romae coram Pontifice, & ut plurimum in aliquot Episcoporum Synodo discutiebatur, quam ad generale Concilium Legati proficiscerentur: Hunc inquam veterem fuisse morem, Conciliorum Orientalium geila & monumenta aperte luculenterque demonstrant. Quum enim ad unam aut alteram fidei causam tractandam, & adversus Haereticos definiendam, coacta sint; Legatis, qui Roma in Orientem dirigebantur, tum incomperta esse non poterat circa illam certam ac determinatam quaestionem Ecclesiae Romanae fides; tum specialis a Pontifice super dogmate, quod in Concilio

T. I. P. I.

statuendum erat, plenaque instructio dabatur: id quod commode fieri non potuit, quum Legati ad Tridentinam Synodum destinati ac directi sunt; quoniam quaestiones examinandae, & articuli, de quibus haeretici cum Catholicis digladiabantur, erant prope modum infiniti. Si ergo Legatis mens Pontificis perspecta sit, & juxta illam in Synodo decernatur; *vix*, inquit Bellarminus [a] *dubium esse potest, ac videtur esse certum, tale Concilium non posse errare*. Quod ille invictis momentis probat, & inter cetera, etiam Nicaenae Synodi exemplo. Quid ergo sibi vult Gallicanae Declarationis Defensor, quum in hoc Capite sedulo ac diligenter observat, & pluribus testimoniis suadere nititur: „ Concilii Nicaeni primi Decreta ad, „ versus Arianos, ipsa Patrum consensione valuisse; nullo ante gestam, „ nullo post gestam Synodum Sedis „ Apostolicae speciali decreto? an „ disputationis nostrae in eo summa posita est: num generalium Conciliorum de fide Canones, qui ex consensu Sedis Apostolicae promulgantur, ut rati sint & summam in Ecclesia auctoritatem obtineant, speciali ejusdem Sedis Apostolicae decreto confirmandi sint? Atqui Bellarminus, qui inter ceteros ac prae ceteris Romanorum Pontificum definitiones ex se ipsis irretractabiles & irreformabiles esse tuetur, non obiter ac perfunctorie, sed data opera ostendit; sufficere, ut ejusmodi decreta rata & valida sint, ad probationem & consensum quem Pontificis nomine Legati adhibent. Hac itaque in re controversiae cardo non

E

ver-

(a) Lib. II. de Concil. auctorit. cap. XI.

vertitur; sed in eo quaestio- nis summa constituta est: An Conciliorum generalium ab adfensu Pontificis, aut contra, Pontificis ab Ecclesiae consensio- ne firmitas & auctoritas, pendeat. Cui profecto quaestioni dirimendae, incas- sum illorum Conciliorum adfertur ex- emplum quorum decretis per suos Legatos adfensum Romanus Pontifex praebuit. In horumque autem Con- ciliorum numero Nicaenam Synodum habendam esse, quamquam nemo sit qui inficietur, libet tamen aliquot ar- gumentis suadere: quibus nedum pa- lam evincam non defuisse Nicaenae Synodi decretis & fidei formulae Apo- stolicae Sedis auctoritatem; verum etiam persuasum eo saeculo Patribus fuisse, Conciliorum etiam generalium sanctiones, ut robor & vigorem ha- beant, egere Apostolicae Sedis adpro- batione. Quod argumento est, non utcumque in Ecclesiarum & Patrum consensione & unitate eorumdem Con- ciliorum vim esse repositam, sed eam inde potissimum repetendam, quod cum Romano Pontifice veluti capite conjunguntur: eo plane modo, quo salus & vita motusque corporis ita in integritate sita sunt & mutua membro- rum consensione, ut tamen ex eorum cum capite conjunctione, atque ex ipso capite defluant, & originem du- cant.

Primo itaque constant, & ex S. Li- berii ad Constantium Imperatorem lit- teris aperte colligitur, Sanctum Ale- xandrum Episcopum Alexandrinum Sancto Sylvestro Alexandrinae adver-

sus Arianos Synodi Acta significasse. Haec enim ad Constantium laudatus Liberius scribit (a): *Maudent litterae Alexandri Episcopi olim ad Sylvestrum sanctae memoriae destinatae, quibus significavit, ante ordinationem Arba- nassi undecim tam Presbyteros quam etiam Diacones, quod Arii haeresim sequerentur, se Ecclesia eiecisse: ex quibus nunc quidam extra Ecclesiam Catholicam foris positi dicuntur sibi Conciliabula invenisse; quibus asseve- ratur etiam Georgius in Alexandria per litteras communicare.* Id generis Epistolas scripsisse etiam S. Alexan- drum ad universos per orbem christia- num Episcopos, compertum est, tum ex illius epigraphe, quam Socrates [b] & Gelatius Cyzicenus [c] serva- runt, tum ex S. Epiphanio his ver- bis (d): *Encyclicas ad singulos Episco- pos litteras dedit, quae hodieque stu- dioforum in manibus versantur, nume- ro fere septuaginta.* Ex his autem E- piscopis ad quos litterae missae sunt, nominatim idem Sanctus Epiphanius recenset, Eusebium Caesariae, Ma- carium Hierosolymorum, Asclepium Gazae, Longinum Ascalonis, Ma- crinum Jamniae, & Zenonem quem- dam antiquum Tyri Episcopum. Ipse autem S. Alexander in Epistola ad co- gnominem Constantinopolitanum An- tititem apud Theodorum [e] eorum meminit, *qui sunt, inquit, in tota Aegypto & Thebaide, & qui Libyam Pentapolim, Syriam, Lyciam, Pam- philiam, Asiam, Cappadociam, & alias regiones hisce finitimas incolunt:* ad

(a) Apud S. Hilar. Operis Historici Fragm. V.

(b) Lib. I. Hist. Eccles. cap. VI.

(c) Hist. Conc. Nicaen. lib. II. cap. III.

(d) Haeresi LXIX. cap. IV.

(e) Lib. I. Hist. Eccles. cap. IV.

ad quos ideo scripsisse videtur, quoniam, ut in illis Epistolis Alexander identidem querit, Ariani hasce omnes Provincias pervagabantur, ut subdole in Episcoporum communione irrepererent, suumque illis venenum adflarent. Nulla autem illum ejusmodi ratio compulit, ut etiam ad Sylvestrum aliosque Occidentales Episcopos litteras daret: initio enim & per plures annos nullis Arianorum tumultibus vexati in Occidente fuimus, & longe serius Occidentalem Ecclesiam & Imperium Ariana pestis invasit. Quare aliam causam aliasque rationes Alexander habuisse videtur, ut inter omnes Occidentis Episcopos ad Romanum Pontificem de his rebus scriberet: has vero ex probatissimis illius aevi monumentis satis aperte mihi colligere videor.

Sanctus ipse Alexander in eadem ad Constantinopolitanum Antistitem Epistola testatur, misisse se cum encyclicis litteris ad Episcopos Libellum seu Tomum, adversus Arianos in Alexandrina Synodo editum, & ab eisdem Episcopis subscribendum: καὶ τὸ τὸμο συνυπογράψαντων, qui Tomo, seu Libello, adversus eos edito subscripserunt. Hunc Tomum Valesius hanc ipsam esse Epistolam opinatur (a), quae apud Theodorum ad Alexandrum Constantinopolitanum Episcopum inscripta est: Baronius autem (b) & alii illam potius Epistolam esse iudicant, quae apud Socratem & Gelasium Cyzicenum ad universos Ecclesiae Catholicae Episcopos inscriptio-

nem praefert. Sed utramque opinionem jure, ut ego quidem sentio, Tillemontius explodit [c]; longaque, ut mihi videtur, probabilius statuit, nihil in illo Tomo fuisse praeter formulam fidei, & professionem de Arianis ad communionem nullatenus recipiendis. „ Il suffisoit qu'ils signassent „ la confession de la foy, & la pro- „ messe de ne point recevoir les A- „ riens à leur communion: & il y a „ peu d'apparence que le Tome con- „ tint autre chose. Id autem Romano Pontifici significandum omnino fuit, quoniam, uti Socrates superius laudatus animadvertit, *Canone vetitum erat, ne decreta absque sententia Episcoporum Romani Ecclesiae sanciantur*. Et Patres Concilii Romani sub Damaso, in Epistola Synodica ad Illyrici Episcopos [d] inter alias rationes quibus Ariminensem fidei formulam nullius roboris esse probant, hac imprimis utuntur, quoniam *Formula illa composita est neque Episcopo Romano cuius sententia prae ceteris omnibus expectanda erat; neque Vincentio Sedis Apostolicae Legato, neque aliis eidem consentientibus*. Fas ergo Alexandrino Episcopo non fuisset, fidei Formulam inconsulto Romano Pontifice aliis Episcopis subscribendam offerre; neque ullius roboris habita fuissent Alexandrinae Synodi Acta, nisi cum Sylvestro communicata fuissent.

Quid autem Sylvester, acceptis Alexandri litteris gesserit aut quid responderit, ob veterum monumentorum inopiam ignoramus: attamen respon-

E 2

diffe

(a) Not. ad hunc Theod. loc.

(b) Ad ann. CCCXVIII. num. 67.

(c) Not. III. ad Vit. S. Alex. Episc.

Alexandr.

(d) Apud Theodoric. lib. II. cap. XXII.

disse, rataque habuisse quae in Aegypto adversus erumpentem impietatem gesta fuerant, ambigendum non esse videtur. Neque enim ejusmodi causa erat, quae habere sollicitum Romanum Pontificem non deberet: jam enim ipsum Christianae Religionis fundamentum impetebatur, & gliscente inter Episcopos praecipuarum Sedium in Oriente discordia, summo ibi Ecclesia in periculo versabatur. Quare qui veterum Scriptorum silentium nimis urgent, ii sane maximam Sanctissimo Pontifici injuriam irrogant. Quum enim illius muneris esset, gravissimo huic malo quantum in ipso erat promptum adferre remedium; illi, necesse est, ut Silvestrum solido ut minimum quadriennio veluti profundo somno demersum fuisse existiment, nihilque omnino curantem funellissimum incendium, quo tota Aegyptus & Oriens conflagrabant: Litterae enim ab Alexandro ad Episcopos anno, ut communiter statuunt, circiter 320. aut 21. datae sunt, a quo ad Nicaenam Synodum integrum quadriennium effluxit. Hoc autem temporis intervallo nihil, quod a Silvestro adversus Arianos scriptum, decretum, gestumve fuerit, in antiquis monumentis probatque Scriptoribus reperimus. Quid ergo? cuiquam verosimile videbitur, Sanctissimum Patrem, ad quem cura omnium Ecclesiarum & sollicitudo pertinebat, omnium negotiorum gravissimum neglexisse, & blasphemias, quas in Dei Filium Arianicus furor evomebat, tot annis surdis omnino auribus dissimulasse? Atqui si aliorum Pontificum quorum in genuinis monumentis gesta supersunt, exempla consulamus, id nobis probabile videri nullatenus po-

test. Nam ut grave aliquod de religione dissidium ad Apostolicam Sedem delatum est, statim vigiles Pontifices rem cum Romano Clero, & vicinis aut etiam remotioribus Episcopis prout causae vel controversiae gravitas postulare videbatur communicarunt; & vel erumpentem haeresim Apostolicis litteris represserunt, aut Legatos destinarunt, quorum labore & induitria gliscentes discordiae componerentur. Et quidem Osio legationem ad sopiendam Orientis de religione dissidia a Silvestro datam fuisse, & a sequitis Pontificibus confirmatam, illud argumentum est, quod omnibus quibus interfuit Conciliis praefuit; neque apparet, quo alio quam Romanae legationis jure Hispanienfis Episcopus in Alexandrina Synodo, Nicaena & Sardicensi primuni tenere locum potuerit. Quare, quod plerique fatentur, Nicaeno Concilio ut Romani Pontificis legatum praefuisse Osium, quamquam ante Gelasium Cyzicenum nemo id veterum diserte adfirmet, haud inanis conjectura est, ipsum eadem auctum dignitate, in Alexandrina Synodo, quae Sabellianam & Arianam haereses & Colluthi schisma damnavit, praesidem egisse. Quamquam enim Eusebius, Socrates, Sozomenus, Theodoritus & alii Osium Alexandriam, ad sedandos Aegypti & Orientis motus, missum a Constantino fuisse produnt, & de Romana legatione silent; eorum tamen silentium ut non probat, quin Summi Pontificis in Concilio Nicaeno legatione functus sit; ita nec plane suadet, quin eandem paullo ante Concilium Nicaenum in Synodo Alexandrina dignitatem gesserit. Atque hinc forsitan ratio reddi optima-

po-

potest, cur veteres Scriptores, qui Osum una cum Vito & Vincentio Nicaenae Synodo praefuisse narrant, & eorum legationis diserte mentionem faciunt; hoc idem munus gessisse Osum, ex illis vix erui potest: quia nimium jamdiu ante Nicaenam Synodum legationem acceperat; quare pro illius aevi disciplina opus non fuit, ut specialiter ad Concilium celebrandum legatus a Pontifice destinaretur. Quam rationem etiam Petrus de Marca profert [a]: cur antiquis Scriptoribus, qui eundem Osum una cum Archidamo & Philoxeno, & his tamquam Julii legatis, Sardicensi Concilio praefuisse, conceptis verbis adfirmant, Osi legatio silentio praetermissa sit: quia, inquit laudatus Auctor, constituta legatione, quam in Concilio Nicaeno Osius obivit, superfluum videtur laborare de secunda in Concilio Sardicensi. Etenim dignitas illa Legati, judicio Pontificis semel collata in Osum & ab eo in florentissimo Ecclesiae coetu cum summa laude obita, sine gravi injuria in alium transferri non potuit. Quidni etiam eandem rationem ad ejusdem Osi in Concilio Nicaeno *προεδρὶς* accomodemus; indeque ipsum diu ante hoc Concilium Legationem gessisse coniciamus?

Sed ut ut sit aut statuatur de his, quae ante Nicaenum Concilium Silvester vel per se adversus Arianos vel per Osum gesserit; certum est tamen, magnae huius Synodo per suos Legatos Sanctissimum Pontificem adfuisse: id enim cum ex Julio ejus Successore apud S. Athanasium (b) compertum habemus & ex-

ploratum; tum Theodorus, ut alios omittam, diserte his verbis testatur (c): *Trecenti decem & octo Episcopi conveniunt: Romanus autem propter summam senectutem ipse quidem non adfuit, sed Presbyteros duos misit cum potestate Actis assentiendi*: quae nimirum juxta receptam a Pontifice instructionem, & juxta Ecclesiae Romanae doctrinam ac traditionem conficerentur; ut re ipsa omnia, & ea imprimis de quibus maxime disceptabatur, in hac Synodo confecta & constituta sunt. Ut enim ipse Illustrissimus Bossuetius animadvertit: „ In primo illo Concilio tres maxime quaestiones, quae „ Ecclesiam conturbarent, communi „ decreto terminatae. 1. Arianorum „ de consubstantiali Filio. 2. Paschatidis. 3. Rebaptizationis. De his porro tribus quaestionibus quatenus esset Ecclesiae Romanae mens atque traditio, non modo Sedis Apostolicae Legati sed nec ex Patribus ignorabat. Nam & Pascha non more Judaico, sed Dominica post Lunam decimamquartam primi mensis esse celebrandum; & ratum esse habendum ac validum Haereticorum Baptisma; & Filium esse ac dici debere Patri consubstantialem; longe ante Nicaenum Concilium Romani Pontifices constituerant: notaque erant, & in Oriente perinde atque in Occidente pervulgata, Victoris ad Arianos, Stephani ad Africanos, & Dionysii ad cognominem Alexandrinum Episcopum, hisce de rebus scripta. Imo, etsi vocem *ἐκκλησία* pravo sensu intellectam duplex adversum Paulum Samosatenum Synodus Antiochena

(a) Lib. V, de Concord, Sac. & Imp. cap. IV.

(b) Apolog. II.

(c) Lib. I, Hist. cap. VI.

chena rejecerat; eam tamen Nicaeni Patres adoptarunt; & obijicientibus Patrum Antiochenſium auctoritatem, qui pravam huius vocis uſum in Paulo Samofateno damnaverant, Dionyſii Romani Pontificis auctoritatem oppoſuerunt: ut Sanctus Athanaſius pluribus in locis teſtatur, ac potiffimum in Libro de Synodis Arimini & Seleucia; ubi inter cetera haec habet: *Illi vero, qui Arianam haereſim anathemate notarunt . . . . pro ſe habentes Dionyſii exempla, fontem ſcilicet & conſubſtantialis adſeritionem . . . . merito induciti ſunt ut Filium conſubſtantialem dicerent.* Et in Epistoſa ad Africanos apud Theodoritum [a] *Episcopi autem (Nicaeni) non ſuapte ingenio verba excogitantes, ſed a Patribus petentes teſtimonia, ſic ſcripſerunt. Nam erant Episcopi veteres annos fere centum & triginta, tum Romae Urbis praepotentis, tum in noſtra Civitate; qui criminabantur eos, a quibus Filius factus dicebatur & non Conſubſtantialis Patri. Quod quidem intellexerat Euſebius Episcopus Caefareae; qui quamquam ante deſlexerat ad haereſim Arianam, poſtea tamen Concilio Nicaeno ſubſcripſit: atque adeo ſuae Eccleſiae per litteras confirmavit, ſe plane animadvertiſſe, hoc verbum *ἰσότητος*, id eſt Conſubſtantiale, a veteribus Episcopis & Scripſtoribus, iisque diſertis & illuſtribus in divinitate Patris & Filii explicanda uſurpatum eſſe. Quum igitur Concilii Nicaeni hiſce de rebus decreta adamuſſim cum Eccleſiae Romanae doctrina & traditione conſentiant; palam eſt, in eis condendis & adprobandis Legatos*

Apoſtolicae Sedis oracula prae oculis habuiſſe: ac proinde vel ipſo Bellarmino auctore certum eſt, in eis promulgandis errare non potuiſſe Concilium; nec opus fuiſſe alia Pontificis confirmatione, ut rata validaque ejus decreta haberentur. Quum enim Legati Pontificis inſtructionem ſequuntur, ejuſque nomine Concilii decretis conſentiunt, vim eis Apoſtolicae auctoritatis adjungunt: eaque ratione Damajuſus aliiſque Romani Concilii Patres, in Epistoſa Synodica ad Episcopos Illlyrici (b), Nicaenam fidei formulam *ἡ ἀποστολική, Apoſtolorum*, ſive Apoſtolica auctoritate firmatam fuiſſe docent; quod nempe Apoſtolicae Sedis Legatis conſentientibus edita fuerit. Nam Ariminenſem formulam & Nicaenam laudati Patres invicem conferunt; & priorem, quamvis illi maximus Episcoporum numerus ſuffragatus erat, ideo potiffimum explodunt & nullius momenti eſſe decernunt, quoniam abſque Romani Pontificis ſententia condita fuerat. Nicaenam autem ideo perpetuo retinendam eſſe, conſtituit quoniam Apoſtolorum id eſt Sedis Apoſtolicae ſeu Romani Pontificis ſententia & auctoritatem firmata fuerat: Si quidem numerus Episcoporum, qui erant Arimini in unum congregati, praecedentis vim habere non debet; praefertim quum Formula illa compoſita ſit, neque Episcopo Romano cuius ſententia prae ceteris exſpectanda erat, neque Vincentio (Romanae Sedis Legato) qui tot annis Episcopatum integre geſſerat, neque aliis eidem conſentientibus . . . . Itaque veſtra integritas manifeſto videt hanc fidem

(a) Lib. I. Hiſt. cap. VIII.

(b) Apud Theodorit. Hiſt. Eccleſ. lib. II. cap. XXII.

*fidem solam , quae auctoritate Apostolica Nicaeae stabilita est, firme perpetuo tenendam esse .*

Quod autem ad alia de celebratione Paschatis & Haereticorum Baptismate, Nicaeni Concilii decreta pertinet ; multo minus ut rata essent , expectanda fuit Romani Pontificis confirmatio . Hoc enim unum de his duobus Christianae disciplinae capitibus Nicaena Synodus statuit ; ut quod jampridem Romani Pontifices , ut ab omnibus , servaretur , summo studio & contentione faterentur , & ut jam ferme per totum Christianum orbem observaretur , Apostolica auctoritate consequuti fuerant , ubique re ipsa & ab omnibus custodiretur . Quod autem Bossuetius his verbis animadvertit : „ quae duae postremae „ quaeſtiones , jam a Romanis Pontificibus , Victore & Stephano , „ judicatae , non tamen obtinebant „ plenam auctoritatem , donec in Nicaena Synodo penitus finirentur „ commodius deinceps examinabitur .

Id etiam quaecumque supersunt generalium Conciliorum , veterum Patrum , atque ipsorum etiam Romanorum Pontificum authentica monumenta : siue tantum negare aut ambigere possunt , qui per summam audaciam errori obnoxium esse arbitrantur de fidei morumque decretis Ecclesiae universae iudicium . De hac itaque re nulla inter Catholicos , sed tota cum Haereticis controversia est : nam inter nos hoc tantummodo disceptatur : an sola Ecclesiarum consensione , & an non etiam sola Romani Pontificis auctoritate fidei quaeſtiones terminari valeant . Primum adfirmat Bossuetius , & in praesenti Capite ex priore Constantinopolitana Synodo colligere sibi videtur . Nos autem aperte demonstrandum adgredimur , rationes , quas inde doctissimus Episcopus conficit , nullius omnino esse momenti ; & quaeſtionem de Spiritus Sancti Divinitate ante Constantinopolitanum Concilium fuisse Romani Pontificis auctoritate finitam .

CAPUT VIII.

ARTICULUS PRIMUS.

- „ Constantinopolitana prima Synodus ,
- „ secunda generalis , in medium
- „ adducitur : Ex ea demonstratur ,
- „ quaeſtiones fidei sola Ecclesiarum
- „ consensione finitas .

**I**N fidei quaeſtionibus dirimendis invictum habere robur Ecclesiarum omnium consentientem auctoritatem , nemo ut jam superius animadvertimus ex Catholicis inficias iverit . Id non modo probant Constantinopol. primae , secundae Oecumenicae Synodi Acta ;

*Celebre de hac re Sozomeni testimonium adfertur , examinatur , & illustratur .*

**S**ola Romani Pontificis auctoritate direptam ac terminatam fuisse quaeſtionem de Spiritus Sancti Divinitate , teſtem habemus locupletissimum Sozomenum , cujus hic verba subjiciam , quae , ut deinde ostendam , frustra eludere Bossuetius adgreſſus est : *Dum haec inquit [a] geruntur , controversia quae jampridem incoepta fuerat , nemi-*

(a) Lib. VI. Hist. cap. XXI.

nimirum utrum Spiritus Sanctus Patri & Filio consubstantialis censendus esset, jam magis magisque crevit: de qua ea multae disputationes plenae contentionis, non minores illis quae ante de Deo Verbo susceptae fuissent, institutae. In hac re quidem & hi qui Filium Patri dissimilem, & illi qui eum substantia Patri similem adferebant, inter se consenserunt. Nam utrique Spiritum Sanctum administrum, & tertium a Patre tum ordine tum honore, quin etiam substantia, diversum esse adfirmabant. At qui Filium Patri consubstantialem putabant, hi de Spiritu Sancto idem ipsum censebant. Quam doctrinam in Syria Apollinarius Laodicensis, in Aegypto Athanasius Episcopus, in Cappadocia & Ecclesiis Pontii Basilii & Gregorius strenue propugnabant. Quae controversia quam contemnendi studio, uti credibile est in dies magis magisque crescit, Episcopus Romanus de ea certior factus, scripsit ad Ecclesias Orientis literas, ut una cum Sacerdotibus & Episcopis Occidentis, Trinitatem & consubstantialitatem esse & gloria aequalem existimarent. Quo facto, utpote controversia iudicio Romanae Ecclesiae terminata, singuli quieverunt: eaque questio finem tandem accepisse videbatur. Non poterat Sozomenus disertius adfirmare, motam de Spiritu S. Divinitate controversiam Apostolicae Sedis iudicio fuisse terminatam. Imo id juris etiam fuisse Romano Pontifici, ut gliscentibus de fide quaestionibus auctoritate sua finem imponeret, cum ipse tum ea de re dissentientes Episcopi agnovisse videntur; quum & ad sanam mentem rediisse videri volebant, & ad Orbis Catholici communionem adspirabant:

ait enim illos propterea quieverisse, quod controversia fuisset Ecclesiae Romanae iudicio terminata. Quae dum apud Sozomenum lego, mihi in mentem venit illud Augustini, de quo suo loco disserendum erit: *Ab Apostolica Sede Rescripta venerunt, causa finita est*. Sic prorsus Sozomenus: *Singuli quieverunt, utpote controversia iudicio Romanae Ecclesiae terminata*. Non est ovum ovo similis, quam haec duae Augustini & Sozomeni propositiones.

Quid ergo, inquis, laudatus Auctor subjungit, *eaeque quaestio finem tandem accepisse videbatur*? ut enim Bosluetius animadvertit: „Videbatur illud „quidem; verum ubi quies illa non „fuit stabilis, eoque res devenere, „ut Synodi generalis auctoritate, Or- „bisque adunati consensione opus esset; in ea consensione finis quae- „sitionis ponitur a Constantinopolitani- „nis Patribus, atque ab omnibus Ecclesiis.

Verum non hanc tantum attendendum est laud. Historici propositionem: *eaeque quaestio finem tandem accepisse videbatur*; verum & illa prae oculis habenda est: *Singuli quieverunt, utpote controversia Romanae Ecclesiae iudicio terminata*. Nam si animum diligenter advertimus, haec neutiquam pugnare, sed inter se apta esse intellegimus: quod nimirum & peremptorium illud fuerit, & indeclinabile Ecclesiae Romanae de illa controversia iudicium: & quod nihilominus pax & quies iudicium illud consequuta stabilis & firma non fuerit, quemadmodum futura esse videbatur. Ut enim peremptorium esset iudicium, quid amplius requirebatur, quam ut Catholicae communionis participes non pos-



possent, qui illi refragarentur; ut statim & ubique locorum ad eandem Catholicam communionem admitterentur, qui illi parebant; denique ut ab omnibus per orbem terrarum Catholicis Episcopis pro Haereticis haberentur, qui de illo cum Ecclesia Romana digladiabantur? Haec porro tria in iudicium illud conveniunt, quo juxta Sozomenum Macedonianorum de Spiritus Sancti Divinitate controversia sancita est. Quam enim Macedoniani Valentem Imperatorem & Eudoxianos infensos haberent; ut eis resistere possent, & ne omnino opprimerentur suisque Sedibus pellerentur, Catholicorum communionem expetierunt; quam se nullo modo consequuturos existimarent, nisi prius Romani Pontificis communionem adsequerentur. Ad Liberium itaque confugerunt, quo quum se nequaquam suscipiendos intelligerent, nisi cum Ecclesia Romana Trinitatis Personas consubstantiales agnoscerent; dato Libello, se se illius hac de re iudicium amplecti, solenniter professi sunt; & hoc pacto communicatorias ab eo literas acceperunt: quibus freti, ubique tamquam Catholici suscepti sunt, & in Concilio Thyansenfi ad communionem admissi. Patet ergo tale fuisse illud Liberii iudicium, ut qui illi adquiescerent, ad Catholicam communionem ubique reciperentur; qui autem obustarentur, ejusdem communionis participes esse non possent, sed tamquam Haeretici palam ab omnibus Ecclesiis traderentur: quod postremum sequenti articulo luculentius ostendamus. Quid ergo defuit, ut non peremptorium esset, ac penitus irretractabile illud Liberii iudicium? ut pro-

P.I.T.I.

pterea eodem jure Sozomenus scripsit, eam controversiam fuisse Ecclesiae Romanae iudicio terminatam, quo S. Augustino de Pelagianis controversiis proditum est: *Ab Apostolica Sede Rescripta venerunt, causa finita est.* Nec obeis, quod idem Sozomenus statim adjungit, quod ea quaestio finem accepisse videbatur: id enim, ut mox videbimus, non eo pertinet, ut ad eam quaestionem finiendam ac penitus dirimendam, firmiore & amplioris auctoritatis iudicio, orbisque adunati consensione opus esset; sed indicat, Macedonianos aut ad ingenium postmodum rediisse, aut posita simulatione pacem turbasse, & ad quaestionem ipsorum etiam consensione compositam temere ventilandam, iterum adgressos esse. Quo profecto nequaquam efficere potuerunt, ut ea controversia dici non posset Ecclesiae Romanae iudicio penitus terminata: quemadmodum nec turbae, quas deinceps Eusebiani, qui Concilii Nicaeni definitioni subscripserant, de Verbi consubstantialitate excitarunt, id nequaquam effecerunt, ut non esset ea controversia supremo Ecclesiae Catholicae iudicio terminata. Itaque quod de Liberii & Ecclesiae Romanae iudicio scribit Sozomenus, de Concilii Nicaeni iudicio adfirmari jure optimo potest, nimirum & quod fuerit Ariatorum de Verbi Divinitate controversia Ecclesiae iudicio terminata; & quod nihilominus ea quaestio finem accepisse videbatur. *Videbitur*, inquam, non quia ampliori iudicio locus aliquando futurus esset; sed quoniam Ariani qui Concilii decretis consenserant, eoque pacto ad pacem & Catholicam communionem admissi fuerant, eam deinceps

F

ma-

maiore quam antea temeritate turbant, & ad eandem quaestionem vexandam Principum potentia & favore elati audaciores spiritus anhelant.

At post Nicaenum Concilium majore, inquis, iudicio opus non fuit; post Romanum autem iudicium eo res devenire, ut Synodi generalis auctoritate, orbisque adunati consensione opus esset. Id quidem Bossuetius contendit; sed an jure meritoque contendat, operosius inquirendum est.

## ARTICULUS II.

*Ostenditur, cum fuisse ante Constantinopolitanam Synodum omnium Ecclesiarum in damnando Macedonianorum dogmata cum Romana consensum, ut etiam juxta Adversariorum doctrinam, tam opus non fuerit ad evertendam eorum haeresim, quam ad profligandos Pelagianos, post Romanum de illis iudicium, Synodi generalis auctoritate, Orbisque adunati consensione.*

**M**ortuo Liberio, paucis post diebus in ejus locum subrogatus est Damasus, pietate ac doctrina celeberrimus; qui cum alios tum eum, de quo egimus, Pneumatomachorum errorem anno circiter 369. haud semel ante Constantinopolitanam Synodum confixit. Et primo quidem in Synodo Romana XCIII. Episcoporum; quorum exstat Synodica Epistola ad Illyrici Episcopos apud Theodorum lib. VI. cap. XXII., & apud Sozomenum lib. VI. cap. XXVII. in qua & nominatim damnatur Auxentius, & inter cetera definitur, *Spiritum Sanctum unam eandemque cum illis, idest Pa-*

*tre & Filio, Substantiam habere & Subsistentiam.* Vel, ut habet Latinum Exemplar ab Holstenio vulgatum, *Patrem Filium Spiritumque Sanctum, unius deitatis, unius virtutis, unius figurae, unius credendum esse substantiae: contra sentientem alienum a nostro consortio judicantes.*

Aliam deinde laudatus Pontifex anno 378. Romae Synodum congregavit, ex qua Epistolam Synodicam seu Fidei confessionem misit ad Paulinum, non Thessalonicensem, ut perperam in Epigraphe Latina capitis mox laudandi apud Theodorum, sed Antiochenum Episcopum, Thessalonicae forsitan juxta Libellum Synodicum, tunc agentem: ubi pluribus Anathematismis eandem Pneumatomachorum sacrilegam ac detestabilem opinionem confodit: *Quoniam*, ut est apud Theodorum lib. V. cap. XI. *post Concilium Nicaenum ejusmodi error emerfit, ut quidam profano ore dicere audeant, Spiritum Sanctum per Filium factum esse; anathema denunciamus omnibus qui non libere praedicant, Spiritum Sanctum unius & ejusdem tum essentiae tum potestatis cum Patre & Filio . . . . Anathemate item damnamus Arium & Eunomium, qui pari impietate, licet verbis discrepent, tum Filium tum Spiritum Sanctum creaturam esse adfirmant. Sicut porro Macedoniani multati anathemate, qui ex radice Ariana exorti non impietatem sed nomen solum commutarunt. Et infra: Si quis negaverit unam Patris & Filii & Spiritus S. divinitatem auctoritatem potestatem, gloriam unam, dominatum unum, unum regnum voluntatem & veritatem, anathema esto. Denique ut plurima in eandem sententiam omittam: si quis*

*si quis de Patre & Filio recte sentiat, de Spiritu Sancto autem non item, Haereticus est.*

Porro nulla erat hac de re in Ecclesiae Catholicae sinu disceptatio, sed tota cum manifestis Haereticis & Fidei Nicænae professis hostibus erat controversia. Omnes enim per orbem terrarum Ecclesiae unam eandemque cum Romana fidem profitebantur, & Macedonianos tamquam Haereticos infectabantur.

Sanctus Athanasius anno 368. in Synodo Alexandrina XC. Episcoporum Aegypti, cujus exstat Epistola Synodica ad Africanos inter opera ejusdem Athanasii, Spiritus Sancti divinitatem ex Fidei Nicænae Formula demonstrat, quam merito animadvertit, *vere Cyprium esse inscriptum contra universas haereses.* Id vero non minus luculenter docuerat in altera Synodo Alexandrina anni 362. cui etiam Sanctus Eusebius Episcopus Vercellensis interfuit, ac de recipiendis in Constantii persecutione Lapsis disceptatum est. Statutum est autem, ut qui recipi vellent, cum Arianis damnarent *item eos qui dicunt, Spiritum Sanctum esse creaturam, & divisum ex substantia Christi.* Id enim, inquit Synodus, *vere est resilire a scelerata factione Arianorum, si non divides Sanctam Trinitatem, nec dicas, aliquid ejus esse creatum.* Nam qui simulant quidem, se se Nicænam fidem profiteri, atque interim audent blasphemare contra Spiritum Sanctum; nihil aliud praestant, quam quod Arianam Haerese[m], verbis quidem negant, animo sensuque retinent.

Illyrici Episcopi, acceptis ex priorum, quas paullo ante commemo-

moravi, sub Damaso Romana Synodo literis, & ipsi in Concilium coacti anno, ut videtur, circiter 370. quosdam ex Arianis nominatim damnarunt, propterea quod *neque Filium Dei ex Patris essentia constare, neque Spiritum Sanctum confiteri vellent;* generatim autem definierunt, *Trinitatem consubstantialem esse Patrem Filium & Spiritum Sanctum.* Et infra: *Qui opinantur, Trinitatem non esse consubstantialem, anathema sunt.* Et si quis cum hujusmodi communicare deprehensus sit, *anathema esto.* His autem, qui praedicant Trinitatem consubstantialem esse, *Regnum caelorum paratum est.* Haec constant ex Epistola Synodica ad Asianos Episcopos apud Theodorum lib. IV. cap. VIII.

Hanc Synodum Illyricianam commendant Valentinianus & Gratianus Imperatores in Epistola ad eosdem Asianae &c. Dioeceseos Episcopos apud eundem Theodorum loc. cit. cap. VI., seseque eandem de consubstantiali Trinitate fidem amplecti ac fovere profitentur: *quam etiam, inquit, nostra celsitudo passim praedicari mandavit.* Mentionem deinde faciunt tum Concilii Romae jamdudum habiti, tum alterius quod in Galliis coactum erat; quorum sese inhaerere doctrinae pariter profitentur: *Nos autem non aliter sentimus atque duo Concilia, quorum alterum jam Romae, alterum habetur in Gallia: nimirum unam eandemque essentiam esse Patris & Filii & Spiritus Sancti in tribus Personis, hoc est in tribus perfectis, ut Graeci loquuntur, ὁμοούσιον.*

Conciliorum, quae per ea tempora non modo Romae & in Gallia verum & in Hispania coacta sunt, memin-  
F 2 etiam

etiam S. Athanasius in Epistola ad Episcopum : *Diversis Conciliis per Galliam Hispanias & Romae celebratis, omnes, qui in eo conventu fuere, istos lucifugas... communi calculo, unius Spiritus incitatu, anathemate percusserunt.* Ex quibus apparet, cum universam, Aegyptum, cum omnes Italiae, Galliae, Hispaniae & Illyrici, imo, ut Sozomenus non uno in loco testatur<sup>(a)</sup>, totius Occidentis Ecclesias in unam eandemque de Spiritus Sancti Divinitate sententiam conspirasse, & anathematis fulmen adversus Pneumatomachos communi calculo contorsisse.

Quod pertinet ad Arianas & Orientales Ecclesias, ex iis quae etiamnum supersunt monumentis apertissime demonstratur, omnibus earum partium Catholicis Episcopis hac de re plenissime cum Occidentalibus convenisse, & Macedonianos pro Haereticis habuisse.

Pro Ecclesiis Galatiae exstat apud Cl. Montfauconium <sup>(b)</sup> Fidei confessio, quam Legati Marcelli & Cleri Ancyran [ erat autem Ancyra illius Provinciae Metropolis ] suo & eorum a quibus missi fuerant nomine, in conventu Alexandrino apud S. Athanasium aliosque Aegypti Episcopos ediderunt. In hac enim non modo Arianos & Sabellianos, verum & Pneumatomachos anathemate confixerunt, & ab Ecclesia Catholica alienos pronuntiaverunt *Quia nonnulli sunt . . . . , qui dicunt, Filium quidem dissimilem esse Patri, Spiritum autem Sanctum esse rem creatam unamque ex rebus factis; cum nos, tum ii qui nos huc delegarunt, huiusmodi haereseos anathemate ferimus.* Et infra: *Plenioris itaque majorisque te-*

*simonii causa, anathemate ferimus eos, qui sentiunt, ac dicunt, „ fuit aliquando, cum nondum esset Spiritus Sanctus. „ Scimus enim, Sanctam Trinitatem sempiternam semper perfectam fuisse, ac eodem modo se habuisse. Quamobrem ab Ecclesia Catholica alienos reputamus eos, qui sentiunt atque dicunt: „ Fuit, quum non esset „ Filius, atque ex non exstantibus factus est Spiritus Sanctus.*

Pro Ecclesiis Lycaoniae, quarum Metropolis erat Iconium, habemus apud Baluzium in nova Conciliorum collectione Synodum Iconiensem sub S. Amphiloquio coactam. Consulti enim illius Provinciae Episcopi, quam laudatus Amphiloquius gubernabat, quid credendum esset de Spiritu Sancto, de quo quibusdam dubitationem immiserat Satanas; responderunt e Synodo, tenendam esse Nicaenorum Patrum fidem: *Docuerant enim, inquit in Epistola Synodica, sicut credi debet in Patrem & Filium, ita etiam credendum esse in Spiritum; nec aliam quampiam inducentes in divina beataque Trinitate naturam, neque quidquam de Trinitate reserantes in illa Fidei expositione.* Et inferius adjungunt, quod Baptismi formula in Evangelio praescripta, *tum Sabellii intercluditur morbus per tres Hypostasies pure nobis traditas, tum Arianorum, Arianorumque & Pneumatomachorum obturantur ora, tribus quidem Personis ac Hypostasibus declaratis, una vero natura & divinitate confessa.*

Inter Epistolas Basilii M. occurrit n. XCII. al. LXIX. Epistola ad Episcopos Italiae & Galliae, vel ab ipso Basilio

(a) Vid. Lib. V. cap. XXII. & XXIV.

(b) Nova Collect. Vet. PP. Graecor.

filio vel a S. Meletio Antiocheno Episcopo exarata, & plurium Episcoporum nominibus consignata. Scribunt enim Deo dilectissimis & Sanctissimis Fratribus & comministris Italiae & Galliae unanimis & concordibus Episcopis Meletius, Eusebius, Basilus, Bassus, Gregorius, Pelagius, Paulus, Anthimus, Theodotus, Vitus, Abramius, Sabinus, Zexus, Theodoritus, Marcianus, Varachus, Abramius, Libanius, Thalassius, Joseph, Boethus, Jatrius, Theodotus, Eustathius, Barsumas, Joannes, Chosroes, Josaces, Narses, Maris, Gregorius, Daphnus, & ceteri. Hos inter, praeter Meletium & Basilium, celebres sunt Eusebius Samosatenus, Gregorius Theologi Pater, Pelagius Laodicensis, Anthimus Tyanorum, Zeno Tyri, Theodotus Nicopolitanus, & Gregorius Nyssenus: Vitus novissimo Basilii operum Editori (a) est Carthorum in Mesopotamia Episcopus, Abraham Urinorum in Syria qui Concilio Antiocheno interfuit anno 365., alter Abraham Batnorum, denique Jatrius est Otrejus Melitenensis Episcopus [b]. Hi ergo alique ex tot Asiaticis & Orientalibus Provinciis Episcopi, qui vel in Synodo communiter, vel unusquisque apud se & privatim, laudatae Epistolae subscripserunt, Synodicam Concilii Romani ad Illyricos datam Epistolam, & ad ipsos etiam Orientales per Sabinum Diaconum delatam, se recepisse testantur, & iis omnibus consensisse, quae canonicae in ea Synodo peracta, & sancita fuerant: *Reveram enim*, inquit, *laude summa dignum*

*est, quod a Domino pietati vestrae datum est, adulterinum quidem a probis ac puro discernere, Patrum vero fidem sine ullâ dissimulatione praedicare: quam quidem & nos suscepimus agnovimusque Apostolicis notis signatam: eique & ceteris omnibus, quae in Synodico Scripto canonice & legitime statuta sunt, adfitemur. Porro in ea Synodica Epistola Damasus, alique Occidentales decreverant, credendum esse Patrem & Filium & Spiritum Sanctum unius esse deitatis atque substantiae: eum autem, qui aliter sentiret, a suo ipsorum consortio alienum esse judicaverant.*

Verum in alia longe celebriori & frequentiori Synodo, ab Orientalibus Episcopis eadem Damasi & Romani Concilii aliquot post annis, nimirum post M. Basilii mortem, suscepta Epistola est; ut constat ex iis quae de hoc Damasi Concilio in Romana Collectione leguntur: *Explicit haec Epistola, vel expositio Synodi Romanae habitae sub Damaso Papa, & transmissa ad Orientem, in qua omnis Orientalis Ecclesia, facta Synodo apud Antiochiam consona fide credentes, & omnes ita consentientes, eidem super expositae fidei, singuli sua subscriptione confirmant. Sequuntur septem Episcoporum subscriptiones his verbis conceptae: Meletius Episcopus Antiochenus consensio omnibus superscriptis, ita credens, & sentiens; & si quis praeter haec sentit, anathema sit. Eodemque modo Eusebius Samosatenus, Pelagius Laodicensis, & alii quatuor subscribunt; ac deinde adjungitur: Similiter & alii*

CXLVI.

(a) In Vita S. Basil. cap. XXII. num. V.

(b) *Pro Jatrio*, inquit, *legerem Otrejum Melitenensem.*

*CXLVI. Orientales Episcopi subscripserunt, quorum subscriptio in authenticum hodie in Archivis Romanae Ecclesiae tenetur.*

Quum itaque totus Occidens, universa Aegyptus, *omnis Orientalis Ecclesia*, & omnes per universam Ecclesiam Catholici Episcopi, Damasi & Ecclesiae Romanae de Spiritus Sancti divinitate iudicium amplecterentur, & Macedonianos tamquam manifestos Haereticos ab Ecclesiae communione repellerent, dirisque devoverent ac saepius repetitis anathematis jacularentur, quis aequo animo ferat, ut tam solemne iudicium, non adhuc omnino immobile & irreformabile, sed retractioni obnoxium iudicetur? An non illa in Ecclesia Gallicana semper doctrina viguit & etiamnum viget, quod Romani Pontificis de fide decreta, quibus Catholicorum etiam in suis Ecclesiis residentium Episcoporum pars maxima adhaeret, summam & indeclinabilem habeant auctoritatem? quae sententia nisi admittatur, nulla ferme erit de fide controversia quae extra Generale Concilium ternari, nulla haeresis quae sine Orbis adunati consensione comprimi, & funditus everti, ac penitus labefactari valeat. Quod tamen cum Augustino & aliis Patribus, cum omnes Theologi tum ipse etiam Bossuetius in hoc ipso Opere aperte negat: agnoscit enim cum laudato Augustino, Pelagianam haeresim, ut alias quamplures trium praesertim saeculorum interim omittamus, solis Apostolicae Sedis rescriptis, quibus Catholici per universum Orbem Praesules consenserunt fuisse finitam. At ego non video, quid inter Pelagianorum & Macedonianorum haeresim discri-

minis adferri valeat, ut ad horum quidem, non autem illorum doctrinam penitus profligandam, Synodi generalis auctoritate, Orbisque adunati consensione opus esset. An horum minus quam illorum *aperta perniciēs*? an non in horum perinde atque in illorum damnationem Catholici per universum Orbem Episcopi, vel quique privatim in suis Sedibus, vel communi calculo in Conciliis Nationalibus consenserunt? an hi forsitan secus atque illi aliqua in Ecclesia auctoritate pollebant, aut favore Principum nitebantur? At quid magis Christiana Religione alienum, quae magis *aperta* blasphemia; quam aliquid creatum in Trinitatem inferere, & Spiritum Sanctum a Patris Filiique consortio ac natura sejungere? nec minor profecto vis in Conciliis per Italiam, Galliam, Hispaniam, Lycaoniam & Illyricum congregatis, aut Alexandrinis ex universa Aegypto & Libiis, & Antiochenis ex toto Oriente collectis ad damnandos Macedonianos, quam in Africanis ad conterendam haeresim Pelagianam. Quae quum ex se ipsis manifesta sint; superest, ut breviter ostendam, nec majoris fuisse in Ecclesia auctoritatis nec minus infensos habuisse Principes, qui Spiritum Sanctum in rerum creaturarum censum referebant, quam qui peccatum originis inficiabantur.

Praeter Arianos sive Eudoxianos, & Eunomianos sive Anomoeos, quorum quum essent Nicaeni Concilii professi hostes nulla proinde in Ecclesia ratio habebatur; qui Macedoniani & Semiariani audiebant, ubi primum sub Valente, quum Patri Filium per omnia similem faterentur, abruptius in Spiritum Sanctum

Am blasphemare coeperunt , adeo infirmis erant viribus ; ut quum inde ab Eudoxianis & Valente , inde vero a Valentiniano & Catholicis premerentur ; facile intellexerunt , nullo se loco posse consistere , nisi aut ad illorum se se aut horumce partes adjungerent , ut Socrates lib. IV. cap. XI. & Sozomenus lib. VI. cap. X. animadvertunt . Repudiata ergo , ut iidem Historici narrant , Eudoxianorum communione , ad Liberium & Catholicos accesserunt , editaque fidei Catholicae professione , ad pacem & communionem recepti sunt ; & quoad Valens imperavit , & in vivis fuit , omni studio curarunt ; ne aut aperta haereticae doctrinae professione , aut manifesta separatione , initae pacis foedera violarent . At mortuo Valente , quum Gratianus referente Socrate lib. V. cap. II. legem tulisset , ut omnes cuiuscumque Religionis homines absque ullo discrimine in Ecclesiis convenirent , soli autem Eudoxiani Photiniani & Manichaei pellerentur Ecclesiis ; Macedoniani & Semiariani nihil jam sibi & ab Eudoxianis & a Catholicis timendum rati , editam jampridem Catholicae fidei professionem , & Catholicorum communionem abjicere constituerunt . Idcirco , inquit Socrates eodem libro cap. IV. Antiochiae ; quae est in Syria ( vel potius ut est apud Sozomenum lib. VII. cap. II. , in Caria ) in unum coacti de integro decrevit , vocem illam τὸ ὁμολογεῖν ἀντιθέμεν , & cum illis , qui fidem Concilii Nicaeni amplexabantur , non omnino communicandum . Verum ut idem Socrates animadvertit , eorum conatus minime ipsis successit ex sen-

tentia ; tum quia plerique eos tamquam alias alia decernentes condemnare coeperunt , ab illis penitus desciscere , & constantius iis adhaerere qui fidem a Nicaeno Concilio praescriptam profitebantur ; tum quia Gratianus memoratam legem , quam apud Sirmium anno 378. promulgavit , mutata in melius sententia , hoc ipso labente anno apud Mediolanum Ambrosio auctore , ut par est credere , revocavit ; statuitque , ut omnes vetitae legis Divinis & Imperialibus haereses perpetuo conquiescerent . Quo referendum videtur , quod est apud Theodorum lib. V. cap. II. *Iste Imperator . . . . conscripsit legem , quae jubebat . . . . Sanctas Ecclesias traditis , qui Damasi communionem amplexarentur .* Nec minus Macedonianis aliisque Haereticis insensus fuit & ad Catholicam fidem amplificandam propensus Theodosius Magnus , quem sequente anno Gratianus Purpurae Socium & Imperii Collegam adscivit . Nam celebrem Thessalonicae , impellente Ascholio illius Urbis Episcopo , an. 380. legem tulit ad Constantinopolitanos missam , (a) *ut eam Religionem amplecterentur , quam Petrus Apostolorum Princeps Romanis ab initio tradidisset , quamque tum temporis Damasus Romae , & Petrus Alexandriae Episcopus conservaret : & ut illorum dumtaxat Ecclesia diceretur Catholica , qui divinam Trinitatem aequali honore colerent . Qui diversum sentirent , eos haereticos appellari , instabiles esse , ac supplicio affici .* Ex quibus apparet , Macedonianis tum temporis , perinde ac postea Pelagianis , parum fuisse virium ad resistendum Catholicis ; & ho-

(a) Sozomenus lib. VII. cap. IV.

horum non secus atque illorum, non modo Pontificum & Synodorum decretis verum & Imperialibus Legibus ac Rescriptis repressam fuisse temeritatem: quibus si ea quae superius disputata sunt adjungantur, minime apparet, cur ad horum potius, quam ad aliorum causam terminandam, *Synodi Generalis auctoritate Orbisque adunati consensione opus fuerit.*

### ARTICULUS III.

*Constantinopolitana Synodus coacta reapse non est, ut Romanorum Pontificum de Macedonianis iudicium, aut horum de Spiritus Sancti Divinitate controversia retractaretur.*

**N**Ullus veterum Scriptorum, qui Constantinopolitani Concilii Historiam litteris consignarunt, hanc, quam Illustrissimus Bossuetius commentus est, celebrandae Synodi rationem adtulit; sed has potissimum proferunt: ut nimirum Nicaena fides confirmaretur, & Constantinopolitanae Ecclesiae Catholicus praeficeretur Episcopus: ita Socrates lib. V. cap. VIII.: *Imperator, nulla mora interposita, Concilium Episcoporum ipsius fidem amplectentium convocat; quorum fides Concilii Nicaeni corroboraretur, tum Constantinopoli designaretur Episcopus.* Concinit Socrati Sozomenus lib. VII. cap. VII., nec ab eis dissentit aut aliud indicat Theodorus lib. IV. cap. VIII. Verum quidem est, quod, ut laudati Socrates & Sozomenus referunt, invitati fuerunt, & accesserunt ad Synodum etiam Episcopi Macedoniani: at non ideo vocatos

fuisse referunt, ut Romanum de illis iudicium retractaretur; sed ut illis ejusmodi iudicium Patres in mentem revocarent, & ad redintegrandam pacem hortarentur, quam edita juxta illud apud Liberium Catholicae fidei professione jampridem consequuti fuerant: *Ac quoniam*, inquit Socrates, *in spem venerat (Theodosius se posse, Macedonianos ad concordiam cum illis, qui erant ejusdem cum illo fidei, reducere; Episcopos scilicet Macedonianae accessit.* Quid autem cum iis Episcopis in Synodo getum sit, sequentibus verbis Sozomenus exponit: ait enim, quod Catholici Episcopi, *quum Decreti in Nicaeno Concilio confirmati approbatores essent, eos qui cum Eleusio erant obtestabantur, ut suae sententiae subscriberent; in memoriam illis redigentes, quae ad Liberium per Legatos Eustathium Silvanum ac Theophilum scripserunt, & contestati essent.* Atque iis paria etiam Socrates refert: ex quibus profecto constat, non ad retractandum Romanae Sedis iudicium Macedonianos admissos in Synodo fuisse; sed ut ad servandam fidei professionem, quam juxta Liberii decretum per Legatos suos in Romana Synodo ediderant, adhererentur.

Nec refert, quod Macedoniani in Concilio Constantinopolitano damnati sunt, & eorum dogmati confutando plures Nicaeni Concilii Symbolo particulae sunt adjectae. Nam & alios Haereticos Synodus Constantinopolitana damnavit, & eorum erroribus profligandis plures eidem Symbolo particulas addidit, (seu potius, ut est Viris eruditis animadversum [a], & ex S. Epi-

(a) Vid. Usser. de Symbolis.



Epiphanio colligi videtur (a), anti-  
quius Symbolum, & ejusmodi jampri-  
dem auctum additamentis adoptavit.)  
Nec tamen propterea quis dixerit,  
eorum omnium Haereticorum causas  
in hac fuisse Synodo retractatas.

Ex his porro aperte conficitur,  
Conciliorum Generalium celebratio-  
nem argumento non esse, quod fidei  
dogmata jam pridem definita, aut de-  
creta adversus Haereticos lata retra-  
ctationi obnoxia judicarentur; nec  
Concilia Generalia celebrata fuisse,  
quod, ut ea decreta summam & im-  
mobilem firmitatem obtinerent, Sy-  
nodi generalis auctoritate Orbisque ad-  
nati consensione opus esset. Nam, ut  
ex Socrate aliisque auctoribus demon-  
stravi, Constantinopolitana haec Sy-  
nodus primum congregata est, ut fides  
Concilii Nicaeni confirmaretur. Quis  
tamen dixerit, Nicaenae Fidei hac ad-  
huc Synodo opus fuisse, ut robor au-  
toritatis invictum obtineret?

Libet hic coronidis loco attexere  
verba, quibus Gallicani Praefules,  
Epistola data ad Innocentium Decimum  
post receptam Constitutionem contra  
quinque Jansenii propositiones, agno-  
scent & aperte docent, Damasi adver-  
sus Macedonios & Appollinaristas de-  
creta summam, & ineluctabilem vim  
ante Concilium Oecumenicum habuisse,  
perinde atque Innocentii Primi,  
ac Zosimi adversus Pelagianos Re-  
scripta; his enim, quae haecenus in  
hoc Capite disputata sunt, egregie  
confirmantur: Scribunt enim, quod  
vetustae illius aetatis Ecclesia Catholi-  
ca, sola Petri communionem & auctori-  
tate fulta, quae in Decretali Epistola  
P. I. T. I.

Innocentii ad Africanos data elucebat,  
quamque dein Zosimi altera ad univer-  
sos Orbis Episcopos Epistola subsequenta  
est, Pelagianae Haeresis damnationi  
absque cunctatione subscripsit. Perspe-  
ctum enim habebat, non solum ex Chri-  
sti Domini pollicitatione Petro facta,  
sed etiam ex Aetis priorum Pontificum,  
& ex Anathematismis adversus Apol-  
linarium & Macedonium nondum ab ul-  
la Synodo Oecumenica damnatos, a Da-  
maso paullo antea factis, Judicia pro  
facienda regula fidei, a Summis Pon-  
tificibus lata, super Episcoporum con-  
sultatione, (sive suam in Aetis relatio-  
nis sententiam ponant, sive omittant,  
prout illis collibuerit,) divina aequae  
ac summa per universam Ecclesiam au-  
toritate niti; cui Christiani omnes ex  
officio, ipsius quoque mentis obsequium  
praestare teneantur. Ex quibus disci-  
mus, esse rem adeo perspicuam &  
exploratum Damasi adversus Macedo-  
nianos judicia divinam atque summam  
per universam Ecclesiam auctoritatem,  
etiam ante Concilium Oecumenicum  
habuisse; ut ex Gallicanorum Prae-  
sulum sententia, hoc sibi olim exem-  
plum imitandum Ecclesia proposuerit,  
quum Romanorum Pontificum adver-  
sus Pelagianos decretis sine ulla cuncta-  
tione subscripsit: seique idem exem-  
plum laudati Praefules sequutos esse  
gloriantur, quum Innocentii X. adver-  
sus quinque Jansenii Propositiones Con-  
stitutioni, nulla Oecumenicae Synodi,  
sed unius Apostolicae Sedis auctoritate  
permoti subscripserunt. Unde conse-  
quens est, Concilii generalis celebra-  
tionem argumento non esse, quod ea,  
quae praecesserunt, Apostolicae Se-

G

dis.

(a) Ancorat. cap. CXX.

dis adversus errores judicia retractationi fuerint obnoxia; & generales Synodos ideo celebrari, quod iis opus omnino sit, ut ea summam & divinam & indeclinabilem obtineant auctoritatem.

## CAPUT IX.

„ Ad Ephesinam Synodum deveni-  
 „ mus. Referuntur ea, quæ Syno-  
 „ dum præcefferunt; demonstratur:  
 „ quæ a S. Caelestino Papa, tota  
 „ Sedis Apostolicæ auctoritate, in  
 „ Nestorii hæresim ac Personam  
 „ pronuntiatum fuisse: An tale ju-  
 „ dicium pro irreformabili sit habi-  
 „ tum; quæstio ex Actis postea  
 „ dissolvenda.

**Q**uod præsentī Capite probare ag-  
 greditur Illustrissimus Gallicanæ  
 Declarationis Defensor; quod nimi-  
 rum S. Caelestini de Nestorii hæresi ac  
 Persona judicium tota fuerit Cathedræ  
 auctoritate prolatum; extra omnem  
 controversiam positum est, idque ab  
 ipso luculentissime demonstratur. Qua-  
 re de hac re nulla mihi cum ipso con-  
 certatio est: agnosco enim, nihil pla-  
 ne potuisse in ejusmodi judicio deside-  
 rari, quo Apostolica autoritas plenissi-  
 me exereretur; „ *An vero sententia*  
 „ *tanta auctoritate prolata, postquam*  
 „ *ingens dissensus exorta est ac Synodi*  
 „ *Oecumenicæ injecta mentio, pro ir-*  
 „ *reformabili sit habita, gesta sequen-*  
 „ *tia demonstrabunt.* Demonstrabunt  
 plane: nihil enim luculentius iis, quæ  
 in Ephesina hac Synodo gesta dictaque  
 sunt, ad demonstrandam summam, &  
 nullius etiam Concilii generalis subdi-  
 tam judicio Apostolicæ Sedis in iis  
 quæstionibus dirimendis auctoritatem.

Verum antequam ad Acta ipsa propius  
 inspicienda accedamus, duo hic nobis  
 quaerenda sunt. Primo, quodnam  
 fuerit in hoc negotio S. Cyrilli de Ro-  
 mani Pontificis auctoritate judicium.  
 Secundo, an juxta ipsius Ecclesiæ  
 Gallicanæ doctrinam, Synodi gene-  
 ralis auctoritate Orbisque adunati con-  
 sensione opus fuerit, ut Caelestini de  
 hæresi Nestoriana decreta inconvul-  
 sam & immobilem firmitatem obtine-  
 rent.

## ARTICULUS PRIMUS.

*S. Cyrillus irrefragabilem agnovit in  
 Caelestino ad damnandum hæresim  
 Nestorianam, auctoritatem.*

**I**D perspicue suadent ipsius S. Cy-  
 rilli verba in Epistola ad Caelesti-  
 num, 1. Parte Concilii Ephesini cap.  
 XIV. sic enim Sanctum Pontificem ad-  
 loquitur: *Non prius autem illius (Ne-*  
*storii) communionem palam aperteque*  
*deserimus, quam hæc ipsa pietati tuæ*  
*indicavimus. Digneris proinde quid hic*  
*sentias præscribere; quo liquido nobis*  
*constet, communicare nos cum illo*  
*oporteat, an vero libere eidem denun-*  
*ciare, neminem cum eo communicare,*  
*qui ejusmodi erroneam doctrinam fovet*  
*ac prædicat. Porro tuæ integritatis*  
*mens, & super hac re sententia, piis-*  
*simis Deoque devotissimis Macedoniæ*  
*Episcopis, necnon totius Orientis An-*  
*tistibus perspicue per litteras exponi de-*  
*bet. Nam cupientibus illis ansam da-*  
*bimus, ut omnes uno animo in una sen-*  
*tentia persistant, restæque fidei quæ*  
*jam impugnatur opem ferant. Cyrillus*  
*ergo etsi Nestorii blasphemias perspe-*  
*ctas & exploratas habebat; non audet*  
 tamen

tamen omnem cum ipso societatem & communionem abrumperem, nisi prius Sedem Apostolicam consulat, ejusque hac de re sententiam excipiat. Profitetur autem, sese post acceptum illius Sedis oraculum nihil amplius retractaturum; sed nulla mora interposita, libere & absque ulla cunctatione, utpote re jam liquido definita, quo inquit liquido nobis constet &c. ejus decreto paritutum; eundemque aliorum per universum orbem Episcoporum esse sensum, pro certo se habere significat. Petit enim a Caelestino, ut suum de Nestorio iudicium praecipuarum Sedium Episcopis significare velit, quo una sit omnium fides atque sententia. Proindeque eam esse iudicat Apostolicorum decretorum de rebus ad fidem morumque disciplinam pertinentibus vim, ut nemo illis reluctari valeat, sed omnes in uno eodemque sensu continere possint, quemadmodum centrum omnes in se uno lineas conjungit.

His accedit, quod, ut est veteribus quibusdam Scriptoribus animadversum, S. Cyrillus ad Caelestinum velut ad ARCEM FIDEI confugit; cujus proinde firmissima esse oportet & immota de fidei rebus judicia. Si enim adversus Ecclesiam in Arce fidei fundatam, & fidei arce defensam portae inferi praevalere non possunt; prorsus necesse est, ut Arx ipsa fidei adversus easdem Inferi Portas, id est adversus haereses & errores, firma & immota consistat: namque ubi semel Civitatis arcem aut Regni hostes expugnaverint & in suam redegerint potestatem, de toto Regno aut Civitate actum est. Cyrillum ita-

que ad S. Caelestinum velut ad Pontificatus subindeque & Fidei Arcem confugisse, Arnobius Junior in Conflictu cum Serapione sequentibus verbis testatur: *Apostolicae recordationis vir S. Cyrillus Alexandrinus Episcopus quum cognovisset, Nestorianum dogma contrarium fidei pullulare, scripsit per totam Aegyptum, & ad Sanctum Caelestinum Apostolicae recordationis Antistitem misit, dicens ad laudem suam pertinere, si ab eo, qui Pontificatus arcem tenebat, fuisset aliquid emendatum. Consentit Marcellinus Comes in Chronico: Caelestinus ROMANAE ARCIS Pontifex Nestorio pravitatis Episcopo, per Epistolam suam datis decem dierum induciis, vel poenitenti veniam, vel dissentiendi damnationem denunciat. Ex quibus colligit Thomassinus, summam iudicii huius adversus Nestorium exerciti potestatem vel ab ipso Cyrillo ad Caelestinum esse delatam, tanquam ad Pontificatus arcem (a). Porro qui Pontificatus arcem tanquam Ecclesiae Caput tenet, ille etiam Arx fidei jure optimo & nuncupatur & creditur: id quod est etiam Gallicanis Episcopis animadversum in Epistola ex Comitibus Generalibus Cleri ad Innocentium X. Pontificem Maximum data VIII. Kal. Novembris MDCL. Scimus, ubi Caput Ecclesiae, IBI TOTIUS FIDEI ARCEM, totius & disciplinae Metropolim. Quid autem ex hac totius fidei arce S. Cyrillo quum ad eam confugit sperandum esset, Concilium Ephesinum, cujus veluti mens & calamus ipse Cyrillus fuit, ad S. Caelestinum scribens sequentibus verbis declarat: (b) Sanctitatis tuae*

(a) Dissert. 10. de Concil. aum. III.

(b) Ad. V. Conc. Ephes.

circa pietatem zelus, & circa fidei sinceritatem cura, nostri omnium Salvatori Deo grata & placita, omni admiratione digna exsistit. Est enim hoc vobis adeo magnis in more positum, ut in omnibus celebres sitis, studiaque vestra ECCLESIARUM FIRMAMENTA constitutis. Ex illa ergo totius fide Arce, in qua sibi S. Cyrillus adversus Nestorium firmamentum constituit, decreta & judicia manant, quae omnium ECCLESIARUM FIRMAMENTA sunt; quae proinde immota & firmissima esse oportet, ne si omnium Ecclesiarum firmamenta vacillant, ipsa etiam universalis Ecclesia periclitetur.

## ARTICULUS SECUNDUS.

S. Caelestini de Nestorio iudicium juxta Gallicanae Ecclesiae doctrinam, etiam ante Oecumenicam Synodum, immobilem habuit & irretractabilem auctoritatem.

**D**Uabus propositionibus, ut illud semel admoneam, Gallicanae Ecclesiae doctrina ad quam in praesentia provoco continetur; duabus, inquam, propositionibus, quas recentis e Gallia Theologi verbis efferam (a).

Prima est: *Fieri non potest, vi promissionum Christi, ut in causa Fidei multitudine Episcoporum simul cum Romano Pontifice, paucis admodum ex adverso reclamantibus Episcopis, errorem definat ac pertinaciter defendat.*

Alter a est: *Ad robur & firmitatem dogmaticae definitionis sufficit moralis unanimitas, quam non impedit paucorum resistens.* Eam porro esse docet

moralement unanimitatem, quae ex fragiis multo majoris partis paucis admodum exceptis coalescit. Dixi, inquit, paucis admodum exceptis. Namque si tanta foret Episcoporum discordia, ut hinc & inde diversas in partes scinderentur numerosae ac insigniores Ecclesiae, sicut contigit in controversia de Baptismo ab Haereticis collato, tempore Stephani Summi Pontificis & S. Cypriani, tunc nequidem moralis adesset unanimitas; saltem completa & perfecta; adeoque ad Concilium generale recurrendum foret. Hanc autem dixi Gallicanae Ecclesiae esse doctrinam; non quod ignorem, hanc pariter omnium esse Catholicorum sententiam, quatenus docet Romanorum Pontificum de rebus fidei judicia, quibus omnium fere per orbem Catholicum Episcoporum accedit consensus, inconcussam habere & indeclinabilem auctoritatem; sed quod ea propria Gallorum opinio sit, ejusmodi consensum esse necessarium, ut ea Romanorum Pontificum de Fidei controversiis judicia firma & omnino immota consistant. Duo hinc itaque mihi praestanda sunt.

Primo demonstrandum est, in Caelestini de Nestorio sententiam, statim ac promulgata est, Episcoporum multitudinem, paucis admodum ex adverso reclamantibus, consensisse.

Secundo quod paucorum ex adverso reclamantium, seu non omnino Apostolico judicio acquiescentium dissensione moralis unanimitas abrupta non est; adeoque opus omnino non fuit, ut ad Concilium generale recurreretur.

Quod ad primum attinet, prae oculis imprimis habenda est sententia, quam

ad-

(a) Tournely de Eccles. Quaest. III, art. IV. & V.

adversus Nestorium in Synodo Romana Caelestinus tulit, & quae in celebri ipsius ad eundem Nestorium Epistola sequentibus verbis concepta est: (a) *Aperte igitur hanc nostram scias esse sententiam, ut nisi de Deo Christo nostro ea praedices, quae & Romana & Alexandrina & universalis Ecclesia Catholica tenet, sicut & Sacrosancta Constantinopolitanae Urbis ad te usque optime tenuit; & hanc perfidam novitatem, quae hoc quod venerabilis Scriptura conjungit nititur separare, intra decimum diem a primo innotescens tibi hujus conventionis die numerandum, aperta & scripta professione damnaveris, ab universalis te Ecclesiae Catholicae communione dejectum*. Tria potissimum in hoc Caelestini decreto spectanda sunt. Primo, quod quam doctrinam definit ac Nestorio tenendam subscribendamque decernit, eam esse docet quam universa per orbem tenebat & praedicabat Ecclesia. Secundo, quod eundem Nestorium erroris huicce doctrinae contrarii reum peragit. Tertio, quod ipsi ad esuranda perversa dogmata decem dumtaxat inducias dierum indulget. Ex hisce itaque tribus partibus, quibus laudata sententia constat, nulla est, in quam etiam ante Synodum Oecumenicam Catholicorum Episcoporum pars maxima non consenserit.

Atque ut a prima exordiamur; quis post tam disertum ac luculentum ipsiusverbi S. Caelestini testimonium negare audeat, aut in controversiam vocare, quod quam ipse Nestorio tenendam subscribendamque proponit, haud alia

tunc esset, quam universae Ecclesiae doctrina? Quis enim vero unquam Catholicorum negavit, unam esse in Christo Personam, sive unum esse eundemque Dei & hominis Filium, ac propterea Beatam Virginem jure meritoque *Θεοτόκον* seu Deiparam appellari? his porro, quod ad doctrinam pertinet, Caelestini decretum terminis circumscribitur. Quare S. Cyrillus, tamquam Apostolicae sententiae executor leges Nestorio praescribens, quas eum subire oporteret si vellet in Ecclesiae communione persistere: *Praeter hoc addendum inquit (b) illud est, ut scripto ac jurejurando adfirmes, te praeterea anathematizare, quae scelerste & profane hactenus sensitisti; & ea rursus posthac te sensurum ac docturum polliceare, quae & nos & ceteri omnes quotquot vel in Occidente vel in Oriente vivunt Episcopi, Doctores & populorum duces... Haec enim est Catholicae Apostolicaeque Ecclesiae fides, in qua universi Occidentis & Orientis orthodoxi Episcopi consentiunt*. Id autem adeo perspicuum erat atque exploratum, ut Johannes Antiochenus, aliique Orientales Episcopi, qui propensiore in Nestorium animo erant, Amici verba in alienum sensum detorquerent; id quod etiam ipse Nestorius aliquando praestitit: nimirum ad fucum faciendum imperitis, & ne à totius Ecclesiae doctrina dissentire videretur. Itaque nulla esse potest de hac prima Apostolici Decreti parte controversia.

Verum, quod ad alteram partem adinet, illud prima fronte videtur ali-quid adferre difficultatis, quod, ut

mox

(a) I. P. Conc. Ephes. cap. XVIII.

(b) Ibid. cap. XXVI. §. II.

mox est nobis animadversum, Johannes Antiochenus, alique Orientales Episcopi non omnino persuasum habebant, Nestorium iis fuisse erroribus implicitum, quos ei Caelestinus & Cyrillus imputabant. Verumtamen quaecumque fuerit Orientalium de Nestorii sensibus mens, certum nihilo minus est, reliquos per orbem terrarum Episcopos Caelestini iudicio adhaesisse: neque Orientalium dissensione, vel tum quum in apertum bellum erupit, *moralis* Episcoporum unanimitas violata est. S. Cyrillus in Epistola ad Johannem Antiochenum, totius Occidentis Episcopos Papae de Nestorio decretum amplexos esse, disertis verbis testatur: (a) *Romana Synodus* (hanc paullo superius collectam fuisse docet ex iis tantum Episcopis, qui tum Romae comperti sunt, quum illuc Diaconus Possidonius pervenit) *disertam statim in illum sententiam tulit: qua de re ad tuam quoque pietatem perscripsit. Horum proinde decreto modis omnibus parendum est illis, qui a totius Occidentis communione excidere noluerint. Scripserunt namque expositae sententiae exempla cum ad Rursum piissimum Thessalonicae Episcopum, tum ad alios quoque nonnullos religiosissimos Macedoniae Episcopos, qui ab illius sententia nunquam decedere solent. Scripserunt nihilominus & ad Juvenalem piissimum Hierosolymorum Episcopum. Jam tuae pietatis fuerit, quid in rem futurum sit, diligenter expendere. Nos enim sequemur, quae illi iudicaverunt. Veremur namque, ne a tantorum communione excidamus, qui non ob aliud indignantur, neque ob parvi momenti res com-*

*moti sunt, eamque sententiam tulerunt, sed propter ipsam Fidem, universaeque orbis terrarum turbatas Ecclesias, & communem populi aedificationem.* Haec ex Alexandrina totius Aegypti Synodo ad Johannem scribebat Cyrillus, in quibus quaedam nobis accurate adnotanda sunt. Et primo quidem animadversione dignum est, quod, quemadmodum paullo ante monuimus, Romana Synodus, quam Cyrillus commemorat, & ex qua Caelestinus adversus Nestorium sententiam tulit, ex solis Episcopis coacta est, qui tunc in magna, ut ait, *Romanorum Urbe comperti sunt.* Et tamen haud veretur pronunciare, quod eorum decreto modis omnibus parendum est illis, qui a totius Occidentis communione excidere noluerint, quo profecto significat, constantem fuisse omnium Occidentalium morem, ut nunquam ab Apostolicae Sedis decretis dissentirent. Alioquin quomodo de totius Occidentis sententia fidenter pronunciaasset, qui unius Romani Concilii decretum prae manibus habebat?

Secundo notandum est, in illa Occidentis & Orientis, sive Occidentalis & Orientalis Ecclesiae divisione, ad quam in his verbis laudatus Cyrillus digitum intendit, sub Occidentali comprehensas tum fuisse, praeter alias Provincias, Africam, Illyricum, & Macedoniam. Et de his quidem, nempe de totius Illyrici Episcopis, [quod plures & amplissimas Provincias complectebatur, quibus omnibus Thessalonicensis Episcopus praeerat] ac speciatim de Macedonibus idem S. Cyrillus testatur; quod ab illius, idest Romani

Pon-

(a) I. P. Conc. Ephes. Cap. XXI,

Pontificis, *sententia numquam decedere solent*. Idemque de Africana Ecclesia sentiendum est, quae in illa generali divisione ad Occidentem referebatur; quam proinde S. Cyrillus sub *totius Occidentis*, a cuius communione sejungi verebatur, nomine comprehendit.

Et vero quod hic Cyrillus Johanni Antiocheno denunciat, nempe aut parendum esse Caelestini de Nestorii damnatione sententiae, aut a totius Occidentis, Africae, Macedoniae, ac totius Illyrici, & Aegypti, cui ipse praeerat, communione excidendum; haud inanem fuisse comminationem, ex earum Ecclesiarum actis gestisque compertum est. Nam S. Caelestinus, antequam Legatos ad Ephesinam Synodum destinaret, Romae *Sanctorum Occidentalium Episcoporum multitudinem* coëgit; qui illic simul congregati, ut ajunt Patres ejusdem Ephesini Concilii in Relatione ad Imperatorem (a). *Caelestino Sanctissimo piissimoque magnae Romae Episcopo etiam praesente, & nunc nostram de fide sententiam praedicarunt, eosque qui diversa sentiunt, ab omni prorsus Sacerdotii sorte graduque alienos esse definiarunt*. Hanc autem Synodum totius Occidentis Ecclesias repraesentasse, inde aperte colligitur, quod Legati ex ea Synodo Ephesum missi *totius Occidentalis Sanctae Synodi sententiam per literas exposuisse, in eadem Relatione dicuntur*.

Quod Caelestinus Romae, id Capreolus Carthagine perficere cogitavit; ut nimirum quemadmodum ille Romae ex toto Occidente, ita ipse Carthagine ex universa Africa Synodum congregaret, ut consonam Caelestino ac Cy-

rillo adversus Nestorium sententiam pronunciaret, & aliquot Episcopos tamquam totius Africanæ Ecclesiae Legatos Ephesum destinaret. Verum Barbarorum incursionibus impeditus, Epistolam Concilii Actis insertam (b), per Bessulam Diaconum misit, quem non unius Capreoli, sed totius Africae Episcoporum legationem obisse, aut de ipsorum omnium cum Capreolo, ac per eum cum Caelestino Cyrilloque consensione testatum esse, aperte ejusdem Actis colligitur. Etenim in Relatione ad Imperatorem per Candidianum Kalendis Julijs missa; *Synodus*, inquiunt Patres, *omnes totius orbis Sanctissimos Episcopos unum idemque sentientes habet*. Nam & magnae Romae Episcopus Synodo simul interest, & Africanam per piissimum Archiepiscopum Cyrillum, cum quo suam sententiam conjunxerunt: qui sola locorum intercapidine disjuncti, cum ipsis, tum omnium nostrum sententiae consenserunt. Et infra in alia Relatione per Johannem Comitum missa: *Oecumenica Synodus quae universum Occidentem, cum magna vestra Roma & Apostolica Sede, totam item Africanam, & totum Illyricum in confesso suo habet*. Quae profecto vera esse non poterant, nisi una fuisset omnium Africae Episcoporum cum suo Primatu sententia, quam ipse per Epistolam, viva autem voce Bessula repraesentaret.

Denique Flavianus Philippensium Episcopus quum Cyrilli ad Nestorium Epistolae Actione prima Concilii subscripsisset, de aliorum quoque totius Illyrici Episcoporum in eandem sententiam consensione testatus est: *Hic quoque*, inquit, *Sanctissimum Patrem*

no-

(a) Act. III. Conc. Ephes.

(b) Act. I.

*nostrum Rufum Thessalonicensium Metropolitanum subscribere affirmo. Nam cum propter aegritudinem huc venire non posset, mihi ad sanctam & magnam hanc Synodum proficiscenti haec mandata dedit. Quin omnes quoque Illyrici Episcopos in meam sententiam concedere, nihilque de jam actis haesitare, certo persuasum habeo.* Ex quibus colligere est, & alios Metropolitanas, quos imprimis Theodosius invitaverat, praedictam totius Provinciae sententiam ad Synodum adtulisse.

Tertio, circa ea, quae superius adlata sunt S. Cyrilli verba, observandum est; hanc totius Occidentis, Africae, Illyrici, & Aegypti cum Romano Pontifice in Nestorii damnatione, aliis totius Orbis Episcopis nequaquam reclamantibus, consensu, tanti Cyrillum fecisse, ut nequaquam tutum existimaverit, ab eorum discedere sententia, & excidere communione; ac propterea inquit: *Nos enim sequemur, quae illi judicaverunt. Veremur namque, ne a tantorum communione excidamus.* Quo proinde testimonio fulciri potest, quae hodie in Gallicana Ecclesia viget opinio, quod nimirum manifestis disertisque verbis testatus quorundam Episcoporum; aliorum vero, quorum ut plurimum major est numerus, tacitus consensus, vim certam & ineluctabilem conferat Apostolicae definitioni [a]. Juxta quam opinionem omnino dicendum est, Caelestini de Nestorio sententiam irreformabilem adeptam esse, etiam ante Synodum Oecumenicam, auctoritatem. Ad eam enim, ut jam vidi-

mus, expresso, ut vocant, consensu totius Occidentis, Africae, Aegypti, & Illyrici Episcopi, etiam ante Synodum, acceperunt; alii vero per universum terrarum Orbem Episcopi, ne ipsis quidem exceptis Orientalibus, tacito. Nondum enim, ut mox dicemus, Johannes Antiochenus & Orientales in apertam dissensionem proruperant: quinimo Apostolicae sententiae aequitatem quodammodo agnoscebant, & Nestorio auctores erant, ut Ecclesiae, & Pontifici satisfaceret. Nam & ipsi, perinde ac Cyrillus, initio verebantur, ne a tantorum communione exciderent: quem ipsorum timorem verba illa praefecerunt Johannis Antiocheni, ex aliorum Orientalium consensu, ad Nestorium scribentis (b): *Nam & Occidens, & Aegyptus, & ipsa fortasse Macedonia, ab ea unione sese abrumpere decreverunt, quam singularis Dei beneficentia ..... communi Ecclesiae utilitati impertivit.*

Tertia, uti superius animadvertimus, Apostolici adversus Nestorium decreti pars in eo versabatur; quod Nestorio ad nefaria dogmata ejuranda, haud amplius quam decem dierum inducias indulgebat. Hanc vero partem haud alia ratione seorsim considerandam proposui, quam ut monerem [ id quod etiam, mox referendis verbis, Johannes Antiochenus Nestorium monuit ] nequaquam id temporis ejuscemodi quaestionem fuisse disceptatam, de qua non liquido inter Fideles contaret, & quae propterea plurimum otii ac laboris ad deliberandum requireret. Enimvero, (inquit laudatus Episcopus Antio-

(a) Vid. Fournely de Eccles. Quaest. III. art. II.

(b) I. P. Conc. Ephes. cap. XXV.



tiochenus Nestorio scribens ) licet *Do-  
minus meus Caelestinus* , Deo devotis-  
simus Episcopus , decem tantum dierum  
intervallum , terminum usque respon-  
sioni praefuitum valde angustum , lite-  
ris suis interposuerit ; tamen res ea ejus-  
modi est , ut , non dico decem diebus ,  
sed uno , imo vero paucis horis confici  
posse videatur . Nimirum non de iis  
agebatur Christianorum dogmatum con-  
fessionariis , quae non nisi magno studio  
eruantur , & in quibus , antequam fue-  
rint eliquata , & Ecclesiae auctoritate  
definita , salva fide , qua Christiani su-  
mus , aut ignoratur , inquit Sanctus  
Augustinus (a) , quid verum sit & sen-  
tentia definitiva suspenditur ; aut ali-  
ter quam est , humana & infirma su-  
spicione conicitur . Sed quod in con-  
troversiam a Nestorio vocabatur , ad  
ipsa , ut ejusdem S. Augustini adver-  
sus Pelagianos verbis utar (b) , fidei  
pertinet fundamenta ; & inter ea dog-  
mata recensendum est , in quibus pro-  
prie , ut idem scribit Augustinus (c) ,  
fides Christiana consistit . Hinc Basilii  
Archimandrita alique Constantinopoli-  
tani Monachi in Libello supplici adver-  
sus Nestorium ad Theodosium , *Deside-  
ramus* , inquit [d] , *Christianae fidei  
fundamentum inconcussum immotumque  
persistere* . Et Sanctus Caelestinus in E-  
pistola ad ipsum Nestorium (e) : *Quis fe-  
rat, doceri Episcopum, qualiter esse debeat  
Christianus* ? Ex quibus constat , con-  
troversiam , quam in Ecclesiam Nesto-  
rius iniecit , ejusdem generis ac ratio-  
nis fuisse cum illa , quam ante aliquot

P. I. T. I.

annos Pelagiani excitaverant : ac proinde quemadmodum horum causa absque Synodi congregatione , & solis Apostolicae Sedis Rescriptis finita est ; cur non & Caelestini in Nestorii causa decretum peremptorium fuisse dicamus ; quum huic perinde atque illis Episcoporum , ut ostendimus , pars longe maxima adhaeserit ?

## CAPUT X.

„ Dicta a Caelestino Papa de fide , to-  
„ ta Apostolicae Sedis auctoritate  
„ sententia , Concilii universalis  
„ mentione & convocatione suspen-  
„ ditur . Id Canonice & ordine fa-  
„ ctum , omnes Episcopi , & Papa  
„ ipse constituitur .

P Raeter haec duo , quae satis aper-  
tae in Epigraphae enunciantur ;  
quod nimirum Caelestini de fide sen-  
tentia Concilii generalis mentione &  
convocatione suspensa fuerit ; idque  
Pontificem ipsum , & Episcopos cano-  
nice & ordine factum agnovisse ; aliud  
etiam sub ipsius Capituli initium demon-  
strare aggreditur Illustrissimus Auctor ,  
quod videlicet Synodi Oecumenicae  
orbisque adunati consensione opus fue-  
rit , ad conciliandam Caelestini Judicio  
immobilem & irretractabilem auctori-  
tatem . Quae quidem quaestio etsi ex  
principiis superiori Capite positae omni-  
no pendet ; attamen , antequam ad alia  
duo propositae disputationis capita suis  
momentis expendenda accedamus , ad-

H

huc

(a) Lib. de peccat. Orig. cap. XXIII.

(b) Lib. I. cont. Julian. cap. VI.

(c) Ubi sup. cap. XXIV.

(d) 1. Part. Conc. Ephes. cap. XXX.

(e) Ibid. cap. XVIII.

huc est paullo adcuratius examinanda , & argumentis , quibus Bossuetius nititur , occurrendum est .

## ARTICULUS I.

*Moralis omnium Episcoporum cum Caesestino unanimitas Orientalium dissensione abrupta non est : Summa proinde fuit ejus decreti , etiam ante Synodum Oecumenicam , & irreformabilis auctoritas ; ac nullius momenti sunt rationes , quibus , ad Apostolicum Judicium firmandum , Bossuetius Generali Concilio opus fuisse contendit .*

„ **S**aepe diximus , inquit Illustrissimus Auctor , saepe dicemus , ita esse Ecclesiam constitutam , ut ad Oecumenicam Synodum necessario , nonnisi extraordinariis casibus ac dissensionibus recurratur . Ceterum , consueto ordine ita finiri subortas etiam gravissimas de fide quaestiones , si Romano Pontifici discernenti Ecclesiae consensus accesserit .

Sit , ut libet , Ecclesiae consensus necessarius , ut Apostolicum Judicium inconcussam habeat & immobilem firmitatem : quid inde conficis , ut Caesestini decretum adhuc autasse demonstras , quoad Oecumenicae Synodi auctoritate firmatum est ? An non luculenter ostendimus , Caesestini sententiae Ecclesiae consensum neutiquam defuisse ? Tunc enim Ecclesiae consensus adest , quum Romano Pontifici solemniter definienti Episcoporum pars

maxima , paucis admodum ex adverso reclamantibus , adhaeret ; quorum alii per litteras quod gestum sit sese adprobare significant ; alii vero tacito saltem consensu idipsum ratum habere censeatur . Id autem Caesestino Nestorii causam solemniter dirimenti , etiam ante Concilii generalis celebrationem neutiquam defuisse , monstravimus . Videamus ergo quid contra adferat Gallicanae Declarationis Illustrissimus Propugnator .

„ Plane , inquit , confitemur , sentiant , ita ut Cyrillus speraverat , valituram fuisse ad novam haeresim comprimendam , nisi graves suborti motus , resque ea visa esset , quae ad universalem Synodum deferretur .

Suborti motus ejusmodi fuerint oportet , ut iis *moralis* Episcoporum in Nestorii damnatione *unanimitas* disiecta sit . Nam ad *roborem & firmitatem dogmaticae definitionis* , quo nimirum valeat ad quamlibet haeresim comprimendam , *sufficit moralis Episcoporum unanimitas , quam non impedit paucorum resistentia* [a] . Videamus ergo , cujusmodi fuerint in causa Nestorii suborti motus . Hos sequentibus verbis Bossuetius describit .

„ Verum Nestorius Regiae Civitatis Episcopus ea auctoritate pollebat , ea specie pietatis hominum animis illuserat , eos sibi conciliaverat Episcopos , ea denique gratia apud Theodosium Juniores Imperatorem & Proceres erat , ut facile omnia commoveret ; itaque opuserat Oecumenica Synodo , quod de re maxima , ac de Persona in-

„ ma-

(a) Vid. Tournely de Ecclesi. Quaest. III. art. V.

„ maximam dignitatem eveſta agere-  
 „ tur . Quod multi Epiſcopi , in his  
 „ Orientales fere omnes , hoc eſt ,  
 „ Antiocheni tractus , atque ipſe Pa-  
 „ triarcha Johannes a Cyrillo abhor-  
 „ rebant , & Neſtorio favere videban-  
 „ tur : quod ſciſſa hominum ſtudia ,  
 „ totum Orientis Imperium , Cyril-  
 „ lum inter atque Neſtorium fluctuare  
 „ videbantur . Haec univerſalem Sy-  
 „ nodum poſtulabant .

Haec quidem hac verborum & elo-  
 quentiae vi exaggerata conſenſum facile  
 extorquere poſſe videntur . Verum ſi  
 paullo attentius , & dearticulatim ex-  
 pendantur , nullius omnino momenti  
 ſunt . *Neſtorius* , inquit , *Regiae Ci-  
 vitatis Epiſcopus ea auctoritate pollebat* .  
 Equidem , ubi primum ad Epiſcopatum  
 pervenit , magna fuit Neſtorii apud  
 omnes exiſtimatio . Verum ſtatim at-  
 que in Chriſtum , & Beatam Virginem  
 nefariam linguam acuere coepit , pri-  
 mum populo & Monachis , deinde Cle-  
 ricis , tandem Epiſcopis fere omnibus  
 ludibrio fuit , nec niſi quorundam Au-  
 licorum ope favorem Principis & gra-  
 tiam retinuit . Hinc illae turbae , ac  
 totius populi & Monachorum fremitus ,  
 ubi primum in Eccleſia Conſtantinopoli-  
 tana plaudente Neſtorio auditum eſt :  
*Mariam nemo Deiparam vocet ; Et :  
 Si quis Mariam Deiparam dixerit ,  
 anathema ſit* . Hinc ille ejuſdem popu-  
 li clamor , *Imperatorem habemus , E-  
 piſcopum non habemus* ; quod nimirum  
 eis jam non Paſtor , ſed efferatus ac  
 rabidus Lupus eſſet . Hinc illae ad evi-  
 dentem Haeretici Neſtorii conſuſionem  
 publice propoſitae Obteſtationes , qui-  
 bus palam tamquam Pauli Samofateni  
 diſcipulus traducebatur . Hinc denique  
 quod nemo , praeter Aulam , conque-

ſtus eſt , ubi depoſitionis ejus ab Epe-  
 ſina Synodo litterae Conſtantinopolim  
 delatae ſunt ; ſed Cereis accentis , &  
 Hymnorum cantu ejus eſt deſectio &  
 exauctoratio ab Archimandritis & Po-  
 pulo celebrata : quod argumento eſt ,  
 eum jamdudum publico odio & invidia  
 flagraſſe : proindeque ſi populi Cleri-  
 que vota ſpectentur , facile potuiſſe  
 Neſtorium e Conſtantinopolitana Sede  
 abſque Synodo Oecumenica , & ſolius  
 juſſu Romani Pontificis re ipſa detur-  
 bari .

*Multi Epiſcopi* , ſubjungit Boſſue-  
 tius , *in his Orientales fere omnes . . . .  
 a Cyrillo abhorrebant , & Neſtorio  
 favere videbantur* . Neſtorii Perſonae  
 addiſtos fuiſſe Johannem Antiochenum  
 & Orientales , hoc eſt , Antiocheni  
 tractus Epiſcopos , creditumque illis  
 eum haud alienos a Catholica doctrina  
 ſenſus in imo peſtore habuiſſe , haud  
 equidem inficias iverim : perinde ta-  
 men compertum habeo , ipſos cum il-  
 lius agendi rationem improbaſſe , tum  
 ejus doctrinam clare ac diſerte damnaſ-  
 ſe , nec de Caeleſtini judicio ullatenus  
 conqueſtos eſſe , ſed ut ei pareret , ſeſe-  
 que ſubjiceret , Neſtorio auctores fuiſ-  
 ſe . Haec conſtant ex Johannis Antio-  
 cheni ad Neſtorium Epiſtola , quam  
*non ſolus* , inquit , *diſtavi , ſed prae-  
 ſentibus multis Epiſcopis , videlicet Do-  
 mino meo Archelao Epiſcopo piſſimo ,  
 Apringio , Theodoreto , Heliade , Me-  
 letio , & Macario , qui per Dei gra-  
 tiam Eccleſiae Laodiceſiae nuperrime  
 praeſeſtus eſt* . In his porro litteris etſi  
 Neſtorium in intimis ſenſibus Catholi-  
 cam doctrinam , & repudiata hac vo-  
 ce , *Deipara* , ejus adhuc notionem  
 retinere , pro certo ſe habere videri  
 velint ; attamen ſubortos motus ac tem-

pestilates in ejus imprudentiam rejiciunt , qua vocem , veterum Patrum , & omnium Fidelium usu consecratam temere repudiabat ; ejusque usum ac notionem nequaquam rejici potuisse demonstrant , quin Incarnationis Mysterium , quo juxta Scripturas Deum ex Virgine natum , subindeque & ipsam Virginem *Deiparam* nominamus , funditus evertatur . Proinde ipsum moment , rogant , obtestanturque , *ne nomen , quod a multis saepe Patribus usurpatum , scriptum , ac pronunciatum est , adjungere gravetur ; neque vocabulum , quod piam restantque notionem animi exprimit , refutare pergat* . Haec illius Epistolae summaria capita sunt , ex quibus colligere est , Nestorium ipsos verbis haereticum , mente Catholicum judicasse ; subindeque Caelestini de ipso judicium adprobasse , qui de Nestorii doctrina ex ejus verbis ac sermonibus pronunciaverat .

Denique scissa hominum studia , inquit Cl. Defensor , totum Orientis Imperium Cyrillum inter atque Nestorium fluctuare videbantur . Haec universalem Synodum postulabant . Orientalium in Cyrillum odia nequaquam ante patuerunt , quam ille suam ad Nestorium cum duodecim Anathematismis Epistolam in apertam lucem emitteret ; haec vero non ante publici juris facta est , quam de Oecumenica Synodo mentionem Theodosius injecisset . Quare scissa hominum Cyrillum inter atque Nestorium studia convocandae Synodi necessitatem inferre neutiquam potuerunt . Verum esto , ejusmodi studio- rum & opinionum divortia ante Oecumenicae Synodi convocationem eruperint ; quis tamen ferat , iis rem verbi narrari ; quibus significetur , to-

tum Orientis Imperium ita Cyrillum inter atque Nestorium fluctuasse , ut paribus utrimque momentis quodammodo libraretur ? nam & quum adversus Cyrillum ipsique adhaerentes Episcopos Johannis Antiocheni & Orientalium in eorum Pseudo - Synodo maxime odia flagrabant , eorum tamen aperta dissensione *moralis illa Unanimitas* neutiquam lacerata est , qua sit , ut quod ejusmodi Unanimitas probat , universa per orbem terrarum Ecclesia adprobare censeatur . Hinc quamvis Ephesinis decretis Johannes Antiochenus , ac triginta & amplius Episcopi palam oblectarentur ; fidenter tamen Ephesini Patres pronunciabant , cum ipsis esse ac sentire Orbem terrarum , & universam Ecclesiam . Ita in Relatione ad Imperatorem per Eutychen Diaconum missa : *Pietati vestrae certo constat , judicium , quod paulo ante a nobis exiit , esse unam communemque totius terrarum orbis sententiam* . Ita etiam in alia ad eundem Imperatorem de Orientalibus Relatione : *Perabsurdum est , ducentorum & decem Sanctorum Episcoporum Synodum , quibus & universa Occidentalium Sanctorum Episcoporum multitudo & per ipsos reliquis totus terrarum orbis consentit , triginta tantum numero se se opponere* . Ita denique in alia Relatione per Palladium Magistranium transmissa : *Synodus omnes totius orbis Sanctissimos Episcopos unum idemque sentientes habet* . Et infra : *Sane , qui in confesso Canonicae depositionis sententiam contra Nestorium haereticum tulimus , ducenti & eo amplius numeramur , ex toto terrarum orbe collecti ; totumque Occidentem nobis consentientem habentes* . Patet itaque , quod Orientalium etiam ,

aper.

aperta diffensione *moralis unanimitas* nequaquam sublata est; haec autem, ex ipsorum quoque Gallorum sententia, invictum auctoritatis robur Apostolicis decretis conciliat. Quum autem haec ipsa *moralis* in Nestorii damnatione *unanimitas* Synodi ut ostendimus convocationem praecesserit, inde aperte colligitur, Synodo Oecumenica opus non fuisse, ut Caelestini decretum summam & irretractabilem auctoritatem obtineret.

ARTICULUS II.

*An lati adversus Nestorium Apostolici Decreti executionem Theodosius Oecumenicae Synodi indictione suspende- rit: idque canonice, & ordine factum esse, cum omnes Episcopi, tum ipse Caelestinus agnoverint?*

Priorem hujusce controversiae partem eodem Capite Illustrissimus Gallicanae declarationis Defensor sequentibus verbis propugnat: „Accedebant Piorum atque Orthodoxorum preces: ecce enim religiosissimi Monachi pro fide orthodoxa, ac Deiparae voce a Nestorio multa perpesti Imperatori supplicabant: ut *Sacra & Oecumenica Synodus coeat; qua praesente Sanctissimam Ecclesiam uniat, populum in unum reducat, ac Sacerdotes sincerae fidei praedicatorum, priusquam impia illa doctrina (Nestorii) latius serpat, loco suo restituat*. Et iterum: *Nos enim vos de Oecumenica Synodo cogenda rogavimus, quae aptissime posset constabilire, & erigere titubantia, si ve etiam confracta*. En post Romani Pontificis iudicium expetita a Piis per universalem Synodum re-

rum titubantium invicta & ultima firmitudo.

„His aliisque motus Imperator, haec ad Cyrillum scripsit: *Pietatis doctrinam in Sacra Synodo discuti & examinari volumus, & ratum esse, quod rectae fidei consonum videbitur; si ve illi, qui victi discedent, veniam impetraturi sint a Patribus, si ve non*.

„Hic tria videmus: primum illud, post S. Caelestini iudicium, aliud adhuc requiri, Synodale scilicet. Alterum, haec duo in Patrum potestate futura, ut de doctrina, de qua Personis iudicent. Tertium, ratum id futurum, neque amplius retractandum, quod Synodus iudicavit.

Synodum Oecumenicam ad restituendam Ecclesiae pacem Basilium Archimandritam, aliosque Orthodoxos & Religiosissimos Monachos petiisse, non inficiamur: sed, quod eorum pro Generali Concilio supplicatio exhibita fuerit post delatam Constantinopolim adversus Nestorium Caelestini sententiam, id vero est, quod rotundis verbis negamus: ac praeter illud generale argumentum, quod *Sacra* ipsa Imperatoris pro Concilii convocatione, Caelestini sententiae Constantinopoli factam promulgationem, uti deinceps ostendemus; praecessit; aliud magis speciale & intrinsecum nobis suppetunt ejusdem supplicationis verba, quibus ejus auctores demonstrant, Nestorianam haeresim Patrum jampridem traditione confossum ac praedamnatam: aliis enim antiquioribus Patribus, quos nominatim appellant, *Cyrillum* quoque *Alexandriae Episcopum* addunt, qui, ut ajunt, *etiamnum superstes, nostrae pie-*

*pietatis legem observat* : qui profecto Caelestinum neutiquam omisissent , si solennem ejus adversus Nestorium sententiam accepissent ; imo ipsum eo libentius laudassent , quanto Romani Pontificis , quam Alexandrini Episcopi erat gravior auctoritas . Ex eorum itaque supplicatione confici nullo modo potest , quod *post Romani Pontificis judicium expetita fuerit a Piis per universalem Synodum rerum titubantium irrita & ultima firmitudo* .

Simili observatione , qua res quaeque suis temporibus restituantur , ea etiam evertuntur , quae ex Imperatoris verbis colligit Bossuetius ; quod nimirum post Caelestini judicium aliud fuerit indictum , Synodale scilicet , ad retractandam Pontificis de doctrina ac de Personis sententiam , quae tum demum rata haberi debuerit , quum ad eam accessisset Oecumenicae Synodi eam confirmantis auctoritas : Haec , inquam , nullius omnino momenti esse monstratur , si Sacra Imperatoris , unde haec colligit Bossuetius , ante data fuerit , quam Caelestini de Nestorio sententia Constantinopoli promulgaretur . Porro ita se se rem habuisse , mox demonstrabimus .

Rescripserat Imperator , *ut ante Sanctissimam coactam Synodum communemque sententiam nihil quidquam a quoquam , in ulla prorsus re , privatim innovetur* . Paruit Cyrillus , & nihil ultra egit , Pontifici licet decreti executor a Caelestino dictus . Inde conficit Bossuetius , Apostolici Decreti executionem fuisse Principis auctoritate suspensam . „ Recte , inquit , & ordi- „ ne : id enim universalis Synodi ma- „ jestas postulabat . Quare & Cyrillus „ paruit , & Episcopi quiescere : Fi-

„ xumque id , dicta licet ac promul- „ gata Romani Pontificis sententia de „ fide , ac Personis violatae fidei cau- „ sa judicatis , omnia in suspenso esse , „ postquam universalis Synodi exspe- „ ctatur auctoritas . Id ab Impera- „ tore actum &c. Eademque Petri de Marca sententia fuit lib. IV. de Concord. Sac. & Imp. cap. IV. & Baluzii tum in not. ad hunc locum Petri de Marca , tum in Nova Concilior. Collect. ad Concil. Rom. an. 431. Itaque *executio sententiae* , inquit Petrus de Marca , *a Synodis Romana & Alexandrina adversus Nestorium decretae suspensa fuit a Principe , ne praejudicium ali- quod fieret cognitioni futurae Synodi Oecumenicae*. Et Baluzius ad Concilium Romanum Caelestini , in quo adversus Nestorium dicta sententia est : *Hujus , inquit , sententiae executionem suspendit auctoritate sua Theodosius Imperator , jubens per literas ad omnes Metropolitanos scriptas XIII. Kal. Decemb. ut & ipsi ad Ephesinam Urbem convenirent , &c.*

Hanc Illustrissimi de Marca opinionem , quod ad factum pertinet , ad examen revocat vir eruditissimus Johannes Garnerius 2. Par. Operum Marrii Mercatoris in *Appendice ad Notas* in Epistolam Nestorii ad Caelestinum , seu *Dissertationucula de Illustrissimi Marcae sententia , qua putat , suspensam a Theodosio Sedis Apostolicae in Nestorinum sententiam &c.* „ Opinatur , in- „ quit Garnerius , eruditissimus Prae- „ sul , Nestorio prius significatam fuisse „ se utriusque Synodi ( *Romanae & Alexandrinae* ) sententiam , quam „ velqueretur apud Imperatorem , „ vel Concilium ipsius rogatu indicere „ retur , nisi enim in ea mente sit , „ non

„ non video , quomodo ex isto facto id  
 „ concluderet , propter quod maxi-  
 „ me laborat : *Principes nempe ali-*  
 „ *quando , Synodo indicta ad contro-*  
 „ *versas dirimendas , prioris senten-*  
 „ *tiae in iudicio Ecclesiastico latae exe-*  
 „ *cutionem suspendisse , &c.*

„ Verum , *subjungit laudatus Gar-*  
 „ *nerius* , opinioni , qua Vir doctissi-  
 „ mus ratiocinium suum niti voluit ,  
 „ repugnat partim ipsamet Sacra Im-  
 „ peratoris Theodosii , partim Mer-  
 „ catoris auctoritas , partim ipse Ne-  
 „ storius . Sacra enim consignatur XIII.  
 „ Kal. Decemb. & Mercator scribit ,  
 „ Synodorum literas Nestorio redditas  
 „ VII. Idus Decembris : Nestorius  
 „ autem cum Summo Pontifici scribe-  
 „ ret post indictionem Concilii , scri-  
 „ psit tamen perinde ac si nihil de  
 „ sententia Sedis Apostolicae rescivi-  
 „ visset . Igitur neque Nestorius ap-  
 „ pellavit Imperatorem postquam le-  
 „ gitime novit a Synodis se damnatum  
 „ neque denuntiatiam Sedis Apostoli-  
 „ cae sententiam Theodosius edicto  
 „ suspendit . Nemo enim , credo ,  
 „ vel a sententia Iudicis , nondum le-  
 „ gitime denunciata iure appellat , nec  
 „ appellationem tueri potest , nisi post-  
 „ quam exhibita est sententia , cuius  
 „ querelam movet .

„ Nestorius fateor , cogi Synodum  
 „ postulavit privatis precibus ab aman-  
 „ te Theodosio ; non postulavit , ex  
 „ praescripto juris , ab Imperatore  
 „ iudicium exercente : quare senten-  
 „ tia Sedis Apostolicae , cum denun-  
 „ tiata non fuerit nisi post indictam Sy-  
 „ nodum , praeventa potius videri de-  
 „ bet , quam edicto suspensa , si mo-  
 „ do proprie loqui oporteat .

„ Hanc Garnerii disputationem consu-

tare adgressus est Baluzius ad Caput  
 quartum libri quarti de Concordia Sa-  
 cerd. & Imp. ubi contendit , *verissi-*  
 „ *mam esse Illustrissimi Archiepiscopi de*  
 „ *suspensione sententiae a Synodis Ro-*  
 „ *mana & Alexandrina latae adversus*  
 „ *Nestorium observationem , frustra que*  
 „ *eam cum ab Antonio Charlas , & a*  
 „ *Christiano Lupo , tum a Garnerio im-*  
 „ *petitam . Verum , etsi multis verbis*  
 „ *rem agit , quo tamen pacto Marcae*  
 „ *Observationem propugnet , & ab obse-*  
 „ *ctis Vri Cl. vindicet , ostendatque , ni-*  
 „ *hil ea officere opinioni Illustrissimi Ar-*  
 „ *chiepiscopi , aut quae sit sequentium*  
 „ *verborum vis , ego equidem non intel-*  
 „ *ligo : , Tametsi , inquit , facile con-*  
 „ *cedam , id quod verum est , Sacram*  
 „ *Theodosii pro convocatione Concilii*  
 „ *Ephesini datam esse XIII. Kal. De-*  
 „ *cembris ; quamvis concederem , id*  
 „ *quod falsum est , Synodorum Ro-*  
 „ *manae & Alexandrinae litteras Ne-*  
 „ *storio redditas fuisse VII. Idus De-*  
 „ *cembris : rursus concederem , id*  
 „ *quod verum est , Nestorium Caele-*  
 „ *stino scribentem perinde scripsisse ,*  
 „ *ac si nihil de sententia Sedis Aposto-*  
 „ *licae adversum se lata rescivisset ;*  
 „ *ista tamen omnia non impediunt ,*  
 „ *quin verum sit id , quod Marca scrip-*  
 „ *sit de suspensione sententiae ab Im-*  
 „ *peratore decreta . Id certe mirum*  
 „ *videri debet . Quo enim pacto decer-*  
 „ *nere potuit Imperator suspensionem*  
 „ *sententiae , quae nondum fuerat pro-*  
 „ *mulgata ? Quod mox subjungit Balu-*  
 „ *zius , sententiam Garnerii potius con-*  
 „ *firmit , & Illustrissimi Archiepiscopi*  
 „ *opinionem magis labefaciat . Obser-*  
 „ *vat enim , Sacram Theodosii datam*  
 „ *esse , ut pax Ecclesiarum , quae tur-*  
 „ *bata erat , revocaretur , nullamque*

„ in

„ in eadem Sacra factam esse mentio-  
 „ nem Nestorii, neque etiam in Epi-  
 „ stola ejusdem Imperatoris ad Cyril-  
 „ lum, quamvis illum graviter incre-  
 „ pet propter turbas, quas ipsum ait  
 „ excitasse. At si nulla in Imperato-  
 „ ris literis mentio Nestorii facta est, in-  
 „ de luculentius ac splendidius elucet,  
 „ non instituisse iis literis Theodosium,  
 „ sententiam adversus Nestorium in Ro-  
 „ mana & Alexandrina Synodis latam,  
 „ suspendere: ejus enim utique memi-  
 „ nisset ac sententiae in ipsum productae,  
 „ si jam illam acceperat, ejusque exe-  
 „ cutionem inhibere instituerat.

Ejusdem commatis est, quod dein-  
 de Baluzius observat, ut aliud Garne-  
 rii argumentum evertat, petitem ex  
 die, quo Nestorius accepit literas Sy-  
 nodorum, quae apud Romam & Ale-  
 xandriam habitae fuerant. Summa ve-  
 ro difficultatis huc recidit, quod Gar-  
 nerius literas Nestorio traditas fuisse ju-  
 dicat VII. Idus Decembris; ipse autem  
 traditas credit, pridie Kal. Decemb.  
 At quum Sacram Imperatoris datam,  
 fuisse XIII. Kal. Decemb. negare ulla-  
 tenus valeat, hoc aliquot dierum di-  
 scrimen vim Garneriani argumenti la-  
 befactare non potest, quae in eo posi-  
 ta est, quod Sacram Imperator dederit,  
 antequam Nestorio Synodorum li-  
 terae redderentur; quod perinde ve-  
 rum est, sive illas Nestorius VII. Idus  
 Decemb., ut vult Garnerius, sive  
 pridie Kal. Decemb. ut vult Baluzius,  
 acceperit: convenit enim ipsi cum  
 Garnerio, quod XIII. Kal. Decemb.  
 Sacram Imperator emiseric. Itaque,  
 quod factum attinet, constat, Apo-  
 stolici Decreti executionem Theodosium  
 Edicto, de quo nunc agimus, suspen-  
 dere nequaquam potuisse.

Porro quum factum negemus, non  
 est ut de jure admodum disceptemus,  
 aut solliciti simus. Si enim Apostoli-  
 cae sententiae executio, quae nondum  
 fuerat legitime pronulgata, non po-  
 tuit Theodosii sacra, vel edicto suspen-  
 di; frustra omnino est Bossuetius, quum  
 probare contendit, id canonice & or-  
 dine & jure factum, tum Caelesinum  
 & Cyrillum, tum Ephesinam Syno-  
 dum agnovisse. Qui tamen factum re-  
 ciipiunt, de jure disceptant, & in va-  
 rias opiniones abeunt. Antonius Char-  
 las lib. V. de Libertatibus Eccl. Gallic.  
 cap. VI. docet, quod *quam habuit vim  
 dilatio executionis sententiae a Conciliis  
 Romano & Alexandrino contra Nesto-  
 rium prolatae, ea non Imperatoris edi-  
 cto, sed Summi Pontificis indulgentiae  
 adscribenda est.* Et infra: *Quomodo po-  
 tuit Catholicus Auctor in animum indu-  
 cere, excommunicationis & depositio-  
 nis vim & effectum Edicto Imperiali  
 suspendi? Haec propositio, si de jure ac  
 de conscientia intelligatur, haereseos la-  
 be non carebit. Quamobrem de facto  
 interpretari eam malumus; ut scilicet  
 Principes pro ea qua pollebant potentia,  
 impedirent, aut remorarentur nonnun-  
 quam Judiciorum Ecclesiasticorum exe-  
 cutionem; quod ab eis legitime tunc  
 tantum fiebat, quum praeuentem ac ro-  
 gantem Ecclesiam sequebantur.*

Chrillianus Lupus Dissert. de Conc.  
 Ep. hes. cap. 3. fatetur, Nestorio, ap-  
 pellanti datum fuisse effectum suspensi-  
 vum, nequaquam per Canones, sed ob  
 violentos affectus circumscripti Theodo-  
 sii Augusti: ac subinde monet, quod  
 sacras iustiones Canonibus adversas, sem-  
 per sprevit, atque exsufflavit Ecclesia,  
 attamen cum moderamine, ex qua  
 S. Gregorius Magnus scribit ad Anato-  
 lium



ium Diaconum Ecclesiae Constantinopolitanae lib. 9. Epist. 41. „ Quod piissimus Imperator fecerit, si Canonici cum est, sequimur; si vero Canonicum non est, in quantum sine peccato nostro valemus, portamus.

Petrus de Marca, quod profecto valde notandum est, in Resp. ad Not. Holstenii inter Prolegomena, agnoscit primo loco ac fatetur; *factum Theodosii vix sustineri posse*. Subjungit tamen; *suspensionem illam tribuendam, non Regiae auctoritati, sed juri ipsi, quo decernitur, appellatione vel restitutione in integrum pendente, nihil innovandum. Nestorium conquestum, quod inauditus damnaretur, Synodum generalem petivisse, quae concessa fuit a Theodosio. Noli autem adlocum illum communem confugere, de vi Principum, & Ecclesiae servitute. Extipiunt enim, Rescriptum illud Principis a Synodo Ephesina probatum, & actis insertum. Quare non levem operam mihi navasse videor in detegenda, ex ipsis Caelestini verbis, Concilii a Nestorio facta petitione, quae omnes Scriptores hucusque fugerat. Unde retusus est minor argumenti, quod adversus jurisdictionem Pontificiam ex suspensione a Theodosio indicata parabatur. Verum si ad Pontificiam jurisdictionem tuendam, eo veniendum est, ut suspensio executionis Apostolici decreti, non Regiae auctoritati, sed juri ipsi tribuatur; an non id melius obtinebimus, si negemus, de Apostolica sententia, Principem cogitasse, aut latum esse Decretum ad illius impediendam executionem? Tunc enim longe evidenti-  
us patebit, quod si Apostolica sententia ad effectum perducta re ipsa non est, non Regiae auctoritati tribuendum est.*

T. J. P. I.

se; sed vel juri ipsi, vel aliis causis seu rationibus adscribendum.

Baluzius, uti superius animadvertimus, in nova Conciliorum Collectione rotundis verbis adfirmat, Apostolicae sententiae executionem Theodosium Imperatorem *auctoritate sua* suspendisse.

Bossuetius Capite sequenti Marcae opinionem amplectitur, iisdemque momentis nititur. Qua de re jam nobis cum ipso disceptandum est.

## CAPUT XI.

„ Acta Synodi Ephesinae recensentur.  
„ Ejus Act. 1. Probat Synodus,  
„ omnia, quae a Caelestino decreta essent, in suspensio manere usque  
„ que ad Synodi sententiam: Quae  
„ de fide gesta sunt, referuntur,  
„ ostenditurque, prolatum a Papa  
„ judicium ad examen legitimum  
„ fuisse revocatum.

**D**E primo hujusce Capituli argumentis doctissimus Praefatus verbis sequentibus differt: „ Primum lectae  
„ Imperatoris litterae, quas memoravimus, nempe ut Oecumenica Synodus haberetur, utque omnia interim in suspensio essent: lectae, inquam, hae litterae, atque in gestae relatae, probatumque a Patribus, omnia circa Nestorium a Caelestino decreta, suspensa fuisse, donec sacra Synodus ferret sententiam.  
„ Quaeres, an Synodus tantum  
„ Imperatori licere voluerit, ut Sedis Apostolicae sententiam ad effectum deduci interim prohiberet.  
„ Non ita ex gestis: sed potius interposita Synodi generalis auctoritate, cujus quidem convocatio pro eorum  
„ tem-

„ temporum disciplina , Imperatori  
 „ permitteretur ; ipsa Synodus intel-  
 „ lexit , omnia ipso jure in suspenso  
 „ esse , atque a Synodi pendere sen-  
 „ tentia . Quare Pontificio decreto pro-  
 „ mulgato ac denunciato , decemque  
 „ illis diebus jamdiu evolutis , Nesto-  
 „ rius ab ipsa Synodo pro Episcopo est  
 „ habitus , & religiosissimi Episcopi  
 „ nomine appellatus , & eo quoque  
 „ nomine ter vocatus & citatus ut in  
 „ Sacra Synodo cum aliis Episcopis  
 „ confederet .

Haec eadem sunt locis superius ci-  
 tatis , Petri de Marca pro hac opinione  
 argumenta , quibus ut occurramus , &  
 implexam quaestionem aliqua luce do-  
 nemus , sequentem controversiam  
 excitamus ,

## ARTICULUS PRIMUS.

*Quo jure , quave ratione Caelestini ad-  
 versus Nestorium sententia , ante  
 Synodum Ephesinam , ad effectum  
 perducta re ipsa non fuerit .*

**N**ullo id jure factum esse , sed par-  
 tim Principis potentia & arbi-  
 trio , partim Ecclesiae & Caelestini in-  
 dulgentia , Antonius Charlas , ut su-  
 perius dictum est , & Christianus Lu-  
 pus contendunt : quam eorum opinio-  
 nem ego verissimam esse judico , & so-  
 lidis conjecturis confirmari posse non  
 dubito .

Quum Episcopi ex Alexandrina Sy-  
 nodo a Cyrillo ad Nestorium missi , ut  
 ei Sedis Apostolicae sententiam intima-  
 rent , Constantinopolim pervenerunt ;  
 jam Sacra Imperatoris emissâ fuerat de  
 Generali Synodo habenda , atque ut  
 ante sanctissimam coactam Synodum ,

*communemque sententiam , nihil quid-  
 quam a quoquam , in ulla prorsus re ,  
 privatim innovaretur ; illi tamen quod  
 in mandatis habebant , re ipsa perfece-  
 runt ; & Dominica die cum Synaxis  
 ageretur , spectante Clero , & Nobi-  
 libus Civitatis adstantibus , Synodicas  
 Nestorio Caelestini & Cyrilli litteras  
 obtulerunt . Haec constant ex Actione  
 prima Concilii Ephesini , unde huc  
 transcribere quae ad hanc rem perti-  
 nent , operae pretium erit : *Petrus  
 Presbyter Alexandriae , & Primice-  
 rius Notariorum , dixit : „ Non ea  
 „ solum , quae Caelestinus sanctissimus  
 „ sacratissimusque Romanae Eccle-  
 „ siae Episcopus ad Rmum Nestorium  
 „ scripserat , missa & reddita sunt ei-  
 „ dem ; verum ea etiam quae sanctis-  
 „ simus piissimusque Alexandrinae  
 „ Ecclesiae Episcopus Cyrillus , & u-  
 „ niversa Aegypti Synodus per Theo-  
 „ pemptum , & Danielelem , & Pota-  
 „ monem & Comarium religiosissi-  
 „ mos Episcopos ad eundem destina-  
 „ verant . Quapropter rogo , ut Theo-  
 „ pemptus & Daniël religiosissimi Epif-  
 „ copi hic praesentes ea de re interro-  
 „ gentur . *Flavianus Philippensium  
 Episcopus dixit : „ Theopemptus &  
 „ Daniël religiosissimi Commisitri  
 „ nostri , qui praesentes adsunt , ex-  
 „ ponant , an ejusmodi Epistolas red-  
 „ diderint . Theopemptus Cabaforum  
 Episcopus dixit : „ Die Dominico ,  
 „ cum Synaxis ageretur , ad Episco-  
 „ pale Palatium ascendimus , ibidem  
 „ que toto praesente Clero , cunctis-  
 „ que fere Illustribus adstantibus , li-  
 „ teras , de quibus hic sermo est , Ne-  
 „ storio tradidimus . Similiter & Da-  
 niel Darnensium Episcopus eadem con-  
 firmavit . *Flavianus Philippensium  
 Epif-****

*Episcopus dixit* : „ Fuit ne ergo literis ab eo satisfactum ? *Daniel Darensum Episcopus dixit* : „ Tunc nobis respondit , ut postero die veniremus , & privatim illum conveniremus . Porro nobis redeuntibus aditum interclusit , & responsum nobis dare non est dignatus . *Theopemptus Cabaforum Episcopus dixit* : „ Litteris , de quibus proxime dictum est , acceptis , constituit nobis , ut sequenti die sermonem cum eo haberemus . Abivimus ergo : at postero die reversos non admisit , neque etiam satisfecit litteris ; sed publice pro concione eadem , quae ante , & his quoque deteriora dogmata proposuit . Neque vero solum ante redditas litteras haec docebat , sed multo pejora , postquam accepit , docuit , & usque hodie docere non desinit .

Si quatuor Episcopi Alexandria Constantinopolim missi , si Clerus Constantinopolitanus & Illustres Civitatis , si Nestorius ipse , si Theodosius Imperator , denique si Patres Ephesini sciebant , indicta Synodo omnia ipso jure in suspensio esse , ipsiisque Pontificum Decretum a Synodi pendere sententia ; cur Episcopi Synodi Alexandrinae Legati litteras tradiderunt , quibus Apostolicae Sedis adversus Nestorium excommunicationis & depositionis sententia continebatur ? Cur nemo Clericorum & Illustrium conquestus est , quod Imperatoris Edictum violabatur , ne quidquam a quoquam ante sanctissimam coactam Synodum , communemque sententiam innovaretur ? Cur ipse Nestorius non sese hoc jure tuitus est , ne-

que Apostolico decreto indictae Synodi auctoritatem obsecit ? Cur Theodosius Imperator in Episcopos legatos tamquam in refractarios , & publicae quietis perturbatores nequaquam animadvertit ? Denique cur Patres Ephesini crimini Nestorio verterunt , quod Caelestini litteris minime satisfecerit ; quum semel indicta Synodo si omnia ipso jure in suspensio esse debebant , & a Synodi sententia pendere , huic tantum doctrinae suae rationem eodem jure Nestorius reddere tenebatur ?

S. Cyrillus , ut ex Caelestini ad ipsum Epistolam habemus (a) , hanc eadem S. Caelestino quaestionem post indictam Ephesinam Synodum proposuerat : *Quaeris , utram Sancta Synodus recipere debeat hominem a se praedicata damnantem : an , quia induciarum tempus emensum est , sententia dudum lata perduret .* Quaerebat ergo Cyrillus , an celebranda Synodus Nestorium tamquam Episcopum in suum recipere confessum deberet ? Futilis quaestio , si semel indicta Synodo , omnia ipso jure esse in suspensio debebant , & a Synodi pendere sententia . An adeo hebes erat Cyrillus , ut non intelligeret , fuisse Nestorium ab ipsa Synodo exauctorandum , si reus repertus fuisset ; proindeque ante judicium fuisse tamquam Episcopum suscipiendum ? Verum , quaestione ipsa longe futillior quaerendi ratio : *quoniam , inquit , induciarum tempus emensum est .* Si semel indicta Synodo , omnia ipso jure suspensa erant , erantque ad judicium Synodi referenda ; frustra quaerit Cyrillus , an esset Nestorius tamquam Episcopus habendus , propterea quod decem dierum

intervallum, quod Nestorio ad ejuranda nefaria dogmata Caelestinus indulserrat, jam effluxisset. Quis enim non intelligat, quis non videat, sententiam dudum latam, juxta hanc hypothesim, non ante vim suam exerere potuisse, quam a Synodo retractaretur, & retractata probaretur?

Sed videamus quid Caelestinus responderit. An illud forsitan, quod primum tamen respondere debuisset, si vera esset Adversariorum hypothesi, omnia nimirum in suspenso esse, & ex Synodi voluntate pendere? non sic Caelestinus propositae quaestioni satisfecit, sed ita respondit, perinde ac res in ejus adhuc potestate unice posita esset, & ex solo ejus nutu ac voluntate penderet: *super hac utique consultatione communi communem Dominum consulamus: nonne nobis respondet illico per Prophetam, mortem se nolle morientis: & per Apostolum Paulum, omnem hominem velle salvum fieri, & venire ad scientiam veritatis? nunquam displicet Deo accelerata in quocumque correctio. Et infra: Studeo quieti Catholicae, studeo pereuntis saluti; si tamen voluerit aegritudinem confiteri. Quod ideo dicimus, ne volenti se corrigere forsitan deesse videamur. Nam etsi & nobis sustinentibus uvam spinas sibi addiderit; impleteur, manentibus statutis prioribus, sui fructu judicii; colligat, quod sulco diabolico seminavit, non nostro consilio, sed se periturus auctore. Probet, vos veloces pedes ad effundendum sanguinem non habere, quando sibi etiam remedium cognoscat oblatum. Non poterat Caelestinus apertius significare, in suo tantum arbitrio ac voluntate positum esse,*

ut Nestorius vel tamquam jampridem exautoratus, vel adhuc tamquam Episcopus haberetur; neque juri, sed Apostolicae indulgentiae ac longanimitati debere Nestorium, quod adhuc in Episcopali throno permittebatur. Sustinebat illum Caelestinus, non ideo quod auctoritate ac potestate carebat ad illum e sede sua deiciendum, sed ne veloces pedes ad effundendum sanguinem habere videretur; atque ut Reus, antequam ut omnino desperatus prorsus abiceretur, oblata ad se corrigendum indictae jam Synodi opportunitate uti sineretur.

Confirmari haec possunt ex iis, quae Apostolicae Sedis Legati in suis adversus Nestorium depositionis sententiis, seu decretis animadvertunt. Nam & Sedis Apostolicae patientiam, & benignitatem commendant, qua Nestorium sustinuerat, ut indicta Synodo tamquam spiritali remedio, uteretur; & ipsi Nestorio crimini dant, quod Caelestini pietatem & longanimitatem contemserat, & constitutum sibi ab Ecclesia Romana terminum, quemadmodum, & alia plura temporum intervalla, fluere sine sui correctione permisserat. Ita Philippus Presbyter, & Apostolicae Sedis Legatus: (a) Nestorius itaque novae perversitatis auctor, atque malorum caput. . . . judicio se sistere contempsit; quum tamen, ut spiritali remedio sanitatem reciperet, tanto sancto coetui ultro sese offerre debuisset. . . . neque terminum tantum ab Apostolica Sede sibi concessum, sed alia praeterea temporum intervalla fluere permixit. Ita & Arcadius Episcopus Legatorum alius: Nestorius. . . . non  
at-

(a) A. II, Synod, Ephes.

*attendens oblatam sibi correctionis occasionem, Apostolicae Sedis praeceptum contempsit, & omnium Sanctorum Sacerdotum admonitionem & adhortationem, qua sanitatem recuperare poterat, respuit. Ita demum & Projectus Episcopus & Legatus: Constat, Nestorium tamquam ingratum (posteaquam tantam Sancti Papae Caelestini, Sanctae & Apostolicae Sedis Urbis Romae Episcopi, nec non praesentium Reverendissimorum Patrum & Fratrum Domini Episcoporum, tolerantiam & clementiam erga se expertus est, ) apostasiam & blasphemiam ad suum interitum consecutum. Quae consona sunt iis, quae ad Cyrilli interrogationem S. Caelestinus respondit, quaeque superius descriptissimae, & ex quibus evidenter elucet, non aliquo jure, sed mera Sedis Apostolicae indulgentia factum esse, ne interim sententia in Nestorium lata ad effectum perduceretur, ipseque adhuc tamquam Episcopus haberetur. Verum & id longe luculentius patebit ex iis, quae ad Caput XIII. observaturi sumus.*

Quum igitur Caelestinus Nestorium pro Episcopo adhuc haberi permetteret; proindeque ut sententia in Romana Synodo in eum prolata suspenderetur; utque, juxta Theodosii placitum, nihil interim innovaretur, consentiret; nil mirum, si adhuc, decreto Pontificio promulgato ac denunciato, decemque illis diebus jam diu evolutis, Nestorius ab ipsa Synodo pro Episcopo est habitus & religiosissimi Episcopi nomine appellatus, & eo quoque nomine ter vocatus & citatus, ut in Sacra Synodo cum aliis Episcopis confederet. Nil etiam mirum, si Sacra Imperatoris, quae hoc ipsum decernebatur, probata, & in Acta relata est. Id enim fieri potuit

absque Sedis Apostolicae iniuria, quum jam constaret, Caelestinum huic decreto neitquam repugnare.

## ARTICULUS. II.

*Esse aliquam rerum a Summo Pontifice definitarum discussionem, quae cum ineluctabili ipsius in fidei dogmatibus definiendis auctoritate conciliari optime potest: ejusmodi autem esse, quam Ephesini Patres adhibuerunt.*

**I**rrerectabilem & irreformabilem non esse Romani Pontificis in fidei controversiis dirimendis auctoritatem, inde se jure colligere Bossuetius exillimat, quod in Ephesino Concilio „ Epistola Cyrilli primo deducta est ad „ Synodi judicium: Illa, inquam, „ de fide ad Nestorium Epistola, a „ Papa Caelestino tam expresse probata, de qua id edixerat ad Cyrillum; *Omnia quaecumque sentimus, ac tenemus, te itidem sentire ac tenere perspicimus*; quam decreto in Nestorium per omnes Ecclesias promulgato comprobaverat, atque adversus Nestorium *Canonicae monitionis* instar haberi voluerit; de illa, inquam, Epistola quaesitum, Cyrillo auctore ac praecente in haec verba: *Persuasum habeo nihil me ab Orthodoxa fide, aut Symbolo Nicaeno discesse: quare vestram Sanctitatem rogo, ut coram exponat; recte ne & inculcate, Sanctoque illi Concilio convenienter haec scripserim, ansecus.*

„ Et erunt, qui dicant, quaestiones de fide semel a Romano Pontifice auctoritate Apostolica judicatas, in Synodis generalibus examinari, „ ad

„ ad dictorum intelligentiam, non ad  
 „ rei, quasi adhuc in quaestione posi-  
 „ tae definitionem. Audiant Cyril-  
 „ lum Synodi Principem: quid Sy-  
 „ nodo quaerendum proponat, atten-  
 „ dant; & quidem nullius errati sibi  
 „ conscius; nè tamen sibi crederet,  
 „ Synodi sententiam rogabat in haec  
 „ verba: *Recte & inculpate, an se-*  
 „ *cus scripserit*. Haec Cyrillus Sy-  
 „ nodi princeps proponit in medium.

Non omnem de fidei rebus inquisi-  
 tionem, & collationem ex animo ad-  
 huc fluctuante, nec ad unam partem  
 penitus adhaerente proficisci, adeo  
 perspicuum est, ut satis mirari non pos-  
 sim, quod Illustrissimus & eruditissi-  
 mus Praeful rem omnibus exploratam,  
 quam ignorare non potuit, dissimula-  
 re voluerit. Instituitur aliquando de  
 rebus fidei collatio & inquisitio, non  
 ut aliquid, quod adhuc lateat, cer-  
 tum fixumque eruamus, sed ut illud  
 maiori luce donetur; utque firmis e-  
 tiam rationibus teneamus, quod sola  
 auctoritate tenemus; vel etiam non ut  
 ipsi nos in veritate firmemus, sed ut  
 aliis consulamus, & qui ad amplecten-  
 dam de aliquo fidei dogmate Apostoli-  
 cam definitionem, Pontificiae auctori-  
 tatis pondere non satis inclinantur, eo  
 saltem illos perspicuis ex sacrarum li-  
 terarum, aut Patrum, aut Concilio-  
 rum oraculis ductis argumentis compellamus.  
 Huiusce rei, ut etiam superius  
 ostendimus, illustrare habemus documen-  
 tum in celebri illo Apostolorum Hiero-  
 solymitano Concilio, quod aliorum,  
 atque imprius Ephesini, ut ad Caput  
 XIV. observabimus, forma exstitit &  
 exemplar. Quum enim Petrus certam  
 de re, quae in quaestionem vocabatur,  
 sententiam pronunciaffet, eam deinde

Jacobus ad Scripturarum amussim, &  
 Prophetarum oracula exegit; non equi-  
 dem quod Petri definitionem haud satis  
 suo pondere firmam & immobilem ju-  
 dicaret; sed ut quos Petri auctoritas  
 non moveret, in eandem sententiam  
 veterum Scripturarum auctoritate per-  
 traheret. Ita & Paulus in eodem Con-  
 cilio tum privatim cum Apostolis, tum  
 in publico omnium coetu suum contulit  
 Evangelium, quod ut ipse ait in Epi-  
 stola ad Galatas cap. I. *non ab homine*  
 acceperat, neque didicerat, *sed per*  
*revelationem Jesu Christi*; contulit,  
 inquam, cum illis in eadem Hieroso-  
 lymitana Synodo Evangelium, de quo  
 ipse profecto nequitiam dubitabat,  
 sed ut omnem aliis scrupulum & anxie-  
 tatem evelleret. Sed ipsum Apostolum  
 hac de re disferentem audiamus: *Dein-*  
*de*, inquit cit. loc. cap. II. *post annos*  
*quatuordecim iterum ascendi Hierosoly-*  
*mam*. Loqui Apostolum de Hieroso-  
 lymitana ad Concilium de Legalibus  
 profectio, communis Interpretum  
 opinio est: *Ascendi autem secundum*  
*revelationem*. „ Apostolus [ inquit in  
 „ hunc locum Cl. Estius ] ut factis suis  
 „ auctoritatem conciliet, specialem  
 „ urget revelationem, qua iussus fue-  
 „ rat ob controversiam tunc excitatam  
 „ petere Hierosolymam. *Et contuli*  
*cum illis Evangelium, quod praedicum in*  
*Gentibus, seorsum autem iis, qui vi-*  
*debantur aliquid esse*. „ Sensus est,  
 „ ait idem Estius, contuli cum Fratri-  
 „ bus, qui erant Hierosolym. is Evan-  
 „ gelium meum, idque palam & pu-  
 „ blice; seorsim autem ac privatim  
 „ illud contuli cum primariis Aposto-  
 „ lis. *Ne forte in vacuum currerem*,  
 „ *aut cucurrissem*. „ Sensus est, ut  
 idem exponit doctissimus interpres, B-  
 „ vange-

„vangelium meum cum illis contuli,  
 „non ut discerem quod prius nesciebam  
 „aut quasi causae meae parum fide-  
 „rem : se ne sine fructu praedicarem  
 „Evangelium , aut haecenus praedi-  
 „casset , dum scilicet a falsis Fratri-  
 „bus passim traducor apud eos , qui-  
 „bus haecenus praedicavi , & quibus  
 „adhuc praedico , tamquam diver-  
 „sam & dissonantem a ceteris Aposto-  
 „lis doctrinam evulgans . Haec do-  
 „ctissimus Paulinarum Epistolarum inter-  
 pres Guillelmus Estius .

Porro his gemina sunt , quae gravissi-  
 mus Theologorum Canus observat (a):

„Quum in Concilio Hierosolymitano  
 „Petrus sententiam dixisset nullo Sa-  
 „crarum literarum testimonio fulcitam  
 „Jacobus probavit eam quidem , ad-  
 „ditis testimoniis Prophetarum . *Et*  
 „*infra* : Quamobrem Beda libro Re-  
 „tract. in Actus Apostolorum pruden-  
 „ter sane monuit , Paulum contulisse  
 „cum Apostolis aliis Evangelium ,  
 „quod praedicabat in Gentibus , soler-  
 „ter in Concilio disquirens , an recte  
 „de Legalium cessatione doceret .  
 „Non quod ipse de hac re , inquit ,  
 „aliquid dubitaret , sed ut mentes du-  
 „bitantium Apostolica Synodi aucto-  
 „ritate firmarentur .

Ergo quemadmodum Petrus certam  
 de legalium cessatione sententiam tu-  
 lit , & Pauli Evangelium a Legis one-  
 re liberum adprobavit , quorundam  
 autem de Haeresi Phariseorum contra-  
 rium errorem reprobavit : ita idem Pe-  
 trus Caelestini ore Cyrilli Epistolam  
 commendavit ; contrariam autem Ne-  
 storii impiam & sacrilegam declaravit .  
 Rursus , quemadmodum Jacobus Pe-

tri sententiam , subindeque & proba-  
 tum Petro Pauli Evangelium ad vete-  
 rum scripturarum , quas illi refractarii  
 admittebant , oracula exegit : ita Ephe-  
 sini Patres probatam Petro Caelestini  
 ore Cyrilli Epistolam , & ab eo impro-  
 batam Nestorii , ad Nicaenum Sym-  
 bolum , quod Nestorii Simmystae neu-  
 tiquam repudiabant , exegerunt . Quid-  
 ni ergo & quemadmodum Jacobus ni-  
 hil de Petri sententia , & Pauli Evan-  
 gelio dubitans , ea Scripturarum ora-  
 cula protulit ; ita Ephesini Patres etiam  
 prolatam Caelestini ore sententiam ,  
 & Cyrilli ac Nestorii litteras ad Nicae-  
 num Symbolum expenderint , nihil ta-  
 men de Sedis Apostolicae oraculo dubi-  
 tarint ? Praeterea quemadmodum Cy-  
 rillus ab Ephesinis Patribus quaerit ,  
*ut coram exponant , rectene & inculpa-*  
*te , Sanctoque illi Concilio convenienter*  
*scripserit , an secus* : Ita & Paulus ,  
 ut modo ex Beda & Cano probavimus ;  
*erat solerter in Concilio disquirens , re-*  
*cte ne de Legalium cessatione doceret* ;  
 an secus . Quidni ergo quemadmodum  
 Paulus Evangelium cum Apostolis con-  
 tulit , *non quod ipse* , ut ait Beda , *de*  
*hac re aliquid dubitaret , sed ut mentes*  
*dubitantium Apostolica Synodi auctori-*  
*tate firmarentur* , vel ut Estius observat ,  
*non quasi causae suae parum fideret* , sed  
 ut falsorum Fratrum audaciam & crimi-  
 nationes compesceret : ita & Cyrillus  
 suas & Nestorii litteras ad Synodi judi-  
 cium detulerit , non quasi causae suae  
 parum fideret , & veritatem , de qua  
 adhuc haereret , adsequeretur : sed ut  
 objectam sibi a Nestorio ejusque Sim-  
 mystis Arian & Apollinaris haereseos  
 notam dilueret , & mentes de ipsius  
 ortho-

(a) Lib. V. de loc. cap. ult.

orthodoxia dubitantium Oecumenicae Synodi auctoritate firmarentur?

Itaque in Ephesino Concilio ita rem transigi potuisse, Hierosolymitanae Apostolorum Synodi exemplo apertissime, ni fallor, demonstratur. Porro an negotium ita reapse processerit, ex Actis colligendum est. Juvenale Hierosolymorum Episcopo auctore primo loco Nicaenum recitari Symbolum decretum est, *ut sententiis ad fidei doctrinam spectantibus cum ea Expositione collatis, consentientes quidem*, inquit laudatus Juvenalis *confermentur, dissentientes autem rejiciantur*. Recitato Symbolo, Cyrilli ad Nestorium Epistola lecta est, olim Romam ad Caelestinum per Possidonium Diaconum missa: & quaerente Cyrillo, num Symbolo Nicaeno consona Patribus videretur, omnium suffragio tanquam cum eo Symbolo ad amissum consentiens comprobata est. Ventum deinde est ad Nestorii litterarum lectionem, quarum initium est, *Admirabilem litterarum tuarum contumelias*; iisque recitatis, rursus quaerente Cyrillo. *Quid videtur Sanctae huic & magnae Synodo de Epistola modo recitata? Numquid haec ipsa quoque fidei a Sancta Nicaenorum Patrum Synodo expositae consentanea esse videtur, an vero secus?* tamquam Nicaenae fidei manifeste repugnans, omnium conspiratione damnata est: & postquam singuli suam in illam sententiam protulerunt: *omnes Episcopi simul exclamaverunt: Quicumque Nestorium non anathematizat, anathema sit. Hunc recta fides anathematizat: hunc Sancta Synodus anathematizat. Quicumque Nestorio communicat, anathema sit. Omnes Nestorii Epistolam & dogmata anathematiza-*

*mus, &c.* E vestigio Caelestini Epistola lecta est, qua prolata in Romana Synodo adversus Nestorium sententia continebatur, quemadmodum & illa quam ex Aegyptiaca Synodo Cyrillus eidem Nestorio direxerat. Quaerenti Flaviano Philippensium Episcopo, num tam Caelestini, quam Cyrilli litterae redditae Nestorio fuissent, illisque ab eo satisfactum: Theopemptus & Daniel Synodi Alexandrinae Legati, redditas quidem litteras, sed iis nullatenus a Nestorio satisfactum fuisse dixerunt: Quin & pejora postmodum ex eo in publicis concionibus audivisse; quod & de quibusdam privatis colloquiis cum illo Ephesi habitis Theodotus Ancyranus, & Acacius Melitenensis testati sunt. Recitatisque subindum aliquot Patrum locis, quae sibi Cyrillus collegerat; tum plurimis ex Nestorii Sermonibus blasphemiarum, ejus Excerptis; tum denique Capreoli Carthaginensis Episcopi ad Synodum Epistola; iisque omnibus in Acta relatis; tandem adversus Nestorium depositionis sententia pronunciata est, de qua in sequenti Capite differemus.

Interim, quod ad rem nostram pertinet, observandum est, ad Cyrilli & Nestorii litterarum lectionem neminem ex Patribus haesitasse, nulli aliquam dubitationem, aut ullum scrupulum fuisse subortum, sed post simplicem minimeque interruptam, aut alicujus interpellatione interturbatam earum lectionem, Cyrilli quidem litteras tamquam Nicaenae fidei consentaneas Synodus adprobavit: Nestorii autem Epistolam tamquam ab ejusdem fidei Symbolo dissonantem rejecit. Quod argumento est, institutam fuisse Epistolas inter & Nicaenum Symbolum collationem, non



ut Patres discerent quod prius nesciebant, aut Cyrilli causae, Caelestini iudicio probatae, parum fiderent, vel de hac re aliquid dubitarent; sed ut falsis Fratribus, Nestorii patronis & Cyrilli adversariis, ora obstruerent, & dubitantium mentes Apostolica Synodi auctoritate firmarentur.

Verum, annon ipse Cyrillus hac de re dubitabat, quum Synodi sententiam rogabat in haec verba; *Recte & inculpate, an secus scripserit?* „ Quis, inquit *Illustrissimus Bossuetius*, vel fando audiat, post ultimum & irreformabile Ecclesiae de fide iudicium, ita unquam quaesitum interrogatum, que esse? Numquam factum: id enim esset de ipsa fide declarata & explorata dubitare. At id post Patres Caelestini iudicium factum est: neque Cyrillus, aut quisquam aliud cogitabant: non ergo illud erat ultimum, atque irreformabile iudicium.

Sed, numquid de Evangelio, quod hactenus in Gentibus praedicaverat, Paulus dubitabat, quum in Synodo Hierosolymitana solenter disquirebat, *relinere de Legalium cessatione doceret, an secus?* Numquid de Nicaena fide Magnus Theodosius dubitabat, quum, ut est apud Socratem lib. V. Histor. Eccl. cap. X. *Episcopo Nestorio accersito, sermonem cum eo contulit, quae tandem ratione Christiana Religio posset liberari discordiis, & Ecclesia ad concordiam reduci: dixitque, controversiam, quae Ecclesiam diremerat* [haec autem in fide consubstantialis Trinitatis unice versabatur] *DEBERE ACCURATE EXCUTI, uti dissensione penitus sublata*  
T. I. P. I.

*concordia in Ecclesiis constitueretur?* Numquid de fide Chalcedonenſis Concilii Leo Augustus dubitabat, quum Anatolio Episcopo Constantinopolitano, ac simili forma aliis ubique Metropolitanis scribebat: *Tua Reverentia (a) omnes orthodoxos Episcopos, qui in praesenti in hac Urbe Regia commorantur, nec non & Reverendissimos Clericos ad se repente faciat convenire, & diligenter omnia pertractantes, atque DISCUTIENTES . . . de Chalcedonenſi Concilio quid in commune sapitis, sine quolibet humano terrore, & absque gratia cuiuscumque vel odio, solummodo Omnipotentis Dei timorem vestris oculis proponentes, [ quoniam, sicut nostris, de tali causa intemeratae divinitati rationem eritis sine dubio reddituri ] cum omni celeritate meam facite cognoscere pietatem.* Si hoc de aliqua Romanorum Pontificum dogmatica Epistola piissimus Imperator jussisset, statim inde conficerent, irretractabiles non esse Sedis Apostolicae de fide sanctiones, ut quae novis tractatibus ac discussionibus, jubente orthodoxo ac Religiosissimo Principe, subiciebantur. Id vero de Chalcedonenſis Concilii fidei decreto dicere non audebunt. Discant igitur, esse aliquam de fidei rebus inquisitionem, aliquem retractatum, qui sine fidei injuria possit institui; quum nempe de fidei dogmatibus differitur, non quod de iis aliquid dubitetur, sed ut dubitantium mentes in Catholico dogmate confirmetur: ac proinde etiam discant, non inde iure confici, retractationi obnoxias esse Romanorum Pontificum de fide definitiones, quod in Synodis generalibus le-

K

Gae

tae fuerint, nec nisi praemisso qualicumque examine comprobatae.

Denique ad Cyrillum quod adinet, quis animum inducat ut credat, ex Synodo petisse, recte ne & inculpate ad Nestorium scripserit, an secus, perinde ac de ea re dubitaret, aut quod ambigeret, Concilii Patres suam probaturos ne, an improbaturos esse doctrinam? Quis, inquam, id sibi persuadeat, postquam ea Cyrilliana ex Alexandrina Synodo ad Nestorium Epistolae verba legerit: *Epistolis autem ab Alexandria tuae Religioni directis Ecclesia consensum praebeuit, tam ea quae apud Urbem Romanam convenit sancta Synodus, quam etiam nos omnes velut recte irreprehensibiliterque conscriptis. Suavissimum autem his nostris literis quae te sentire oportet & docere, & a quibus abstinere conveniat. Haec est enim fides Catholicae & Apostolicae Ecclesiae, cui cuncti consentiunt orthodoxi per Orientem Occidentemque Pontifices.* Itaque non ignorabat Cyrillus, quisnam esset de doctrina suis litteris comprehensa Ecclesiarum & Episcoporum sensus; nec quod ea de re aliquid dubitaret, Synodi sententiam in ea verba rogabat; sed ut dubitantium mentes Apostolica Synodi auctoritate firmarentur.

## CAPUT XII.

- „ Continuatio Actionis primae Concilii Ephesini: quae circa Nestoria Personam a Caelestino Papa decreta essent, ad Synodale examen & ipsa revocantur, nec nisi quaestione habita comprobantur.

**L**ECIS monumentis, quae damnando Nestorio idonea videbantur,

haec in eum sententia promulgata est: *Cum impiissimus Nestorius neque actioni nostrae parere, neque Episcopos a nobis destinatos admittere voluerit; necessario venimus ad examinationem eorum, quae impie docuisset. Deprehendentes itaque partim ex literis ipsius, partim e sermonibus, illum impie sentire & praedicare: Coacti per sacros Canones, & literas Sanctissimi Patris nostri Commisisti Caelestini Romanae Ecclesiae Episcopi ad hanc sententiam venimus: Dominus noster Iesus Christus, per hanc sanctissimam Synodum, Nestorium dignitate privatum esse definiit.* Hoc decretum postquam Illustrissimus Bosuetius in medium protulit, haec statim adjungit: Vides Canones conjunctos „ cum Caelestini literis; magnifice „ sane, & ad commendandam Sedis „ Apostolicae majestatem. Vides Synodum executam, quae Caelestinus decrevisset, atque his coactam „ ad tristem sententiam devenisse; „ sed nova, & sua definitione edita in „ Christi nomine; sed postquam legitima cognitione constitit, omnia recte & ordine gesta esse. *Et infra* „ Ita congruunt omnia, ac nostra sententia stabilitur: dum enim Sedis „ Apostolicae de fide, deque Persona judicium Sancta Synodus comprobabat, & exequitur, ejusdem sane „ Sedis legitimam potestatem & Primatum agnoscit. Dum autem illius „ judicium non probat, nisi post legitimam cognitionem & iteratum examen; Romanum Pontificem omnibus quidem Episcopis superiorem; „ uno tamen Concilio generali, etiam „ in causa fidei, inferiorem esse docet. Quod erat demonstrandum. Quae his aliisque, quae omitto, hu-

hujusce Capitis verbis de iterato Synodi eximine & judicio Bosuuetius obseruat, ex superioribus maximeque ex dictis in praecedenti Capite pendent. Quare in iis iterum expendendis adhuc immorandum non est: sed illud unice inquirendum; an ex sententia & forma iudicii, quam in Nestorii damnatione Synodus Ephesina servavit, jure confici possit, *Romanum Pontificem omnibus quidem Episcopis superiorem; suo tamen Concilio generali, etiam in causa fidei, inferiorem esse.* Ego enim, contra atque Cl. Bosuuetio videtur, inde potius colligi posse iudico, maiorem esse Romani Pontificis, quam Concilii Oecumenici potestatem.

## ARTICULUS UNICUS.

*Ex forma iudicii, ac tenore sententiae, quam in Nestorium Ephesina Synodus protulit demonstratur, maiorem esse Romani Pontificis, quam Concilii Oecumenici auctoritatem.*

**E**pis copos in Conciliis sedere ut Iudices, & non ut simplices Romani Pontificis Consiliarios, ii etiam, ut

superius ad Caput sextum animadvertimus, Theologi docent, qui supremam & indeclinabilem ad fidei controversias dirimendas in eodem Romano Pontifice auctoritatem agnoscunt. Et quidem loco citato art. III. quaedam in hanc sententiam ex Cano verba produxi, quibus alia hic adtexere libet quae ad eandem suadendam veritatem idem elegantissimus Theologus ex Conciliis generalibus profert argumenta (a).

Concinit autem gravissimo & celeberrimo Theologo & Episcopo Eminentissimus Cardinalis Bellarminus, Pontificiae, ut ajunt, *infallibilitatis* & ipse acerrimus vindex, qui tamen & haec data opera statuit Conclusionem „ Nos ergo dicimus, Confessum Episcoporum in Conciliis legitimis esse, verum Iudicum confessum, & eorum decreta & leges necessario sequendas. Hanc porro thesim & ipse tum ex Conciliis tum variis rationibus confirmare satagit (b).

Itaque difficultas in eo posita non est, an Episcopi in Conciliis velut Iudices sedeant; sed in eo tota controversia versatur, an ipsorum iudicium ex Pontificis Romani iudicio pendeat, ipsum-

K 2 que

(a) „ Quod igitur assumptum est, Patres Concilii non modo Consiliarios esse, verum etiam Iudices, id inficias ire nec possumus, nec debemus. Nam Patres Nicaenae Synodi a Silvestro contendant, ut quidquid constituerunt, confirmet. Et Leo quae a Concilio Chalcedonensi de fide statuta sunt, ea dicit se probare. Et Concilium ipsum ad Leonem, *Dueretis, inquit, tuis nostrum honora iudicium.* Et sexta Synodus Aetione XVIII. *Anathematizamus, inquit, Theodorum, Sergium, Cyrum &c.* Et paullo post: *His omnibus, ait, a Sancto hoc Concilio censuratis, & per subscriptionem nostrae sortitu-*

*dinis confirmatis, sancimus, ut nullus alius quidquam de fide sataget &c.* Num verba haec consulenti sunt, an potius iudicantis? Atque in ceteris Patres, non ut Consiliarii, sed ut Iudices loquuntur. Caput enim tertium Nicaenae Synodi sic habet: *Interdixit per omnia magna Synodus &c. lib. V. de Loc. Cap. V.*

(b) „ Probatur ex ipsis Conciliis; nam Concilia omnia dicunt anathema non obtemperantibus; vocant sua decreta Canones, sive leges Ecclesiasticas; cum subscribunt, Episcopi dicunt, *Ego N. desinens subscripsi.* Praeterea in Concilio Chalcedonensi Aet. IV. cum

que tamquam normam & regulam sequi in iudicando teneantur. Id porro est, quod ex sententia adversus Nestorium in Ephesino Concilio prolata demonstrare contendimus.

Canones Spiritu Dei conditi, a Romanis Pontificibus confirmati, & totius mundi reverentia consecrati, non modo singulis Episcopis, verum etiam eorumdem in Conciliis Oecumenicis congregatorum iudiciis dominabantur, aut dominari debebant. Hinc Romani Pontifices si quid in Conciliis generalibus adversus eosdem Canones gestum, aut statutum fuisset, nullius esse roboris decernebant, nullumque habere momentum, & irrita esse prorsus & inania contrariis definitionibus statuebant. Id constat ex S. Leone, qui gesta in secunda Ephesina Synodo, & Concilii Chalcedonenfis Canonem XVIII. rescidit, nullamque vim habere voluit, propterea quod Sacris Canonibus adversabantur. Quin & Theologi Galli & Jurisconsulti hanc olim ipsorum etiam Imperatorum fuisse potestatem volunt ut ea, (a) quae Canonice, & servato iudiciorum ordine peracta non erant, aut rescinderent, aut suspenderent, quemadmodum Ephesinam primam Synodum Theodosius Junior rescidit; ut inter alios Petrus de Marca observat; qui etiam monet, S. Leonem de iniquitate iudicii Ephesini sententiam tulisse; a Theodosio vero suspensionem postulas-

se, quia per vim, & iudiciorum ordine non servato, Canones violati erant. Iis ergo Canonibus ipsa etiam Generalia Concilia subijciebantur. Porro Concilii Ephesini Patres in sententia adversus Nestorium lata haud minorem vim in Caelestini Epistola, quam in Sacris Canonibus agnoscunt: *Ajunctum enim sese & per Sacros Canones, & Epistolam Caelestini ad eam lugubrem sententiam necessario venisse.* Itaque non negamus, Episcopos, qui in Ephesina Synodo confederunt, veros fuisse Iudices, & verum, proindeque cum causae cognitione & examine, iudicium exercuisse. Verum quis hoc ipsorum iudicium quemadmodum a Sacris Canonibus, ita ab Epistola Caelestini in eaque contenta adversus Nestorium sententia tamquam ab immobili regula necessario pependerit, dubitari non potest; quum Synodi Patres cum in Sacris Canonibus, tum in Epistola Caelestini vim agnoscant ineluctabilem, qua se coactos esse testantur. Igitur major erat Caelestini, quam Ephesinae Synodi auctoritas. Quis enim vel fando audiret, superiorem Iudicem ad ferendam in aliquem sententiam, inferioris Iudicis auctoritate sese coactum fuisse pronunciet? Profecto, si ejusmodi fuissent Episcopi, qui in Ephesina Synodo sederunt, cujusmodi fuerunt, qui in Cleri Gallicani Comitibus celeberrimam Declarationem ediderunt, nunquam, puto, hanc formu-

cum decem Episcopi Aegyptii nollant acquiescere iudicio majoris partis, pro haereticis habebantur. Quae omnia sunt apertissima argumenta, quod Concilia sint vera iudicia Praeterea, si non esset in Conciliis agendum suffragium, sed disputationibus tantum, perperam fieret, ut soli Episcopi sententiam ferrent, cum muuus disputandi sit hominum

eruditorum, sive sint Episcopi, sive non. Cujus contrarium jam supra ostendimus. Frustra etiam vocarentur Episcopi aliqui rudes & simplices, quales aliquos fuisse in Concilio Nicaeno, scribit Rufinus lib. X. Histor. cap. III. lib. II. de Conc. cap. XVIII.

(a) Lib. VII. de Conc. Sac. & Imp. cap. V. num. III.

mulam usurpassent: *Coacti per Sacros Canones, & Romani Pontificis Epistolam, seu Constitutionem, aut Bullam, ad hanc sententiam necessario venimus.* Quum enim majorem esse definiant Concilii generalis, quam Romani Pontificis potestatem, hujus profecto auctoritas cogere non potest generale Concilium, & in suam sententiam necessario pertrahere.

Quae fuerit illa Caelestini litterarum vis, qua se Ephesini Patres coactos esse profitentur, luculentius declarat Firmus Caesareae in Cappadocia Episcopus *Act. 2.* his verbis: *Apostolica & Sancta Sedes Caelestini Sanctissimi Episcopi per literas, quas ad religiosissimos Episcopos.... & ad Sanctas.... Ecclesias misit, etiam ante de praesenti negotio sententiam regulamque praescripsit: quam nos quoque secuti, (quum terminus Nestorio ad emendationem datus dudum jam praeteriisset.... quoniam Nestorius a nobis citatus non paruit) formam illam executioni mandavimus, Canonicum Apostolicumque iudicium in illum proferentes.* Judicarunt itaque Nestorium Ephesini Patres; verum eorum iudicio formam Caelestini regulamque praescripsit. At certe major est ejus, qui formam regulamque praefinit, quam sequi oporteat illum, qui iudicat; quam ejus qui juxta regulam formamque sibi constitutam iudicium profert.

Verum ut mox adlata Episcopi Firmi, ut & superius descripta totius Concilii verba melius intelligantur; observandum est, Nestorium non modo damnatum fuisse, & Episcopali sede dejectum uti contumacem, verum &

tamquam haereticum & blasphemum: *Cum piissimus Nestorius nostrae citationi parere.... noluerit.... deprehendentes.... illum impie sentire, & praedicare.... ad lugubrem hanc contra eum sententiam necessario venimus.* Itaque propter inobedientiam & contumaciam, qua ter vocatus Synodo parere noluit, gradu suo, juxta Sacrorum Canonum sanctiones moveri debuit: id quod etiam mox citandus Basiliensis agnoscit. Verum tamquam, Haereticus & blasphemus damnatus est propter Epistolam Caelestini, qua Sanctissimus Pontifex constituerat, ut nisi intra decem dies impiam doctrinam Nestorius ejuraret sese Fidelium communione privatum, & Episcopali Sede dejectum esse intelligeret. Quum autem praefinitus terminus praeteriisset, Nestorius nihilominus loco suo mansit, propterea quod Caelestinus sententiae executionem usque ad futuram Oecumenicam Synodum prorogasset: Quum igitur etiam hoc alterum intervallum a Caelestino concessum Patres jam fluxisse animadverterent, sententiae jamdudum latae executionem ulterius differre, in eorum potestate non erat; ideoque se se coactos intellexerunt ad Nestorium veluti haereticum & blasphemum damnandum, locoque & gradu suo deturbandum juxta formam & regulam a Caelestino praescriptam.

Hac observatione mucro retunditur argumenti, quo Hererodoxus Historicus Ephesinam Synodum impetit. Nam relata Concilii sententia, observat [a] „ vespertino tempore a lacrymosa „ Synodo id iudicii latum esse. Ita,

in-

„ *inquit*, uno solo die & bis citatur  
 „ Nestorius, & doctrina ejus ad exa-  
 „ men revocata damnatur, quae in re  
 „ tanti momenti nimia sane festinatio  
 „ fuit. Damnationi forsitan aequi spe-  
 „ cies aliqua obtendi posset, si ob so-  
 „ lam contumaciam Nestorius gradu  
 „ suo motus esset. Illud vero intole-  
 „ randum, quod Haereticus & blas-  
 „ phemus prius pronuncietur, quam  
 „ audiretur a Synodo, cujus iudicium  
 „ non abnuebat, dummodo Johannes  
 „ Antiochenus cum suis Comprovin-  
 „ cialibus adesset. Ad Orientalium  
 „ adventum usque cognitio doctrinae,  
 „ quae omnes Orbis tangebatur Eccle-  
 „ sias, differri debuit.

Haec utique cum aliqua juris & ae-  
 qui specie objicerentur, nisi Synodi  
 iudicio sententia jamdudum a Caelesti-  
 no in Nestorium prolata tamquam for-  
 ma & regula praeluxisset, juxta quam  
 Nestorius damnandus tamquam haere-  
 ticus & blasphemus, locoque suo mo-  
 vendus erat, nisi primum intra decem  
 dies, postmodum vero ubi primum  
 fuisset Synodus congregata, scelesti  
 dogmata ejurare. Quum igitur spon-  
 te Nestorius ad Synodum non accede-  
 ret, ter juxta Canones citatus est, &  
 parere recusans, tamquam contumax  
 & rebellis, ex eorundem Sacrorum  
 Canonum praescripto, damnatus est.  
 At quemadmodum de Sacris ipsis Ca-  
 nonibus, ita & de Caelestini sententia  
 iudicium instituere, Synodus sui non  
 esse juris judicavit, sed potius quem-  
 admodum juxta sacros Canones, ita  
 juxta Caelestini sententiam de Nesto-  
 rio iudicium tulit, eumque tamquam  
 blasphemum & haereticum, etsi non

auditum, exautoravit: eaque ratio  
 est, cur in forma sententiae, Sacris  
 Canonibus Caelestini Epistola conjun-  
 cta est. Canones enim ad Nestorium  
 veluti contumacem, Epistola vero ad  
 eundem velut haereticum damnan-  
 dum, auctoritatem Synodo tribuerunt.  
 Hinc illud jure Thomassino animadver-  
 sum (a), quod Caelestini maiestate, &  
 iudicio antegresso gloriabatur, &  
 adversus hostium latratus Synodus tue-  
 batur.

Quae haecenus dicta sunt illustrari  
 possunt praclaro S. Nicolai I. testimo-  
 nio Epistola IX. ad Michaellem Impe-  
 ratorem, ubi quae fuerit in damnatione  
 Nestorii Sedis Apostolicae auctoritas,  
 sequentibus verbis eleganter luculen-  
 terque describit: *In Synodis prisco tem-  
 pore collectis, Apostolicae Sedis scri-  
 pta, non sub occultationis modio tege-  
 bantur: sed ut omnibus qui in Domo  
 Dei erant, lucerent, in propatulo po-  
 nebantur; & ut si qua turpitudine, vel  
 macula in fidei pulcritudine a quolibet a  
 quolibet tentaretur induci, facile pate-  
 sceret, ac si specula in omnibus habeban-  
 tur; & quasi quaedam reſtitutionis for-  
 mula, qua imprimi ceteri possent, po-  
 sita colebantur. Quod ut manifestius pa-  
 teat, ex his hinc Epistolae pauca du-  
 ximus inferenda. Primo etenim loco  
 Sancta Synodus apud Eph. ſim congre-  
 gata ſanctae memoriae Caeſtini Papae  
 prius Epistolam legit, & ita demum  
 ad alia exequenda vacavit . . . in tan-  
 tum, ut ex ejus propemodum ſpecialis  
 iudicii tenore ſit perſuſus Neſtorius ex-  
 pulſus, dum eadem Synodus in ſenten-  
 tia contra eum prolata tali modo proſe-  
 quitur: neceſſario, inquit, coacti  
 tam*

(a) Dissert. XII. in Conc. Chalced. num. XIII.

tam ex Canonibus quam ex Epistola . . . . . Caelestini &c. *Et ad eundem Papam postea scribens, praefatum Nestorium per Epistolam ab ipso Sanctissimo Praefule scriptam, rationabiliter asseverat fuisse damnatum.* Potuit ne clarius & apertius significare, Apostolicam Caelestini Epistolam propositam fuisse in Ephesino Concilio Patribus de Nestorio iudicaturis tamquam formam & regulam, cui esset necessario inhaerendum, & sicut legi parendum, & tamquam immobili fundamento totum iudicium superstruendum? Proindeque ex forma & tenore sententiae, quam adversus Nestorium Ephesina Synodus pronuntiavit, aperte colligitur, maiorem esse Romani Pontificis, quam Oecumenicae Synodi auctoritatem. Quod erat demonstrandum.

CAPUT XIII.

- „ Gesta Actionis II. quibus praecedentia comprobantur. Quid sit confirmare decreta itylo Ecclesiastico, ex gestis demonstratur. In Synodi examine, atque iudicio quaestionis finem non modo Sacra Synodus, sed etiam Legati Apostolici, atque ipse etiam Papa, Caelestinus agnoscunt.

**P**raeclarissima & luculentissima testimonia, quae pro supremacia, nullique, iure suo, obnoxia retractui Romani Pontificis in definiendis fidei quaestionibus auctoritate, suppetunt gesta Actionis Secundae, inanibus nulliusque plane momenti observationibus elevare ac labefactare contendit

in hoc capite Illustrissimus Auctor. Efficiam ergo, ut rebus omnibus accuratius expensis, sua ejusmodi argumentis firmitas constet, iisque invictissime demonstraretur, firmum esse habitum ab Ephesina Synodo ac penitus irreformabile Sedis Apostolicae de fidei controversiis iudicium.

ARTICULUS PRIMUS.

*Noluisse Caelestinum suum de Nestorio iudicium veluti non satis firmum aut aliqua ex parte reformabile in Ephesina Synodo retractari.*

**I**D imprimis perspicue demonstratur ex Commonitorio, quod Legatis Ephesum proficiscentibus Sanctus ipse Caelestinus dedit, & cujus hic Bossuetius meminit in haec verba:

- „ Lupus Lovaniensis inter alia antiquitatis monumenta, Caelestini ad Legatos Commonitorium, Instrutionesque, ut ipse Caelestinus vocat, protulit (a). His praecipiebatur, ut Sedis Apostolicae tuerentur dignitatem, ne se Episcoporum dissidiis immiscerent, quorum quippe Indices, cum Synodo utique, esse deberent. Cum Cyrillo, utpote si do, agenda conferrent.

Protulit hoc idem antiquitatis illustre monumentum etiam Baluzius in nova Conciliorum collectione, refertque illud ad Concilium Romanum habitum sub Caelestino, quum jam Synodi Ephesinae celebratio immineret. Haec autem sunt, inter cetera, ad suos Legatos laudati Pontificis monita: *Et auctoritatem Sedis Apostolicae custodiri de-*

(a) Tom. VII. Edit. Vener. cap. CCXXVI.

*debere mandamus. Siquidem & Instructiones, quae vobis traditae sunt, hoc loquantur, ut interesse Conventui debeatis: ad disputationem si fuerit ventum, vos de eorum sententiis judicare debeatis, non subire certamen. Nimirum ostendit Legatis, quo pacto Sedis Apostolicae dignitatem tueri debeant. Qua vero ratione id erant consequuturi? Numquid argumentis suadere debebant Apostolici iudicii sapientiam, & aequitatem? Numquid adversus contentiosos, aut si qui fuissent, retractarios Episcopos in arenam descendere, eorumque objecta refellere, & Romanae Cathedrae decreta ab eorum aduultibus vindicare? Nequaquam id esset, iudice Caelestino, Sedis Apostolicae dignitatem tueri, sed prodere. Sed ut ea facta testaque maneret, rem semel Romae iudicatam nolebat in disceptationem venire, aut novo subijci examini. Sinerent proinde, quibus id libitum esset, invicem digladiari; sed ipsi id tantum negotii agerent, ut decretorum Sedis Apostolicae non examen, aut retractionem, sed executionem urgerent. Id jure colligi ex laudatis Caelestini verbis, loco paullo superius citato ipse etiam Stephanus Baluzius agnoscit: *Illustrissimus Cardinalis Baronius ex Epistola Caelestini ad Synodum Ephesinam collegit, sic ab eo Romanae Synodo missos esse Legatos in Orientem; non ut redditis irritis, quae anno superiore adversus Nestorium ab eodem Pontifice decreta essent, causa ejusdem novo subjaceret examini, sed potius ut sententiae in Nestorium latae iidem Legati essent executores. Quod sane confidentius as-**

*seruisset Baronius, si Commonitorium Caelestini vidisset, quod nos daturi mox sumus.*

Idem probatur ex Epistola Caelestini ad Synodum Ephesinam: ait enim; *dirigimus pro nostra sollicitudine Sanctos Fratres & Confacerdotes nostros, unanimis nobis & probatissimos viros, Arcadium & Projectum Episcopos, & Philippum Presbyterum nostrum, qui iis quae aguntur, intersint, & quae a nobis antea statuta sunt, exequantur. Quibus praestandum a vestra Sanctitate non dubitamus assensum.* Quid ex his verbis Baronius colligat; jam ex Baluzio audivimus, qui confectarium, Eminentissimi Cardinalis adprobat; & ex ejusdem Caelestini Commonitorio confirmat. Iis tamen, quae jam ex Baronio cum Baluzio descripta sunt, haec etiam libet adjungere ejusdem Annalium Parentis verba (a): *Ut plane appareat, nihil praeterea ab ipso Pontifice tributum Synodo, nisi ut cognitis his, quae anno superiori ibidem Romae in Nestorium decreta fuissent, eadem executioni mandari curarent; nec quicquam praeter sententiam Caelestini sibi arrogasse Oecumenicum tantum Concilium, constat.*

Rem adeo manifestam nec ipse Illustrissimus Bosuetus dissimulare ausus est. Quare adlatis, quae jam descriptimus, Caelestini verbis, his, *inquit,* „constat, Synodi Ephesinae actionem „in Apostolici iudicii executione ver- „fari. Adjungit tamen, Cujusmo- „di autem sit illa executio, an me- „ra, ut ajunt, obedientia, an vero „ipsius Synodi cognitione legitima, „certoque jam & indeclinabili iudicio, „se-

(a) Ad annum CCCCXXI. num. IX.



„ sequentia demonstrabant „. Episcopos in Ephesina Synodo sedisse iudices, subindeque & cum causae Nestorianae legitima cognitio verum exercuisse iudicium, & nos superius profecti sumus, & hic Baronius agnoscit : *Ut cognitis*, inquit, *his, quae anno superiori Romae in Nestorium decreta fuissent, eadem executioni mandari curarent.* Hac itaque in re posita controversia non est. Verum, quemadmodum Bossuetius quaerit, cuiusmodi fuerit illa executio ; ita & nos quaerimus, cuiusmodi fuerit illud iudicium. Id vero sequentia plane demonstrant.

„ Lectis, inquit Bossuetius, Caeclestini literis, Legati consequenter „ ad Episcopos ; ut quae Caeclestinus „ antea definire, & nunc in memoriam „ revocare dignatus est, juxta communis fidei regulam, ad finem numeris „ omnibus absolutum deduci jubeatis ei „ *τίνας πληρώσεις* ad finem plenissimum. Qui Concilii fructus est, post „ cujus sententiam, nulla nova discussio, novumque iudicium, sed „ mera executio. Atque id Legati „ postulant iuberi a Synodo, in quam „ summam illam auctoritatem recognoscunt.

An Legati summam illam, id est, majorem, quam in Romano Pontifice, in Synodo auctoritatem agnoverint, postea videbimus. Interim observo, neutiquam Legatos a Patribus postulasse, ut quae jam a Caeclestino fuerant definita, ad examen revocari iuberent ; quo videlicet, velut hujusce rei adhuc ignari vel dubii, expenderent, an quae Caeclestinus decreverat, communis fidei regulae consentanea essent, an secus. Quin potius Legati pro certo habebant, exploratam habuisse Patres

J. I. P. I.

Romani iudicii aequitatem : *Literarum Sancti Venerandique Papae Caeclestini Episcopi formam Vestra Sanctitas consideret ; qui Sanctitatem Vestram hortatus est, non quasi ignorantem docens, sed tamquam gnarum commonefaciens &c.* Id ergo unum desiderabant, ut jamdudum a Pontifice definita Synodi sententia ad finem absolutissimum perducerentur, id est, executioni mandarentur.

Legatorum petitioni Firmus Caesareae Cappadociae Episcopus Synodi nomine ita respondit : *Apostolica & Sancta Sedes Caeclestini Sanctissimi Episcopi . . . . etiam ante de praesenti negotio sententiam regulamque praescripsit : quam nos quoque secuti . . . . formam illa executioni mandavimus, Canonice Apostolicumque iudicium illum proferentes ;* „ actione prima sci- „ licet, inquit Bossuetius, qua, facto examine & quaestione habita, „ Caeclestini decretum firmatum vidimus. Sic exequitur Synodus generalis primae Sedis sententiam, legitima cognitione & inquisitione ; „ nec simplicis Mandatarii vice, sed „ Canonice & Apostolice dato iudicio. „ Papale sane decretum, pro tantae „ Sedis auctoritate, sit forma, sit regula ; sed quae Synodo convocata, „ non nisi ex communi iudicio plenam „ auctoritatem obtineat „ . Cuiusmodi fuerit ea quaestio, illa inquisitio, illud examen, jam superius expendimus ; ejusmodi sane quod Pontificis menti nequaquam adversaretur, qui Legatis Ephesum proficiscentibus, juxta Baronium & Baluzium, in mandatis dederat, ne *caussa Nestorii novo subiaceret examini*, quo nimirum ea de re tamquam adhuc incerta, & in medio posita.

L

posi-

posita disceptaretur. Pariter cuiusmodi fuerit habitum a Synodo de Nestorio iudicium, etiam superius ostendimus, & hic Firmus nos edocet; ejusmodi sane, quod Apostolicae Sedis maiestatem auctoritatemque mirum in modum commendat, cum ex Caelestini sententia, tamquam forma regulaeque penderit. Denique an Synodi iudicium Caelestini sententiae, an potius Caelestini sententia Synodi iudicio auctoritatem dederit, etiam ex superioribus patet. Patres enim, ut jam vidimus, suum de Nestorio iudicium Sacrorum Canonum, & Epistolae Caelestini auctoritate tuerentur, & hac, perinde atque illis *coactos* sese fuisse significant, ad lugubrem illam in Nestorium exauctorationis sententiam pronuntiandam: id tamen articulo sequenti in longe meliori lumine collocabitur.

## ARTICULUS II.

*Ephesinae Synodi Acta Pontificis Legati confirmarunt. Quantum in hac re Apostolicae Sedis auctoritas emicuerit.*

„ **L**egatos, inquit Bossuetius, ad  
 „ Synodum mandato speciali  
 „ missos, quae adversus Nestorium  
 „ gesta essent, an satis ex Canonum  
 „ praescripto, & Sedis Apostolicae  
 „ reverentia, intelligere oportebat.  
 „ Quare merito petunt, acta commu-  
 „ nicari; ut nos quoque, inquirunt, con-  
 „ firmemus: Illud confirmare quid sit,  
 „ ipsa gesta eloquentur.

Legatos ad Oecumenicam Synodum destinatos Caelestinus commonitorio illis dato monuerat; quod si *transactam* Synodum, & redisse omnes Episcopos vidissent, requirendum illis erat, qua-

*liter fuerant res finitae. Si pro antiqua fide Catholica res gestae sunt &c. Quod si aliter actum est, & in dissensione res sunt, ex ipsis rebus conicere poteritis, quid . . . . agere debeatis.* Quibus verbis Pontifex illos Oecumenicae Synodi iudices Apostolica auctoritate conlittuit. Quod sane munus isdem Legatis eodem loco etiam conceptis verbis adscribit; quum eos videlicet monet, ut *Sedis Apostolicae auctoritatem* tueantur: & ad *disceptationem*, inquit, si fuerit ventum, vos de eorum sententiis iudicare debetis, non subire certamen.

His ergo monitis & auctoritate muniti Legati ad Synodum accesserunt; lectisque Caelestini litteris, concordibus vocibus ab universo Concilio acclamatum est: *Hoc iustum iudicium. Novo Paulo Caelestino, novo Paulo Cyrillo, Caelestino custodi fidei, Caelestino cum Synodo concordi, Caelestino universa Synodus gratias agit. Unus Caelestinus, unus Cyrillus, una fides Synodi, una fides orbis terrarum.*

Has Synodi voces Philippus Presbyter unus Legatorum sequentibus verbis excepit: *Gratias agimus sanctae venerandaeque Synodo, quod literis Sancti beatique Papae nostri vobis recitatis, sancta membra sanctis vestris vocibus sancto Capiti, sanctis etiam vestris acclamationibus, vos adiunxeritis: Non enim ignorat vestra Beatitudo, totius fidei, vel etiam Apostolorum caput esse Beatum Apostolum Petrum.* Ex his verbis ita colligit Bossuetius num. IX.  
 „ Haec ergo summa autoritas, sum-  
 „ ma vis, quod membra inter se, &  
 „ Romano Pontifici ut Capiti conjun-  
 „ gantur. Quod ex consensione invi-  
 „ ctum Ecclesiastici iudicii robur.

Ha-

Haud equidem negamus, invictum esse Ecclesiastici judicii robur, ubi Romano Pontifici Episcopi, ubi capiti membra concordent. Verum & illud jure meritoque contendimus, judicii auctoritatem non ex membris ad caput, sed ex capite ad membra derivari. In his autem Legati verbis cum universa Synodo veluti caput cum reliquo corpore Romanus Pontifex comparatur. Quin & *totius fidei Caput* cum Apostolorum Principe nuncupatur, ut nimirum intelligamus, totius Ecclesiae fidem ex ejus auctoritate pendere. Id vero, praeter quam quod ipsa capitis & membrorum analogia suadet, sequentia quoque ejusdem Legati, ac Theodoti Ancyrani verba confirmant. Petit enim Philippus, sibi priora Synodi acta communicari; quo, inquit, *juxta Beati Papae nostri, praesentisque hujus sancti coetus sententiam, nos quoque confirmemus, conformiter eorum depositioni.* Pontificem universo coetui veluti caput corpori, & illius sententiam hujus judicio praeponit. Sed in hac rem longe luculentius est, quod statim Philippi verba subsequitur, Theodoti Ancyrani Episcopi testimonium: *Justam esse Sanctae Synodi sententiam demonstravit universorum Deus per litteras Caelestini religiosissimi Episcopi huc allatas, & per vestrae pietatis adventum. Nam Caelestini Episcopi sanctissimi & beatissimi zelum, & in piam fidem studium demonstrastis.* Non ergo ex eo quod Synodo consentiebat, demonstratum est, justam esse Caelestini sententiam; sed ex eo quod cum Caelestini literis Synodus concordabat, demonstravit Deus, justum esse Concilii generalis judicium; perinde atque Romani Pontificis sententia veluti Ly-

dus lapis fuerit, quo numus adulterinus a genuino, idest profana & adultera fides a vera germanaque secerneretur.

Quamquam autem Legati non ignorarent, summum esse & invictum Ecclesiastici judicii robur, ubi membra inter se, & Romano Pontifici ut Capiti junguntur; attamen Philippus alique Legati petierunt sibi acta communicari, quo juxta Caelestini mandatum, antequam ea confirmarent, accurate ac diligenter expenderent, an Canonice omnia gesta essent, & ad amissum cum Caelestini literis consentirent. Justam porro fuisse Legatorum petitionem, laudatus Theodotus Ancyranus his verbis professus est: *Quoniam vero justa ratione permota Vestra Beatitudo, ex ipsis actorum commentariis intelligere quaesivit de Nestorii depositione; justam sententiam, sanctaeque Synodi zelum & consensum in fide, quam sanctissimus & piissimus Episcopus Caelestinus magna voce depraeedicat, vestra Reverentia plane certoque cognoscet.* Profecto Legati neutiquam dubitabant, Synodi judicium recte & ordine processisse, summamque fuisse in damando Nestorio Concilii cum Pontifice consensionem: Id enim, ut jam superius ostendimus, ex eorum acclamationibus exploratum habebant. Attamen actorum commentaria suis perlustrare oculis volunt, & Patrum cum Caelestino consensum ex eorum quoque lectione perspectum habere. Unde colligere est, non omnem rerum gestarum aut antea definitarum discussionem, accipitis & adhuc haerentis aut fluctuantis animi argumentum esse.

Igitur postquam Legatis petentibus data sunt, quae in Nestorium acta es-

sent, de iis actione tertia sic referunt :  
*Intelleximus, omnia canonice, & ex Ecclesiastica disciplina iudicata esse.*  
 „ Ergo, inquit Bosluetius num. V.  
 „ Canonice, & ex Ecclesiastica di-  
 „ sciplina Sedis Apostolicæ iudicia in  
 „ Synodo generali, quaestione habita  
 „ retractantur, ac de iis iudicatur. At  
 „ non est opus nostris divinationibus,  
 „ quum ab ipso Philippo Presbytero,  
 „ cuius hæc sunt verba, quid iis signi-  
 „ ficare voluerit, apertissime sit exposi-  
 „ tum : Nestorius itaque novæ perversi-  
 „ tatis auctor, atque malorum caput, si-  
 „ cuti e Synodalibus actis accepimus, vo-  
 „ catus, ac admonitus secundum Patrum  
 „ decreta, videlicet secundum Canonum  
 „ disciplinam, iudicio se sistere contempsit.  
 En igitur qua in re ex mente Philippi  
 positum erat, Nestorium fuisse Cano-  
 nicæ & ex Ecclesiastica disciplina iudi-  
 catum; nimirum, fuisse illum, ante-  
 quam damnaretur, ex Patrum decre-  
 tis, & Canonum disciplina, ter voca-  
 tum & admonitum, ut sese Synodo  
 præsentem exhiberet.

Bosluetius num. VI. „ Cum Lega-  
 „ ti probassent acta in Nestorium sibi  
 „ communicata, jam relegi petunt in  
 „ publico confesso cetera, quaecum-  
 „ que Ephesi ab initio gesta lectaque  
 „ essent, nempe, inquirunt, ut ob-  
 „ temperantes formulæ Sanctissimi  
 „ Papæ Cælestini, qui hanc curam  
 „ nobis commisit, vestrae etiam San-  
 „ ctitatis iudicia confirmare possimus.  
 „ Posteaquam ergo relecta sunt  
 „ omnia, ac Legati assensere, pro-  
 „ ponit Cyrillus Sacrae Synodo, ut  
 „ Legati obsignatione, ut moris est,  
 „ planam ac manifestam faciant Cano-

„ nicam cum Synodo assensionem suam;  
 „ ad eam Cyrilli interrogationem Sy-  
 „ nodus sic respondet, decernitque,  
 „ ut Legati subscribendo acta confir-  
 „ ment : Quo loco perspicue ipsum  
 „ confirmare a Synodo dictum nihil  
 „ aliud est, quam planam & manife-  
 „ stam suam assensionem facere, ut a  
 „ Cyrillo erat propositum. Nempe  
 mens Illustrissimi Auctoris est : ut ali-  
 bi se clarius explicat (a), Concilio-  
 rum confirmationem nihil omnino ad  
 Pontificiam infallibilitatem aut supe-  
 rioritatem pertinere.

„ Hunc verum genuinumque con-  
 „ firmationis sentium sæpe inquit pro-  
 „ tulimus, sæpe proferemus, &  
 „ nunc a Sancta Ephesina Synodo tam  
 „ clare proponi nobis gratulamur. De  
 hac re suo loco cum Illustrissimo Au-  
 ctore data opera disseremus. Quod ve-  
 ro ad Ephesinam Synodum pertinet,  
 res est hoc loco accuratius enucleanda.

### ARTICULUS III.

De eodem argumento differitur; osten-  
 diturque, finem controversiæ fuisse  
 impossum Sedis Apostolicæ auctori-  
 tate.

**I** Taque habemus ex dictis, fuisse  
 Legatos a Cælestino ad Oecume-  
 nicam Synodum destinatos velut Judi-  
 ces, qui de Episcoporum sententiis iu-  
 dicarent; quæ in Nestorium a Syno-  
 do acta essent, recenserent, discute-  
 rent, retractarent, nec ante adsen-  
 sum illis præberent, quam intellige-  
 rent, omnia ad Pontificis mentem &  
 iudicium quadrare, prolatamque fuis-  
 se a Patribus in Nestorium sententiam,  
 tum juxta Canonum disciplinam, tum  
 jux-

juxta regulam formamque illis ab Apostolica Sede praescriptam. Id enim unum est, in quod Legati intendere ac diligenter inquirere debebant; propterea quod totius fidei robur & auctoritas a Pontifice ad Synodum veluti a capite ad membra derivetur.

Postquam ergo Legatis de Synodi cum Pontifice consensione ex Actorum lectione conuictis, ad jam prolatam in Nestorium depositionis sententiam confirmandam accedunt. Id vero praestant, non, ut Bosluetius docet, veluti simplices testes, qui Apostolicae Sedis, ac totius Occidentis, in iis quae gesta erant, cum Synodo consensum planam & manifestam facerent, sed tamquam iudices a Pontifice deputati, & ipsius Pontificis nomine, ac Sedis Apostolicae auctoritate adsciti. Quo enim alio pertinet magnificum hoc prooemium quod suae Philippus Presbyter sententiae praemisit Nulli dubium, imo saeculis omnibus notum est, quod Sanctus Beatissimusque Petrus, Apostolorum Princeps & Caput, fideique columna, & Ecclesiae Catholicae fundamentum, a Domino nostro Iesu Christo, Salvatore humani generis ac Redemptore, claves regni accepit, solvendi quae ac ligandi peccata potestas ipsi data est: qui ad hoc usque tempus & semper in suis Successoribus vivit, & iudicium exercet. Huius itaque secundum ordinem Successor & locum tenens, Sanctus Beatissimusque Pater noster Caelestinus Episcopus, nos ipsius praesentiam supplentes ad hanc Sanctam Synodum missi. Hac ergo auctoritate fuit firmum esse pronunciat omnium Ecclesiarum decretum (nam, inquit, Orientalis & Occidentalis Ecclesiae Sacerdotes vel per se, vel certe per

suos Legatos, Sacerdotali huic confessori intersunt) quod in ipsum pronunciatum est, &c. Et infra eadem B. Petri Apostolorum Principis, & Caelestini ejus Successoris auctoritate munitur: *Quamobrem, inquit, intelligat Nestorius, se a communione Sacerdotii Ecclesiae Catholicae alienum esse.*

Igitur etiam Legati, quod est etiam Illustrissimo Defensori animadversum, ad Synodum Ephesinam speciali mandato missi, non modo Apostolicae Sedis, sed etiam totius Occidentis ferebant sententiam, subindeque totius Occidentalis Synodi legatione quodammodo fungentur; totius tamen orbis sententiam solius Apostolicae Sedis Legationis auctoritate confirmant. Hinc Projectus Episcopus, & ego quoque, inquit, auctoritate Legationis Apostolicae Sedis, una cum Fratribus sententiae executor existens, definitio memoratum Nestorium, veritatis inimicum, fideique corruptorem, tamquam iis, de quibus accusatus est, obnoxium, a gradu Episcopalis honoris, & ab omnium praeterea Sacerdotum orthodoxorum communione remotum esse: ac deinde in subscriptionibus haud alio se se quam Legati Sedis Apostolicae titulo exornant: Philippus Presbyter, & Apostolicae Sedis Legatus, Commentariis subscripsi, &c.

Ex his autem quae haecenus dicta sunt, facile colligere est, Conciliorum confirmationem, secus atque Bosuetio videtur, ad Pontificiam infallibilitatem & superioritatem pertinere. Haec enim, ut ex superius descriptis Philippis verbis apparet, in eam tandem auctoritatem resolvitur, quam a Christo Petrus tamquam Apostolorum Princeps accepit. Haec enim Philippi summa ora-

orationis est : Nos Synodi acta confirmamus tamquam supplentes ac tenentes locum Sanctissimi Pontificis Caelestini : Caelestinus autem Successor est Petri, ejusque locum & sedem obtinet : Porro Petrus *ad hoc usque tempus, & semper in suis Successoribus vivit, & judicium exercet* : ad hoc autem judicium exercendum, pro se, suisque Successoribus claves Regni & ligandi atque solvendi potestatem idem Petrus accepit : denique ne quis de rectitudine judiciorum ejus ambigat, ipse *Apostolorum Princeps & Caput fideique columna, & Ecclesiae Catholicae fundamentum* a Christo Domino constitutus est. Scimus quidem huic nomini, *confirmatio*, varias subjectas esse notiones : at nos de illa loquimur, quam Caelestinus per suos Legatos ; Petrus autem *Apostolorum Princeps & Caput, fideique columna, & Ecclesiae Catholicae fundamentum*, per Caelestinum, in quo adhuc vivebat, & judicium exercebat, Ephesinae Synodi actis adhibuit. Hanc autem quis negat, ad Pontificiam infallibilitatem & superioritatem pertinere ? sed de hac re alibi data opera.

Bossuetius : „ Postremo Caelestinus „ ipse, re tota peracta, ad Sanctam „ Ephesinam Synodum mittit Epistolam, quam sic auspicatur, (a) *sanctae matris Ecclesiae, quae in Christo aedificatur, de qua omnis ecclesia congregata, & in unum coepta, ubi finem agnoscat*, Lector eruditus „ intelligit : post damnatum scilicet „ Oecumenici Concilii, hoc est, totius „ Ecclesiae Catholicae indeclinabili auctoritate Nestorium.

Nestorii damnationem, ut in superioribus Capitibus, & praesenti etiam Capite demonstravimus, primus Caelestinus decrevit ; decreti executio ut usque ad Oecumenicam Synodum differretur, ipse probavit : Synodus ante Legatorum adventum, juxta formam & regulam a Caelestino praescriptam, sententiam in eundem Nestorium damnationis tulit ; quam Legati postmodum advenientes examinarunt, & Caelestini, ac S. Petri, qui adhuc *in suis Successoribus vivit & judicium exercet*, auctoritate Apostolica confirmarunt. Itaque Caelestinus quemadmodum negotium inchoavit, ita & perfecit. Ipse Nestorium exauctoravit, ipse & Maximianum ad Regiae Civitatis thronum evehit. Aduit enim, ut ipse saepius testatur, (b) & Spiritu, & Apostolica sollicitudine, & per Legatos suos iis omnibus, quae pro causa fidei, & Christianae Republicae tranquillitate, & in Synodo & post Synodum gesta sunt. Quapropter quum *malorum fine gaudendum* esse pronunciat, ubi *finem* agnoscat, Lector eruditus intelligit ; nempe in damnatione Nestorii per Oecumenicam Synodum pronunciata, & Apostolica auctoritate firmata : ex hac enim Synodali judiciorum firmitas pendet, ut inferius data opera demonstrabimus.

Interim autem ex hac ipsa, quam Bossuetius laudat, Caelestini Epistola id, de quo agimus, suaderi facile potest. Quamquam enim, quod pertinet ad Nestorii damnationem, & alterius in ejus locum Episcopi subrogatio-

(a) 3. Par. Conc. Ephes. cap. XX.

(b) Epist. ad Cyrillum. Act. II. Conc. Ephes. & Epist. ad Synodum 3. Par. ejusd. Concil. cap. quoz. cit.



tionem, terminata res esset; quaedam tamen adhuc supererant, de quibus etsi decreta Synodi existerent, non satis tamen Pontifici composita videbantur, deque iis, quod ipsi ad Ecclesiae pacem instaurandam, & res Orientalium adhuc in tumultu positas componendas, optimum videtur, Apostolica auctoritate decernit. Ephesini Concilii decreto, quod extat Actione septima, & ad universi orbis Ecclesias transmissum est, ex Orientalibus Episcopis quidam communionem ecclesiastica extorres effecti sunt, quidam vero etiam depositi (a). Hanc sententiam ejusdem Concilii Legati [ ad quos haec Caelestini Epistola data est, etsi in epigrapha habeat, *Sanctae Synodo apud Ephesum constitutae* ] Constantinopoli confirmarunt in ea Synodo, quam Maximianus in locum Nestorii Regiae Urbis Episcopus subrogatus est, cuiusque Tractoriae his litteris Caelestinus respondet. Quamquam autem Maximiani Electionem adprobet & confirmet; non probat tamen omnino decretum, quod in Orientales sancitum fuerat, deque iis certas regulas statuit ad Ecclesiae pacem instaurandam accommodatas: *de his autem, qui cum Nestorio videntur pari impietate sensisse, atque se socios ejus sceleribus addiderunt, quamquam legatur in eos vestra sententia, tamen nos quoque decernimus quod videtur. Multa perspicenda sunt in talibus causis, quae Apostolica Sedes semper adspexit &c.* De quibus videri potest Christianus Lupus in Scholiis ad Epistolam Synodici quinquagesimam, unde colligere

est, ad Sedem Apostolicam pertinere, ut Conciliorum generalium decretis supremam manum imponat. Quod etiam haud obscure significat Nicolaus I. in Epistola ad Michaellem Imperatorem, quae Actione quarta octavae Synodi lecta est: *Ad ejus etenim, sicut ipsi scitis, integritatem observationis, multoties conventus factus fuerit Sanctorum Patrum, a quibus & deliberatum ac observatum existit, qualiter absque Romanae Sedis, Romanique Pontificis consensu, nullius insurgentis deliberationis terminus daretur.* Qua de re videri etiam potest ejusdem Epistola nona ad eundem Imperatorem.

## CAPUT XIV.

- „ Ephesinae Synodi praxis qua doctrina nitatur: Episcoporum auctoritas in Episcopis instituta: iis omnibus fidei depositum in commune traditum, & commune cura custodiendum: Apostolici in Hierosolymis Concilii autoritas in secutis Conciliis: Haec est Caelestini Epistola Ephesinensis: Confutantur ii, qui docendi auctoritatem a Papa in Episcopos manare contendunt.

**E**X Epistola Caelestini, cujus initium est: *Spiritus Sancti testatur praesentiam congregatio Sacerdotum*, quae Actione secunda Ephesinae Synodi lecta est, haec colligit Illustrissimus Bossuetius.

1. Episcopos in Apostolis Doctores constitutos ab ipso Christo, non utique a Petro, aut Petri successoribus.

2. Do-

(a) Vid. Pag. ad an. 431. num. 41. & seqq. & Christ. Lupus in Schol. ad Epist. 38. Synodici. Tom. 7. Edit. Ven.

2. Docendi auctoritatem, tam in ipsum Caelestinum, quam in ceteros Episcopos a Chirillo esse transfusam.

3. Omnibus traditum sacrae doctrinae depositum, cujus custodia penes omnes sit, communique adeo cura & consensione custodiendam fidem, neque defuturum Ecclesiarum Magistris Christi veri Magistris praesidium.

4. Haec omnia firmari Apostolorum exemplo in Concilio de Legalium observatione Hierosolymis celebrato.

5. His omnibus effici, non in Petri solius, aut Successorum Petri sententia, sed in omnium consensione vim & quaestionis finem esse repositum.

## ARTICULUS UNICUS.

*Ad singulas hujus Capituli propositiones, breves quaedam observationes.*

**N**Olo in praesentia in harumce propositionum sensum & veritatem inquirere, de quibus suo loco data opera disputabitur.

Interim circa primam propositionem observo, ita Episcopos ( quocumque id sensu intelligatur ) a Christo constitutos esse Doctores, ut tamen de illorum doctrinis atque sententiis judicandi, ( quocumque numero fuerint Episcopi congregati ) penes Romanum, Pontificem sit facultas. Ita enim Caelestinus ipse in suo ad Legatos Commonitorio: *Ad disceptationem si fuerit ventum, vos de illorum sententiis judicare debetis*: contra vero Pontificis Romani doctrina sit forma sit regula, nullius obnoxia iudicio, *vos de illorum sententiis judicare debetis, non subire certamen*; sed juxta quam judicare ac docere Episcopi debeant. Hinc

Firmus Caesareae Cappadociae Episcopus Act. II. *Apostolica & Sancta Sedes Caelestini . . . sententiam regulamque praescripsit, quam nos quoque secuti . . . formam illam executioni mandavimus, Canonicum Apostolicumque iudicium in illum proferentes.*

Circa secundam propositionem pariter observo, quod quocumque modo Episcopi a Chirillo Domino docendi acceperint facultatem; unus tamen Romanus Pontifex, quemadmodum in eadem Actione II. Philippus Legatus ait, *totius fidei Caput* constitutus est; ac propterea Patribus gratulatur, quod huic *Sancto Capiti* se ipsi suis vocibus veluti *sancta membra* conjunxerint. Porro naturalis ordo requirit, non ut a membris caput, sed a capite membra dirigantur, eorumque actus probentur. Hinc Theodotus Ancyranus Episcopus in eadem Actione: *Iustam esse Sanctae Synodi sententiam manifestavit universorum Deus per literas Caelestini*. Nempe id argumento est, sanctae iustaeque esse aliquid in Synodis constitutum, si a totius fidei Capite Ecclesiae membra non discrepent.

Quod pertinet ad tertiam propositionem; fateamur quidem, omnium Episcoporum esse, ut quemadmodum Timotheum Apostolus monet, fidei depositum custodiant. Attamen Episcopos etiam in Synodo congregatos muneris sui posse deesse, & traditum sibi depositum prodere ac violare, Caelestinus aperte significat, quam Legatos ad Oecumenicam Synodum destinatos monet; *quod se trans. Et in synodum, & redisse omnes Episcopos viderint; requirant, qualiter fuerint res finitae. Si pro antiqua fide Catholica res gestae sunt... Si aliter actum est &c.*

Con-



*Contra Petrus Apostolorum Princeps & Caput, qui semper in suis Successoribus vivit, ita depositum custodit, ut illud prodere nequeat, quum sit ipse, quemadmodum Philippus Legatus ait, fidei columna, & Ecclesiae Catholicae fundamentum.*

De quarta propositione ad sextum hujusce libri caput latissime disputatum est. Quare id in praesentia tantum observo, atque iterum ingero, quod *Petrus Apostolorum Princeps & caput, fideique columna, & Ecclesiae Catholicae fundamentum*, qui de Legalium observatione in Hierosolymitana Synodo judicavit, *ad hoc usque tempus, & semper in suis successoribus vivit, & judicium exercet.* Porro Petro in Hierosolymitana Synodo de Legalibus judicante, *tacuit omnis multitudo*, nec ejus judicio quisquam refragari ausus est: Paulus autem, & Barnabas, & Jacobus judicium Petri neutiquam retractarunt, sed illud tum rerum gestarum narratione, tum Scripturarum oraculis confirmarunt. Hanc itaque formam, hoc exemplum sequi Episcopos volumus, quum idem Petrus in suis successoribus adhuc vivens judicium de fidei rebus exercet.

De quinta propositione quod saepius dictum est, iterum breviter dico: potuisse Petrum, quemadmodum & quinta Synodus docet, sola sua auctoritate quaestionem de Legalibus terminare: quidni ergo in suis successoribus adhuc vivens, & judicium exercens, cuilibet controversiae, quae de fide exoriatur, finem imponere valeat, & silentium refractariis indicere? ac proinde, quemadmodum Hierosolymitanae Synodi celebratio argumento non est, quod

quaestionem de Legalibus solus Petrus terminare nequiverit: ita nec Synodorum generalium convocatio argumento esse debet, quod aliae de fide quaestiones nequeant solius Petri per suos successores judicio terminari.

CAPUT XV.

„ Chalcedonensis Concilii Quarti Generalis acta proponuntur: referuntur ea, quae antecesserint:  
„ ex his demonstratur, etiam in  
„ fidei causis, post Romani Pontificis judicium, a tota Ecclesia,  
„ ipsoque Romano Pontifice, plenius, ac majus, jamque irrefragabile judicium exspectari.

**E**X his, quae Chalcedonensem Synodum praecesserunt, tria colligit Illustrissimus Gallicanae Declarationis propugnator.

„ Primum quidem, in fidei quaestionibus non semper necesse esse,  
„ Synodum Oecumenicam convocari.  
„ Tum illud, post rem a se judicatam non refugiri a Leone, tanto Pontifice, judicium, si causa idonea sit.

„ Denique si Synodus habeatur, „ *pleniore judicio errorem aboleri, & quaestionem a Sede Apostolica, communi cum Episcopis sententia finire oportere.* Quo quidem plenum illud a nobis saepe memoratum consensionis robur agnoscit.

Haec itaque tria totidem sequenti-  
bus Articulis expendemus.

## ARTICULUS PRIMUS.

*Nec Synodum Ephesinam secundam, neque Chalcedonensem absolute fuisse ad profligandam Eutychetis haeresim necessarias.*

**Q**uod pertinet ad Synodum Ephesinam, quae Dioscori tyrannide praedatoria & latrocinialis effecta est, nullam fuisse ejus convocandae necessitatem, manifeste testantur S. Flaviani Episcopi Constantinopolitani & Leonis Magni Romani Pontificis litterae. Nota sunt enim, quae hac de re tum S. Flavianus ad laudatum Leonem, tum Leo ipse ad Theodosium Imperatorem scripserunt. Dam-nato in Constantinopolitana Synodo Eutychē, S. Leonem Flavianus hortatur, [a] ut propriam faciens communem causam, & Sanctorum Ecclesiarum disciplinam, simul decernere damnationem adversus eum regulariter factam & per propria scripta dignetur; confortare autem & piissimi, & Christo deditissimi Imperatoris fidem. Causa enim eget solummodo vestro solatio atque defensione, qua debeatis consensu proprio ad tranquillitatem & pacem cuncta perducere. Sic enim haeresis, quae surrexit, & turbae, quae propter eum factae sunt, facillime destruentur, Deo cooperante, per vestras sacratissimas literas. Removebitur autem & Concilium, quod fieri divulgatur, quatenus nequaquam ubique sanctissimae, turbulentur Ecclesiae. Potuitne Sanctus Episcopus disertius significare, potuisset suscitatum ab Eutychē controvers-

siam solis Romani Pontificis litteris terminari, turbasque omnes sola ipsius auctoritate compesci; nec opus fuisse universali Concilio, ut ea quae turbata erant ad tranquillitatem & pacem revocarentur?

Acceptis Flaviani litteris rescripsit Leo celeberrimam illam totoque orbe notissimam Epistolam, quam postmodum Chalcedonensis Synodus & universa Ecclesia ut immobilem & irreformabilem Catholicae fidei regulam amplexa est. Hac autem tam plane, tam lucide Incarnationis Mysterium sese exposuisse intellexit, ut quamquam primum de Synodo intra Italiam cogenda ad Imperatorem scripsisset [b] ab ea tamen deinceps abstinendum fuisse, ut mox videbimus, judicavit.

„ Et his quidem, ut ipse Bossuetius fatetur, quaestio finiri potuit, nisi „ ea incidissent, quae ad Synodum „ Ephesi convocandam, Imperato- „ rem Theodosium impulerunt; eum, „ qui Ephesi jam primam illam sub „ Caelestino & Cyrillo indixerat.

Imo & reapse, Flaviani judicio, finita erat, qui, ut jam vidimus, ad eam finiendam nullō generali Concilio, sed solius Romani Pontificis Apostolicis litteris opus esse judicabat; nec Theodosii levitas, qua se facile ab Eutychē, Dioscoro, & duobus Eunuchis suaderi permisit ad Synodum indicendam, efficere potuit, ut dubia, & retractabilis statim evaderet fidei definitio, quae vi sua immobilis erat, & ineluctabilis firmitatis.

Quamquam, etsi Ecclesiae consensus ad conciliandam Pontificis Romani decretis irrefractabilem auctoritatem,

(a) 1. Par. Conc. Chalced. Epist. V.

(b) Epist. IX. ad Theodof. T. IV. Concil.

tem, cum Gallis Theologis requiramus; hic tamen aut jam habebatur, aut facile haberi poterat, antequam secunda Ephesina Synodus indiceretur. Et quidem de Occidentalium consensu ambigendum non erat, quoniam, ut in Capite superiori ex S. Cyrillo [a] demonstravimus, nunquam illi, quemadmodum & Episcopi Macedoniae, ab Ecclesiae Romanae sententia decedere solebant. Id quod etiam persuasum habens S. Flavianus, Eutychis damnationem statim post Constantinopolitanum Concilium Leoni significabat, rogabatque ut per eum Episcopis Occidentalibus innotesceret, quo ipsi etiam ab haeretici hominis communione abstinere [b]: Sanctitas Vestra hoc cognoscens, quod circa illum actum est, omnibus Episcopis sub Beatitudine vestra degentibus manifestare dignetur illius impietatem, ne nescientes aliqui quid ille senserit, quasi ad orthodoxum vel per litteras, vel per aliquam conjunctionem loquantur. Eademque fiducia fretus Sanctus ipse Leo, quod videlicet nemo ex Occidentalibus ab ejus sententia dissensurus eisset, etiam antequam Gallorum Episcoporum litteras, quibus Epistolam ejus ad Flavianum ut Symbolum fidei se recepisse testati sunt, accepisset, ad Orientales scripserat, unam esse omnium Occidentalium fidei confessionem [c]: Quod ergo sicut causa poscebat, fiduciam nostram, quam de vobis habemus in Domino, fideliter atque obedienter auxistis, multa exultatione gaudemus. Et merito nos cognoscimus, Fratribus & Coepiscopis

nostris Orientalibus intimasse, quod secundum Evangelicam & Apostolicam traditionem de Incarnatione Domini nostri Jesu Christi, una esset omnium nostrum & indiscreta confessio. De Orientalibus quoque Antiocheni tractus Episcopis an in damnationem Eutychianae haeresis consentirent, non est cur dubitemus. Nam Dominus Antiochenus Episcopus, uti Facundo Hermianensi lib. XII. cap. ult. traditum est, Eutychi Apollinaris Haeresiarchae impietatem renovare tentant, primus restitit ad Imperatorem Theodosium scribens. Epistolae hujus ad Theodosium conscriptae fragmentum idem Facundus refert lib. VIII. cap. V. ubi eam Synodicam vocat, aitque, fuisse eandem multorum Patrum testimonio munitam: Nunc igitur Domini Antiocheni Synodicam memoremus Epistolam, qui .... Imperatori Theodosio scribens &c. Et infra: Et ideo Domino Antiocheno cum multis Patribus attestante &c. Ex quibus verbis aperte colligitur, Dominum Antiochenum in frequenti multorum Episcoporum Synodo Eutychem veluti haeticum, & impiae Apollinaris doctrinae instauratorem, traduxisse. Sed inter Orientales Episcopos Theodorius per haec tempora enituit, operamque suam ad exorients monitum cum variis Epistolis, tum Dialogorum libris praefocandum studiosissime contulit. Eutychetis damnationi in Synodo Constantinopolitana Flaviani triginta duo ex Thracia, Haemimonte, Scythia, & quamplurimis universae Asiae Provinciis Me-

(a) Epist. ad Johan. Antioch. 1. Par. Conc. Ephes. cap. 21.

(b) 1. Par. Conc. Chalced. Epist. VI.

(c) Epist. LII. Tom. IV. Concil.

tropolitanis & Episcopis subscripserunt: ejusdemque Synodi Acta in Orientem transmissa, a Domino Antiocheno aliisque Episcopis signata sunt. Nec dubium quin eadem Flavianus ad alias quoque totius Christiani orbis praecipuas Ecclesias transmiserit; nec, praeter Dioscorum aut aliquot fortassis Aegyptios, ante Ephesinum latrocinium reperire est, qui refragari ausus sit, aut qui Eutychis causam aperte propugnandam susceperit. Quare, juxta ipsos quoque Parisienses Theologos nihil deerat Pontificis adversus Eutychem decreto ut irretractabilem haberet auctoritatem. Merito proinde Magnus Leo in eandem cum Flaviano sententiam conveniens rescripsit [a] rem, de qua agitur, nequaquam Synodali indigere tractatu: Et ad Theodosium Imperatorem [b]: *Quum tam evidens fidei causa sit, rationabilibus caussis ab indicenda Synodo fuisse abstinendum.*

Attamen Imperatore Synodum expetente, sapientissimus Pontifex, ut Synodus celebraretur, indulgit, quae, ut omnibus notum, infelicem exitum nata est, & in apertum latrocinium descendit. Quare ad sananda vulnera tum Fidei, tum Ecclesiasticae disciplinae in Ephesina Pseudo-synodo inflicta, aliam Synodum quodammodo necessariam, idem Pontifex judicavit. Exstant ea de re plures cum ab ipso Leone ad Theodosium, ad Pulcheriam, ad Flavianum, ad Clerum & Populum, & ad Monachos Constantinopolitanos, ac deinde ad

Marcianum; tum ipsius Leonis rogatu, a Valentiniano, & Galla Placidia, & Eudoxia ad eundem Theodosium conscriptae Epistolae (c), ex quibus emicat ardens studium, quo Leo tenebatur, ut generale Concilium ex universo orbe congregaretur, quo illata Religioni damna relacerentur. Cujusmodi autem esse deberet Synodus, quae a Sanctissimo Pontifice expetebatur, & quamobrem illam aut necessariam, aut utilem judicaret, sequentibus articulis data opera disquiremus. Interim breviter observo, quod deinceps luculentissime demonstrabo, eam non fuisse Leone auctore inductam, ut edita ab ipso fidei definitio retractaretur, aut irreformabilem obtineret auctoritatem; quum, vel ipso Bossuetio fatente (d), Leonis Epistolam, etiam ante gestam Synodum totus Occidens, & Orientales plerique jam suscepissent, suaque subscriptione firmassent: atque ut ab ipso Leone proditum est (e), verae fidei *sacramento impie tunc a paucis imprudentibus obviabatur*. Quis autem dixerit, paucorum imprudentium repugnantia fieri, ut Romani Pontificis decretum totius Occidentis & plurium Orientalium consensione & subscriptione firmatum e summo auctoritatis vertice detrudatur? non ea profecto est, ut saepe jam diximus, Gallorum Theologorum & Episcoporum opinio. Sed de hac re est jam nobis data opera differendum.

A R-

(a) 1. Par. Conc. Chalced. Epist. XVI.

(b) Ibidem Epist. XVII.

(c) Ibid. Epist. XVII. & seqq. & Tom. IV. Conc. Ep. XLII. & seqq.

(d) Infra cap. XVII.

(e) 1. Part. Concil. Chalced. Epist. XIX.



## ARTICULUS SECUNDUS.

*Noluisse Leonem, fidei causam veluti dubiam & incertam in Chalcedonensi Synodo retractari,*

**A**lterum, quod in praesenti Capite colligit Bossuetius, illud est, post rem a se judicatam non refugisse Leonem tantum Pontificem novum iudicium, quo omne jam dubium tolleretur; nec modo iudicium, verum & examen, & inquisitionem [a], quo res a Pontifice definita velut adhuc in medio posita retractaretur: quae quidem omnia perspicuis ac luculentis ipsius Magni Leonis testimoniis aperissime refragantur: Nihil enim ab ejus mente magis alienum, quam ut ad examinandam retractandamque fidem ab ipso jam definitam, Synodus cogeretur. Qua de re haec ad Marcianum Augustum a Sancto Pontifice scripta sunt (b). *Aucta igitur per Imperialem amicitiam spe caelestis auxilii, confidentius pietatem vestram pro sacramento salutis humanae incitare praesumo, ne cujusquam procaci impudentique versutia, quasi de incerto quid sequendum sit, sinatis inquiri. Et quum ab Evangelica Apostolicaque doctrina ne uno quidem verbo liceat dissidere, aut aliter de scripturis divinis sapere, quam Beati Apostoli & Patres nostri didicerunt, atque docuerunt, nunc demum indisciplineatas moveantur & impiae quaestiones, quas olim mox ut eas per apta sibi corda diabolus excitavit, per discipulos veritatis Spiritus Sanctus extin-*

*xit. Nimis autem inquam est, ut per paucorum insipientiam ad conjecturas opinionum, & ad carnalium disceptationum bella provocemur; tamquam reparata disceptatione tractandum sit, utrum Eutyches impie senserit, & utrum impie Dioscorus judicavit, qui in sanctae memoriae Flaviani condemnatione se perculit, & simplices quosque, ut in eandem ruinam provolverentur, impegit, quorum multis jam (ut cognovimus) ad satisfactionis remedia conversis, & veniam de inconstanti trepidatione poscentibus, non cuiusmodi sit fides tenenda, tractandum est, sed eorum precibus qualiter annuendum. Unde piissimae sollicitudini vestrae, quam de inducenda Synodo habere dignamini, per legationem, quae confestim ad Clementiam vestram, Deo annuente, perveniet, quidquid ad causae utilitatem arbitrator pertinere, plenius atque opportunius suggeretur. Ex quibus verbis luculenter apparet, 1. noluisse S. Leonem suum de fide iudicium in Synodo retractari. 2. nec illud disceptari voluisse, an impie in Ephesino Latrocinio Dioscorus judicavit. 3. id tantum fuisse in Synodo disceptandum, quomodo Lapsis subveniendum esset, si ad Ecclesiae pacem advolassent. 4. hac etiam de re suam sese voluntatem Imperatori per Legatos demonstraturum, quam, ut deinceps videbimus, formam quoque & regulam esse voluit, juxta quam Oecumenica Synodus judicaret.*

Longe etiam majori ardore ac sollicitudine examen de fidei dogmate & inquisitionem vetat Epistola sequente  
ad

(a) Ut sup. cap. XVII.

(b) Epist. XLII. Tom. IV. Concil.

ad eundem Imperatorem ; Unde , inquit , per ipsum Dominum nostrum Jesum Christum qui , Regni vestri est auctor & rector , obtestor & obsecro Clementiam vestram , ut in presenti Synodo fidem , quam Beati Patres nostri ab Apostolis sibi traditam praedicarunt , non patiamini quasi dubiam retractari ; & quae olim sunt majorum auctoritate damnata , rediuvivis non permittatis conatibus excitari : Illudque potius jubetis , ut antiquae Nicaenae Synodi constituta , remota Haereticorum interpretatione permaneant .

Eadem pari studio rursus inculcat in aliis ad eundem piissimum Augustum literis : (a) Quamvis nimis arctus dies Synodo fuerit constitutus , spero tamen adfuturum Omnipotentis auxilium , quo omnes valeant ad praefixitum tempus occurrere , & unanimiter cum Sanctae Fraternitatis adfensu , quae universali Ecclesiae congruant , definire . Compressa enim vel remota inquietudine ac pravitate paucorum , facile firmabitur probanda concordia , si in eam fidem , quam Evangelicis & Apostolicis praedicationibus declaratam , per antiquos , Patres nostros accepimus & tenemus , omnium corda concurrant , nulla penitus disputatione cuiusquam retractationis admissa , ne per vanam fallaciamque versutiam aut infirma videantur aut dubia , quae in ipso angulari lapide Christo fundata sunt , & sine fine mansura ; hoc nobis indefinenter orantibus , ut a Sacramento singularis fidei nemo inveniat alienus , sed damnata impietate haereseos , nullum de perditione cuiusquam Catholica Ecclesia sentiat detrimentum .

Eadem scripsit Epist. LI. ad Pulcheriam Augustam , ubi & meminit litterarum , quas ad Calcedonensem Synodum per Legatos transmisserat ; quibus , inquit , Fraternitas advocata cognosceret , quam formam servare in hac dijudicatione deberet : ne ulla temeritas aut fidei regulis , aut Canonum statutis , aut benignitatis remediis obviaret . Sicut enim a principio hujus causae frequentissime scripsi , hanc inter discordes sensus , & carnales aemulationes moderationem volui custodiri , ut integritati quidem nihil evelli , nihil liceret apponi , ad unitatem vero pacemque redeuntibus remedium venire praestaretur . Et infra : Et quamvis incommutabiliter inimicissimam Christianae Religionis haeresim detestemur ; ipsos tamen ( haereticos ) si corrigantur , & digna se satisfactione purificent , ab ineffabili misericordia Dei non judicamus alienos .

Eadem denique ipsi etiam Calcedonensi Concilio commendat ac praecipit : (b) In his Fratribus Paschasino & Lucentio Episcopis , Bonifacio & Basilio Presbyteris , qui ab Apostolica Sede directi sunt , me Synodo vestrae Fraternitas existimet praesidere , non abjuncta a vobis praesentia mea , qui nunc in Vicariis meis adsum , & jamdudum in fidei Catholicae praedicatione non desum : ut qui non potestis ignorare quid ex antiqua traditione credamus , non possitis dubitare quid cupimus . Unde , fratres carissimi , rejecta penitus audacia disputandi contra fidem divinitus inspiratam , vana errantium infidelitas conquiescat ; nec liceat defendi

(a) Ubi sup. Epist. L.

(b) Epist. XL. i. Par. Cqnc. Chalced.

*fendi quod non licet credi ; quum secundum Evangelicas auctoritates , secundum Propheticas voces , Apostolicamque doctrinam plenissime & lucidissime per literas , quas ad beatæ memoriæ Flavianum Episcopum misimus , fuerit declaratum , quæ sit de Sacramento Incarnationis Domini nostri Jesu Christi pia & sincera confessio.*

Quæ hæcenus ex Leonis Epistolis descripta sunt , adeo perspicua esse videntur , ut neque verba occurrant , quibus disertius ac manifestius suam potuerit Sanctissimus ac disertissimus Pontifex mentem aperire , suumque hac de re sensum efferre . Quare satis mirari nequeo , qui potuerit eruditissimo Praefuli excidere , non renuisse Leonem , tantum Pontificem , post rem a se judicatam instaurari iudicium , omniaque rursus ad examen & inquisitionem velut adhuc ambigua & in ancipiti posita revocari .

### ARTICULUS III.

*Quo sensu dixerit S. Leo , post rem a Sede Apostolica judicatam , pleniorè iudicio errorem in Synodo abolere ; & quaestionem communem Episcopis sententia finiri oportere .*

**O**Ritur hæc difficultas , quæ tertium hujusce Capituli argumentum complectitur , ex iis , quæ in duobus præcedentibus Articulis sancta sunt . Si enim ad profligandam Eutychianam hæresim , Synodo generali opus absolute non fuit ; nec res semel a Pontifice definita in Oecumenico Concilio retractanda erat ; quo-

modo Synodi iudicium plenius ab ipso Pontifice dicitur ; & Synodum convocari oportere , ut quaestio communem Episcopis & irretractabili sententia terminetur ? Id vero Sanctus Leo non uno in loco disertissime docet [a] .

Ut hæc difficultas de medio tollatur , ac penitus evanescat , recolendum est , quod est jam nobis haud semel animadversum , duplicem institui posse de fidei rebus inquisitionem : Aliam nimirum ad eruendam veritatem , quæ adhuc lateat : aliam vero , ut veritas , quæ ex tenebris prodit , novis splendoribus decoretur : seu , prior inquisitio instituitur , ut res ex dubia certa reddatur ; altera vero , ut ex omnino certa certior evadat : Prior necessaria est , ut veritatem adsequamur ; altera vero , utilis est , & quodammodo necessaria , ut eam vel pervacacibus , ac lumini rebellibus ingeramus . Illa jure requiritur , antequam certa de aliquo dogmate sententia proferatur ; hæc autem ex quadam indulgentia quandoque permittitur , ut suavius infirmis & imperitis hominibus consulatur .

Itaque de priore inquisitione & examine loquitur Sanctus Leo , quum negat , Synodum esse necessariam , ut hæresis Eutychiana damnetur ; & quum vetat , rem semel a se definitam in Synodo retractari . De altero vero inquisitionis genere loquitur in locis mox referendis & enucleandis , quibus hunc docet esse generalis Concilii fructum & effectum , ut pleniorè iudicio error aboleatur ; & quaestio de fide communem Episcopis

ea-

(a) Epist. XXI. ad Pulch. r. Par. Conc. Chalced. Epist. LXIII. ad Theodoret. & alibi .



eaque *irretractabili sententia* terminetur. Igitur demonstrandum est, in iis omnibus locis, quae nobis obijciuntur, aut obijci possunt, haud eam esse permissam a Sanctissimo Pontifice inquisitionem, aut rei definitae retractationem, qua haec velut adhuc dubia firmaretur, aut in tenebris delitescens in apertam lucem produceretur; sed eam tantum, qua res omnino firma & immobilis amplius confirmaretur, ac *lucidissime & plenissime* exposita nova luce perfunderetur; idque haud jure fuisse debitum, sed Pontificis indulgentia & benignitate concessum. Inde autem elucescet, quo sensu Pontificis cum Synodo iudicium *plenius* esse dicatur; & quaestio communi cum Episcopis sententia terminata, omnino *irretractabilis* iudicetur.

Ad Julianum Episcopum Coënsensem haec scribebat Leo, quum jam Secunda Ephesina Synodus esset indicta. (a) *Postquam gestorum ad nos Episcopaliū [ loquitur de Gestis Concilii Constantinopolitani sub Flaviano ] documenta perlata sunt, omnia illa, quae fallacium quærelarum velamine tegebantur, quam essent detestanda, patuerunt. Et quia Clementissimus Imperator pro benevolentia ac pietate animi sui, de statu hujus, qui ante honorabilis videbatur, diligentius voluit iudicari, atque ob hoc indicendum credidit Episcopale Concilium, per Fratres nostros Julianum (Julium) Episcopum, & Renatum Presbyterum, sed & filium meum Diaconem Hilarium, & quos ex latere meo vice mea misi, ad fratrem nostrum Flavianum sufficientia*

*pro qualitate causae scripta direxi, quibus & vestra dilectio, & Ecclesia universa cognoscat, de antiqua & singulari fide, quam indoctus Impugnator incescit, quid divinitus traditum teneamus, & quid incommutabiliter praedicemus. Quia tamen non debemus partes miserationis omittere, congrua moderatione credimus faciendum, ut si condemnatus Presbyter plena satisfactione corrigitur, sententia, quae obstricta est, relaxetur. Si vero in eodem insipientiae suae luto jacere delegerit, statuta permaneant, & cum eis habeat sortem, quorum est secutus errorem. Annuit Leo, Eutychis causam diligentius iudicari, non equidem quod Synodale examen infano homini deberetur; quum neque lateret quid de Christi Incarnatione certa esset fide tenendum, neque ambigeretur, eam fidem ab indocto Presbytero violari: sed quia pro benevolentia & pietate animi sui id expetebat Imperator; & quia sententiam in Eutychem latam relaxari cupiebat Pontifex; non ea tamen conditione si forte innocens reperiretur; verum, si forte illius pervicacia Synodi auctoritate perfringeretur; ac plena satisfactione corrigeretur.*

Eadem clarius ac luculentius exponit in Epistolis ad Theodosium, ad Pulcheriam, & ad Ephesinum Concilium per suos Legatos transmissis. Ita enim scribit ad Theodosium. (b). *Unde licet Eutyches ( quantum gestorum Episcopaliū ordo patefacit ) imperite atque imprudenter errare detectus sit, debueritque a sua merito reprobabili persuasione discedere: quoniam*

(a) Epist. XIX. Tom. IV. Concil.  
(b) 1. Par. Conc. Chalced. Epist. X.



niam tamen Pietas vestra . . . . . apud Ephesum constituit Synodale Concilium, ut imperito seni ea, in qua nimis caligat, veritas innotescat; Fratres meos Julianum (Julium) Episcopum &c. misi qui ad vicem praesentiae meae pro negotii qualitate sufficerent & qui eum secum deferrent iustitiae & benignitatis affectum; ut quia dubitari non potest, quae sit Christianae confessionis integritas; & totius erroris pravitas damnaretur, & resipiscens qui devierat, si pro venia supplicaret, Sacerdotalis ei benevolentia subveniret; quum in libello suo, quem ad nos misit, hoc saltem sibi ad promerendam veniam reservaverit, ut correcturum se esse promitteret, quidquid nostra sententia de his, quae male senserat, improbasset. Quid autem Catholica Ecclesia universaliter de Sacramento Domini- cae Incarnationis credat & doceat, ad Fratrem & Coepiscopum nostrum Flavianum plenius continent scripta, quae misi. Itaque Concilium, Leone iudice, non eo erat indictum, ut fidei veritas adhuc latens e tenebris erueretur; ut quid de Sacramento Incarnationis ac duabus in Christo naturis tenendum esset, inquireretur; ut in quaestionem adduceretur, an Eutyches erraret, & an recte Leo in sua ad Flavianum Epistola fidem exponeret: sed ut imperito seni veritas innotesceret, & errorem suum agnoscanti venia concederetur.

Nec minus luculenta sunt, quae per eisdem Legatos ad Ephesinum Concilium destinatos Sanctus Pontifex duabus Epistolis (a) ad Pulcheriam scribit Augustum, unde, ne in immensum opus excrescat, haec tantum pauca decer-

T. I. P. I.

po: In his Fratribus meis, quos vice mea misi, me quoque adesse cum ceteris, qui adsuerint, aestimate; quibus secundum causam, satis mihi & gestorum serie, & ipsius de quo agitur professione patefactam EVIDENTER ET PLENè quid sentiendum esset, ostendi. Non enim de portiuncula aliqua fidei nostrae, quae MINUS LUCIDE DECLARATA SIT, quaeritur; sed hoc stolidissima insultatio audet incessere, quod Dominus noster in Ecclesia sua neminem sexus utriusque voluit ignorare. . . . Et ideo pro vestrae pietatis consuetudine elaborare dignemini, ut quod contra singulare Sacramentum salutis humanae blasphema insipientia protulit, ab omnium animis repellatur: ac, si ipse qui in hanc tentationem incidit, resipiscat, ita ut per libellarem satisfactionem proprium damnet errorem, communio ei sui ordinis non negatur. Quod etiam Sancto Flaviano Episcopo me elementia tua scripsisse cognoscat; ut caritas non negligatur, si error aboletur. Quocumque sensu Concilii generalis dixerit plenius iudicium, inde profecto consequens nulla ratione est, quod ipse rem totam minus evidenter, & plene, ac dilucide iudicaverit; quum id sese cumulatissime praestitisse disertis verbis adfirmet. Proinde Synodo opus non erat, ut fides plene evidenter ac lucide declararetur; nec deliberandum erat, an in errore Eutyches versaretur, verum id unice agendum, ut indoctus Senex instrueretur, & blasphemias revocaret, quas Leo credere potius volebat ex incauta stolidaque simplicitate, quam ex versutia & caliditate prolatas.

Nec minus diserte suam Sanctus

N

Pon-

(a) Epist. XI. & XII. ubi sup.

Pontifex mentem aperit in Epistola ad Synodum Ephesinam [a]: *Nimis autem, inquit, a compage hujus aedificationis [qua nimirum Ecclesia supra Petrum fundata & aedificata est] alienus est, qui & Beati Petri confessionem non capit, & Christi Evangelio contradicit; ostendens, se nullum unquam studium cognoscendae veritatis habuisse, & superfluo honorabilem visum, qui nulla maturitate cordis ornavit canitiem senectutis. Vtrum quia etiam talium non est negligenda curatio, & pie ac religiose Christianissimus Imperator haberi voluit Episcopale Concilium, ut pleniore judicio omnis possit error aboleri; Fratres vestros Julianum Episcopum &c. missi, qui vice mea Sanctoq. Conventui vestrae Fraternitatis intersint, & communi vobiscum sententia, quae Domino sint placitura, constituent: hoc est, ut primitus pestifero errore damnato, etiam de ipsius, qui imprudenter erravit, restitutione tractetur; si tamen doctrinam veritatis amplectens, sensus haereticos, quibus imperitia ejus fuerat irretita, plene aperteque propria voce & subscriptione damnaverit: quod etiam in libello, quem ad nos miserat, est professus, spondens, per omnia nostram secuturum se esse sententiam. Acceptis autem Fratris & Coepiscopi nostri Flavianii literis, plenius ad eum de his, quae ad nos videtur retulisse, rescripsimus, ut abolito hoc, quo inquinatus [melius veteres libri, inquit Baluzius, qui natus] videbatur, errore, in laudem & gloriam Dei per totum mundum una sit fides, una eademque confessio. Plura in his verbis notanda*

sunt, ex quibus aperte colligitur quam nullo jure hoc Sancti Pontificis loco Bossuetius utatur, quo Sedis Apostolicae de fide judicia Concilii universalis veluti pleniore judicio retractari ac reformari posse demonstrat. Quum tamen si locus intime perpendatur, inde Romani Pontificis inerrantia, ejusque suprema & supra ipsum generale Concilium auctoritas apertissime demonstratur. Namque tam longe abest, ut auctoritatem suam, suumque de fide & de Eutychis persona judicium Magnus Leo Oecumenicae Synodi judicio & auctoritati subiciat; ut suum potius de re utraque decretum formam & regulam esse velit, juxta quam sit a Patribus judicandum. Quare vult quidem, pleniore judicio errorem aboleri, & communi cum Episcopis sententia quae Deo sint placitura constitui; non tamen dubitari sinit, an haereticis sensibus, & pestifero errori Eutyches sit implicitus, formamque ipse praescribit, juxta quam sit ad Ecclesiae pacem redintegrandus. Neque enim statuit, ut *primitus* quaeratur, an aliquo Eutyches errore detineatur; sed ut *primitus* pestifer ac nefarius error damnetur: neque decernit quid facto opus sit, si sese Eutyches ab omni errore intactum ostenderit; sed omnino vult, ut ab ipso haeretici sensus propria voce & subscriptione damnentur. Quod autem ad fidem pertinet, eam nequaquam veluti dubiam, & ipsius Synodi auctoritate retractandam proponit, sed veluti Principis Apostolorum ore prolata, ipsiusque prorsus ineluctabili auctoritate munitam. Quapropter sub ipsum

(a) Ubi sup. Epist. XIII.

ipsum Epistolae initium ait : *Religiosa clementissimi Principis fides . . . . . hanc reverentiam divinis detulit Institutionis , ut ad sanctae dispositionis effectum , auctoritatem Apostolicae Sedis adhiberet ; tanquam ab ipso Petro caperet declarari , quod in ejus confessione laudatum sit &c.* Et infra : *Nimis autem a compage hujus aedificationis alienus est , qui & Beati Petri confessionem non capit , & Christi Evangelio contradicit &c.* Jure proinde meritoque doctissimus Thomassinus hanc eandem Epistolam versans , haec in rem nostram animadvertit (a) : „ Mi- „ nime necessariam fuisse Synodum in „ re tam lucida , idem ( Leo ) alibi „ scribit . Sed confitetur hic tamen , „ pleniore judicio Ecclesiam rursus „ uti posse : non quasi ancipitem con- „ silii , & fidei incertam suae ; non „ quasi Flaviani , nedom Leonis sen- „ tentiam fortassis recantatura sit ; sed „ pleniore judicium numero , & pom- „ pa majore eandem suam fidem „ sententiamque invariabilem & ir- „ retractabilem promulgatura .

Hic ergo legitimus sensus est , juxta quem Oecumenicae Synodi judicium *plenius* quodammodo dici potest ; quod nimirum majore cum pompa & solemnitate profertur ; non autem „ quod ratum , firmum , plenum irreformabile , & suapte jure etiam irtractabile non sit Sedis Apostolicae judicium , nisi ad illud Ecclesiae aut Synodi universalis consensus accesserit . Utile quidem quandoque esse , & perfringendae haereticorum obstinationi satis accommodatum , ut ab Episc-

copis in unum ex universo orbe congregatis communis in aliquam haeresim sententia proferatur ; & concinentibus omnium vocibus innotescat , quod per totum mundum , ut ait S. Leo superius laudatus , *una sit fides , una eademque confessio* , haud equidem inficiamur . Verum in ipsius Apostolicae Sedis potestate & arbitrio positum esse dicimus , an ejusmodi in haereticos indulgentia & benignitate utatur ; an potius suum decretum valere jubeat suo dumtaxat judicio & auctoritate munitum . Qua de re eundem Cl. Thomassinum eodem loco num. XV. consentientem habemus : „ Quibus- „ dam ( *haeresibus* ) opprimendis Ec- „ clesia in Synodos Oecumenicas co- „ luit , non ipsorum haereticorum arbitrio , sed suo : nec quia necesse „ erat , sed quia sibi expedire vide- „ batur : nec juris rigore constricta , „ sed dispensatione tunc uti volens : „ nec quasi in dubio doctrinae anfra- „ ctu alternatura , aut iteratae disputationis solum periclitatura ; sed „ praedjudicatam firmatura fidem , & „ eam totius corporis sui , & singulorum membrorum , quasi linguarum totidem vocibus personatura ; „ ut jam longe inexcusabiliores sint „ qui antea miserabile quidem , sed „ quaecumque tamen sibi de ignorantia patrocinium accersebant .

De eadem re eleganter quoque , hoc est , more suo disserit Canus (b) : „ Nec si Summus Pontifex firmus in „ fidei causa iudex est , Concilia frustra coguntur . Primum enim , ut „ Capite superiore admonebamus ,

N 2

„ Ro-

(a) Dissert. XII. in Conc. Chalcedon. num. XIV.

(b) Lib. V. cap. ult. in Resp. ad XI, argum.

„ Romanus Pontifex non temere &  
 „ stulte, sed considerate atque sapien-  
 „ ter habet fidei controversias defini-  
 „ re; advocando scilicet Consiliarios,  
 „ vel plures, vel pauciores, juxta  
 „ rei, de qua disseritur, gravitatem.  
 „ Juvant enim Patres Concilii Sum-  
 „ mi Pontificis fidem atque doctrinam  
 „ . . . . Ita enim divina procuratio in  
 „ Ecclesiam se fundit, ut membra  
 „ praecipua, tametsi a capite ipsa  
 „ pendeant, caput tamen tueantur  
 „ & juvent. Facit quoque Concilium  
 „ plausibiliorem populo fidem, prop-  
 „ ter acceptissima multorum testimo-  
 „ nia atque judicia. Nam & leges,  
 „ quae communi Optimatum consensu  
 „ & rogantur & feruntur, libentius  
 „ populus accipit, quam si a Rege  
 „ solum ederentur. Itaque ut tota vis  
 „ membrorum in capite, tota Senatus  
 „ auctoritas in Principe, & tota pote-  
 „ stas exercitus in Duce continetur; sed  
 „ in membris, in Senatu, & in exerci-  
 „ tu, quum ad ipsos promanat, magis  
 „ funditur & explicatur, & majore ut  
 „ plurimum impetu hominum incitat ac  
 „ permovet sensus: sic tota Ecclesia-  
 „ sticorum judiciorum vis & auctoritas,  
 „ ut deinceps luculentius ostendemus, in  
 „ summo universae Ecclesiae Pastore &  
 „ Capite quodammodo continetur; sed  
 „ in universo corpore magis funditur,  
 „ exeritur, & explicatur, & majores  
 „ impetus habet ad infirmorum animos  
 „ permovendos, & in unam eandem-  
 „ que sententiam pertrahendos, in ea-  
 „ que firmandos & continendos. Id quod  
 „ etiam sequentibus verbis luculenter  
 „ explicat superius laudatus Thomassi-  
 „ nus (4): „ Ne digladiemur, major

„ Synodo Pontifex, vel Pontifice  
 „ Synodus Oecumenica sit. Sed  
 „ agnoscamus, succenturiatum Syno-  
 „ do Pontificem, seipso majorem ef-  
 „ se: truncatam Pontifice Synodum,  
 „ se ipsa esse minorem. Ita non exer-  
 „ citus major est Duce, sed succinctus  
 „ exercitu suo Dux, seipso major est;  
 „ divulsus a Duce exercitus, se ipso  
 „ minor, & nec exercitus est, sed  
 „ palantium dissipatus grex, vel gras-  
 „ santium cuneus. Ita Ecclesia velut  
 „ castrorum acies ordinata in Syno-  
 „ do, exercitus sui facultate conspe-  
 „ cit, *Ita ipsam se plenius cognoscit*. Quae  
 „ si se capiti suo abscindat & collidat,  
 „ utique minor, & capite minuta de-  
 „ crescit, . . . Quod factum in praeda-  
 „ toria Synodo Ephesina; quae propte-  
 „ rea praedonum cuneus, & latrocinium  
 „ effecta est.

## C A P U T X V I.

„ In Chalcedonenſi Concilio duo ad  
 „ rem faciunt: alterum, Dioscorigi  
 „ Patriarchae Alexandrini (depo-  
 „ ſitio); alterum examen Epiſto-  
 „ lae Leonis: hinc de Dioſcorigi:  
 „ Demonstratur, in cauſis, quae  
 „ univerſalem Eccleſiam ſpectant,  
 „ in ipſa conſenſione vim ſummam  
 „ & indeclinabilem eſſe repositam.

„ **N**otum eſt omnibus (inquit Cl.  
 „ Declarationis Deſenſor) Chal-  
 „ cedonem ſexcentos atque amplius  
 „ Epiſcopos conveniſſe. Paſchaſinus  
 „ & Lucentius Epiſcopi Leonis vice  
 „ Sanctae Synodo praefidebant: dati  
 „ ab Imperatore Judices, qui actio-  
 „ nem

(4) Ubi ſup. num. XXIX.

„ nem regerent , turbas compesce-  
 „ rent , quaestionem de fide , & Ec-  
 „ clesiastica omnia in Synodi potesta-  
 „ te ac iudicio relinquerent .

„ In ea vero Synodo , quae ad rem  
 „ nostram faciunt , duo sunt ; primum  
 „ Dioscori depositio ; alterum senten-  
 „ tia Synodi de Leonis Epistola com-  
 „ probanda .

Verum antequam de his duobus cum  
 Illustrissimo Praesule differamus , li-  
 bet paullulum immorari in iis enuclean-  
 dis , quae ad instaurandas Ecclesiae res  
 per impium Dioscorum in Ephesina  
 Pseudo Synodo labefactatas , per Ma-  
 gnum Leonem auctoritate Apostolica  
 gesta sunt ; quum in iis summa Roma-  
 ni Pontificis potestas emineat a nullius  
 Concilii generalis iudicio & auctorita-  
 te dependens .

## ARTICULUS PRIMUS.

*In restituendis Ecclesiae rebus , quae  
 fuerant per Dioscorum in Ephesina  
 Pseudo-Synodo labefactatae , Ma-  
 gnum Leonem summam exercuisse ,  
 & a futurae Synodi iudicio nullatenus  
 dependentem auctoritatem .*

**Q**um impius Dioscorus in Ephe-  
 sino latrocinio per summum ne-  
 fas & Apostolicae Sedis contem-  
 tum Eutychem absolvisset ; Flavia-  
 num & Eusebium Dorylaeum damnas-  
 set , suisque Sedibus dejecisset ; Epi-  
 stolam Magni Leonis in Synodo legi  
 vetasset , in ipsummet Leonem anathe-  
 matis sententiam pronunciaisset ; de-  
 nique plures Episcopos , ut suis scele-  
 ribus consensum praeberent , minis ac  
 terroribus compulisset : Magnus Leo  
 hisce statim occurrere nefariis ausibus ,

Apostolici esse muneris iudicavit . Ita-  
 que , etsi sub quadam Synodi genera-  
 lis imagine haec a Dioscoro perpetrata  
 fuissent , eaque propterea nullo re-  
 tractatui obnoxia Theodosius Impera-  
 tor iudicaret ; attamen Leo nequa-  
 quam a profanae Synodi actis ad legiti-  
 mam Synodum velut ad superiorem  
 Iudicem appellavit ; quemadmodum  
 ad ipsum Leonem Flavianus appella-  
 verat : sed ipse suo iure & auctori-  
 tate omnia rescidit ; Eutychem , ni-  
 si prioribus erroribus damnatis , a ne-  
 mine absolvi potuisse declarat ; Flavianum & Eusebium Dorylaeum in  
 sua communione indivulsi retinet ; ne-  
 minem , qui in eisdem Flaviani adhuc  
 superlitis locum subrogatus fuisset ,  
 suae communionis participem futurum  
 esse denunciat ; Anatolium in ejus jam  
 demortui locum susceptum non ante ad  
 communionem admittit , quam suam  
 ad Flavianum Epistolam propria sub-  
 scriptione signaret ; itauit vel ipsum  
 Eutychem Ecclesiae pace donandum ,  
 si dato libello nefarium haeresim dete-  
 stetur ; Episcopos in exilium ejectos ,  
 suisque Sedibus inique deturbatos , eis-  
 dem esse restituendos ; qui autem vi  
 metuque in Dioscori nefaria acta con-  
 senserant , si digna satisfactione cul-  
 pam eluant , suis debere locis manere ;  
 denique qui praecipue cum Dios-  
 coro auctores scandali fuerant , hos  
 esse Sedis Apostolicae iudicio refer-  
 vandos . Ad haec , ut Synodus legiti-  
 ma celebretur , summa ope contendi-  
 dit ; non quod ejusmodi decreta velut  
 non satis firma , & absque Synodi au-  
 ctoritate nutantia retractentur ; sed ut  
 iis universa Ecclesia obsequente , & in  
 eadem publice ac solenniter consen-  
 tiente , injuria reparetur , quae fue-  
 rat

rat Apostolicae Sedi in latrociniali Synodo illata.

Haec omnia variis ex Leonis Epistolis decerptis locis illustrari possunt. Dogmaticas Praesulum Romanorum Epistolas non eo ad Concilia generalia transmitti, ut a Patribus retractentur, verum ut juxta illas veluti fidei regulas de dogmatibus judicent, in suis ad Theodosium Imperatorem & Pulcheriam Augustam litteris Sanctus Leo luculenter aperteque significat; quum scilicet disertis verbis docet, ideo profanam Synodum omnia fuisseque miscuisse, & ab avita fide immaniter aberrasse, quod hanc regulam nequaquam sequuta sit, imo ne ea Patribus proponeretur, Dioscorus prohibuisset. Jure autem meritoque Legatos Apostolicae Sedis fuisse in Synodo protestatos, se numquam iis consensuros, nec ullius unquam momenti ac roboris futura esse, quae praeter Leonis sententiam in ea Synodo gerebantur: (a) Litteris Clementinae vestrae, quas dudum ad Beati Petri Apostoli Sedem pro Catholicae Fidei amore misistis, tantam fiduciam sumimus defendendae per vos veritatis & pacis, ut in causa tam simplici tamque munita, nihil putaremus posse existere quod noceret; praefertim quum ad Episcopale Concilium, quod haberi apud Ephesum praeceperitis, tam instructi sint missi ut si scripta, quae vel ad S. Synodum, vel ad Flavianum Episcopum detulerunt, Episcoporum publicari auribus, Alexandrinus permisset Antistes, ita manifestatione purissimae fidei, quam divinitus inspiraram & accepimus & tenemus, omnium con-

certationum strepitus quievisset, ut nec imperitia ultra desiperet, nec occasionem nocendi aemulatio reperiret. Sed dum privatae causae religionis exercentur obtentu, commissum est impietate paucorum, quod universam Ecclesiam vulneraret. . . . Quod nostri ab Apostolica Sede directi adeo impium & Catholicae Fidei contrarium esse viderunt, ut ad consentiendum nulla potuerint oppressione compelli; constanterque in eadem Synodo, ut decuit, fuerint protestati, nequaquam id quod constituebatur, Sedem Apostolicam recepturam. Et in Epistola ad Pulcheriam (b): Et ii quidem, qui missi sunt . . . reclamant in Synodo, sicut oportuit, unius hominis non tam judicio, quam furori protestantes, ea quae per vim metumque gererentur, Sacramentis Ecclesiae, & ipsi Symbolo ab Apostolis instituto praedicare non posse; nec se ab ea fide ulla injuria separandos quam plenissime expositam atque digestam, a sede Beati Apostoli Petri ad Sanctam Synodum detulissent: Cujus cum recitatio poscentibus Episcopis non sit admissa. . . . generatio Jesu Christi secundum carnem, & verae mortis ac Resurrectionis eius confessio, (quod borremus dicere) solveretur. En quo praeceptum agitur Synodus ex universo fere orbe collecta, fidei regulam, & judicii formam ab Apostolica Sede praescriptam temere abjicit, aut non sibi ob oculos ponit. Quod si Romanorum Pontificum solennia de fide judicia jure in generalibus Synodis retractantur, imo ut inibi retractentur, eo per Legatos Dogmaticae ipsorum Epistolae deferuntur; temere

(a) 1. Par. Conc. Chalced. Epist. XIX.

(b) Ibid. Epist. XXI.

mere prorsus Leonis Magni Legati protestati in Synodo sunt, numquam se ab ea fide ulla injuria separandos, quam plenissime expositam atque digestam, a Sede Beati Petri Apostoli ad Sanctam Synodum detulissent. Quum potius ad Synodi judicium respicere debuissent; non autem illo praejudicatam de Leonis litteris opinionem adferre.

Verum, quam forti animo Dioscorigenae se se Legati opposuerint, & non modo Leonis de ipsa Catholica fide, verum & de Flaviani persona ejusque religionis integritate judicium tutati sint, unus eorum Hilarus Diaconus, his ad Pulcheriam verbis declarat (a): *Verumtamen confidens de auxilio Christi, quod attinet ad damnationem Reverendissimi & Sanctissimi Viri, innocentem me integrumque servavi, licet nulla flagella, nulla tormenta me possent facere ejus consentire sententiae: sed omnibus derelictis exinde discessi, per incognita & invia loca Romam veniens, ut Reverendissimo Papae omnium, quae in Epheso gesta sunt, idoneus nuntiator existerem.* Deinde eidem Augustae significat, omnia a Leone rescissa reprobataque fuisse, quae perperam, & praeter Sedis Apostolicae sententiam ausus Dioscorus fuerat: *Vestra itaque veneranda clementia cognoscat, a praefato Papa, cum omni Occidentali Concilio, reprobata omnia, quae in Epheso contra Canones, per tumultus & odia saecularia, a Dioscorigenae Episcopo gesta*

*sunt; & nulla ratione haec in his partibus suscipi posse, quae per potentiam praedicti, non sine laesione fidei, & praepudio Sanctissimi Viri innoxique commissa sunt.*

Quod ad Flavianum pertinet Ecclesiae communionem suaeque sede injuste dejectum, haec in variis Epistolis de illo Sanctissimus Pontifex statuit. 1. Eidem Augustae significat (b), *quoniam Flavianus Episcopus in nostra, inquit, omnium communione persistit: atque hoc quod factum est sine consideratione iustitiae, & contra omnium Canonum disciplinam ratum haberi, ratio nulla permittit.* 2. Clero populoque Constantinopolitano denunciat (c), *quod quisquis incolumi atque superstite Flaviano Episcopo vestro, Sacerdotium ejus ausus fuerit invadere, nunquam, inquit, in communione nostra habebitur, nec inter Episcopos poterit numerari.* 3. Mortuo Flaviano laudatae saepius Augustae gratias agit, *quod reliquias, inquit (d), Sanctae Memoriae Flaviani innocentis & Catholici Sacerdotis ad Ecclesiam, cui bene praefuit, fecistis cum honore debito revocari.* 4. Eidem similiter in eadem Epistola gratias agit, *quod, inquit, Sacerdotes Catholicos, qui de Ecclesiis suis injusta fuerunt dejecti sententia, reduxistis: quod quidem auctore Leone factum esse, certa & explorata res est.* Denique eidem in eodem loco significat, *Fratrem, inquit, Coepiscopum nostrum Eusebium nobiscum degere, & nostrae communionis esse consortem,*  
cujus

(a) Ubi supra Epist. XXIV.

(b) Ubi supra Epist. XXI.

(c) Ibid. Epist. XXII.

(d) Epist. XXXIX. Tom. IV. Conciliorum.

cujus commendamus Ecclesiam, quam dicitur vastare, qui illi injuste asseritur subrogatus.

Mortui Flaviani locum & Sedem Anatolius obtinebat; ejus autem electionem antequam probet Leo, eumque in communionem recipiat, quid illi praeistandum sit, propria absolutaque decernit auctoritate; ut nimirum Epistolam ad Flavianum solenni subscriptione recipiat, ut Ephesinae Synodi gesta repudiet, & qui ipse ad Flavianum litteris refragantur, eos a sua communione repellat: Ita enim scribit S. Pontifex ad Theodosium Imperatorem (a): Catholicorum sententiis toto corde consentiat; ita ut sinceram communis fidei professionem absolutissima subscriptione coram omni Clero, & universa Plebe declaret; Apostolicae Sedi, & universis Domini Sacerdotibus, atque Ecclesiis publicandam. . . . Quia vero & nos, & Beati Patres nostri, quorum doctrinam & veneramur & sequimur, in unius fidei concordia sumus, sicut Provinciarum omnium protestantur Antistites; agat Clementiae vestrae devotissima fides, ut quamprimum ad nos Constantinopolitani Episcopi, qualia debent probati & Catholici Sacerdotis, scripta perveniant, aperte scilicet atque dilucide protestantia, quod si quis de Incarnatione Verbi Dei aliud aliquid credat aut asserat, quam Catholicorum omnium & mea professio protestatur, hunc a sua communione secernat; ut ei fraternam in Christo caritatem merito possimus impendere. Et in Epistola ad Pulcheriam Augustam (b): Simplex

est absolutumque quod posco, ut remoto longarum disputationum labore Sanctae memoriae Cyrilli Alexandrini Episcopi Epistolae, quam ipse ad Nestorium miserat, acquiescat. . . . & Epistolae meae, quae ad Sanctae recordationis Flavianum Episcopum est directae, consentiat. Quibus vigilanter inspectis, Constantinopolitanus Antistes repudiandum sibi, quod ansa est contra puram & singularem fidem imperita insipientia desinire, incunctanter agnoscat: quia & mea, & Sanctorum Patrum de Incarnatione Domini concors per omnia & una confessio est. Quam si quis existimaverit non sequendam, ipse se a compage Catholicae unitatis abscindet: quum tamen nos ut in integrum omnia revocentur, optemus. Cyrilli Alexandrini ad Nestorium, quas Caelestinus Pontifex & Synodus Ephesina probaverat, & suas ad Flavianum litteras, quas nondum ulla Oecumenica Synodus susceperat, eodem in censu collocat; utrumque aequo jure exigit suceptionem, & qui hasce perinde ac qui illas contemserit, veluti pari scelere implicitis ab Ecclesiae Catholicae communione atque unitate repellit. Porro Anatolius neutiquam caussatus est, Leonis Epistolam, perinde atque illam Cyrilli, nondum fuisse ab Oecumenica Synodo retractatam, causam nondum fuisse orbis adunati consensione finitam, debere omnia in suspenso manere ad usque Concilii Oecumenici celebrationem: nihil, inquam, horum Anatolius obtendit: sed, quem admodum ab Augusta Leoni per litte-

ras

(a) 1. Par. Conc. Chalced. Epist. XXXII.

(b) Tom. IV. Conc. Epist. XXXV.



tas significatum est, statim laudatam Epistolam Anatolius suscepit, eamque propria subscriptione signavit (a) : *Sanctissimus . . . . Anatolius . . . . tuarum literarum Apostolicam confessionem complectitur . . . . & Epistolae similiter Catholicae fidei, quam ad Sanctae memoriae Flavianum Episcopum tua Beatitudo direxit, sine aliqua dilatione subscripsit.*

De lapsis quoque in Ephesino Laticinio variae in variis Epistolis a Magno Leone regulae praescriptae sunt. 1. Autem id generatim statuit in quadam ad Pulcheriam Epistola (b), ut correctis, & quae male sunt facta, propria subscriptione damnantibus . . . . pacis gratia tribuatur: quia devotionis utrumque est Christianae, ut & pertinentes severitas iusta coerceat, & conversos caritas non repellat. 2. Huiusce decreti vim luculentius exponens in Epistola ad Anatolium (c), eos tantum in praesentia Catholicae communionis & pacis participes esse decernit, qui plenius satisfactionibus male gesta condemnant, & accusare magis se eligunt, quam tueri: ita ut digno prius anathemate, quae contra fidelem Catholicam sunt recepta, damnantur. Ita ut non dubiis professionibus [quemadmodum in alia Epistola id magis explanans ait] Eutychem cum suo Dogmate, cumque consortibus suis anathematis exsecratione condemnent (d). Quod vero ad alios communionis quidem Catholicae cupidos, sed, ut videtur, ad sa-

tisfaciendum segniores, statuit; ut suarum interim Ecclesiarum sint communionem contenti. 3. in eadem ad Anatolium Epistola aliud in haec verba decretum exstat: *De nominibus autem Dioscori, Juvenalis, & Eustathii ad sacrum altare non recitandis, dilectionem tuam hoc decet custodire, quod nostri ibidem constituti faciendum esse dixerint; quodque honorandae Sancti Flaviani memoriae non repugnet, & a gratia tua Christianae plebis animos non avertat. Nam iniquum nimis est atque incongruum eos, qui innocentes & Catholicos sua persecutione vexarunt, Sanctorum nominibus sine discretionem misceri; quum damnatam impietatem non deserentes, ipsi se sua pravitate condemnent, quos convenit aut percelli pro perfidia, aut laborare pro venia.* 4. De his eisdem aliisque, qui in Ephesina Pseudo-Synodo aut scandali auctores fuerant, aut in hac causa gravius peccaverant, statuit, (e) ut si forte resipiscunt, & a facti sui defensione cessantes in condemnationem proprii convertuntur erroris, horum si satisfactio talis accedit, quae non refutanda videatur, maturioribus Apostolicae Sedis consiliis reservetur; ut examinatis omnibus atque perpensis, de ipsis eorum actionibus quid constitui debeat, aestimetur. Neque prius in Ecclesia, cui te Dominus voluit praesidere, cuiusquam talium [ut ante iam scripsimus] nomen ad altare recitetur, quam quid de eis constitui debeat, re-

T. I. P. I.

O

rum

- (a) 1. Par. Conc. Chalcedon. Epist. XXXV.  
(b) Tom. IV. Conc. Epist. XXXIX.  
(c) Ibid. Epist. XL.  
(d) Ibid. Epist. ad Anatol. XLVI.  
(e) Epist. cit. ad Anatol.

rum processus ostendat. Denique prae-ter paucos illos, quos auctores saevif-  
simorum turbinum in alta ad Pulcheriam  
Epistola appellat; quos tamen interim  
permittit, suas obtinere Sedes, &  
Episcopatus sui honore potiri, de aliis  
pene omnibus scribit jam eos fuisse  
juxta formam ab Apostolica Sede prae-  
scriptam Ecclesiae Catholicae recon-  
ciliatos (a): *Siquidem pene omnes, qui in consensum Praesidentium (Ephesino Latrocinio) aut traducti fuerant aut coacti; rescindendo quod statutum fuerat ab illis, & condemnando quod scripserant, perpetuam culpae abolitionem, & Apostolicae Sedis gratiam sint adepti.*

Hoc itaque loco res Ecclesiae erant, antequam Synodus Chalcedonen-  
sis celebraretur: Eutychis haeresim ejus-  
que Sectatores, Dioscori impietatem,  
Ephesi latrocinium pene omnes damna-  
bant: Leonis Epistolae pene ab omni-  
bus subscribebatur: denique pene om-  
nes fuerant Ecclesiae Catholicae com-  
muni auctoritate ac benignitate Se-  
dis Apostolicae restituti. Quid ergo,  
rebus ita compositis, necesse fuit, Oe-  
cumenicam Synodum celebrari? Atta-  
men voluit Leo, ut propter paucos,  
qui adhuc reluctabantur, Synodus co-  
geretur; non quia necesse erat vel ad  
firmandam fidem, perinde atque ad-  
huc nutaret, vel ad fanciendam disci-  
plinam; verum quia & paucos illos  
cupiebat ab exitio benignissimus Ponti-  
fex revocare: ut scilicet, quemad-  
modum ipse scribit ad Marcianum Au-  
gustum (b), *compressa, vel remota*

*inquietitudine ac pravitate paucorum . . . . a Sacramento singularis fidei ne-  
mo invenitur alienus: sed damnata  
impietate haereos, nullum de perdi-  
tione cujusquam Catholica Ecclesia sen-  
tiat detrimentum.* Quibus etiam ac-  
cedit, quod quemadmodum superius  
est nobis animadversum, volebat  
Leo, injuriam per impiam & praeda-  
toriam Synodum Sedi Apostolicae illa-  
tam per legitimam Synodum refarciri;  
& Dioscorum, qui in plenaria totius  
Orientis Synodo fuerat debacchatus,  
in Oecumenico totius Christiani orbis  
Concilio aut praeteritorum scelerum  
veniam demisse & cum lacrymis depre-  
cari, aut debitam suis facinoribus dam-  
nationis poenam subire; ut nimirum,  
quemadmodum ait Gelasius, quaecum-  
que in Apostolicae Sedis contemptum  
male gesta Synodus ausa fuerat, per  
bene gestam Synodum solverentur.  
Quamquam haec ipsa, quae in totius  
religionis perniciem in Ephesino latro-  
cinio Dioscorus gesserat, jam antea  
Sedes Apostolica suo jure, suaeque  
dumtaxat auctoritate resciderat (c):  
*Sanctae memoriae Flavianum, Ponti-  
ficum congregatione damnatum, quo-  
niam sola Sedes Apostolica non con-  
sensit absolvit; potiusque, qui illic re-  
ceptus fuerat, Dioscorum secundae  
Sedis Praesulem sua auctoritate damna-  
vit; & impiam Synodum non con-  
sentiendo sola submovit; ac pro veritate  
ut Synodus Chalcedonen-  
sis fieret, sola decrevit; id est, quum illa omnia sua  
tantum auctoritate Sedes Apostolica  
peregisset, in ejus voluntate & arbi-  
trio*

(a) Epist. LI. ad Pulcher. Tom. IV. Concil.

(b) Epist. LI. ad Pulcher. Tom. IV. Concil.

(c) Epist. XIII. ad Episcop. Dardan.

trio positum erat, ut ad haec ipsa iterum decernenda Chalcedonensis Synodus cogeretur.

ARTICULUS II.

*Summam emicare Sedis Apostolicae auctoritatem in Dioscori per Chalcedonensem Synodum damnatione.*

**S**umma Romani Pontificis & Sedis Apostolicae potestas & auctoritas emicat in iis omnibus, quae in damnatione Dioscori gesta sunt, quae nimis seque, ut quae ipsius causae parum faverent, levique brachio Illustrissimus Defensor attingit.

Primum autem considerandum occurrit, quod statim sub ipsius Synodi initium, Paschasius aliique Sedis Apostolicae Legati, Dioscorum, juxta Leonis praeceptum, non suo loco inter Episcopos velut judicem, & secundae Sedis Antilitem, esse permiserunt, sed veluti reum & judicandum sedere in medio Synodi compulerunt: *Paschasius Reverendissimus Episcopus, & Vicarius Sedis Apostolicae, cum in medio una cum his viris Reverendissimis Collegis suis stetit, dixit: „Beatissimi atque Apostolici Viri Papae, urbis Romae quae est Caput omnium Ecclesiarum, praecepta habemus prae manibus, quibus praecipere dignatus est ejus Apostolatus, ut Dioscorus non sedeat in Concilio, sed audiendus intronitatur. Hoc nos observare necesse est. Si ergo praecipit vestra magnificentia, aut ille egrediatur, aut nos eximus. Quibus Graece interpretatis, per Beronicianum virum devotissimum, & Secretarium Sacri Consistorii, gloriosis-*

*simi Judices & amplissimus Senatus dixerunt: Quid enim specialiter ingeritur Dioscoro Reverendissimo Episcopo? Paschasius . . . . dixit: Quum introitus fuerit, necesse est ut illi objiciatur. Gloriosissimi Judices &c. dixerunt: „ Ut jam intratus sumus, causa quae objicitur specialiter manifestetur. Lucentius Reverendissimus Episcopus, & Vicarius Sedis Apostolicae dixit. „ Judicii necesse est eum dare rationem, quia quum personam judicandi non haberet, & Synodum ausus est facere sine auctoritate Sedis Apostolicae, quod nunquam licuit, nunquam factum est. Paschasius vero . . . . dixit: „ Nos contra praecepta beatissimi atque Apostolici Papae gubernatoris Sedis Apostolicae venire non possumus, nec contra Ecclesiasticas regulas, vel contra Patrum instituta. Gloriosissimi Judices &c. dixerunt: „ Convenit, vos specialiter quod erraverit exponere. Lucentius . . . . dixit: Non patimur, tantam injuriam nec vobis fieri, nec nobis, ut iste sedeat, qui judicandus advenit. Gloriosissimi judices &c. dixerunt: „ Si Judicis obtines personam, non ut Accusator debes prosequi. Et Dioscoro religiosissimo Episcopo Alexandriae, secundum justificationem gloriosissimorum Judicum & amplissimi Senatus, residente in medio &c. In quo Synodi loco illud potissimum animadvertere est, quod Legati Sedis Apostolicae nequaquam cum Patribus, aut cum Concilio deliberant, debeat, nec ne Dioscorus inter Episcopos residere: sed omnino & absolute volunt Leonis justificationem servari, ut ille in Concilio non*

sedcat, sed audiendus intromittatur; minanturque se se exituros, nisi ille egrediatur: neque de hac re Pontificis praeceptum Oecumenicae Synodi consultationi & iudicio subijciunt; sed palam apertisque verbis declinant, ac solenniter protestantur, quod contra praecepta beatissimi Papae venire non possunt, nec contra Ecclesiasticas regulas, nec contra Patrum instituta; in quibus verbis Papae praecepta Ecclesiasticis regulis, in quibus praecipuum locum obtinent generalium Conciliorum Canones, anteponunt: neque Pontificis Romani decretis minorem, quam Synodorum generalium, Canonibus auctoritatem tribuunt; quum illis perinde atque istis refragari sese nullatenus posse profiteantur. Deinde & illud animadvertendum, id unum hoc loco Dioscoro a Legatis objici, quod Synodum absque Sedis Apostolicae auctoritate praesumpsit & ausus est facere; quod, inquiunt, nunquam sicut, nunquam factum est. Unde illud consequens est, Synodum Oecumenicam, ut legitima sit, ex Apostolicae Sedis auctoritate pendere: subindeque Concilium Romano repugnante Pontifice celebrare, audacis esse temeritatis.

Actiōe tertia quatuor adversus Dioscorum Sanctae Synodo libelli porriguntur; primus Theodori Diaconi Alexandrini, secundus Ischyronis itidem Diaconi Alexandrini, tertius Athanasii ejusdem Alexandrinae Ecclesiae Presbyteri, quartus Sophronii: qui omnes hanc praeferrunt inscriptionem: *Sanctissimo, ac Dei amantissimo, & universali Archiepiscopo, & Patriarchae magnae Romae Leoni,*

*& Sanctae & universali Chalcedonenſi Synodo.* Ille autem Athanasii Presbyteri praeter eamdem epigraphen, hanc etiam habet subscriptionem: *Miserabilis Athanasius Presbyter nominatissimae Alexandrinae Civitatis hos libellos porrexī Sanctissimo universali Archiepiscopo & Patriarchae Leoni, & Sanctissimo & universali Concilio Sanctorum Patrum & Episcoporum.* Ubi non solum animadversione dignum est, quod Leo seorsim a Synodo nominatur, verum etiam eidem universali Concilio veluti caput reliquo corpori Sanctissimus & universalis Archiepiscopus & Patriarcha praefertur; ea prorsus ratione, qua suos pro Christiana Religione libellos primum ac seorsim Imperatoribus, deinde universo Senatui S. Justinus inscripsit. Quod quidem, ne temere & gratis jactare videamur, facit ipsamet Sacra Synodus, quae Leonem adloquens, illum sibi *sicut membris caput* [a], ac veluti Patrem-familias filiis, praefuisse testatur: *Sicut nos CAPITI in bonis adjecimus consonantiam, sic & SUMMITAS TUA FILIIS quod decet, adimpleat.*

Attamen potissimum consideranda venit, & cum omni adcuratione ac diligentia expendenda forma sententiae, quam Legati Sedis Apostolicae, & per eos universa Synodus adversus Dioscorum protulerunt. Eam hic primum integram repraesentabo, deinde aliquot in illam meas observationes subijciam.

Quum Dioscorus ter vocatus iudicio sese non sisteret, Paschasium Leonis Legatum, Patrum de illo sententiam saepius rogantem, inter alios Julianus Epif-

Episcopus Hypaepensis sic affatur :

„ 1. Nunc vestra Sanctitas prima-  
 „ tum tenet Sanctissimi Leonis . . . . .  
 „ Petimus igitur vestram Sanctitatem,  
 „ qui habes , magis autem qui habe-  
 „ tis locum Sanctissimi Leonis , pro-  
 „ mulgare in eum , & regulis insitam  
 „ contra eum proferre sententiam .  
 „ Omnes enim , & tota universalis  
 „ Synodus concors efficitur vestrae  
 „ sanctitatis sententiae . *Paschasius*  
 „ *Episcopus dixit* : Iterum dico : Quid  
 „ placeat Beatitudini vestrae ? *Maxi-*  
 „ *mus Episcopus magnae Antiochenae*  
 „ *Civitatis dixit* : Quod videtur San-  
 „ ctitati vestrae , & nos concordēs  
 „ efficiamur .  
 „ 2. *Paschasius Episcopus Lilybae-*  
 „ *tanus &c. & cum ipso Lucentius*  
 „ . . . . . & *Bonifacius . . . . . tenen-*  
 „ *tes locum Sanctissimi & beatissimi*  
 „ *Archiepiscopi Apostolicae Sedis ma-*  
 „ *gnae & senioris Romae Leonis , pro-*  
 „ *nunciaverunt* : Manifesta facta sunt ,  
 „ quae a Dioscuro quondam Alexan-  
 „ driae magnae Ecclesiae Episcopo  
 „ commissa sunt adversus sanctarum  
 „ regularum ordinem , & Ecclesia-  
 „ sticam disciplinam , tam ex iis ,  
 „ quae dudum examinata sunt in prio-  
 „ ri confesso , quam ex iis , quae ho-  
 „ die acta sunt . Hic enim , ut plu-  
 „ rima intermittamus , Eutychem si-  
 „ millia sibi sapientem , & regulariter  
 „ a proprio damnatum Episcopo , [ id  
 „ est , a Sanctissimo Patre nostro , &  
 „ Archiepiscopo quondam Flaviano ]  
 „ praesumens sibi primatum , irregu-  
 „ lariter in communionem suscepit ,  
 „ priusquam consideret in Epheso  
 „ cum Dei amantissimis Episcopis .  
 „ 3. Sed illis quidem Apostolica  
 „ Sedes veniam praestitit de iis , quae

„ ibi non voluntarie ab eis gella sunt ,  
 „ qui & haecenus permanserunt obe-  
 „ dientes Sanctissimo Archiepiscopo  
 „ Leoni , & omni sancto & universa-  
 „ li Concilio : hujus gratia & in sua  
 „ communione eos sicut confideles  
 „ suscepit . Hic autem & haecenus  
 „ permansit glorians in eis , pro qui-  
 „ bus eum oportebat gemere , & se  
 „ terrae prostrernere .  
 „ 4. Super haec vero neque Epi-  
 „ stolam legi permisit Beatissimi Pa-  
 „ pae Leonis scriptam ad Sanctae me-  
 „ moriae Flavianum , & hoc frequen-  
 „ ter rogatus a Portitoribus recitari  
 „ eam , & cum juramento fieri le-  
 „ ctionem promittens , qua non lecta ,  
 „ scandalum & laesionem Sanctae  
 „ Dei Ecclesiae per totum orbem ter-  
 „ rae pertulerunt .  
 „ 5. Sed tamen talibus ab eo au-  
 „ dacter commissis , deliberabamus ,  
 „ ut de priore sua pessima actione ali-  
 „ qua ei praestaretur clementia , sicut  
 „ & ceteris Reverendissimis Episco-  
 „ pis , & iis , qui neque similem ei au-  
 „ thoritatem judicandi habuerunt .  
 „ 6. Sed quoniam secundis excess-  
 „ sibus priorem iniquitatem valde  
 „ transcendit ; [ praesumpsit enim &  
 „ excommunicationem dictare adver-  
 „ sus Sanctissimum & beatissimum  
 „ Archiepiscopum magnae Romae  
 „ Leonem : ] insuper etiam multi  
 „ Libelli . . . . contra eum . . . . oblati  
 „ sunt &c .  
 „ 7. Unde Sanctissimus & beatif-  
 „ simus Archiepiscopus magnae & se-  
 „ nioris Romae Leo per nos , & per  
 „ praesentem Sanctam Synodum , una  
 „ cum ter beatissimo , & omni laude  
 „ digno beato Petro Apostolo , qui  
 „ est petra , & crepido Catholicae  
 „ , Eccle-

„ Ecclesiae , & rectae fidei funda-  
 „ mentum , nudavit eum tam Episco-  
 „ patus dignitate ; quam etiam & ab  
 „ omni sacerdotali ministerio ostendit  
 „ alienum .

Summae , & a generali Concilio nullatenus dependentis Romani Pontificis auctoritatis plura eaque illustria hic locus suppetit argumenta ; quibus accuratius enucleandis , libet hic aliquot subijcere observationes .

1. *Vestra Sanctitas primatum tenet &c.* Omnes enim & tota universalis Synodus concors efficitur vestrae Sanctitatis sententiae . Vim hujus loci ipsa met Sacra Synodus luculentius exponit in sua ad Leonem Relatione : *Quibus tu quidem , sicut membris caput , praeeras in his , qui tuam tenebant ordinem .* Et infra : *Sicut nos capiti in bonis adjecimus consonantiam , sic & summitas tua filiis quod decet , adimpleat .* Ergo jure primatus Romanus Pontifex Patribus in Oecumenica Synodo congregatis praeest , sicut caput membris , & sicut filiis pater : Episcopi autem in generali coacti Concilio Romani Pontificis sententiae concordantes sunt , quemadmodum membra capiti consona esse debent , & filii patris amplecti sententiam . Porro jure naturae , seu naturali ordine Caput dirigere membra debet . & Pater filios , penes quem tota gubernandae familiae auctoritas est ; quomodo & in corpore vis tota residet ad regendum corpus . Et quidem filiorum cum patre , & membrorum cum capite consonantia efficit , ut pax familiae floreat , & sinu vividumque sit corpus ; perpetuam tamen inde conficeretur , aut re-

gendae familiae auctoritatem non resistere totam in patre , sed in universa familia , aut vim membrorum directricem non in solo capite , sed in universo esse corpore constitutam . Quid ergo sibi vult Bosluetius , quum in hoc capite ait : , Sic a Petro capite , atque unitatis fonte orta sententia in summam vim porro deducitur consensio , ne communi , ? Si enim vult , vim ipsam & auctoritatem capitis ex membrorum consensione pendere , perinde id esset , atque ex rivulo ejusque recta dispositione pendere , ut fons aquis abundet : Si autem vult , membrorum sibi consentientium ministerio vim suam & auctoritatem caput efficacius exercere ; huic sensui neutiquam refragatur : nam & ex rivuli recta dispositione pendet , ut aqua ex fonte promanans neutiquam in suo cursu turbetur .

2. *Irregulariter in communionem suscepit , priusquam consideret in Ephe- so cum Dei amantiſſimis Episcopis.* Dioticori facinus ante Concilii sententiam recipientis Eutychem ad communionem amplius exaggeratur in Epistola Synodi ad Imperatores (a) : *Eutychi aegrotanti impietate Monachi & legitime abdicato , tam Sacerdotium , quam Monachorum principatum ante decretum Synodale irregulariter reddidit ; & haec cum Sanctissimus & Beatiſſimus magnae Romae Archiepiscopus Leo per easdem literas ( ad Flavianum ) convenientia decrevisset , & sceleratam Eutychis in scriptis damnasset perfidiam .* Porro horum verborum sensus non est , potuisse Eutychem a Leone damnatum , & Monachorum principatu dejectum , a Diotico Synodali sententia

(a) Ad. III. Concil. Chalcedon,

tia ad communionem recipi, & in suum locum, ipso inconsulto Leone, restitui; quum, ut superius vidimus, id imprimis Dioscoro crimini datum sit, quod ausus fuerit, Synodum sine auctoritate Sedis Apostolicae celebrare. Verum Leo ipse in suis cum ad Imperatores, tum ad Synodum Ephesinam Epistolis indulserat, ut de ipsis etiam, qui imprudenter erraverat, restitutione retractaretur, eique sui ordinis communio neutiquam denegaretur, si tamen doctrinam veritatis amplectens, sensus haeticos plene aperteque propria voce & subscriptione damnaret. Quare id Dioscoro crimini datum, quod Eutychem praeter formam a Leone praescriptam in suum locum restituisset.

3. *Sed illis quidem Apostolica Sedes veniam praestitit, &c.* Notandum, eorum causam, qui in Ephesino latrocinio ceciderant, neutiquam retractari; propterea quod eis veniam Apostolica Sedes praestiterat: retractari autem vel examinari causam Dioscori, & aliorum, qui in eo latrocinio praecipua totius scandali causa fuerant; propterea quod de illis nondum certum fixumque iudicium Sedes Apostolica statuisset. Quare quod Sedes Apostolica decernit, jure suo irretactabile est. Quod etiam magis patebit, quum de Theodoriti susceptione inferius disseremus.

4. *Super haec vero neque Epistolam legi permisit Beatissimi Papae Leonis . . . . qua non lecta, scandalum & laesionem Sanctae Dei Ecclesiae per totum orbem terrae pertulerunt.* Consona haec sunt iis, quae supra articulo

primo ex S. Leonis ad Theodosium & ad Pulcheriam Epistolis demonstravi; nempe id unum Ephesinam Synodum egisse praecipitem, quod ipsis Magni Leonis ad S. Flavianum Epistolam sequuta in suo iudicio non est; & propterea a veritatis scopo turpiter aberrasse, quod hanc fidei regulam non sibi ob oculos posuit. Unde consequens est, Dogmaticas Romanorum Pontificum Epistolas, non eo per Legatos ad Synodos universales deferri, ut de illis iudicetur; verum ut juxta illas tamquam certissimas fidei regulas & formas, de iis, quae veniunt in controversiam, Patres iudicent.

5. *Sed tamen talibus ab eo audacter commissis, deliberabamus &c.* De Dioscoro, aliisque, qui in Ephesina Pseudo-Synodo in damnatione S. Flaviani, & Eusebii Dorylaetani principem locum obtinuerant, ideo in Chalcedonensi Synodo deliberatum, quoniam nihil adhuc certi de illis S. Leo statuerat; sed eorum causam primum Apostolicae Sedi reservaverat, deinde ipsi Concilio permiserat. Qua de re ita scripserat S. Pontifex ad Pulcheriam Augustam. [a]. Nullis unquam Epistolis definiti, etiam talibus, si respiscerent, veniam denegandam . . .

*Sed potius cum gementibus gemimus, cum stentibus stemus, & sic utimur iustitia commotionis, ut non amittamus remedia caritatis. Si ergo clementia vestra propositum nostrum considerare dignetur, probabit me eo consilio cuncta gessisse, ut sine cuiusquam animae detrimento, haereseos tantum obtineretur extinctio; & ob hoc circa Auctores*

(a) Epist. LI. Tom. IV. Concil.

*flores saevissimorum turbinum quiddam consuetudinis minuisse, ut ad indulgentiam postulandam, compunctione aliqua possit eorum tarditas excitari. Qui etsi post illud iudicium suum, tam impium quam iniustum, non sunt Catholicae fraternitati ita honorabiles, ut fuerant; suas tamen adhuc retinent Sedes, & Episcopatus sui honore potiantur: aut per veram & necessariam satisfactionem pacem Ecclesiae recepturi, aut si haerescim, quod absit, tuebuntur, professionis suae merito iudicandi. Itaque juxta S. Leonis voluntatem, & hi saevissimorum turbinum Auctores, nempe Juvenalis Hierosolymitanus, Thalassius Caesariensis, Eulëbius Ancyranus, Basilii Seleucienfis, & Eustathius Berytensis ipsius S. Leonis Epistolae subscribentes, & Synodo recepti sunt.*

6. *Sed quoniam..... praesumpsit excommunicatione in dictare &c. Celebrerrimus hic locus est, & ad comminendam Romani Pontificis praesidentem omnibus dignitatem accommodatissimus, eoque titulo a Leonis Successoribus saepius in medium prolatus [a]. Est enim profecto adnotatione & admiratione dignum, quod Dioscorus, post S. Flaviani iniquissimam depositionem, & immanissimam eadem; post Eutychetis restitutionem & Eutychianae perfidiae adprobationem; post Synodi Ephesinae gratiationem & tyrannidem; post constupratam, quantum in ipso fuit, Catholicam fidem; excommunicationis sententiam in S. Leonem intorquens, dicatur, secundis excessibus priorem iniquitatem valde*

*transcendisse. Neque haec peculiaris Legatorum sententia fuit; verum in eundem sensum haec ad Marcianum Imperatorem post Action. 3. Synodus universa conscripsit: Quoniam super alias suas nequitias, & adversus ipsam Apostolicam Sedem latravit, & excommunicationis literas adversus Sanctissimum & beatissimum Papam Leonem facere conatus est. Et in Relatione ad ipsum S. Leonem eadem sacra Synodus ait: Et post haec omnia, insuper & contra ipsum, cui Vineae custodia a Salvatore commissa est, extendit insaniam, id est, contra tuam quoque Apostolicam Sanctitatem, & excommunicationem meditatus est contra te, qui corpus Ecclesiae unire festinas. Sed & illud magis mirandum, quod Actione quinta Anatolius Constantinopolitanus Episcopus ait: Propter fidem non est damnatus Dioscorus, sed quia excommunicationem fecit Domino Archiepiscopo Leoni; perinde ac cetera ipsius flagitia adeo immane scelus oblitterasset. Itaque Synodi Chalcedonensis iudicio, minoris sceleris fuit, in ipsam vineam, id est, universam Ecclesiam, fidem Catholicam subvertendo, grassari; quam in Vineae Custodem, nempe in eum, cui iure Divino vineae totius, seu Ecclesiae universae principatus traditus est; qui adeo pro Capitis officio, membra totius corporis sui lacera sibi recolligere laborabat, impie debacchari. Nam in laudata ad Leonem Relatione Patres praemisferant: sicut singularis ferus in Vineam irruens, quam optimam reperit, plantationem evertit: ac deinde adjunxerunt: Insu-*  
per

(a) Vid. Nic. r. Epist. VIII. ad Mich. Imperat. & Hadrian. II. Epist. ad Ignat. Aa. III. VIII. Synodi, & ibid. Aa. VII. Suggest. Rom. Synod. ad eundem.



*per & contra ipsum , cui vineae custodia a Salvatore commissa est , extendit insaniam &c.* Si autem pro graviore scelere habitum est , in vineae Custodem insanire , quam in totam grassari vineam ; illud profecto consequens est , in maiori fuisse apud veteres veneratione solius Capitis , quam reliqui corporis auctoritatem .

7. Unde Sanctissimus & Beatissimus Archiepiscopus . . . . Leo per nos , & per praesentem Sanctam Synodum &c. Et hic locus maximi ad causam nostram momenti est ; ac videri possunt quae ad eum illustrandum ex Concilio Basileensi profert Cl. Thomassinus Dissert. XII. de Synodo Chalcedonensi . XXXI.

### ARTICULUS III.

*Quae superioribus Articulis dicta sunt , variis Imperatorum & Augustarum in suis Epistolis testimoniis confirmantur .*

**A**D ea , quae in superioribus Articulis dicta sunt , confirmanda , nihil luculentius adferri potest , quam quae laudatae Valentiniani & Marciani Imperatorum , Eudoxiae , Gallae Placidiae , & Pulcheriae Augustarum Epistolae nobis suppeditant testimonia ; ex quibus aperte colligitur , Romanum Pontificem summam exercuisse in Conciliis generalibus auctoritatem ; eique subjectas fuisse generales Synodos tamquam supremo Judici , Principi , Capiti , Auctori , ac Moderatori rerum omnium , quae per eas decernebantur , aut agebantur . Quid enim sibi aliud volunt haec Valentinia-

ni ad Theodosium verba (a) ? Debeamus dignitatem propriae venerationis Beato Apostolo Petro intemeratam & in nostris temporibus conservare : quatenus Beatissimus Romanae Civitatis Episcopus , cui principatum Sacerdotii super omnes antiquitas contulit , locum habeat ac facultatem de fide & Sacerdotibus judicare : Huius enim rei gratia secundum solemnitatem Conciliorum & Constantinopolitanus Episcopus eum per libellos appellavit , propter contentionem , quae orta est de fide . Huic itaque posulanti & conjuranti salutem nostram communem , annuere non negavi , quatenus ad tuam mansuetudinem meam petitionem ingererem , ut praedictus Sacerdos , congregatis ex omni orbe Sacerdotibus intra Italiam , omni praejudicio submoto , a principio omnem causam , quae vertitur , sollicita probatione cognoscens , sententiam ferat , quam fides & ratio verae Divinitatis expostulat . In his Valentiniani verbis haec potissimum adnotanda sunt .

1. Quod Romano Pontifici principatum Sacerdotii super omnes antiquitas contulit , id est , antiqua , & ab ipsa Christianae religionis origine derivata traditio . 2. Quod propterea locum habere debet ac facultatem de fide & Sacerdotibus iudicandi . 3. Quod ejusmodi in Romano Pontifice auctoritatem agnoscens , ad eum propter contentionem de fide ortam Flavianus iuxta solennes Conciliorum Canones appellavit . 4. Quod ad cognoscendam Flaviani ad se appellantis causam cupiebat Leo Oecumenicam Synodum celebrari . 5. Quod in ea Synodo debebat ipse Leo ferre sententiam , id est ,

T.I.P.I.

P

de

(a) 1. Par. Conc. Chalced. Epist. XXV.

de fide, & Sacerdotibus judicare.

Consona his ad eundem Theodosium a Galla Placidia conscripta sunt (a): *Non modicum detrimentum est ex his, quae gesta sunt, ut fides . . . . perturbata sit ad arbitrium unius hominis, qui in Synodo Ephesinae Civitatis odium & contentiones potius exercuisse narratur; militum praesentia & metu impetens Constantinopolitanae Civitatis Episcopum Flavianum, eo quod libellum ad Apostolicam Sedem miserit, & ad omnes Episcopos harum partium, per eos qui directi fuerant ad Concilium Reverendissimo Episcopo Romae, qui secundum definitiones Nicaeni Concilii consueti sunt interesse. Hac itaque gratia tua mansuetudo tantis turbis resistens, veritatem fidei Catholicae religionis immaculatam servari praecipiat, ut secundum formam & definitionem Apostolicae Sedis, quam & nos tamquam praecellentem similiter veneramus, in statu Sacerdotii illaeso manente per omnia Flaviano, ad Concilium Apostolicae Sedis iudicium transmittatur, in qua primus ille, qui Caelestes claves dignus fuit accipere, principatum Episcopatus ordinavit: quando scilicet decet, nos huic maximae Civitati, quae domina omnium est Civitatum, in omnibus reverentiam conservare. Eadem ac Valentinianus inculcat; verum ille generatim ad Canones Conciliorum; haec autem ad Nicaenos, id est, Sardicenses Canones refert Flaviani ad Leonem appellationem: ille ad Romanum Pontificem; haec autem etiam ad Occidentales Episcopos appellasse significat: Ille totius Episcopatus in Romano Pon-*

*tifice principatum ex vetere traditione; haec vero expressius ex Divino jure, & Christi ipsius institutione derivat: Quam ille Oecumenicam Synodum, haec vocat Synodum Apostolicae Sedis; quod nimirum in ea deberet Romanus Pontifex pro suo Episcopatus principatu sententiam ferre; ac propterea rogat, ut secundum formam & definitionem Apostolicae Sedis in statu Sacerdotii illaeso per omnia manente Flaviano, ad Concilium & iudicium Sedis Apostolicae transmittatur.*

*Similia & ad Pulcheriam Augustam eadem Galla Placidia conscripsit (b). Igitur tua clementia secundum Catholicam fidem, quod semper nobiscum fecit, & nunc similiter conspirare dignetur, ut quidquid illo tumultuoso miserrimoque Concilio constitutum est, omni virtute removeatur; ut omnibus integris permanentibus, ad Apostolicae Sedis iudicium, in qua primus Apostolorum Beatus Petrus, qui etiam claves regni caelestis suscipiens, sacerdotii principatum tenuit, Episcopatus causa mittatur. Debemus enim primatum in omnibus immortalis Urbis tribuere, quae totum mundum propriae virtutis dominatione replevit, & nostro Imperio orbem gubernandum servandumque commisit. Valentinianus transmitti cupit Flaviani causam ad Oecumenicam Synodum, in qua Romanus Pontifex sententiam ferat; Galla Placidia ad Theodosium scribens vult eam transmitti ad Concilium & ad Apostolicae Sedis iudicium; In hac vero ad Pulcheriam Epistola solum Apostolicae Sedis iudicium commemorat; ut scilicet intelligamus, idem ejusdemque momenti esse iudicium,*

(a) Ibid. Epist. XXVI. (b) Ubi sup. Epist. XXVIII.

cium, sive Sedes Apostolica sola, sive in Synodo, sive per Synodum, aut cum Synodo iudicet. Deinde in hac Epistola clarius exponit, quod in superioribus ad Theodosium litteris obscurius insinuavit. Hic enim ait: *Debemus, primum in omnibus immortalis Urbi tribuere*: ibi autem scripsit: *Decet, nos huic maximae Civitati, quae Domina omnium est Civitatum, in omnibus reverentiam conservare*. Quae verba ita Rattramus interpreta- tur (a): „ Utpote, quum sit Civitas „ haec Domina omnium; & illi Ci- „ vitati quisquis praefuerit Episcopus, „ ex antiquitatis constitutione Prin- „ ceps omnium habeatur Ecclesia- „ rum „. Eiusdem sensus ac spiritus litterae ad Theodosium ab Eudoxia conscriptae sunt.

Nunc quaero, quibus clarioribus verbis significare Valentinianus & Augustae potuerint, Romani Pontificis auctoritatem & iudicium nullatenus a Concilii generalis iudicio & consensio- ne pendere; sed potius ipsum Conci- lium Romano Pontifici veluti totius Episcopatus & Sacerdotii Principi & Capiti esse subiectum? Temperare mihi non possum, quin hanc subijciam in adlata ex Imperatoris & Augusta- rum Epistolis testimonia Cl. Thomassi- ni observationem (b): „ Vides, ut „ promiscue haec habebantur, dare „ libellos ad Sedem Apostolicam & ad „ omnes Occidentis Episcopos: item- „ que istam rem totam a Pontifice „ maximo iudicari de integro, & rei „ iudicium ad Concilium Sedis Apo-

„ stolicae transmitti: denique quam- „ quam in Concilio Sedis Apostolicae, „ seu in Synodo Episcoporum agitur „ iudicium: tamen Romanus Sacer- „ dos omnem causam cognoscet, sen- „ tentiam feret, intemerata venera- „ tio servabitur Apostolo Petro. Ete- „ nim in redintegrando iudicio Flavia- „ ni, non Concilii autoritas Roma- „ num Antistitem suscollet & illustra- „ bit; sed Concilio ipsi ea autoritas „ defertur, quia *Petro Apostolo inte- „ merata veneratio conservanda est*: „ quia Romano Praefuli *Principatum „ antiquitas contulit* sacerdotii super „ omnes: quia *eius est de fide & Sa- „ cerdotibus iudicare*: quia in *Romana „ Sede primus ille, qui caelestes cla- „ ves dignus fuit accipere, principatum „ Episcopatus ordinavit*. Cum ergo „ causam Pontificis & Concilii indi- „ vulse conglutinamus Concilio ma- „ gis a Pontifice, quam vicissim au- „ thoritatem aggeramus.

Non minus ad haec stabilienda & illustranda ponderis ac momenti ha- bent, quae ad ipsum Sanctum Leo- nem Marcianus Imperator, & Pul- cheria Augusta scripserunt: *Tuam San- „ ctitatem*, inquit Marcianus (c), *prin- „ cipatum in Episcopatu divinae fidei pos- „ sidentem, sacris literis in principio ju- „ stum credimus alloquendam*. . . . *qua- „ tenus omni impio errore sublato, per „ celebrandam Synodum, te auctore, „ maxima pax circa omnes Episcopos fidei „ Catholicae fiat, ab omni scelere pura „ & intemerata consistens*. Et in alia Epistola cum Leone agit (d), *ut ad*

P 2

quem-

(a) Lib. IV. cont. opposita Graecor. cap. VIII.

(b) Dissert. XI. in Conc. Constantinop. &c. num. IX.

(c) 1. Par. Conc. Chalced. Epist. XXXIII.

(d) Ubi sup. Epist. XXXV.

quemdam definitum locum omnes Sanctissimi Episcopi debeant convenire, & quae Christianorum religioni, atque Catholicae fidei prosint, sicut, inquit, Sanctitas tua secundum Ecclesiasticas regulas definiverit, sua dispositione decernant. Similiter Pulcheria Augusta (a): Omnes etiam totius Orientis Episcopi &c. facto Concilio; & de Catholica confessione, & de his Episcopis; qui ante hoc segregati sunt, sicut fides & Christiana pietas exigit, te auctore, decernant. Quid est, amabo te, principatum divinae fidei possidere, nisi summum habere jus, summam jurisdictionem ad facienda ea, quae sunt fidei? Pro jure istius principatus, quidquid in Conciliis generalibus de fide decernitur ac definitur, debet secundum regulas ab ipso praescriptas ac definitas, atque ipso auctore, decerni. Unde consequens est, quod si in Romanum Pontificem error cadere possit, errori quoque obnoxium sit universale Concilium; vel si Concilium universale errare non potest, multo magis erroris incapax sit Romanus Pontifex: Si enim Concilium errare non potest, potest autem errare Romanus Pontifex; temere prorsus statuitur, ut quidquid a Concilio definitur, secundum regulas, quas Pontifex ipse praescripserit, & ipso auctore, definiatur. Annon absurdum est, ut Judex, in quem error cadere non potest, eum velut regulam auctoremque sequatur, qui ab errore tutus non sit? Fac enim, errare in definiendo Pontificem; quid aget generale Concilium? sequetur regulam ab errante

Pontifice constitutam? errabit ergo, quemadmodum & ipse Pontifex. Regulam a Pontifice propositam repudiabit? Non debet ergo quidquid Concilium universale decernit, ipso auctore, & regulam ac formam praescribente, decernere.

Quae produximus Valentiniani & Marciani Imperatorum, & Pulcheriae Augustae testimonia, adfert etiam, & in suum sensum detorquere conatur Illustrissimus Gallicanae Declarationis defensor. Ait enim „ inde liquido „ constare, consueto ordine & Papam „ autorem esse debere, & Episcopos „ assidentes cum ipso esse iudices; & „ ipsum irrevocabilis decreti robur „ in consensione esse positum; quod „ ipsum, inquit, Pulcheria Augusta „ testatur (b) data epistola ad Strategum Consularem, qui omnem a „ Synodo vim prohibere jubetur: *Ut „ cum omni disciplina confedente Sancta Synodo, sine aliqua commotione, ne atque contentione, quae a Domino Christo revelata fuerint, communiter ab omnibus confirmantur*. Interim sic Pontificem autorem esse „ liquet, ut decreti vis non sola Pontificis autoritate, quod tum nemo „ cogitabat, sed ipsa Concilii consensione & approbatione constet, Patresque ac Synodus condecernant, „ conjudicent, Synodique sententia „ Papae sententia sit; quae Ecclesiarum accedente consensu, jam irreformabilis irretactabilisque habeatur, quod unum postulamus.

Non ajunt Imperatores, consueto ordine, sed divino jure Romanum Pont.

(a) Ibidem Epist. XXXV.

(b) 1. Par. Conc. Chalced. Epist. XXXIX.

Pontificem auctorem esse debere ; eo nempe jure , quo Beatus Petrus caelestis regni claves accepit , & principatum Sacerdotii , principatum Episcopatus , principatum divinae fidei in Apostolica Sede ordinavit . Porro ne utiquam inficiamur , Episcopos cum Romano Pontifice assidentes judices esse , & cum ipso concedere , conjudicare ; & firmam , irreformabilem & irretractabilem esse sententiam , quae in Oecumenica Synodo , tota Ecclesia consentiente , profertur . Verum hoc interesse dicimus inter Romani Pontificis , & Synodi generalis judicium ; quod illius Judicium ex seipso firmum est , hujus autem firmitas ex illius auctoritate descendit . Quum enim Synodus debeat Pontifice auctore discernere , & juxta ab eo constitutam regulam judicare ; necesse est , ea judicia firma consistere , quae ab hac regula formaeque minime deviant : regula autem ipsa inde habet , ut fixa firmaque sit , quod ab eo proponitur , qui in Apostolorum Principe Sacerdotii , & Episcopatus , & divinae fidei accepit principatum . Hinc videmus , totius Orientis Patriarchas in secunda Ephesina Synodo , ( cui nihil defuit , ut Oecumenica esset , praeter consensum Apostolicae Sedis ) turpiter aberrare , dum eam regulam non sibi ob oculos ponunt ; ab errore autem revocari , dum ad eam regulam convertuntur : & , quidquid Clerus Gallicanus & Galli Theologi dicant de Romanorum Pontificum decretis in generalibus Synodis retractandis ; habemus quidem plura generalium Conciliorum decreta Sedis Apostolicae au-

thoritate reformata ; sed ipsi in medium adferre non possunt solennem Romanam Pontificis de fide definitionem , quam Synodus Oecumenica reformaverit . Quae autem haecenus dicta sunt quum ex laudatis Imperatorum & Augustarum Epistolis derivamus & confirmamus , Ratramnum celebrem noni saeculi in Gallia Theologum imitatur : *Cernimus* , [a] inquit , *Romani Pontificis auctoritatem super cunctas Ecclesias Christi praeceminere , ut omnes Episcopi illum habeant caput , & ad illius judicium pendeat , quidquid in Ecclesiasticis negotiis disponitur ; ut ex ejus arbitrio vel maneat constitutum , vel corrigatur erratum , vel sanciat quodcumque fuerit innovandum . Et infra : Et revera omnes Orientales Ecclesiae , simul & Occidentales , Romanae Civitatis Praesulem semper quasi caput Episcoporum veneratae sunt , & ad ejus sententiam respexerunt , & de rebus dubiis quaecumque decrevit , ejus judicium susceperunt . Quaecumque Concilia ejus sententia roborata sunt , rata manserunt ; quae vero damnavit , pro nihilo reputata fuerunt , nec auctoritatem ullam habere potuerunt . Laudat in harum rerum confirmationem Magni Leonis de Ephesina Pseudo-Synodo ad Theodosium litteras , adfertque superius descripta ex Valentiniani , & Marciani , & Gallae Placidiae Epistolis testimonia ; quibus , inquit , ostenditur , quod Romanus Pontifex principatum obtineat Episcoporum , cujus auctoritate debeat colligi Synodus , & quae sunt tractanda , per ejus dispositionem debeant ordinari .*

## CAPUT XVII.

## ARTICULUS PRIMUS.

„ Alterum Caput in Synodo Chalce-  
 „ donensi tractatum, de exposita  
 „ fide: S. Leonis Epistola nonnisi  
 „ facto examine comprobata: Gal-  
 „ lorum & Italarum, ante Chalce-  
 „ donense Concilium de recipien-  
 „ da Leonis Epistola, Litterae  
 „ ejusdem Spiritus referuntur: De-  
 „ cretum Apostolicae Sedis, non-  
 „ nisi consensione Ecclesiarum, ir-  
 „ retractabile fieri, Christiani om-  
 „ nes, & ipse Leo constitetur.

**I** Taque triplici argumento probare in praesenti Capite Bossuetius adgre-  
 ditur, retractationi obnoxias esse dog-  
 maticas Romanorum Pontificum Episto-  
 las. 1. ex eo quod celebrem S. Leo-  
 nis ad Flavianum Epistolam, nonnisi  
 facto examine, Synodus Chalcedo-  
 nensis recepit. 2. Gallorum & Italo-  
 rum Episcoporum ad eundem San-  
 ctum Leonem litteris, quibus lauda-  
 tae Epistolae, nonnisi explorata veri-  
 tate, ejusque cum veterum Patrum  
 doctrina consonantia, consensum sese  
 praebuisse testantur. 3. ipsius S. Leo-  
 nis, & omnium Christianorum ea de  
 re testimonio. Nos autem iisdem argu-  
 mentis invictissime demonstrabimus,  
 Romanorum Pontificum de fide defi-  
 nitiones ex se ac suapte vi firmissimas  
 esse Catholicae fidei regulas, & im-  
 mobilis atque indeclinabilis auctori-  
 tatis.

*Concilium Chalcedonense, imo univer-  
 sa Ecclesia S. Leonis ad Flavianum  
 Epistolam pro irretractabili fidei re-  
 gula habuit, antequam illa solenni-  
 ter in ipsa Synodo ab omnibus Epif-  
 copis subscriberetur.*

**I** llud Concilio Chalcedonensi jure  
 recteque tribuitur, quod Sedis Apo-  
 stolicae Legati juxta Romani Pontifi-  
 cis instructionem, & Patrum Synodi  
 pars maxima sensit & judicavit: Il-  
 lud etiam universae Ecclesiae merito  
 adscribitur, quod Romano Pontifici,  
 & omnibus Occidentalibus, & pluri-  
 mis Orientalibus visum est: Atqui San-  
 cti Leonis ad Flavianum Epistolam im-  
 mobilem fuisse & irretractabilem fidei  
 regulam, etiam antequam solenniter  
 ab omnibus Episcopis in ipsa Synodo  
 subscriberetur, Legati Sedis Aposto-  
 licae juxta Pontificis instructionem,  
 & Episcoporum pars maxima judica-  
 vit: idemque tum ipsi Romano Pon-  
 tifici, tum omnibus Occidentalibus,  
 tum plurimis Orientalibus visum est:  
 Ergo Synodus Chalcedonensis, & Ec-  
 clesia universa S. Leonis ad Flavianum  
 Epistolam pro irretractabili fidei regu-  
 la habuit, etiam antequam solenniter  
 in ipsa Synodo ab omnibus Episcopis  
 subscriberetur.

Maximam Episcoporum partem re-  
 fugisse, ut fidei negotium in Synodo  
 Chalcedonensi retractaretur, ut Leo-  
 nis Epistola discuteretur, ut alia defi-  
 nitio fieret, ut nova fidei regula pro-  
 poneretur; subindeque & laudatam  
 Epistolam pro irretractabili, & omni-  
 no irreformabili, id est cui nihil ad-

jun.

jungi, nil subtrahi posset, fidei regula habuisse; ex ipsius Sacrae Synodi actis perspectum est & exploratum. Actione secunda quum Judices & Senatus ab Episcopis peterent, ut veram fidem stabilirent, & omnem ambiguitatem auferrent, & fidem puram exponerent; *Reverendissimi Episcopi clamaverunt*: „ Expositionem alteram „ nullus facit, neque tentamus, ne „ que audemus exponere: Docue „ runt enim Patres, & in scriptis cu „ stodiuntur quae ab eis sunt exposi „ ta, & citra ea dicere non possu „ mus „. Patrum nomine Nicaenos. Constantinopolitanos, & Ephesinos intelligunt, & qui eis consona adversus Arium, Eunomium, atque Nestorium docuerunt, strenueque fidem Ecclesiae Catholicae propugnarunt. Horum autem scriptis aequalem esse docent Epistola Leonis ad evertendam Eutychianam haeresim auctoritatem; subindeque quemadmodum Nicaenum Symbolum adversus Arianam haeresim, & Constantinopolitanum, adversus Eunomianam, & Caelestini ac Cyrilli Epistolae ab Ephesina Synodo comprobatae adversus Nestorianam, irretractabiles, & irreformabiles fidei regulae judicabantur: ita & S. Leonis ad Flavianum Epistola adversus Eutychianam haeresim pro irretractabili, & irreformabili fidei regula habenda erat; ut ex his, quae statim Cecropius Episcopus Sebastopolitanus adjunxit, manifeste conficitur: *Emerferunt quae ad Eutychem pertinebant, & super iis forma data est a Sanctissimo Archiepiscopo Romanae Urbis, & sequimur eum, & Epistolae omnes subscripsimus*. Hanc autem pro perfecta & numeris omnibus abso-

luta fidei regula habendam fuisse, non singularis Cecropii, sed totius Synodi sententia erat. Quare statim *Reverendissimi Episcopi clamaverunt*: „ Ista „ omnes dicimus: sufficiunt quae ex „ posita sunt: alteram expositionem non licet fieri „. His autem quum Judices & Senatus non adquiescerent; sed omnino vellent, ut fides retractaretur, ut fidei definitio fieret, ut fidei expositio & regula ab ipsamet Synodo proponeretur; rursus *Reverendissimi Episcopi clamaverunt*: „ In scri „ ptis expositionem non facimus: Re „ gula est, quae praedicat sufficere „ quae sunt exposita: Regula vult, „ aliam expositionem non fieri: Ea „ quae sunt Patrum teneantur. His porro Episcoporum clamoribus, videns Florentius Episcopus Sardinum, Judices ac Senatum a sua nequaquam opinione discedere, inducias petiit, non quidem ad Leonis Epistolam retractandam, sed ad fidem juxta formam in ea Epistola traditam exponendam: quamquam ea re nequaquam opus esse diserte profiteretur: *Florentius Reverendissimus Episcopus Sardinum dixit*: „ Quoniam non est possibile subito di „ stare de fide eos, qui docti sunt se „ qui Nicaenam Sanctam Synodum, „ & quae in Epheso recte & pie ro „ borata est, secundum fidem San „ ctorum Patrum Cyrilli & Caelesti „ ni, & Epistolam Sanctissimi Leo „ nis; precamur vestram magnifi „ centiam, praestari nobis inducias, „ quatenus cum decenti tractatu ac „ cedere ad veritatem causae possi „ mus; quamvis in nostra persona, „ qui Epistolae Sanctissimi Leonis sub „ scripsimus, non indigeamus corre „ ctione. Porro attendens Cecropius, & ani.

& animum advertens ad ea, quae Judices & Senatus initio dixerant; nempe eam se se fidem firmam & inconcussam tenere, quam Nicaeni, Constantinopolitani, & Ephesini Patres adversus praecedentes haereses exposuerant; petiit, ut Nicaenum Symbolum, & S. Leonis Epistola legerentur; non ut ipse aliqui Patres disquirerent, an invicem consentirent; verum ut Judices id perspectum & exploratum habentes ab alia expetenda regula revocarentur: *Cecropius Reverendissimus Episcopus Sebastopolitanae Civitatis dixit.* „ Fides bene disceptata est a trecentis decem & octo „ Sanctis Patribus, & firmata a Sanctis Patribus Athanasio, Cyrillo, „ Caelestino, Hilario, Basilio, Gregorio, & nunc iterum per Sanctissimum Leonem: & precamur, ut „ ea, quae Sanctorum Patrum trecentorum decem & octo sunt, & quae „ Sanctissimi Leonis, recitentur. *Gloriosissimi Judices & amplissimus Senatus dixerunt:* „ Recitentur quae exposita sunt a Sanctis trecentis decem & octo Patribus in Nicaea congregatis.

LECTO Nicaeno Symbolo, & antequam Leonis Epistola legeretur, *Reverendissimi Episcopi clamaverunt:* „ haec Catholicorum fides. . . . Beatus Cyrillus sic docuit. . . . Omnes „ ita credimus: Papa Leo sic credit: „ Cyrillus ita credidit: Papa Leo ita „ interpretatus est. Itaque non quaerunt, non retractant, non examinant, non discutunt, an consona Nicaeno Symbolo sit Leonis Epistola, sed firmissime & inconcussae id se tenere, se credere profitentur.

Deinde lectum est iisdem jubentibus

Judicibus & Senatu Constantinopolitanum Symbolum, lectione & Cyrilli Epistolae a S. Caelestino & Ephesino Synodo comprobatae; iisque perlectis, iterum *Reverendissimi Episcopi clamaverunt:* „ Omnes sic credimus: „ Papa Leo sic credit: Anathema ei „ qui parit, & ei qui dividit: Haec „ fides Leonis Archiepiscopi: Leo sic „ credit: Leo & Anatolius ita credunt: Omnes sic credimus: sicut „ Cyrillus; ita credimus: aeterna „ memoria Cyrilli: sicut Epistolae Cyrilli habent, ita sapimus, sic credimus, sic credimus: Leo Archiepiscopus sic sapit, ita credit, ita scripsit.

Tandem eorumdem jussu lecta est & Magni Leonis ad Flavianum Epistola: ac statim post ejus lectionem *Reverendissimi Episcopi clamaverunt:* „ „ Haec Patrum fides: haec Apostolorum fides. Omnes ita credimus: „ Orthodoxi ita credunt: Anathema „ ei, qui ita non credit: Petrus per Leonem ita locutus est. Apostoli „ ita docuerunt: Pie & vere Leo „ docuit: Cyrillus ita docuit: Cyrilli „ aeterna memoria: Leo & Cyrillus similiter docuerunt: Anathema ei, „ qui sic non credit: Haec vera fides. Catholici ita sapimus. Haec „ Patrum fides: Haec in Epheso cur „ lecta non sunt? Haec Dioscorus „ occultavit.

Quum Epistola legeretur, haerentibus ad quaedam ejus loca Illyricianis & Palaestinis Episcopis, quaedam iis consona S. Cyrilli testimonia producta sunt, absolutaque lectione; *Magnificentissimi Judices & amplissimus Senatus dixerunt:* Post haec omnia adhuc quis dubitat? *Reverendissimi Episcopi*



*scopi dixerunt* : Nemo dubitat . Atticus tamen Nicopolitanus alique Illyriciani Episcopi aliquot dierum inducias petierunt , uti rem totam tranquilla mente pacatoque animo scrutarentur : quibus quinque dierum intervallum a Iudicibus & a Senatu concessum est , ut interim cum Anatolio de fide communiter tractarent , ac dubitantibus , quibus adhuc angebantur , scrupuli eximerentur . Id vero aegre reliqua Synodus tulit . Quare , quemadmodum scriptum est : *Omnes Reverendissimi Episcopi clamaverunt* : „ Nos ita credimus : Omnes ita credimus : sic , cut Leo , ita credimus . Nostrum „ nullus dubitat : Nos jam subscripsimus . In sententia tamen manserunt Iudices & Senatus ; non quod ipsi dubitarent , sed quia volebant , & *conveniens existimabant , omnibus dubitantibus persuadere* . Valde autem notanda sunt quae sequuntur : *Reverendissimi Episcopi clamaverunt* : „ Pro „ Patribus petimus , Patres Synodo „ reddite ( consentaneos Leoni Synodo , Patres Synodo . ) Has voces Imperatori , has praeces Catholicis , licet , has praeces Augustinae . Omnes „ peccavimus , omnibus indulgeatur . Valde , inquam , notanda sunt haec verba propter ea quae sequuntur , statim enim adjungitur : *Clerici Constantinopolitani clamaverunt , Pauci clamant , & non tota Synodus dicit* . Haec Constantinopolitanorum Clericorum verba Bossuetius ad illos Episcopos referre videtur , qui aegre ferebant dubitantibus inducias dari ad perscrutanda Patrum testimonia , & S. Leonis Epistolam : aegre , inquam , id ferebant , propterea quod laudatae Epistolae ceteri subscripsissent , & nemo

T. I. P. I.

ex eis dubitaret . Quod si verum est , inde consequens est , hunc fuisse paucorum , non totius Synodi sensum . Fallitur tamen eruditissimus Praefatus : nam voces illae eorum Episcoporum sunt , qui cupiebant , omnes Ephesi lapsos , & vel ipsum Dioscorum , Ecclesiae reconciliari , & in Synodo locum habere , ut constat ex iis , quae statim sequuntur : *Orientales , & qui cum ipsis Reverendissimi Episcopi clamaverunt* ; Aegyptium exilio . *Illyriciani , & qui cum ipsis Reverendissimi Episcopi clamaverunt* : Precamur Omnibus miseremini . *Orientales , & qui cum ipsis Reverendissimi Episcopi clamaverunt* : Aegyptium exilio : *Illyriciani , & qui cum ipsis Reverendissimi Episcopi* : Omnes peccavimus , omnium miseremini : Has voces Catholico Imperatori , Ecclesiae scinduntur . *Clerici Constantinopolitani clamaverunt* : Dioscorum exilio , haereticum exilio : Dioscorum Christus damnavit . *Illyriciani , & qui cum ipsis Reverendissimi Episcopi clamaverunt* : Omnes peccavimus , omnibus indulgete : Dioscorum Synodo , Dioscorum Ecclesiis . . . . *Clerici Constantinopolitani clamaverunt* : Qui communicat Dioscoro , Judaeus est . *Orientales , & qui cum ipsis Reverendissimi Episcopi clamaverunt* : Aegyptium exilio , haereticum exilio . *Illyriciani , & qui cum ipsis Reverendissimi Episcopi clamaverunt* : Patres Synodo . Ex quibus constat , eos qui Indulgentiam petebant , qui misericordiam implorabant , qui Patres reddi Synodo postulabant , & quos paucos fuisse , non universam Synodum , Clerici Constantinopolitani clamabant ; non eos fuisse Episcopos , qui Leonis Epistolae jam subscripse-

Q

tant ,

rant, ejusque examini reluctabantur; sed Illyricianos, qui & Dioscorum Synodo reddi petebant: quibus quum Constantinopolitani Clerici adversarentur, & Dioscorum ejici in exilium vellent, Judices monuerunt, paucos esse, & non totam Synodum, qui pro Lapsis ac potissimum pro Dioscoro supplicabant.

Quum dies Illyricianis aliisque Episcopis, qui adhuc dubitabant, ad conferendum cum Anatolio, aliisque, qui Leonis Epistolae jam subscripserant, concessi praeteriissent; Actio quarta habita est; in qua Judices & Senatus doceri volunt, quid *Reverendo Concilio de sancta fide placuerit*. Quibus a Paschasino aliisque Apostolicae Sedis Legatis responsum est: Sanctam & Beatissimam Synodum Nicaenorum Patrum amplecti Symbolum, eique a centum quinquaginta Patribus facta in Constantinopolitana Synodo additamenta, atque illius per Cyrilli literas ab Ephesina Synodo confirmatas, expositionem: *Tertio vero*, inquirunt, *Beatissimi atque Apostolici Viri universalis Ecclesiae Papae Leonis, Nestorii & Eutychetis haeresim damnantis directa scripta, quid vera fides habeat, exposuerunt. Similiter vero & sancta Synodus hanc fidem tenet, hanc sequitur: nihil amplius nec addere potest, nec minuere*. Quibus in graecum sermonem conversis, *Reverendissimi Episcopi clamaverunt: Omnes sic credimus, sic baptizati sumus, sic baptizamus: sic credidimus, sic credimus*.

Haec tamen Judicibus & Senatui satis visa non sunt, sed rursus conceptis verbis declarari ab Episcopis volerunt, an Epistolam S. Leonis Nicaeno & Constantinopolitano Symbo-

lo consonam judicarent: *Quoniam sacra Evangelia posita a reverentia vestra perspicimus, singuli Reverendissimi Episcopi, qui convenerunt, doceant si expositio 318. Sanctorum Patrum, qui olim in Nicaea collecti sunt, & post haec 150. qui in Regia congregati sunt Civitate, consonat Epistolae Reverendissimi Papae Leonis*. His verbis, si Bosuettium audimus, indictum est Synodicum ac solenne examen Epistolae S. Leonis. Sic enim ait: „Placuit ergo, Leonis Epistolam ad „legitimum Concilii examen revocare, & ab ipsa Synodo de fide „conscribi definitionem. Itaque lectis praecedentium Synodorum gestis, de Leonis Epistola Judices ita proposuerunt: *Quoniam Evangelia posita sunt &c.* Postquam de examinanda Leonis Epistola interrogatio in eam formam facta est, operae pretium erit, Patrum sententias, & ut ajunt, vota pensare, ut intelligamus, ab ipsa origine, cur Epistola placuerit; cur postea tanto studio defenderetur; cur denique tam exacto Synodi examine, probaretur.

Verum neque superius, idest, Actione secunda, quum acta praecedentium Synodorum & fidei regulae legerentur, neque hoc loco Actionis quartae ullum perspicimus Epistolae S. Leonis examen. Ut enim superius ostendimus, vix lecto Nicaeno Symbolo, & antequam Leonis Epistola legeretur, acclamatum a Patribus est: *Omnes ita credimus: Papa Leo sic credit: Papa Leo ita interpretatus est*. Lecto & Constantinopolitano Symbolo, lectis & S. Cyrilli litteris, antequam Epistolae S. Leonis lectio fieret, ita-

rum

rum Episcopi clamaverunt: *Omnes sic credimus Papa Leo sic sapit, ita credit, ita scripsit*. Denique audita Leonis Epistola, in has rursus Episcopi voces eruperunt: *Omnes ita credimus: sicut Leo, ita credimus: nostrum nullus dubitat: nos jam subscripsimus*. Ubi quaeso examen? In praesenti autem Actione quarta nec vestigium examinis occurrit; sed petentibus Iudicibus, an cum Nicaena & Constantinopolitana fidei regulis S. Leonis Epistola conveniret; nullo prorsus adhibito examine convenire Patres testantur. Itaque nullum, laudatae Epistolae examen in ipsa Synodo factum est, sed illud durataxat, quod privatim cum Anatolio fieri, plurimis id aegre ferentibus, Iudices voluerunt, & Synodus ex indulgentia permisit, ut omnes quibuscumque adhuc dubitantibus scrupuli eximerentur. Quidquid autem illud sit, quod hoc loco per ea verba, quae etiam Bossuetius adfert, Iudices postularunt; antequam tamen illa proferrent, Apostolicae Sedis Legatis praedicantibus, quod *Leonis scripta, quid vera fides habeat, exposuerunt*: Quod *sancta Synodus hanc similiter fidem tenet*: Quod *nihil addere potest, nec minuire*; haec, inquam Legatis praedicantibus, his vocibus Patres consenserant, suamque cum illis concordiam testati fuerant: *Omnes sic credimus, sic credidimus &c.* Itaque verum est, ad quod probandum aggressi sumus, quod S. Leonis Epistolam pro immobili & irretractabili fidei regula, etiam antequam solenniter ab omnibus Episcopis in ipsa Synodo subscriberetur, Sedis Apostolicae Legati, & pars maxima Episcoporum habuit.

Nec refert, quod postmodum in ipsis subscriptionibus quidam ideo sese Leonis Epistolae consensit ac subscribere professi sunt, quod perspectum & exploratum haberent, eam praecedentium Synodorum fidei regulis consonam esse; Quod, „ erat, inquit Bossuetius, aperte deliberantis, non autem caeco, ut ajunt, impetu, ex mera obedientia subscribentis. Unde, de etiam colligit: ita profecto Patres & in ipsa Synodo, & ante Synodum consensisse, quod re considerata, convenire omnia cum Patribus aestimarent, judicarent, persuasi essent, & communem omnium ac singulorum fidem a Leone expositam esse intelligerent. Nihil horum, inquam, refert: non enim in praesentia quaerimus, an caeco impetu & ex mera obedientia, an potius re perpensa & considerata Leonis Epistolae Patres subscriperint: sed an antequodcumque examen in Synodo institutum, imo & antequam in Synodo a Patribus subscriberetur, imo & antequam legeretur, eam pro irretractabili & irreformabili fidei regula, Sedis Apostolicae Legati & Episcoporum pars maxima habuerit: Id enim si obtinemus, inde jure conficimus, non ex Synodico examine, neque ex Synodicis subscriptionibus, Leonis Epistolam, Patrum Chalcedonensium iudicio, obtinuisse, ut irretractabilis & irreformabilis fidei regula judicaretur. Hoc autem semel obtento, illud etiam nos adsequi necesse est, nempe Synodorum generalium celebrationem argumento non esse, quod antequam Synodi celebrarentur, non fuerint dogmaticae Pontificum Romanorum Epistolae irretractabilis & irreformabilis auctoritatis. Q 1 Ne.

Neque id tantum Concilii Chalcedonenſis pars maxima iudicavit ; verum eadem omnium Occidentalium ſententia fuit , ut & ipſe Leo aperte teſtatus eſt (a) , & ex Gallorum & Italorum ad ipſum S. Leonem litteris aperte colligitur . Nam Galliarum Epifcopi in Epiftoſa ad Sanctum Leonem (b) , antequam aliquid de Chalcedonenſi Synodo acciperent , *Apoſtolaſtus* ipſius ſcripta ita ut *Symbolum fidei* , ſeſe ſuſcepiſſe , & *tabulis cordis* adſcripiſſe ſignificaverunt . Italiae autem Epifcopi ex Synodo Mediolanenſi ad eundem Sanctum Pontificem ſcripſerunt , illius Epiftoſam (c) *plena fidei ſimplicitate fulgere* ; ejuſque ſolam auctoritatem valere ad extinguentiam & proſtrandam , excitatam ab Eutyche , & confirmatam a Dioſcōro , impietatem : *Super eſt , ut annuente Domino , perſeclis rebus , palmam fidei , & conſummati certaminis coronam quiete perpetua retinentes ; hoc futuris memorabile ſaeculis relinquantis ; ut ab hoc tempore praefenti* ( nondum & ipſi aliquid de Chalcedonenſi Synodo acceperant ) *extincta impiae ſectae contumacia videatur , ut vobis propugnatoribus , in aeternum proſtrata ſuccumberet* . Sic illi non modo initium certaminis , verum & conſummationem , ac de proſtrata in aeternum impietate coronam , ac perfectum triumphum , Romano Pontifici luculenter adſcribunt .

De Orientalibus quoque non eſt quod adhuc dubitemus , eos nimirum S. Leonis Epiftoſam vel ante Chalcedonenſem Synodum , ut irretractabilem fidei regulam ſuſcepiſſe . Eam hoc

paſto Anatolius Conſtantinopolitanus Epifcopus in Conſtantinopolitana Synodo vel Epifcoporum conventu ſuſcepit , indeque ad omnes per Orientem Metropolitans eodem modo ſubſcribendam tranſmiſit ; quemadmodum Euſtathius Berytenſis Epifcopus in hac eadem Actione quarta teſtatur : *Quemadmodum & nunc , quum pauci Conſtantinopoli conveniſſent , miſſa eſt Epiftoſa almi Archiepiſcopi Leonis iis , qui ubique eſſent , Metropolitans , & ſubſcripta eſt* . Quare ſaepe eos in Synodo clamantes audivimus : *Omnes Epiftoſae jam ſubſcripſimus : Sicut Leo ita credimus : Noſtrum nullus dubitat ; & aegre ferentes jam vidimus , quod aliquot dierum induciae ad eam examinandam quibuſdam adhuc dubitantibus concederentur* . Eſt autem ſaepe animadverſum , dogmaticas Pontificum Romanorum Epiftoſas , quibus maxime partis Epifcoporum conſenſus accedit , & ipſis Gallicanis Theologis faſtentibus , irretractabiles & irreformabiles fidei regulas eſſe ; neque ut ad hoc ſummae auctoritatis falligium evehantur , opus eſſe generalis Synodi convocatione .

## ARTICULUS II.

*Oſtenditur , non recte inde probari , retractationis obnoxias eſſe Pontificum Romanorum de fide Conſtitutiones , quod eis propterea ſubſcriptum ab Epifcopis aliquando ſit , quod praecedentium Conciliorum fidei regulis conſonae eſſent* .

**I**D argumenti adverſus Romanorum Pontificum inerrantiam , & indecli-

(a) Vid. Epif. LII. Tom. IV. Concil.

(b) Ibid. inter Epif. L. & LI. S. Leon.

(c) Ibid. inter Epif. LI. & LII. S. Leon.

elinabilem in definiendis fidei controuersis auctoritatem, saepius, ut vidimus, Bosluetius inculcat, quod ipsorum dogmaticis Epistolis subscriptum ab Episcopis aliquando sit, propterea quod sacrarum litterarum testimoniis, veterum Patrum scriptis, & praecedentium Conciliorum fidei regulis consonae ipsis videbantur: „ Primus Anatolius

„ *inquit in praesenti capite Bosluetius,*  
 „ sic dicit sententiam: *Epistola Sanctissimi Leonis consonat Symbolo 318. Patrum, & 150. Patrum; sed & his, qui in Epheso sub Caeclestino & Cyrillo: quapropter consensu, & libenter subscripsi . . . Ceteri in eundem sensum: Concordat, & subscripsi: Multi diserte & expresse: Concordat, & ideo subscripsi.* Additum a quibusdam: *Concordat, & subscripsi, quum recte habeat: Alii: Concordare certe scio. Alii: Cum esset consona, & eundem haberet scopum, amplexi sumus, & subscripsimus: Alii: Hanc jam olim tenuimus fidem, hanc tenemus; in hac baptizati sumus, in hac baptizamus: Alii & magna pars: Cum viderem, cum sentirem, cum deprehenderem, cum inuenirem consentire, subscripsi. Alii: Persuasus, instructus, certior factus, quod omnia consentirent, subscripsi.* Inde porro, ut etiam superiori articulo animadvertimus, laudatus Meldenis Episcopus conficit; propterea Episcopos, & ipsa Synodo, & ante Synodum ita consensisse, quod re considerata, convenire omnia cum Patribus aestimarent, iudicarent, persuasi essent, & communem omnium ac singulorum fidem a Leone expositam esse intelligerent. Quod deinde confir-

mat duplici ex Italorum & Gallorum Synodicis ad S. Leonem Epistolis testimonio, ubi affirmare videntur, sese propterea S. Leonis ad Flavianum litteris consensisse, quod *in eis recognouerunt fidei suae sensum*, uti Galli loquuntur: *Et quia*, inquit Itali, *omnia maiorum fidei nobis antiquitus traditae, conveniunt.*

Quam autem hoc argumentum adversus Romani Pontificis inerrantiam, & ineluctabilem auctoritatem, nullius sit ponderis ac momenti, inde facile aperteque demonstratur, quod saepius easdem, aut omnino similes formulas Patres & Episcopi olim usurparunt, quum illis de Conciliorum generalium definitionibus sermo erat; demonstrabantque, sese non temere Nicaenam, ex. gr. fidei regulam amplexos esse, eique constanter adhaerere, quod ea Prophetarum, Apostolorum, Martyrum, veterum Patrum, & omnium per universum orbem Ecclesiarum, testimoniis, sensibus, ac traditioni consentiret. Haec passim in Athanasii, Hilarii, Basilii, & Gregorii Nazianzeni scriptis occurrunt. An ideo retractationi obnoxiam exislimabant Nicaenae Synodi auctoritatem?

Verum nihil huc luculentius adferri potest iis testimoniis, quae huic ipsi Chalcedonensi Synodo perhibent consulti a Leone Augusto quamplurium Provinciarum Episcopi: Sunt enim per quam adfinia notatis a Bosluetio Chalcedonensium Patrum Leonis Epistolae subscriptionibus. Primus Anatolius nihil retractandum statuit de Concilio Chalcedonensi, propterea quod *illa Deo amabilis ac venerabilis Synodus . . . non innovavit fidem. non peremit antiquitus existentem . . . sed Synodos sanctas*

*Etas & orthodoxas, post illam maximam, ( hoc est, Nicaenam ) ei consonas existentes ..... recte probavit &c.* Episcopi Europae scribunt, sese propterea cum tribus praecedentibus Oecumenicis Synodis servare etiam Chalcedonensem, quod praedicta Concilia firmaverit, nihilque quod illis bene videatur placuisse commoverit, nec augmentum quoddam aut detractionem fecerit &c. Sebastianus Episcopus ita per Epistolam laudatum Imperatorem adloquitur: *Tanti & talis, probati-que Concilii amplectere iudicium, serenissime orthodoxe Imperator. Taliter namque sapuisse comperimus omnes, qui verbo, & doctrina, & vita mirabili Deo per diversa tempora placuerunt; id est B. Athanasium, qui &c. Sic & Basilium Magnus, & Gregorius Nazianzenus, & alter Gregorius Nissae, & post Johannes Constantinopolitanus. Episcopi primae Syriae: hanc Synodum, tamquam concordem illis [ Nicaenis Patribus ] per omnia custodimus. Ita Episcopi Melopotamiae: Sanctum Concilium, quod Chalcedone celebratum est, obtinemus atque servamus, quod nihil in Symbolo fidei exposito Nicaeae a Sanctis 318. Patribus adjectum est; Ita Episcopi Ciliciae primae: Magnam Synodum Sanctorum Patrum Chalcedone collectam amplectimur, & salutarem esse decrevimus: & non solum propter multitudinem Pontificum ibidem congregatorum... sed quia & Sanctorum Patrum in Nicaeno Concilio congrua & convenientia, & in nullo contraria eam sapuisse conspiciamus. Ita Episcopi Synodi Sardianae in Lydia: Quae in praedicto Sancto Concilio sancita noscuntur, eis concordantes sumus, quando nihil dissonant a sancto univer-*

*sali Concilio 318. Sanctorum Patrum.* Ita Agapitus Episcopus Rhodi: *De Sancto universalis Concilio Chalcedone Imperiali sanctione collecto ..... quid dicamus? quando per omnia concordem sensum intemeratae fidei a 318. Patribus, qui in Nicaea Christi gratia convenerunt, & Patrum Chalcedone convenientium reperimus? ..... Ob quam rem & pene omnes Occidentalium partium Dei amabiles Episcopi consentientes sibi met, & pariter decernente Sanctissimo atque beatissimo Leone Romanae Urbis Archiepiscopo, literis propriis, & oris sui confessione ea, quae ab ipsis Sanctis Patribus Chalcedone collectis interpretata seu explanata sunt de Domini nostri Jesu Christi incarnatione, confirmaverunt, atque consignaverunt. Ita Julianus Episcopus Coënsis: Pando vestrae potentiae & quid de Sancto Chalcedonensi Concilio sentire dignoscor. Hoc etenim nullatenus a veritate discordat, quoniam fidem traditam a Sanctis beatisque 318. Patribus consona voluntate Divina inspiratione firmavit. Ita Episcopi Capadociae primae, & eorum nomine Alypius Episcopus Caesareae: Definitionem expositam ab illo Sancto Concilio relegens salubriter, congruenterque suspiciens atque intelligens, & ut reor mente recta eam, ut oportebat, examinans, comperi a recta fide non dissonare. Nam 318. Sanctorum Patrum Nicaeae convenientium laudat fidem, & eam sequi omni intentione festinat, & inviolabiliter immobiliterque custodit. Ita Episcopi Metropolis Corinthiae: Ea quae a Chalcedonensi sancto & universalis Concilio definita sunt, tamquam sanctis Synodis praecedentibus consona, & in nullo contraria ..... omnibus sen-*

*sententiis, manere immutata, decrevimus. Ita Episcopi primae Galatae: Nos itaque omni virtute servamus Sanctorum Patrum dogmata, & Sanctum Concilium Chalcedonense cognoscimus, quod scilicet paternorum dogmatum divitias Sanctis Ecclesiis inviolabiliter conservavit. . . . Illud ab omnibus celebratum est, quod eorum, qui ibi collecti sunt, nullus penitus discordavit. Sed etsi pauci quidam pro aliquibus necessitatibus per Provincias remanserunt, ad communionem ejus attracti sunt, quoniam antiqua Ecclesiae dogmata servare dignoscitur. Ita denique & reliqui Metropolitae, quorum ad Leonem Augustum Synodicae Epistolae in encyclo Codice collectae sunt, ac tertiae parti Concilii Chalcedonensis adnexae (a).*

Jam vero ex adlatis testimoniis nonne aequo jure, ac Bossuetius de Leonis Epistola, colligere de Chalcedonensi Concilio poterimus, ejus de fide decretis propterea laudatos Praesules ita consensisse, quod re considerata, convenire omnia cum Patribus aestimarent, judicarent, persuasi essent, & communem omnium ac singulorum fidem a Sancto illo & universali Concilio expositam esse intelligerent? Haec autem sententiendi, & subscribendi forma si Romano Pontifici obest, oberit pariter & Concilio Chalcedonensi. Si vero cum Oecumenicae Synodi irretractabili auctoritate componi facile potest; cur non & poterit eadem facilitate cum simili ejusdemque ponderis ac firmitatis, qualem Romano Pontifici adserimus, auctoritate conciliari? Quodlibet enim dixeris, ut illa inde-

clinabili Synodi Oecumenicae auctoritati non obsint; in promptu erit regere, ne eadem obsint supremae & irreformabili Apostolicae Sedis auctoritati. Si enim dixeris, propterea in eam formam laudatos Praesules rescripsisse, quod ea de re speciatim & expresse a Leone augusti consulti fuerant; quod Synodi hostes objicerent, Nicaenam fidem, & aliarum praecedentium Synodorum definitiones fuisse Chalcedone vexatas, interpolatas, adulteratas: dicam pariter, in eam formam propterea Chalcedonenses Patres Leonis Epistolae subscripsisse, quod ea de re speciatim & expresse eos Judices & Senatus consulerent, idque ab eis omnino requirerent, ad eorum frangendam oblationem, qui temere & obfirmato animo Leonis Epistolae objiciebant, quod ea positi ac definiti a praecedentibus Synodis fidei termini commoverentur.

Si autem dixeris, id quidem conciliare Chalcedonensis Synodi decretis auctoritatem, quod cum praecedentium Synodorum de fide regulis consona sint; attamen & suam illis consistare auctoritatem; quum eodem, quo praecedentes, Spiritu fuerit & Chalcedonensis Synodus gubernata; neque id negare, imo & aperte insinuare, consultos a Leone totius Orientis Episcopos, quum in suis Epistolis Chalcedonensi Concilio ex consensu cum praecedentibus Synodis venerationem conciliant: dicam similiter, id quidem valere ad conciliandam Leonis Epistolae auctoritatem, quod ejus doctrina adamussim cum Nicaena, Constanti-

nopo-

nopolitana & Ephesina fide consentiat ; attamen & suam illi constare auctoritatem ex Petri Apostoli , qui in suis Successoribus adhuc vivit (a) , & iudicium exercet , principatu manantem ; quam profecto Chalcedonenses Patres nequitiam ignorabant , quum eam praecedentibus Synodis consonam praedicabant ; verum & expresse agnoscebant , quum simul Petrum per os Leonis locutum esse clamabant (a) , ac publice profitebantur ; quum omnium perturbationum & scandalorum , quae Ephesi contigerant , hanc fuisse causam dicebant , quod Dioscori fraude lecta non fuisset (b) ; quum eam uti *communem quamdam columnam adversus perverse sentientes ad confirmationem rectorum dogmatum* , praedicabant (c) ; quum Magnum Leonem veluti *Beati Petri vocis constitutum interpretem* venerabantur (d) ; quum denique velut *signaculum sacrae doctrinae , Concilii praedicationem Petri Sedis auctoritate roborare* gelliebant (e) .

Hanc eandem insitam Apostolicis litteris , praeter illam , quae ex eorum cum veteri totius Ecclesiae traditione consonantia & consensione oritur , auctoritatem agnoverunt quoque & venerati sunt in Leonis Epistola Italiae & Galliarum Episcopi : Hi quidem cum in suis ad Sanctum Pontificem litteris *modis omnibus se gratulantur instructos , datamque sibi occasionem gaudent , qua libere ac fiducialiter* , SUFFRAGANTE ETIAM APOSTOLICAE SEDIS AUCTORITATE , eloquantur , & ad-

*serat unusquisque quod credit . . . . Doctrinae post Deum vestrae debet fidelis , ut constanter teneat quod credebatur : debet etiam infidelis , ut . . . . Apostolicae institutionis luce perfusus , erroris sui tenebras derelinquat , magisque sequatur & credat , quod per os vestrum Dominus Iesus Christus de Sacramento Incarnationis suae docet , quam id teneat , quod Diabolus humanae salutis & veritatis inimicus instillat* . Ergo ut Leonis Epistolam suscipiant , non ea tantum ratione moventur , quod in ea fidei suae sensum agnoscunt , verum etiam Apostolicae Sedis auctoritate compelluntur , & quia per os Leonis Dominum Iesum Christum de Sacramento Incarnationis suae docentem , audire sibi videntur .

Similiter Episcopi Italiae utramque in Leonis Epistola auctoritatem suspiciunt ; & eam nimirum , quae oritur ex sententiarum cum *fide antiquitus tradita* congruentia , & quae ex Sedis Apostolicae maiestate refulget ; atque Eutychianam impietatem fidei Christianae fundamenta labefactantem , *auctoritatis* , inquit , *vestrae praecedente sententia* , diris devovent . Verum quid Italiae Episcopi per haec tempora de Romani Pontificis & Scriptorum ejus auctoritate sentirent , praecclare constat ex Sancti Petri Chrysologi Ravennatis Episcopi ad Eutychem litteris quibus scelestum illum nefariae haereseos Architectum (f) *prae omnibus hortatur , ut his , quae a Beatissimo Papa Romanae Civitatis scriptae sunt obedienter attendat : Quoniam* , inquit , *Beatus*

(a) Aët. II. (b) Aët. III. (c) Aët. V. (d) In Relat. ad Leonem .

(e) Allocut. ad Marcianum 3. Par. Conc. Chalced. cap. I.

(f) 1. Par. Conc. Chalced. cap. XV.



*us Petrus, qui in sua sede & vivit, & praesidet, praestat quaerentibus fidei veritatem.*

Igitur quod Chalcedonenses Patres, & Italiae & Galliarum Episcopi Leonis Epistolam tamquam veteri traditioni, & praecedentium Synodorum regulis consonam adprobaverint, argumento non est, quod ipsi neutiquam ex Apostolicae Sedis principatu sua constaret, & quidem, ut volumus, ineluctabilis auctoritas. Nam in eamdem formam consulti a Leone Augusto Orientales Episcopi, Synodi Chalcedonensis decreta sese recipere ac tenere, profitebantur; quorum tamen decretorum & propriam & irreformabilem agnoscebant auctoritatem. Proinde hinc nihil exsculpi potest, quo nostra sententia labefactetur; nisi etiam illud demonstraret, fuisse a Patribus dubitatum, an ex Sedis Apostolicae Cathedra quidquam prodire valeat tamquam fidei definitio vel regula, quod Nicaeno aut Constantinopolitano Symbolo, aut aliorum generalium Conciliorum Canonibus adversetur. Dubitasse de hac re aliquot in Chalcedonensi Synodo Episcopos, jure consuetudinis observat: verum paucorum fuisse, prae reliqua neutiquam dubitantium multitudine, ejusmodi dubitationem, ex repetitis eorum acclamationibus constat: *Reverendissimi Episcopi clamaverunt: Nemo dubitat. . . . Omnes Reverendissimi Episcopi clamaverunt:* „ Nos ita credimus: Omnes ita credimus: sicut „ Leo, ita credimus: nostrum nullus „ dubitat. Ita acclamatum est actione secunda. At vero actione quarta, interrogantibus Judicibus, quanam es-

T. I. P. I.

set Synodi de fide sententia, respondit Paschasinus, Synodum eam fidem amplecti, quae a Conciliis Nicaeno, Constantinopolitano & Ephesino exposita est, quamque Leo sua Epistola declaraverat. Iterum Judices interlocuti sunt, a singulis Episcopis declarandum, an haec Epistola consentiret cum Symbolis Nicaeno & Constantinopolitano. Ac statim quidem professus est Anatolius Constantinopolitanus Episcopus, eam consonare cum Expositione fidei a tribus Conciliis prioribus edita, atque adeo ante Synodum se illi subscripsisse: Sed Paschasinus, ut observat Illustrissimus Petrus de Marca [a], aegre videtur hanc interlocutionem tulisse: Retulit enim, manifestum esse, nec dubitari posse, quin Epistola Leonis cum superioribus Symbolis concordaret: Quod omnes Episcopi suffragiis quoque suis testati sunt, seque illi Epistolae subscriptiones quoque suas apposuisse. Potissimum vero notanda est Polychronii Episcopi Epiphaniae Ciliciae in Synodo sequens in haec verba subscriptio: *Communis fidelium Pater Beatus Paulus Apostolus qui nos omnes per Evangelium genuit, testatur de fide Romanorum, quod in toto mundo annuntiatur: quam fidem jam inde a principio Sancta illa Ecclesia servavit: quam elocutus est nunc & semper Sanctissimus Archiepiscopus Leo, consonantem fidei Sanctorum Patrum, qui Nicaeae convenerunt, & omnium Orthodoxorum. Hanc jam olim tenuimus fidem ac tenemus; in qua & baptizati sumus, & baptizamus. Quo pertinet insignis illa Ecclesiae Romanae commendatio, qua fidem Apostoli ore laudatam*

R

datam

(a) Lib. V. de Concord. Sac. & Imp. cap. IX, num. II.

datam jugiter inviolatam servasse praedicatur, nisi ut intelligamus, ambigendum non esse de ea fide, quae inviolabili illius Ecclesiae traditione nitetur?

Quod vero pertinet ad Illyricianos & Paelestinos Episcopos, qui ad aliquot Leonis Epistolae loca, cum in Synodo legeretur, haeserunt; ac illi subscribere recusarunt, donec satisfactum eorum dubitationibus a Legatis esset: respondet Cl. Thomassinus [a].

„ Non effici inde, ergo fas esse circa  
 „ Synodica decreta ambigere, nisi  
 „ quia fas est, seu veniale potius hominibus est, verba & sensa oraculi non statim capere. *Adjungit porro, quod*, hi circa Leonis Epistolae fluctuantes, non ab alio, quam ab ipso Leone vel ejus Vicariis instruantur, admonentur, & ita acquiescunt. Non de eas inerrantia altercantur, non ab eo ad Synodum provocant, non plus Synodo quam ipsi assensuros se jactitant, sed ab ipsissimo se instrui petunt, instructi subscribunt. Ceteri autem haesitantes, quorum causationibus elidendis Synodus indicta est, a Leone hoc elogio notabantur, ut inimici, ad Dissensiones incitati ab authore contradictionis, ad insana bella profilientes; & mali auctores, quod tamen Deus bene vertisset. Quibus etiam addendum, quod, quemadmodum superius ostensum est, aegre Synodus tulit, inducias his Episcopis dari ad deliberandum, & Leonis Epistolam, antequam illi subscriberent, exequiendam. Quare ex hoc loco confi-

ci nullatenus potest, fas esse Episcopis dubitare, an solenniter edita a Romano Pontifice alicujus Dogmatis definitio quidquam contineat, quod praecedentium Synodorum Catholicae fidei regulis adversetur. Quod tamen nisi Bossuetius demonstraret, ex Chalcedonensium Patrum Leonis Epistolae subscriptionibus, quemadmodum & ex Italiae & Galliarum Episcoporum ad S. Leonem litteris, nihil efficere potest quo indeclinabilis Romani Pontificis in fidei negotiis auctoritas concutiatur.

### ARTICULUS III.

*Aliis Meldenensis Episcopi objectis uberime ac luculentissime ex Thomassinus fit satis.*

POST Chalcedonensium Patrum subscriptiones, post decreta ex Gallorum & Italarum Praefulum ad S. Leonem litteris testimonia, aliam Bossuetius objectionem constat ex sequentibus ejusdem S. Pontificis Epistolae ad Theodoretum verbis [b] *Quae Deus nostro prius ministerio definierat, universae fraternitatis irretractabili firmavit assensu, ut vere a se prodisse ostenderet, quod prius a prima omnium Sede formatum, totius Christiani orbis judicium recepisset. Pergit: nam ne aliarum sedium ad eam, quam ceteris omnibus Dominus statuit praesidere, consensus, assensatio videretur, aut alia quacumque subreperere posset adversa suspicio, inventi prius sunt, qui de iudiciis nostris ambigerent: Tum ipsa quoque veritas clarius renitescit, & for-*

(a) Dissert. XII. de Conc. Chalced. num. XVIII.

(b) Epist. LXIII. ad Theod. Tom. IV. Concil.

*fortius retinetur, dum quae fides prius docuerat, haec postea examinatio confirmat.* „, En diserte examinatio, ea, que liberrima: *Mulum enim, inquit, Sacerdotalis officii meritum splendescit, ubi sic in summis servatur auctoritas, ut in nullo Inferiorum putetur imminuta libertas, & ad maiorem Dei gloriam proficit finis examinis, quando ad hoc se exerendi accipit fiduciam, ut vincatur adversitas, ne quod per se probatur reprobum, silentii praesudicio videatur oppressum.* „ Denique, „ *Apostolicae Sedis Epistola universae sanctae Synodi assensu firmata, ut certissima ac perfectissima, nec amplius retractanda fidei regula proponitur. En quod irretractabile, seu mavis, irreformabile Leo censuit; quod quidem cum orbe, & cum Chalcedonensibus Patribus censuisse, nemini fraudi esse potest: Ab Apostolica Sede forma profertur, sed quae iudicio, eoque liberrimo recipi debeat: & Epi. scopi singuli ita summo inferiores, ut de ejus quoque decreto universi judicent.*

Ita quidem Bossuetius: At non ita, & quidem magis ad Leonis mentem, Clarissimus Thomassinus: Iisdem enim Leonis verbis exscriptis [a]. „ Adgaudet, inquit, post promulgatam, toto orbe Epistola sua fidei definitio, nem. nihilofecius collectam fuisse Synodum Oecumenicam; & hoc amplitudinis suae non dispensium, sed augmentum interpretatur. Nec enim eo Synodus coit, ut quasi ignara haecenus vel dubia rectae fidei, Leonis ad Flavianum Episto-

„ lam excuteret, & libratiss ultra citraque rationum momentis, vel absolveret, vel damnaret. Non id Leo, non id apex ejus ullus innuit, sed ex adverso INDUBITATISSIMUM FIDEI DECRETUM a se evulgatum, & a singulis sparsim Orthodoxis ante Episcopis subscriptum fuisse, & tum postea ab universis collectum in Synodo collaudatum. Profuit ergo Synodus 1. *Ut Capiti membra concordarent, & succinerent, utque fidei dogma non a capite tantum promulgatum, sed ab universo Ecclesiae corpore palam approbatum, adversariorum ora prorsus obtureret, impetus retunderet.* 2. *Ut ne assentationi magis quam veritatis conscientiae adscriberetur illa consensus, qua singuli prius seorsim Episcopi Epistolam Leonis amplexati erant. Sparfos enim & singulares incessere metus aut adulatio utcumque poterat, non in unum & tam numerosum agmen conglobatos.* 3. *Ut non summorum tantum auctoritati, sed & inferiorum libertati consultum sit. Romanus enim Pontifex controversiarum fidei iudex & arbiter est summus, non solus: & Catholici dogmatis Magister primus ideo, quia non unicus: Doctorum doctor. Nec Summus quippe ipse, nec primus, nec Magister esset Doctorum & Parens, nisi & singuli Doctorum nomine & munere clarerent Episcopi. Itaque postquam fidei Dogma debuccinavit primus, & summus Magister, id ad illius quoque gloriae incrementum pertinet, ut idem ipsum in Synodo*

R 2

nodo

„ nodo ab Episcopalis Collegii uni-  
 „ versitate promulgetur.

Pergit Illustrissimus Bossuetius :  
 „ neque aliter intelligebant , dubita-  
 „ tionem omnem tolli potuisse : Ecce  
 „ enim Imperator , peracta demum  
 „ Synodo , sic edicit : *Cesset igitur*  
 „ *jam profana contentio : Nam vere*  
 „ *impius , atque sacrilegus est , qui*  
 „ *post tot Sacerdotum sententiam , opi-*  
 „ *nioni suae aliquid tractandum relin-*  
 „ *quit .* Exinde omnem de Religio-  
 „ ne prohibet disputationem : *Nam*  
 „ inquit , *injuriā facit iudicio reli-*  
 „ *giosissimae Synodi , si quis semel ju-*  
 „ *dicata ac recte disposita , revolvere*  
 „ *& publice disputare contendit .*

Quomodo ex hisce Marciani Impe-  
 ratoris verbis colligat Illustrissimus Au-  
 ctor , non potuisse absque Synodo Oe-  
 cumenica omnem evelli dubitationem ,  
 plane non video . Nam quod ait Impe-  
 rator , vere impium atque sacrilegum  
 esse , post tantae Synodi definitionem ,  
 quae sancita sunt velut adhuc dubia ,  
 & incerta revolvere ac ventilare , in-  
 de profecto non sequitur , infontes fuisse ,  
 qui ante Synodum regulae fidei a  
 Sede Apostolica promulgatae , quam  
 totus Occidens , & fere universus  
 Oriens susceperat , pertinacius relucta-  
 bantur . Imo Imperator ipse in eadem  
 lege , errorem Eutychis vel ante Syno-  
 dum culpa neutiquam vacasse signifi-  
 cat : *Tandem* , inquit , *remedia cul-*  
 „ *pabilis erroris inventa sunt .* Quum ergo  
 Illustrissimus Adversarius adfirmat ,  
 omnem dubitationem non aliter tolli ,  
 quam per Synodum Oecumenicam po-

tuisse ; vel loquitur de dubitatione ,  
 quae culpa vacet , vel de illa , quae  
 cum culpa conjuncta sit . Si de priori  
 dubitationis genere loquitur , falsissi-  
 mum profecto est quod adfirmat . Ad-  
 vertit enim , & quidem merito Tho-  
 massinus (a) : „ Romanae Sedis An-  
 „ tistites suade fide , vel de Personis  
 „ judicia in Oecumenica Synodo re-  
 „ tractare , examinataque iterum  
 „ caussa , confirmari , non semper  
 „ concessisse , non semper intercessisse :  
 „ ubi intercesserunt , suo id jure  
 „ fecisse ; & nihilosequius semel ab  
 „ ipsis damnatos , irretractabili infamia  
 „ succubuisse . Et infra : *Toc-*  
 „ *fere , inquit , huius rei sunt exem-*  
 „ *pla , quot haeresum , quae ple-*  
 „ *raeque , teste Augustino , particu-*  
 „ *laribus Synodis , & consensu uni-*  
 „ *versalis Ecclesiae , ad sui capitis*  
 „ *unitatem religatae & conspirantis ,*  
 „ *ita proscriptae sunt , ut nulla vel*  
 „ *petentibus Oecumenica Synodus*  
 „ *concessa sit .* Quod idem alibi  
 de Eutychiana haeresi , & Chalcedo-  
 nensi Synodo observat (b) : „ Quae  
 „ usquam magis necessaria , quam  
 „ post Ephesinum latrocinium Syno-  
 „ dus Chalcedonenfis ? Et tamen si  
 „ Theodosius superstes diutius , aut si  
 „ Marcianus Theodosii consilium de  
 „ prohibenda tunc Synodo amplexus  
 „ fuisset , non omni ideo Ecclesia de-  
 „ ficeret fidei & sospitatis suae mu-  
 „ niendae ratione : Provincialium  
 „ enim & Regionalium Conciliorum  
 „ consultationibus missitatis ultro ci-  
 „ troque , ut alias saepe factitatum  
 „ est ,

(a) Ubi supr. num. XXIV.

(b) Recent. Operis praefixa post. Edit. num. VI.

est, Oecumenicae Synodi instar ipsa  
sibi excitasset. Ea enim consensio  
omnium, aut longe plurimarum  
cum Romano vertice Ecclesiarum  
in unam fidei confessionem, ubi an-  
te Synodum exsistit & radiat, tunc  
a cogenda Synodo potest Ecclesia  
abstinere. Porro consensus hujus-  
modi omnium in Occidente, & longe  
plurimarum in Oriente cum Romano  
vertice Ecclesiarum, vel ante Chal-  
cedonense Concilium, uti superius  
ostendimus, emicabat. Quare & an-  
tequam Synodus Chalcedonensis cele-  
braretur, haec ad Constantinopolita-  
num Clerum & Populum Leo perscri-  
bebat [a]: *Nec quisquam sibi audeat  
de sacerdotali honore blandiri, qui po-  
tuerit in execrandi sensus impietate con-  
vinci. Nam si vix in Laicis tolerabi-  
lis videtur inscitia; quanto magis in  
eis, qui praesunt, nec excusatione est  
digna, nec venia; maxime cum etiam  
defendere perversarum opinionum com-  
menta praesumunt, & in consensum  
suum aut errore aut gratia instabiles  
quosque traducunt? Erat ergo, cum  
juxta Leonis auctoritatem, tum jux-  
ta Gallicanae Ecclesiae expositam a  
Thomassino doctrinam, inexcusabilis  
vel ante Synodum Chalcedonensem  
Eutychianorum error: proindeque  
Synodo Oecumenica opus non fuit,  
ut error vel dubitatio tolleretur, quae  
culpa vacaret.*

Si autem Meldensis Episcopus de  
alia dubitatione loquitur, quae a cul-  
pa & impietate immunis non sit; haec  
uti Romani Pontificis, ita Synodi Oe-  
cumenicae auctoritate tolli de medio  
non potuit. Ut enim omnibus notum,

maiores ac longe funestiores turbas post  
Chalcedonense Concilium in Aegyp-  
to, ac toto passim Oriente Eutychis  
ac Dioscori Sectatores excitarunt.  
Quare laudatus Thomassinus merito  
rursus observat, ubi Romanae Sedis  
Antistites sua in Oecumenica Syno-  
do retractari judicia concesserunt,  
sua sponte, & quadam juris venia  
facta, indulgenter concessisse; nec  
tamen ex Concilii Oecumenici au-  
thoritate mitigatam, aut fractam  
fuisse perduellium contumaciam:  
quin plerumque in abrupta despera-  
tionis praecipitatum. Cujus rei lu-  
culentius non suppetit argumentum  
quam caedes statim fere post Synodum  
in Paelestina per Theodosium, & sibi  
comites insanos ac perduelles Mona-  
chos, & in Aegypto per Timotheum  
Aelurum perpetratae, & quod inde  
sequebatur est Acacianum schisma, alia-  
que sectarum doctrinarumque porten-  
ta, quae totum Orientem misere di-  
lacerarunt. Quo quidem aliisque ex-  
perimentis constat, eos, qui Roma-  
norum Praesulum auctoritati reluctati  
sunt, perinde ut plurimum fuisse ad-  
versus Oecumenicas Synodos contu-  
maces.

Sed rursus Bosluetio aures aut ocu-  
los admoveamus: En; *inquit*, in  
Eutychetis condemnatione, ordo  
Ecclesiasticorum judiciorum circa fi-  
dei quaestiones. Nempe is a pro-  
prio Episcopo Flaviano judicatur;  
a Sancto Leone Papa causa recogno-  
scitur, retractatur; Sedis Apostoli-  
cae definitione deceditur; post eam  
definitionem Patrum seu Episcopo-  
rum in Concilio generali examen,  
in-

„ inquisitio, iudicium sequitur: post  
 „ approbatam Patrum iudicio defini-  
 „ tionem, jam nullus dubitationi aut  
 „ disputationi locus. Neque aliter  
 „ Leo &c.

Haec omnia jam funditus convulsa sunt. Nam luculentis, & ipsa luce clarioribus testimoniis ostendimus, nullatenus consensisse Leonem, ut fides Sedis Apostolicae auctoritate sancta in Chalcedonensi Synodo tamquam incerta vel dubia retractaretur: Ostendimus etiam, aegre ipsam Synodum tulisse quorundam Episcoporum circa Leonis Epistolam dubitationes, nec facile ex quadam indulgentia paucorum dierum inducias ad eam Epistolam recensendam, dubitantibus concessisse. Itaque fidem Leonis ore & Epistola promulgatam, nec Leo ipse retractari permisit, nec eam reapse Chalcedonensis Synodus retractavit. Quod vel ex hoc ipso, quod Bossuetius subjungit, S. Leonis ad Galliarum Episcopos testimonio, perspicue ac dilucide demonstratur.

„ Neque, inquit Bossuetius aliter  
 „ Leo (a): *Nullum jam excusationis*  
 „ *refugium de ignorantia, vel de in-*  
 „ *telligentiae difficultate conceditur;*  
 „ *cum sexcentorum fere Fratrum Coe-*  
 „ *piscoporumque nostrorum Synodus*  
 „ *congregata, nullam artem ratioci-*  
 „ *nandi, nullum eloquium disserendi*  
 „ *contra fundamentum fidei inspiratae*  
 „ *permiserit; quoniam, adjuventibus*  
 „ *per auxilium Dei Fratribus Vicariis*  
 „ *nostris, non solum Sacerdotibus Chri-*  
 „ *sti, sed etiam Principibus & pote-*  
 „ *statibus Christianis, cunctisque Cle-*

„ *ricis, Plebibus, Ordinibus, plene*  
 „ *atque evidenter apparuit, hanc esse*  
 „ *vere Apostolicam fidem, quam sin-*  
 „ *ceram, & ab omni faece totius er-*  
 „ *roris alienam, sicut accepimus, prae-*  
 „ *dicamus, & universo jam mundo*  
 „ *consequentem, defendimus.* Sic sum-  
 „ mum jam & indeclinabile decreto  
 „ Apostolico robur accedit, postea-  
 „ quam universali inquisitione, exa-  
 „ minatione, discussione, atque exin-  
 „ de consensu ac testimonio roboratur.

Verum nullum hoc testimonio luculentius ad id, quod Illustrissimus Auctor contendit, funditus evertendum, nimirum ideo coactum fuisse Chalcedonense Concilium, ut fides, quam Sedes Apostolica declaraverat, inquireretur, discuteretur, dissertaretur: quum ex adlato testimonio constat, Eutychianos, ut verbis utar Thomae massini (b) ne hiscere quidem, nedum disputare permisso in Synodo Chalcedonensi; sed adnitentibus Legatis Romanis, dictata a Leone Epistola & fides, universae Synodo, Principi, Populoque approbata protinus est, & citra novi examinis recidivas pugnas ab omnibus subscripta. . . . Nec ulla interea, est Synodi Oecumenicae gratia, & utilitas. Nam fide per illam semel promulgata, non suppetit ultra, cuiquam excusationis refugium de ignorantia & inscientia, & intelligentiae difficultate. . . . Quod tamen non ita accipiendum est, perinde atque omnino excusabiles fuerint Episcopi & Ecclesiarum Magistri, qui, ut in hac ipsa Epistola loquitur Sanctissimus

reus

(a) Epist. LII. Tom. IV. Concil.

(b) Ubi sup. nam. XV.

mus Pontifex, *diabolicorum sensuum prodigiosa commenta*, ante Oecumenicam Synodum sectabantur. Hic ergo qualiscumque ignorantiae, inscientiae, & intelligentiae difficultatis obtentus iis tantum ut cumque suffragari poterat miserabilibus Monachis, quibus, ut ait idem Leo, *indoctis, nimiumque simplicibus* Eutyches suum virus adflaverat, ac *persuadere tentaverat* . . . . in Christo divinitatis ejus & carnis unam esse naturam. Hi ergo alique indocti nimiumque simplices homines, qui antea miserabile quidem, sed quaecumque tamen sibi de ignorantia patrocinium accersebant, jam longe inexcusabiliores effecti sunt, postquam patentissima haec, & in omnium sese oculos ingerens totius Ecclesiae corporis auctoritas, & in unam fidem consensus e Chalcedonensi Synodo effulsit.

## CAPUT XVIII.

„ Adversariorum effugia : Bellarmini & Baronius diversa sectantur :  
 „ aliorum cavillationes : de Theodoro in Sedem restituto agitur,  
 „ ex eoque facto nostra sententia confirmatur.

**D**E Bellarmini circa Leonis Epistolam opinione non est quod solliciti simus : Non enim in ejus verba juravimus ; & S. Leonis Epistolam ex Cathedra Apostolica tamquam fidei regulam prodidisse contra atque ille doctissimus Cardinalis existimat, pro certo atque explorato habemus. Quare iis omisiss, quae adversus Bellarminum in praesenti Capite Bossuetius intorquet, ad alia, quae pro arbitrio

effatit, examinanda ac refellenda properamus.

## ARTICULUS PRIMUS.

*Quae de S. Leonis Epistolae in Chalcedonensi Synodo examine Bossuetius iterum ingerit, ex jam dictis refelluntur.*

„ **N**Ovi, inquit Illustrissimus Auctor, qui Bellarmini respon-  
 „ sa erubescant, haec vero haud meliora proferunt. Certa res, inquit  
 „ Leoni erat ; *plenissime, lucidissime*  
 „ a se exposita omnia noverat, & ad  
 „ Synodum Chalcedonensem scripserat : Neque in dubium revocari sinebat a Legatis : *Fidem*, inquit,  
 „ *non patiamini in dubium revocari*.  
 „ Examen igitur illud non ex dubitatione, sed ad ampliorem jam notae  
 „ & creditae veritatis elucidationem pertinebat. Haec illi : at si res ita  
 „ est, quid vetabat examinari Conciliaria quoque decreta ? Quid ipsas  
 „ etiam Scripturas ? Non autem id facere unquam. Ergo cum Chalcedone examinaretur Leonis Epistola,  
 „ aliud agebatur, quam id quod illi fingunt.

Resp. primo, pro nihilo non esse habendam S. Leonis tanti Pontificis auctoritatem ; qui quanquam omnem movebat lapidem, ut ad reparanda, sanandaque vulnera, quae Dioscori, per Pseudo-Synodum Ephesinam Ecclesiae universae intulerat, Concilium generale celebraretur ; attamen nolebat fidei negotium a se plenissime ac lucidissime expositum examinari, & tanquam dubium redivivis disceptationibus retrahari. Plura superius in hanc rem Sancti Pontificis loca produximus.

ximus. Quare unum hic tantum in hanc rem subijciam ex ejus ad Marcianum Imperatorem Epistola testimonium (a): *Nimis autem iniquum est, ut per paucorum insipientiam ad conjecturas opinionum, & ad carnalium disceptationum bella provocemur: tamquam reparata disceptatione tractandum sit, utrum Eutyches impie senserit, & utrum impie Dioscorus judicavit &c.* Ergo quod Bossuetius iustum ac legitimum esse putat, sanctissimus ac doctissimus Pontifex *nimis iniquum* esse decernit, nempe fidei causam per paucorum hominum insipientiam in futura Oecumenica Synodo ventilari. Cui ergo magis credemus; Meldensium Episcopo, an tanto universae Ecclesiae Pontifici ac Doctori? Quem putabimus, magis explorata habuisse Romani Pontificis & Synodi Oecumenicae jura? An ergo Episcoporum, an Concilii universalis libertatem attemptabat Leo, quum haec ad Synodum Chalcedonensem pro sua auctoritate scribebat (b): *Ut qui non potestis ignorare quid credamus, non possitis dubitare quid cupiamus. Unde, fratres carissimi, rejecta penitus audacia, disputandi contra fidem divinitus inspiratam, vana errantium infidelitas conquiescat; nec liceat defendi, quod non licet credi; quum . . . . plenissime & lucidissime per literas, quas ad beatae memoriae Flavianum Episcopum misimus, fuerit declaratum, quae sit de Sacramento Incarnationis Domini nostri Jesu Christi pia & incerta confessio.* An, inquam, quum haec ad Patres Chalcedonenses scribebat Leo; quum suam illis ad Flavianum Epistolam,

tamquam fidei regulam, eamque irretractabilem proponebat; quum factis esse putabat, ut suam fidem atque doctrinam non ignorarent, ut ad illam quaecumque ab eis decernenda essent, tamquam ad regulam tutamque normam exigerent; Synodi Oecumenicae jura & libertatem Sanctus Pontifex violabat? Id quidem libertatum Ecclesiae Gallicanae eversionem Bossuetius aliique dicerent. Verum, ut mox videbimus, non hic fuit Patrum Chalcedonensium sensus. Interim observo, quod quum suas de fidei dogmatibus Epistolas ad Episcopos tamquam irretractabiles fidei regulas transmittunt, vel ipso fatente Bossuetio, habent Romani Pontifices quem sequantur: nempe magnum Leonem totius Ecclesiae fulgidissimum jubar.

Resp. 2. quod, uti superius demonstratum est, Leonis voluntati, fidem Apostolica auctoritate sancitam retractari vetanti, Chalcedonensis Synodus morem gessit, atque omnes Episcopi, paucis exceptis, publice ac solenniter iteratis saepius acclamationibus protestati sunt, quod *Petrus per Leonem locutus est: Sicut Leo ita credimus: Omnes ita credimus: Nostrium nullus dubitat*: aegreque tulerunt nimiam quorundam morositatem, ac vix persuaderi potuerunt, ut eis aliquot dierum induciae ad subscribendum permitterentur. Quare de Leonis Epistola suas ad Flavianum litteras retractari renuientis Synodus conquesta non est, nec ullus Patrum caussatus est, Synodo & Episcopis adimi libertatem, sed morigeri in omnibus Sancti Pontificis voluntati fuerunt. Hos proinde habent,

(a) Epist. XLII. Tom. IV. Concil.

(b) 1. Par. Conc. Chalcedon. Epist. XL.



bent, quos sequantur, qui circa Romanorum Pontificum decreta nullatenus cavillantur.

Resp. 3. quod examen ad velut adhuc latentem veritatem eruendam institutum, & quod ex dubitatione procedat, post promulgatum Sedis Apostolicae auctoritate iudicium non nisi extraordinarie, & ex indulgentia, & quadam juris relaxatione conceditur, ad perfringendam quorundam contumacem surditatem, quam, ubi pervadere non potuit, ut eleganter ait Clarissimus Thomassinus, solitaria, Capitis vox, perrumpat saltem, discussis eorum omnibus dubitationibus, ingeminata & vehementior totius Corporis connitentis, non alia tamen quam Capitis vox.

Resp. 4. cum eodem Thomassino, quod si loquimur de examine in publicis Synodi conventibus sive Actionibus peracto, examen illud, quo Leonis litterae discussae sunt: ne tibi singas inusitatum quid & alienum a moribus Ecclesiae: non aliud fuit, quam quod iis perlectis, omnes professi sunt, eam fidem se, & dum tingerentur, imbibisse; & dum tingerent, infudisse. Consule sis acta ipsa, ut ea superius recensuimus. Nec sane poterant Episcopi, qui ante Synodum applauserant Epistolae, illam in Synodo explodere, vel in dubium vocare.

Resp. 5. quod si loquimur de hoc genere examinis, nihil vetat, hoc pacto examinari Conciliaria quoque decreta, quin ipsas etiam scripturas. Sic, uti superius ostendimus, post Chalcedonense Concilium plurimae per Orientem habitae sunt Synodi, in quibus cum praecedentium Conciliorum fidei regulis Chalcedonensia decreta

*T. I. P. I.*

collata sunt, iisque propterea subscriptum, quod eis neutiquam repugnarent, sed optime cum illis concinerent. Quid porro vetat, ut ad Judaeorum pervincendam obstinationem, vel Haereticorum domandam contumaciam, vel novum Testamentum veteri; vel Scripturae Libros, quos isti rejiciunt, cum illis quos admittunt, optime concinere demonstremus; quemadmodum a Patribus Chalcedonensibus de Leonis Epistola, & ab Orientalibus Synodis de ipsorum Chalcedonensium decretis, ad evellendum pervicacibus Eutychianis hunc scrupulum, demonstratum est, cum illam, tum ista optime cum Nicaeno, & Constantinopolitano Symbolo, & cum Ephesina Synodo consentire? Quod si loquamur de examine, quo res tamquam dubia retractetur, extraordinarie id quidem indolis & imperitis hominibus, ex indulgentia & quadam juris relaxatione aliquando conceditur: quod tamen post Synodum generale vix concedendum est. Nam qui Pontifici, qui Ecclesiae Capiti contumaciter reluctantur, spes aliqua est, ut saltem universi corporis capiti suo concinentis auctoritate frangantur. Qui vero totius corporis, totius Ecclesiae in generali Synodo congregatae, & capiti suo adhaerentis vocem non audit, jam habendus est nobis tamquam Ethnicus & Publicanus. Quanquam, uti superius demonstravimus & Theodosius Magnus post Synodum Constantinopolitanam, & Leo Augustus post Synodum Chalcedonensem, *extraordinariam* hanc *effusione quadam*, ut loquitur saepius laudatus Thomassinus, *dispensandi licentia*, aut *potius caritate, cognitionem concesserint*.

S

A R.

## ARTICULUS II.

*Ejusdem examinis continuatio: demonstraturque, Epistolam S. Leonis ad Chalcedonense Concilium fuisse transmissam, non ut de ipsa, verum ut secundum ipsam tamquam immobilem & irreformabilem regulam de fide Synodus judicaret.*

**P**rosequitur Illustrissimus Auctor:  
 „ Neque vero Chalcedonenses  
 „ luculentiorum ipso Leone, qui omnia  
 „ lucidissime explanaverat, sed auctoritate firmiore protulere sententiam. Neque audiendum illud: Sancto Pontifici explorata erant omnia: ergo in tanta certitudine, nullum quaestioni, nullum examini, quale nos dicimus, permittebat locum. Nempe id qui obijciunt, ne mihi quidem intellexisse videntur, quid sit examen in negotio fidei; cum praesertim de summis ac praecipuis Christianae Religionis dogmatibus agitur: neque enim ut Patres Nicaeni, cum de Ariani quaererent, de Filii divinitate ambegebant: sed quam ab ea fide Ariani abessent, quibusque sententiis ac verbis insanus error confutandus esset. Neque Ephesini cum de Nestorii & Cyrilli, atque adeo de Caelestini fide inquisitio fieret, ipsi de fide dubitabant; sed recte ne an secus illi fidem exposuissent: neque item Chalcedonenses ullo modo dubitabant quis esset Christus, Deus ne ac Homo verus; an confusis naturis quid tertium, si ve aliud portentum Eutychiani cogitarent: non id sane quaerebant; sed vere ne & ex communi Patrum

„ & Ecclesiae sententia, tantum Sacramentum Leo exponeret. Ac certum Leoni erat, a se plenissime expositam fidem recte. An & id omnibus aequè certum exploratum, quae esset, quaerebatur. Episcopi ergo, ad quos perlata erat Leonis Epistola, ejus sensum quisque cum ea fide componebat, quam ipsi a Patribus accepissent: neque caeca, ut ajunt, obedientia, sed ex certa & expressa inquisitione parebant. Certe multos vidimus optima fide dubitasse, neque subscripsisse, nisi postquam ipsis satisfactum fuit: ergo vere & proprie rem examinabant ut nondum exploratam: ac Leoni quidem Petri loco sedenti id certum fuisse visum, praesudicii cujusdam instar, magnaeque ac validae praesumptionis loco erat; sed postquam idem quoque omnibus visum est, non tantum praesumptio, sed omnibus modis fixa sententia, & irretractabile iudicium.  
 „ At enim, inquiunt, plerique ex Patribus jam ipsam Epistolam subscriptione firmaverant, & omnes clamabant, hanc esse suam fidem: sane, sed jam ordine & legitime declarandum restabat, unde is sibi sensus: nempe quod recte examinantibus constitisset, Leonis sententiam cum antiqua fide, quam hauserant, consentire: id ergo simul in Synodo faciunt, quod singulatim ante Synodum quique fecerant, & prolato communi iudicio, quae senserant, firmant.

Haec omnia eo recidunt, ut probetur, tum Leonis Epistolam examinatam a Synodo Chalcedonensi fuisse eo genere examinis, quod ex dubitatione pro-

procedit ; tum de illa judicatum eo genere judicii , quo Judex superior de inferioris Judicis sententia judicat : quae quidem duo satis jam confutavimus . Verum & haec , quae in praesentia ex Illustrissimo Auctore descriptissimus , singillatim ac dearticulatae expendenda sunt , ne iis , qui in his rebus minus versati sunt , facile imponant .

Neque , inquit , audiendum illud : *Sancto Pontifici explorata erant omnia*, &c. Sanctus Pontifex non modo certum & exploratum habebat , turpissimae & infamissimae a fide Catholica Eutychem aberrare ; verum & ejusdem fidei Catholicae doctrinam a se plenissime ac lucidissime expositam : nec modo renuebat ipsum Catholicum dogma , verum & suam ad Flavianum Epistolam , velut adhuc dubiae & incertae auctoritatis in Synodo retractari . Similiter Patres Chalcedonenses , paucis exceptis , neque de fidei dogmate , neque de Leonis Epistola dubitabant . Ergo quidquid ab eis vel circa fidem , vel circa Leonis Epistolam actum est , eorum dubietatem non arguit , nec quodcumque aut qualecumque fuit illud exanien , ex dubitatione profectum est . Ita & Nicaeni Patres de Filii Dei Divinitate neutiquam ambigebant , Ariique impietatem & blasphemias voces palam execrabantur ; nec tamen nisi plurimis disceptationibus habitis , ingentique praemissa perquisitione , manifestam impietatem anathemate perculerunt . Testantur id ipsimet Patres in Synodica (a) ad Aegyptios Epistola : *Necessarium vide-*

*tur , ut a toto Sacro Concilio literae ad vos mittantur , ex quibus possitis intelligere , cum ea , quae in controversiam adducta , & exquisitè disceptata sunt , tum quae decreta & constabula sunt . Primum impia & perversa dogmata Arii , eorumque , qui ejus sectam sequuntur , coram Sanctissimo Imperatore Constantino perquisita sunt : unde placuit Concilio , communibus suffragiis anathema denunciare ejus nefariae opinionioni , & verbis sententiisque execrabilibus , quibus usus est ad Filium Dei blasphemias afficiendum . Idem testantur & Constantini ad Alexandrinos literae , quibus , ut est apud Sozomenum (b) eos hortatus est , ut omni dissidio , ac simulate deposita , in fide a Concilio edita consentirent : Eam enim nihil aliud esse quam Dei sententiam , consensu tot tantorumque Episcoporum per Spiritum Sanctum stabilitam ; & post accuratam inquisitionem rerum omnium in controversia positarum , comprobata . Itaque & aures suas obturarunt , ubi primum Arii fides legi caepta est , ejusque blasphemias aperte detestabantur ; & tamen , uti Gelasius Cyzicenus , Socrates , Sozomenus , ac Theodoritus testantur , cum Ario de fide coram Imperatore disserere , ejusque doctrinam examinare , neutiquam renuebant : Quia re confecta , inquit Sozomenus (c) a Sacerdotibus de fide disputari caeptum est . Imperator autem utriusque partis rationibus non attentas solum , verum etiam patientes aures praebuit . Et Gelasius Cyzicenus (d) : Communicabant igitur quotidie Sancti Episcopi nostri multo-*

S 2

tem .

(a) Apud Soc. lib. 1. cap. VI.

(b) Apud Sozom. lib. 1. cap. ult.

(c) Ibid. cap. XIX.

(d) Lib. II. Hist. Grog. Nic. cap. XI.

*tempore permulta inter se de fide, rati nihil cito aut temere de re tanta statui debere. Arium frequenter accersebant, & crebris interrogationibus propositiones ejus refutabant &c.* Quae profecto ad solam fidei formulam adversus Arianos promulgandam referri nullatenus possunt. Itaque & res ipsas, id est, & Catholicorum fidem, & Arianorum doctrinam examinabant, de quibus tamen nullatenus amigebant: subindeque fallum est, quod Bossuetius indicare videtur; nimirum Synodi examen ad ea tantum pertinuisse, de quibus a Patribus dubitabatur. Fac tamen, Nicaenos Patres, cum de Arianis quaerent, id tantum quaesivisse, quam a fide Catholica Arianus abesset, quibusque sententiis ac verbis infans error confutandus esset: quid vetat, nos pariter adfirmare, quod Ephesini & Chalcedonenses Patres quum de probatis per Caelestinum Cyrilli litteris, ac de Leonis Epistola quaererent, easque cum ea fide componebant, quam ipsi a Patribus acceperant, nequaquam de illarum orthodoxia amigebant, & recte ne an secus illis fides exponeretur; sed quam ab ea fide Nestoriani atque Eutychiani abessent, quibusque sententiis ac verbis, qua fidei formula, quibusve anathematismis infans eorum errores confutandi essent. Non enim hanc abnuimus Synodis Oecumenicis auctoritatem, ut praeter Romanorum Pontificum decreta vel dogmaticas constitutiones, alias si ipsis videbitur, fidei regulas aut Expositiones proponant, dum in iis concinnandis ab Apostolicis literis non recedant, sed eas tamquam immobiles regulas certasque formas sequantur. Itaque non de illis judicare debent,

quemadmodum superior iudex de inferioris Judicis sententia judicat, eamque pro sua auctoritate retractat ac reformat; sed juxta illas tamquam certissimas & inconcussas fidei regulas judicare debent, & si quam edere volunt fidei expositionem, eam ad illarum normam & amussim exigere.

Hujusce rei, quae sane magni momenti est, luculentissimum suppetunt argumentum ipsamet acta Concilii Chalcedonenis. Quum quaedam fidei definitio praeside, ut videtur, Anatolio conscripta esset, & jubentibus Judicibus in Synodo recitata, ea fere omnibus placuit, & solitis acclamationibus probata est. Quaerente enim Anatolio: *Placet vobis definitio? Omnes Reverendissimi Episcopi, praeter Romanos, & aliquos Orientales, clamaverunt: Definitio omnibus placet: Haec fides Patrum: qui praeter ista sapit, haereticus est: Qui aliter sapit, anathematis, &c.* His tamen vocibus & clamoribus nequaquam deterriti sunt Paschasius alique Sedis Apostolicae Legati, sed constanter resisterunt, protestatique sunt, ac dixerunt: *Si non consentiunt Epistolae Apostolici & beatissimi viri Papae Leonis, jubete, nobis rescripta dari, ut ibi Synodus celebretur.* Ut haec controversia componeretur, suggestum est a Judicibus, ut ex Oriente, Asia, Ponto, Thracia, & Illyrico delecti Episcopi cum Anatolio & Legatis conferrent, ac fidei definitionem proferrent, quae omnibus probaretur. Verum Episcopi, quibus definitio placebat, neitquam adquieverunt, sed in has iterum voces eruperunt: *Definitio omnibus placuit: Spiritus Sanctus definitionem distavit: definitio ortho-*

*ihodoxa est : Definitio modo subscribat-  
tur : Qui non subscribit , haereticus est .*  
Cardo controversiae in eo vertebatur ,  
quod Epistola S. Leonis non modo ha-  
bebat , Christum ex duabus esse natu-  
ris , verum & duas in ipso naturas prae-  
dicabat : Definitio autem non habe-  
bat nisi ex duabus naturis . Quare Ju-  
dices in memoriam Episcopis revoca-  
runt , dixisse Dioscorum , *propter hoc  
se damnasse Flavianum , quia duas na-  
turas agebat esse : definitio autem ha-  
bet ex duabus naturis .* Reposuit Ana-  
tolius , propter fidem damnatum non  
fuisse Dioscorum , sed propter temeri-  
tatem , qua in S. Leonem excommu-  
nicationem vibravit ; & propter con-  
tumaciam , qua Synodo parere con-  
temisit . Iterum ergo Iudices quaesi-  
runt , an Epistolam S. Leonis suscipe-  
rent , quumque ab Episcopis respon-  
sum esset , eam se jam suscepisse , ei-  
que subscripsisse : Ergo , dixerunt Ju-  
dices , *quae in ea inferuntur , inseran-  
tur etiam definitioni .* Nulla magis ju-  
sta & legitima consecutio : attamen  
rursus pertinaces Episcopi clamave-  
runt : *Altera definitio non fit : Nihil  
deest definitioni : Epistolam definitio  
firmavit : Archiepiscopus Leo , ut cre-  
dimus , ita credit &c.* Itaque ad Im-  
peratores delata est exorta inter Epi-  
scopos controversia ; ab eisque decre-  
tum est , ut , quemadmodum Iudices  
jam suggererant , *delecti ex variis  
Provinciis Episcopi cum Anatolio &  
Legatis conferrent , & in unam fidei  
formulam convenirent : sin autem ,  
scirent , dissolvendum esse Concilium ,  
& in Occidente Synodum celebran-  
dam .* Adeo tamen definitioni adfixi  
erant Episcopi , ut neque Imperato-  
rum iussibus adquiescerent : ad eorum

ergo flectendam obstinationem , ite-  
rum Iudices monuerunt , dixisse Dio-  
scorum : *Quod ex duabus naturis est ,  
suscipio ; duas non suscipio : Leonem  
autem docere , duas esse in Christo  
naturas unitas inconfuse , inconverti-  
biliter , & indivisibiliter . Quem igi-  
tur , inquit , sequimini ? Sanctissi-  
mum Leonem , aut Dioscorum ?* Re-  
verendissimi Episcopi clamaverunt : *ut  
Leo , sic credimus : Qui contradicunt ,  
Eutychianistae sunt : Leo recte exponit :*  
Quibus statim Iudices reposuerunt :  
*Ergo addite definitioni , secundum ju-  
dicium Sanctissimi Patris nostri Leonis ,  
duas esse naturas unitas in Christo in-  
convertibiliter , inseparabiliter , & in-  
confuse .* His auditis , delecti Episcopi  
una cum Legatis , Anatolio , & Judi-  
cibus , in Oratorium S. Martyris Eu-  
phemiae ingressi sunt ; collationeque  
habita , in eam tandem fidei definitio-  
nem omnes consenserunt , quae in  
hac quinta Actione promulgata est ,  
& Actione sequente coram Imperato-  
ribus iterum lecta , in qua duas in  
Christo naturas agnoscunt , & Episto-  
lam S. Leonis , utpote Magni illius  
Petri confessioni congruentem , & com-  
munem quandam columnam existentem  
adversus perverse sentientes , ad confir-  
mationem rectorum dogmatum , sese  
amplecti ac recipere profitentur .

Ex hac narratione clare & aperte  
perspicitur , quod probare contendimus ,  
nimirum Dogmaticas Romano-  
rum Pontificum Epistolas ad Concilia  
generalia fuisse transmissas , non ut de  
illis iudice Episcopi judicarent , ve-  
rum ut ad illas tanquam ad rectam re-  
gulam , immotamque formam dogma-  
ta , de quibus disceptabatur , exige-  
rent . Non enim hoc loci agebatur de

Leo:



Leonis litteris aut rejiciendis, aut reformandis; vel de aliqua particula ad eas adjiciendâ, vel ab eis detrahendâ; sed tantum de fidei definitione sancienda, quae Sancti Pontificis doctrinam non plene atque integre referebat. Ei nihil deesse, Episcopi fere omnes contendeant; haereticos esse clamabant, qui definitionem rejicerent; ei denique nihil addendum, quod illam Spiritus Sanctus dictasset. Contra Sedis Apostolicae Legati hanc veluti Synodi praevaricationem habebant, seseque rebus infectis discessuros minabantur, omnemque proinde tanto Concilio ademtuos auctoritatem. Et certe, quum in eo potissimum controversia Catholicos inter atque haereticos versaretur, an duae in Christo naturae post unionem inseparabiliter & inconfuse subsisterent; an non Synodus fuisset praevaricata, si id in fidei definitione dissimulasset? An non, iis verbis omis- sis, quae adjungi Legati volebant, fidei formulam concinnassent, cui fortasse ipse quoque Dioscorus subscribere neutiquam renuisset? En quo Synodus labi ac ferri potest, quum ad prae- scriptas per Sedem Apostolicam formas ac regulas suos Episcopi sensus non componunt. Hic videmus, adornatam probatamque ab universa fere Synodo fidei definitionem per Sedis Apostolicae Legatos juxta Leonis Epistolam reformatam: vidimus etiam Damasum Ariminensis Concilii formulam abrogantem: Nunquam vidimus legitimam Synodum, quae dogmaticam Romani Pontificis Epistolam reformat. Quis ergo animum inducat, Sedis Apostolicae litteras ad Synodos transmitti, ut earum arbitrio subjiciantur, & per easdem Synodos retracten-

tur, ac reformentur? Sed ad Melanensem Episcopum redeamus.

Certe, inquit, multos vidimus optimâ fide dubitasse, neque subscripsisse, nisi postquam ipsis satisfactum fuit: ergo vere & proprie rem examinabant, ut nondum exploratam. At, inquam, tota fere Synodus nullatenus dubitabat, aegreque ferebat, quod aliqui Episcopi ambigerent, & ad aliqua loca Epistolae Sancti Leonis haerent, eis- que ad examen inlituendum induciae concederentur: ergo vere & proprie tota fere Synodus rem nequaquam examinabat ut nondum exploratam; sed certam ipsi & indubiam propter morosos, haesitantes, aut refractarios optimo in lumine collocabat.

At enim, inquiunt, plerique ex Patribus jam ipsam Epistolam subscriptione firmaverant, & omnes clamabant, hanc esse suam fidem: Sane, sed jam ordine & legitime declarandum restabat, unde is sibi sensus &c. Haec videtur, quod conciliari non possint cum iis, quae paullo ante dicebat. Si enim plerique ex Patribus Epistolam subscriptione firmaverant, si omnes clamabant, hanc esse suam fidem; quomodo superius dicebatur, quod Chalcedonenses Patres nullo modo dubitabant, quis esset Christus &c. quod non id sane quaerebant; sed vere ne, & ex communi Patrum & Ecclesiae sententia tantum Sacramentum Leo exponeret, investigabant; idque ex dubitatione, non autem ad ampliorem jam notae & creditae veritatis elucidationem? Deinde et si de ipsis Myleriis Patres nullo modo dubitabant, ut Ex. Gr. Chalcedonenses, duas esse in Christo naturas; Ephesini, duas non esse in ipso Personas; Constantinopo-

lita-

litani , Spiritum Sanctum esse cum Patre & Filio adorandum ; Nicaeni , Filium ejusdem esse cum Patre substantiae ; cur tamen dici non poterit quod jam ordine & legitime declarandum restabat , unde is sibi sentus &c. Non ergo facile apparet , qua in re positum sit discrimen inter Mysterium ipsum , & litteras Apostolicas , quibus idem Mysterium exponitur , ac firmatur .

Quae deinde ex Innocentio IV. & Concilio Viennensi Bossuetius adfert , alio pertinent , nec ad Synodicum examen referri possunt earum Epistolarum , quas jam universus Occidens , & omnes fere Orientales Episcopi subscriptione firmaverant , de quo tamen in praesenti disserimus . Quare quum laudata Innocentii & Patrum Viennensium testimonia alio spectent , alibi pariter expendantur .

*Aut vero dicant velim , qua ratione non jam de Romanorum Pontificum decretis , sed de aliorum Scriptorum litteris & tractatibus judicatum putent ? Vero certe examine , tamquam de re dubia . Ita enim Cyrilli , ita Nestorii expositiones in Ephesina Synodo &c. Atqui de Leonis Epistola non aliud gestum &c. Hic rursus secum ipse Meldensis Episcopus confitatur . Nam quis fieri potest , ut de Leonis Epistola tamquam de re dubia Chalcedonenses Patres examen instituerent , qui jam ipsam Epistolam subscriptione firmaverant , & omnes clamabant , hanc esse suam fidem , ac solenniter protestabantur , quod nullus eorum dubitabat , contendebantque , citra novum examen Epistolae ab omnibus subscribendum ?*

Porro de aliorum litteris & tractatibus distinguendum est ; vel enim Romani Pontificis decreto probati fuerant aut improbi , quomodo Cyrilli & Nestorii litterae ac tractatus Caelestini decreto ; aut nihil de illis Pontifex Romanus statuerat . Si de priori Scriptorum genere loquimur , ea perinde ac Sancti Leonis Epistola , hac mente in Synodis generalibus recensebantur , qua Theodosii Magni & Leonis Augusti jussu Nicaena & Constantinopolitana & Chalcedonensis decreta recensita sunt , & ad examen , *ex venia & ad redundantiam juris* , ut Cl. Thomassinus loquitur [a] , quodammodo revocata . Secus autem est de aliorum privatorum litteris ac tractatibus , qui nullo Sedis Apostolicae suffragio muniebantur : De his enim admittimus potuisse in generalibus Synodis judicari , vero instituto examine tanquam de re dubia .

## ARTICULUS II.

*De Theodoro et aliisque per Chalcedonense Concilium in suis Sedibus confirmatis .*

„ **S** Ic duo illa expeditivimus , *inquit*  
 „ *Illusterrimus Bossuetius* , quae  
 „ ab initio sunt commemorata ; nempe  
 „ Dioscori condemnationem , & ap-  
 „ probationem Epistolae ad Flaviana-  
 „ num . Tertium addimus , quod ad  
 „ rem nostram pertineat , de Theo-  
 „ dereto in suam Sedem restituto . Is  
 „ igitur cum jubentibus Episcopis ,  
 „ Nestorium aperte anathematizasset ,  
 „ *Gloriosissimi Judices dixerunt : Om-*  
 „ *nis jam dubitatio de Theodoro est*  
 „ *so-*

„ soluta , quippe & Nestorium coram  
 „ vobis anathematizavit ; & a San-  
 „ ctissimo Archiepiscopo Senioris Ro-  
 „ mae Leone susceptus est , & defini-  
 „ tionem fidei a Religiositate vestra  
 „ prolatam libenter suscepit ; & insu-  
 „ per Epistolae memorati Sanctissimi  
 „ Archiepiscopi Leonis subscripsit .  
 „ Decet igitur , ut sententia prospera  
 „ tur a Deo amabili Sanctitate vestra ,  
 „ ut Ecclesiam suam recipiat , sicut  
 „ & Sanctissimus Leo Archiepiscopus  
 „ iudicavit . Omnes Reverendissimi  
 „ Episcopi clamaverunt : Theodoretus  
 „ dignus est Sede : post Deum Leo judi-  
 „ cavit . Nihil ergo Theodoro pro-  
 „ futurum erat prolatum a Leone de  
 „ eo in Sedem restituendo iudicium ,  
 „ nisi postquam ad Synodum perlata  
 „ res esset , & fidem suam Synodo ap-  
 „ probasset , & ab eadem Synodo  
 „ Leonis iudicium firmaretur . Haec  
 „ gesta sunt Legatis Sedis Apostolicae  
 „ praesentibus , ac postea pronuncian-  
 „ tibus eam de firmando Leonis judi-  
 „ cio sententiam , quam tota Syno-  
 „ dus comprobavit .

Ex Actione prima Concilii manifestissime apparet , quod praeter Aegyptios , Illyricianos , & Palaestinos , paucos illos , qui & S. Leonis ad Flavianum de fide Epistolam totius Occidentis , ac ferme totius quoque Orientis , subindeque universae Ecclesiae jam iudicio probatam , examinari petierunt , reliqui omnes Episcopi , idest , maxima Synodi pars , imo tota fere Synodus , quibus & Imperator & gloriosissimi Iudices suffragabantur , citra novum examen Theodoretum ad Synodum inter Episcopos admittendum esse censabant , propterea quod ejus fidem Leo probaverat , suamque ei

Sedem restituerat : *Gloriosissimi Iudices & amplissimus Senatus dixerunt :*  
 „ Ingrediatur & Reverendissimus Episcopus Theodoretus , ut sit particeps Synodi , quia & restituit ei Episcopatum Sanctissimus Archiepiscopus Leo , & sacratissimus & piissimus Imperator sanxit , eum adesse Sanctae Synodo . Et ingresso Theodoro Reverendiss. Episcopo , Aegyptii , & Illyriciani , & Palaestini Reverendissimi Episcopi clamaverunt :  
 „ Miseremini : Fides perit : Istum  
 „ Canones ejiciunt ; Hunc foras mittite &c. Orientales , & Pontici , & Asiani , & Thraeces Reverendissimi Episcopi clamaverunt : „ Nos in pura  
 „ carta subscripsimus : caesi sumus , & ita subscripsimus ; idest , ut infra exponitur , vim a Dioscoreo passi sumus , quum Theodoretum in Ephesino latrocinio e sua Sede deiecimus . Quare , jubente Senatu , eo sedente in medio , iidem Orientales , & qui cum ipsis Reverendissimi Episcopi clamaverunt : *Dignus dignus* . Hinc dum sequentes Actiones celebrarentur , pro Episcopo semper habitus est , & tanquam Cyri Episcopus S. Leonis Epistolae Actione quarta , & Synodi definitioni Actione quinta subscripsit . Quod ergo ejus causa Actione octava iterum proposita esset , ex eadem indulgentia , & juris relaxatione factum est , qua & S. Leonis Epistola est , iidem paucis petentibus Episcopis , in Synodo examinata . Quanquam adungi potest , quod quum de mera , ut vocant , facti quaestione ageretur , id est , de fide , ut ajunt , *personali* ipsius Theodreti ; quibus in causis Romanis Pontificibus indefectibile iudicium non adserimus ; aliquo jure permitti potuit ,

ut



ut ad evellendum omnem suspicionem, ne absenti Leoni forsitan imposuisset, ac Nestorium non ex animo ejurasset, ad publice & coram Synodo anathema adversus eum pronunciandum adigere. tur: Noverant enim, inde religatam esse ac pendere pacem & communio- nem, quam ei Apostolica Sedes in- dulserat. Verum, quod paullo ante dicebam, nimirum ex quadam indul- gentia & ut paucis Episcopis Theodo- reti Adversariis satisfaceret; fuisse in eum quodammodo instauratum judi- cium, confirmari potest, ex verbis Maximi Antiocheni Episcopi, quibus ejus in suam Sedem restitutioni subscri- psit: *Dudum quidem & a principio Reverendissimum Episcopum Theodore- tum novi Catholicum, audiens doctri- nam ejus in Sanctissima Ecclesia. Mul- to autem magis nunc ejus recipio San- ctitatem, quia modo anathematizavit Nestorium & Eutychem, & sapit se- cundum definitionem expositam ab hoc Sancto Concilio. Unde & ego decerno, esse eum consuete Episcopum Civitatis Cyri. Ex quibus constat, de Theo- doreti orthodoxia neque a principio Maximum dubitasse: huic autem sen- tentiae & Thalassius Caesariensis in Cappadocia Episcopus, & Basilius Ancyranus, & Constantinus Bostorum in Arabia alique Episcopi accesserunt: Omnes Reverendissimi Episcopi clama- verunt: Hoc justum judicium &c.*

De Anatolio & Maximo suis in se- dibus solius auctoritate Pontificis con- firmatis, adtexere hic libet, quae prae- clare observat Cl. Thomassinus (a):  
„ Cum Anatolius Dioscori ante in-  
„ Urbe regia Apocrisarius, ejusdem  
T.I.P.I.

„ Episcopus ordinatus fuisset in Ephre-  
„ sina illa Latrociniali Synodo, ejectione  
„ per summum nefas Flaviano: Cum  
„ Domino per ejusdem Pseudosynodi  
„ grassationes depulso, suffectus fuisset  
„ et Maximus, & praeter Canones  
„ ab Anatolio ordinatus; atque ita  
„ utriusque claudicaret ordinatio;  
„ utramque tamen ratam habuit Sy-  
„ nodus, Leonis sententiam, & fa-  
„ ctam ab eo Canonum veniam am-  
„ plexa, citra novi examinis scruti-  
„ nium. De Anatolio audi Leonem  
„ scribentem ad Marcianum (b): Nos  
„ vestrae fidei & interventionis habentes  
„ intuitum, cum secundum suae  
„ consecrationis Auctores, ejus initia  
„ titubarent, benigniores circa ipsum,  
„ quam justiores esse volumus: quo  
„ perturbationes omnes, quae operan-  
„ te Diabolo fuerant excitatae, adhi-  
„ bitis remediis leniremus. Nec alia  
„ in Chalcedonenſi Synodo occurrit  
„ usquam vitiosae Anatolii ordinatio-  
„ nis expiatio, aut venia. Id enim  
„ post Synodum Leo scribebat, ad-  
„ debatque: Satis sit praedicto, quod  
„ vestrae pietatis auxilio, & mei fa-  
„ voris assensu, Episcopatum tantae  
„ Urbis obtinuit. De Maximo autem  
„ idem Leo in eadem ad Marcianum  
„ Epistola ita testatur, Anatolium  
„ objurgate pergens: Neque sibi ae-  
„ stimet licuisse, quod Antiochenae  
„ Ecclesiae sine ullo exemplo, contra  
„ statuta Canonum, Episcopum ordi-  
„ nare praesumpsit. Quod nos amore  
„ reparandae fidei & pacis studio re-  
„ tractare cessavimus. Et disertissime  
„ Synodi Chalcedonenſis Act. 10.  
„ Legati Romanae Sedis dicunt: Si

T ergo

(a) Dissert. XII, num. XXXVI.

(b) 3. Par. Conc. Chalced. cap. VI.

ergo & a Beatissimo & Apostolico Romano Urbis Episcopo omnia, quae ibi (Ephesi) gesta sunt, vana sunt habita; claret, quia & Sanctissimus Episcopus Antiochena Civitatis extra haec est, quem post haec Beatissimus Episcopus in propria communione suscepit. Quae postrema verba etsi desint in Graeco textu nunc quidem, olim non defuisse liquet, tum ex fide vetustissimi Interpretis, tum ex ipsa sententiae consequentia, tum ex eo quod mox Anatolius succinit in eandem sententiam, irrita esse possibilibus Ephesini decreta, nisi illud circa Maximum &c. quoniam Sanctissimus Romanae Urbis Archiepiscopus Leo in communionem illum recipiens, praeesse eum Antiochenae Ecclesiae iudicavit: quam formam sequens & ipse approbavi, & praesens omne Sanctum Concilium. Quibus & reliqui omnes Episcopi suffragati sunt.

Hanc depositionis Domni, & Maximi in ejus locum ordinationis per S. Leonem confirmationem praeclarissimum esse antiquissimumque testimonium summae auctoritatis Romani Pontificis in Synodos & Episcopos Orientales, Quesnellus agnoscit [a], qui propterea Actionem de Domino veluti commentitiam explodit, & fabricatam esse contendit ab aliquo Latino Impostore in gratiam Romani Pontificis. Verum ejus opinionem egregie Baluzius refellit [b]; ostenditque, nihil illic pro Romani Pontificis aucto-

ritate reperiri extraordinarium, quod non in aliis ejusdem Concilii locis inveniat: praecipue vero quae de Maximi ordinatione & Domni depositione ibi Paschasius ait, eadem, Actione X. & ab Anatolio Constantinopolitano Episcopo, & a Stephano Ephesino, & ab eodem Paschasio Pontificis Vicario pariter inculcari. Id porro ait laudatus Baluzius, magnificum esse pro Romano Pontifice; si Antiocheni, & consequenter Alexandrini, aliorumque Episcoporum ordinatio sit aut cadat pro ejus arbitrio. Magnificum sane illud, quod sibi licere judicaverit S. Leo, Maximi Ordinationem, etsi Canonibus contrariam, pro arbitrio confirmare: contra vero licitum esse noluerit Concilio Chalcedonensi Episcopum Constantinopolitanum super aliis post Romanum everhere, quod hoc decretum Canonibus adversaretur.

Ex quibus omnibus, & ex his quae superioribus Capitibus demonstravimus, clare ac manifeste perspicitur, merito ad Michaëlem Imperatorem scripsisse Nicolaum I. omnia ad Romani Pontificis voluntatem fuisse in Chalcedonensi Synodo constituta: *ita ut*, inquit [c], *Chalcedonensis magna Synodus, nil diffinisse, nil respuisse, nil suscepisse, nisi quod vel illa, vel vices Apostolicae Sedis ibi servantes, diffinierunt, projecerunt, vel admiserunt, penitus agnoscatur.*

C A.

(a) Apud Baluz. Praefat. in antiquam vers. Conc. Chalcedon. num. XXXII.

(b) Ibid. num. XXXIII.

(c) Epist. IX. ad Mich. Imp.

CAPUT XIX.

ARTICULUS PRIMUS.

„ Concilium V. Generale, seu Con-  
 „ stantinopolitanum II. in medium  
 „ adducitur: In eo referuntur 3. &  
 „ 4. Synodi acta jam a nobis re-  
 „ censita, & clare docetur, Ro-  
 „ manorum Pontificum, ut & alio-  
 „ rum scripta, non nisi inquisitio-  
 „ ne facta, a Synodis comproba-  
 „ ri: Unde trium simul Synodo-  
 „ rum Oecumenicarum autoritas  
 „ nostram sententiam firmat.

„ **A**cta Constantinopolitanae se-  
 „ cundae Synodi, inquit *Illu-*  
 „ *strissimus Auctor*, quae quinta est  
 „ generalis sub Vigilio Papa, ac Ju-  
 „ stiniano Principe, demonstrabunt,  
 „ ita ut tertiae & quartae Synodi de-  
 „ creta intelleximus, ita a quinta Sy-  
 „ nodo fuisse intellecta; quae eam  
 „ traditionem ex proximo sumpserit,  
 „ ac nobis reliquerit. Nos autem  
 „ contra demonstrandum aggredimur,  
 „ praecedentium Synodorum decreta non  
 „ alio sensu a quinta Synodo intelligi  
 „ potuisse, quam quo nos illa intellexi-  
 „ mus. Neque reapse aliter fuisse in-  
 „ tellecta,

*Quum docet quinta Synodus, Romano-  
 rum Pontificum de fide litteras a  
 tertia & quarta Synodo, nisi prae-  
 misso examine non fuisse susceptas,  
 eam nec reapse locutam esse nec lo-  
 qui potuisse de examine, quod ex  
 dubitatione procedat.*

„ **D**E tribus Capitulis, inquit *Eos-*  
 „ *fnctius*, agebatur; Hoc est,  
 „ de Theodoro Mopsuetteno, de  
 „ Theodoret scriptis adversus Cyril-  
 „ lum, deque Ibae Edeseni Epistola  
 „ ad Marim Persam. Quaerebatur,  
 „ ea ne Epistola probata esset in Chal-  
 „ cedonensi Synodo: Atque eam qui-  
 „ dem Epistolam Chalcedone lectam  
 „ esse constabat, ac susceptum Ibam  
 „ a Sancta Synodo, cum Nestorium  
 „ anathematizasset. Quidam perso-  
 „ nae veniam datam tantum; alii  
 „ Epistolam quoque probatam conteu-  
 „ debant. Quaesitum ergo in Synodo  
 „ quinta, quo ritu probari scripta de  
 „ fide consueverint in Synodis antero-  
 „ ribus: Tertiae & quartae Synodi  
 „ gesta explicantur, ea quae supra  
 „ memoravimus, de Epistolis Sancto-  
 „ rum Cyrilli & Leonis: Tum (a)  
 „ Sancta Synodus dixit: *Ex his, quae*  
 „ *recitata sunt, manifestum est, quo-*  
 „ *modo Sanctae Synodi ea, quae apud*  
 „ *eas proferuntur, probare solent.*  
 „ *Cum enim illi Sancti viri, qui reci-*  
 „ *tatas Epistolas scripserunt, sic splen-*  
 „ *duerint; tamen Epistolarum earum*  
 „ *comprobationem non simpliciter, nec*  
 „ *sine inquisitione fecerunt, nisi per*  
 „ *omnia cognovissent; consonare eas*  
 „ *expositioni & doctrinae Sanctorum*

T 2

„ Pa.

(a) Collat. VI,

„ *Patrum , ad quam collatio facta est.*  
 „ De Ibae autem Epistola non esse  
 „ ita gestum , constabat ex actis: Eam  
 „ ergo Epistolam non esse probatam ,  
 „ optime concludebant . Sic igitur  
 „ certum ex tertia & quarta Synodis ,  
 „ ita definiente & intelligente quin-  
 „ ta , Epistolas a Sede Apostolica  
 „ comprobatas , qualis Cyrilli fuit ,  
 „ aut etiam ab ea profectas , qualis  
 „ Leonis fuit , non simpliciter , nec  
 „ sine inquisitione a Sanctis Conciliis  
 „ receptas fuisse .

Si verum fateri volumus , non mihi videtur , V. Synodi mentem doctissimus Episcopus attigisse , aut recte exposuisse . Quum Synodus praecedentium Conciliorum Ephesina & Chalcedonensis de Cyrilli & Leonis Epistolis ut & de Nestorii litteris acta recensabat , non eo directe spectabat , ut Ibae Epistolam a Chalcedonensi Concilio susceptam non fuisse probaret : verum praedictorum Conciliorum exemplum sibi ob oculos ponebat , quod ipsa in Ibae Epistolae damnatione imitaretur . Quare post laudata verba statim adjungit : *Hanc igitur regulam sequentes , perspicimus recitari definitionem pro fide expositam a Sancto Chalcedonensi Concilio .* Qua recitata , iterum sancta Synodus dixit : *Nunc necessarium nobis esse videtur , conferre Epistolam , quam Ibas scripsisse dicitur , cum definitione pro fide a Chalcedonensi Concilio prolata , & insuper ad ea , quae ibi acta sunt , nec non etiam cum his , quae Sancti Patres scripserunt : considerare autem & quae consonanter praedictae Epistolae & a Theodoro & Nestorio haereticis exposita sunt .* Post autem institutam ejusmodi collationem , Sancta Synodus dixit :

*Ostendit manifeste facta collatio , quod contraria per omnia est Epistola , quam Ibas scripsisse dicitur , definitioni , quam pro recta fide Sancta Chalcedonensis Synodus pronunciavit .* Ac tum demum omnes Episcopi exclamaverunt : *Haec omnes diximus : Epistola haeretica est : Epistolam quae dicitur Ibae , omnes condemnamus , &c.* Ex quibus constat , ideo Synodum , acta Ephesina & Chalcedonensia de Cyrilli & Nestorii litteris , nec non & de S. Leonis Epistola recitari jussisse , ut eorum formam in Epistolae Ibae damnatione sequeretur . Inde autem consequens est , tum ipsius quintae Synodi , tum ipsa iudice , praecedentium Synodorum de iis Epistolis examen , non ex dubitatione profectum esse , sed ad ampliorem jam notae & creditae veritatis elucidationem pertinuisse . Id enim aperte sacra ipsa Synodus indicat , ubi acta Ephesina & Chalcedonensia recitari jubet . Quum enim Theodorus Cappadox aliique Episcopi ex gestis Concilii Chalcedonensis demonstrassent , quod Ibas in ea Synodo non solum abnegavit , sed etiam anathematizavit Epistolam , contrariam per omnia constitutam expositae definitioni a Sancto Chalcedonensi Concilio : responsum a Synodo est : *SCIMUS ET NOS , haec ita subsequuta esse : tamen cautius aestimantes , talia judicare ex his , quae in antecedentibus Sanctis Synodis disposita sunt ; & scientes , quod in Ephesina prima Sancta Synodo de Epistolis Sancti Cyrilli , & in ipso Chalcedonensi de Epistola sanctae memoriae Papae Leonis quaedam mota sunt ; necessarium esse putavimus , ex his , quae in praedictis Sanctis Synodis gesta sunt , partes illas , quae haec continent , manifestari , ut pro*

**AMPLIORE SUBTILITATE & inde instrui.** Etiam sic propositorum disceptationem faciamus. Sciebant ergo quintae Synodi Patres, ac perspectum & exploratum habebant, Epistolam Ibae contrariam esse Concilii Chalcedonenfis definitioni; attamen pro ampliore & subtiliore veritatis jam cognitae indagatione, atque ut instructior esset propositi argumenti disceptatio; formam sequi volunt in praecedentibus Synodis institutam, juxta quam Synodus Ephesina Cyrilli & Nestorii litteras cum Nicaeno Symbolo contulit; Chalcedonenfis autem Leonis Epistolam cum Ephesinorum Patrum doctrina; & consonas receperunt, dissonas autem rejecerunt, ut aperte ex gestorum lectione demonstrant: quam & ipsi formam sequentes, antequam solenne iudicium adversus Epistolam Ibae pronuncient, collationem ejus cum definitione Concilii Chalcedonenfis instituunt: Quod, ut patet, ab ipsis praestari potuit, etsi optime scirent ac periuasi essent, eas invicem repugnare, de eaque re neutiquam dubitarent.

Confirmari & illustrari haec possunt ex iis, quae circa primum Capitulum de Theodori Mopsuesteni ac Scriptorum ejus damnatione in eadem Synodo gesta sunt. Quum enim XXVII. ex ejus libris Excerptum legeretur, Sancta Synodus exclamavit: (a), *Haec jam condemnavimus: Haec jam anathematizavimus: Anathema Theodoro Mopsuesteno: Anathema Theodoro, & conscriptis ejus &c.* Pergunt tamen, aliaeque quamplurima Excerpta recitari sullenit; & quum demum impium ejus Symbolum lectum esset; iterum

in has voces erumpunt: *Hoc symbolum Satanias composuit: Anathema ei, qui hoc symbolum composuit . . . Anathema Theodoro Mopsuesteno . . . Anathema illis, qui non anathematizant eum.* Simplicem illam Theodori Scriptorum lectionem satis esse potuisse ad proferendam Synodicam adversus illum, & impia illius scripta sententiam, Sancta Synodus statim atque illi Episcoporum clamores quieverunt, his verbis professi est: *Multitudo lectionum blasphemiarum, quas contra magnum Deum & Salvatorem nostrum Jesum Christum, imo magis contra suam animam Theodorus Mopsuestenus evomuit, justam ejus facit condemnationem.* Unde oportebat quidem, nos nihil aliud expectantes, & per Synodicam sententiam anathematium subicere. Subjungit tamen, quod solennem sententiae pronunciationem disserre satius existimat, quo eadem causa subtilius & exactius examinetur: *Veruntamen, licet manifesta sint, quae Sancti Patres & leges Imperiales, & Historiae conscriptores contra eum dixerunt; tamen quia oportet in examinatione, quae contra eum procedit, nihil praetermitti subtilitatis, alio die etiam cetera audiamus.* Pergunt itaque Patres sequenti Collatione in eadem causa & Capitulo examinando, non quidem quod adhuc ambigerent, an Theodorus, ac nefaria ejus scripta anathemati subicienda essent, vel eorum impietas ex simplici lectione statim in oculos non incurreret; verum quia libuit sanctae Synodo in ejusmodi examine nihil omittere subtilitatis: Quemadmodum, ut jam observavimus, & Ephesinae

(a) Collat. IV.

sinæ & Chalcedonenſis Synodi acta in cauſſa Ibae recitari juſſit pro ampliore ſubtilitate, atque ut inſtructor eſſet propoſiti Capituli diſceptatio.

Idem etiam confirmari poteſt ex iis, quae circa ſecundum Capitulum, ideſt Theodoretum contra S. Cyrillum ſcripta, in eadem quarta Collatione ſervata ſunt. Decreta eſt enim ex eorum ſimplici lectione damnatio, & ex eo, quod Synodus Chalcedonenſis non ante Theodoretum, aut ajunt Patres, ſuſcepſiſſet, quam Neſtorium ejuſque blaſphemias damnaveſſet: *Sancti Synodus dixit: Et ex his, quae Theodoritus impie conſcripſit, miranda eſt ſubtilitas Sancti Chalcedonenſis Concilii. Sciens enim ejus blaſphemias, prius quidem multis ſaepius uſa eſt contra eum exclamationibus: poſtea vero non aliter eum ſuſcepſiſſet, niſi prius anathematizaveſſet Neſtorium, & ejus blaſphemias, pro quibus antea ſcripſit, defendens eas. Quum itaque & quae de his propoſita ſunt, finem acceperunt, alio die de reliquo Capitulo nobis quaerſtio proponitur.* Atqui ſacrae Synodo non minus perſpecta erat Epiſtolae Ibae, quam Theodoretum adverſus Cyrilli Capitula lucubrationum impietas; notum etiam omnibus erat, Ibam perinde ac Theodoretum, juſſum eſſe, antequam a Synodo Chalcedonenſi ſuſciperetur, Neſtorium ejuſque dogmata anathematizare, quae in ejus, vel ipſi adſcripta Epiſtola propugnantur: Ergo ſi illa ſufficere viſa ſunt, ut cauſſa Theodoretum finem acciperet; cur & iſta ſatis eſſe non poterunt, ut & Ibae cauſſa terminetur? Cur omnino neceſſe fuit, Epiſtolae Ibae cum Concilii Chalcedonenſis definitione collationem inſtitui,

ſi nulla ejuſmodi collatione inſtituta, ſcriptorum Theodoretum damnatio decreta eſt? Itaque patet, quod accuratius illud examen Epiſtolae Ibae, quod Concilii Ephreſini & Chalcedonenſis inſtar in quinta Synodo initum eſt, non fuiſſe ſuſceptum niſi ad ſubtiliorem & inſtructiorem propoſiti Capituli diſceptationem: ſubindeque & quod in praecedentibus Synodis litterarum Cyrilli & Neſtorii, necnon & Leonis Epiſtolae examen peractum eſt, ſeu illarum cum praecedentium Synodorum fidei regulis inſtitutam collationem non ex dubitatione proſectam eſſe, ſed ad ampliorem jam notae & creditae veritatis elucidationem pertinuiſſe: Vel certe id argumento eſſe non debet, quod de hac re Patres ambigerent; ſed quod omnem haſitantibus dubitationem ac ſcrupulum, evellere penitus voluerunt, qui, ut initio Collationis dicitur, de Ibae Epiſtola potiſſimum contendebant, eam damnari non poſſe, quod a Concilio Chalcedonenſi probata ac ſuſcepta fuiſſet: *Piſſimus Imperator his, quae ad nos ſcripſit, & hoc adjecit, quod vindicare quidam conantes Epiſtolam, quam Ibas ſcripſiſſe dicitur, praefumunt dicere, ſuſceptam eam eſſe a Sancto Chalcedonenſi Concilio.*

Porro quum in ſuperioribus Capitulis locupletiffime demonſtratum ſit, examen illud, quod in praecedentibus Synodis de Cyrilli & Neſtorii litteris, nec non & de Leonis Epiſtola initum eſt, quodcumque illud fuerit, ex dubietate ortum non eſſe; conſequens eſt, neque de hoc examine, quod cum dubitatione conjunctum ſit, loqui potuiſſe in adlatis a Boſſuetio verbis quintae Synodi Patres. Neque

in hac re demonstranda oportet amplius immorari.

ARTICULUS II.

*Quae dicta sunt in Articulo superiori, ex Vigilio Papa confirmantur: & ostenditur, Romanorum Pontificum de fide literas spectatas id temporis fuisse ut irreformabiles fidei regulas, & ejusdem cum generalium Conciliorum decretis auctoritatis.*

**Q**uae de recepta in Chalcedonensi Concilio S. Leonis Epistola, ejus cum praecedentium Synodorum decretis inita collatione, docent quintae Synodi Patres; docet etiam, nec minus perspicuis verbis, in suo adversus tria Capitula Constituto Vigilius, quod publici juris ex Codice Colbertino Baluzius fecit. Nec tamen Vigilius in ea, ut videbimus, versabatur opinione, quod licitum fuerit de S. Leonis, & aliorum Pontificum Romanorum de fide litteris dubitare, antequam illae in Oecumenicis Synodis retractarentur: a qua etiam opinione alienos fuisse quintae Synodi Patres similiter demonstrabimus.

Vigilius ergo uti demonstrat, Ibae ad Marim Persam Epistolam a Chalcedonensi Concilio non fuisse susceptam, prae oculis habendum esse monet, quomodo Chalcedonenses Patres in receptione Epistolae S. Leonis, & in Catholicae fidei expositione se gesserint. Nam quum illi professi sint, sese propterea laudatam S. Leonis Epistolam recipere, quod cum praecedentium Synodorum decretis, & probatis per Ephesinam Synodum S. Cy-

rillilitteris consentiret: quumque in expositione fidei primo Nicaeni, deinde Constantinopolitani Concilii fidei regulas, tum S. Cyrilli litteras commendaverint; fieri profecto non potuit, ut memoratam Ibae Epistolam susceperint, qua Ephesina Synodus, & S. Cyrilli doctrina carpitur ac reprobat. Itaque adlatis ex Actione quarta Concilii Chalcedonensis quorundam Patrum subscriptionibus, ita Vigilius prosequitur: *Hic ergo se ita habentibus, nulli venit in dubium, quin Patres nostri ita a se venerabiliter crederent suscipi beati Leonis Epistolam, si eam cum Nicaenae & Constantinopolitanae Synodorum, tum etiam beati Cyrilli in Ephesina prima expositis assererent convenire doctrinis. Et si illa tanti Pontificis, & tanta orthodoxae fidei luce prae-fulgens Epistola, his exigit comparationibus approbari; quomodo illam ad Marim Persam Epistolam, quae specialiter Ephesinam primam Synodum respuit, & beati Cyrilli exposita dogmata definiunt haeretica, ab iisdem Patribus credatur orthodoxa nominari, quum illa condemnent, quorum collatione tanti Pontificis, ut dictum est, meruit doctrina laudari?* Et infra eodem argumento demonstrat, a Maximo Antiocheno non potuisse in Chalcedonensi Concilio Epistolam Ibae Catholicam existimari; quod videlicet dum de recipienda beatae recordationis Papae Leonis Epistola censeretur, eam ob hoc recipiendam statuit, quia beati Cyrilli in Epheso expositae fidei conveniret.... Quis igitur sic a totius humanitatis ratione sepositus invenitur, ut credat, hunc Sacerdotem in causa vel definitio-

ne

*ne fidei ita sibi exstisſe contrarium , ut qui tam praeclari Pontificis atque Doctoris , id eſt , beati Leonis Epistolam , aperte pia dogmata continentem , beati Cyrilli , quae in Epheso eſt expoſita , comparando doctrinae , iudicavit orthodoxam , illius e contrario Epistolae orthodoxum diceret eſſe ſcriptum , quod haeretica voce ipſa beati Cyrilli dogmata molitur evertere ?*

Abbas Fleurius in Historia Ecclesiastica ad ann. 554. num. LII. ad haec Vigiliani constituti loca digitum intendens, observat : „ Vigilium , „ perinde ac quintam Synodum agnoscere , S. Leonis Epistolam probam , tam in Chalcedonenſi Synodo non „ fuiſſe , antequam examinaretur , & „ fidei trium praecedentium Conciliorum consona reperiretur : Et „ hanc confessionem , ait , in ore „ Pontificis majoris eſſe momenti . Utique haec Pontificis confessio maximi momenti eſt ad probandum , examen illud & collationem Epistolae S. Leonis cum fide praecedentium Conciliorum argumento non eſſe , quod Romanorum Pontificum de fide Epistolae tanquam irretractabiles fidei regulae habendae non ſint , antequam in Oecumenicis Synodis retractentur . Etenim ab hac mente , ut mox videbimus , quam longiſſime Vigilius aberrat . Ceterum nihil hic ille ait de S. Leonis Epistolae per Chalcedonenſem Synodum ſuſceptione , quod & de ipſa Chalcedonenſi Synodo dici jure optimo non potuerit . Nam & illam ; ut ad ſuperiora Capita demonſtravi , Patres noſtri , perinde ac S. Leonis Epistolam , crediderunt cum debita a ſeſe ſuſcipi veneratione , quum affirmabant , ejus fidei expoſitionem

cum Nicaeni & Conſtantinopolitani Concilii , & expoſitis a S. Cyrillo in Ephesine Synodo convenire doctrinis : & illam , perinde atque illam , oportuit his comparationibus approbari , eorum dogmatum collatione , perinde ac tanti Pontificis , meruit etiam tanti Concilii doctrina laudari : Synodum quoque ob hoc recipiendam conſulti a Leone Auguſto Episcopi ſtatuērunt , quod beati Cyrilli expoſitae in Epheso fidei conveniret : Denique & Chalcedonenſium Patrum fidei expoſitionem aperte pia dogmata continentem & orthodoxae fidei luce radiantem , [ quod de Leonis Epistola ait Vigilius ] Cyrilli quae in Epheso eſt expoſita , comparando doctrinae , orthodoxam iidem Episcopi judicarunt . Haec , inquam , omnia de Chalcedonenſi Concilio dici ſidentiffime potuerunt ; nec tamen inde quiſtolligat , retractibus obnoxiam fuiſſe probatam a Romano Pontifice Chalcedonenſis Synodi fidei definitionem , antequam Orientales Episcopi ſuis in particularibus Synodis eam fidem cum praecedentium Synodorum fidei regulis formulisque conferrent , eaſque invicem conſentire Synodicis ſuis Epistolis teſtarentur .

Superest ut oſtendam , non eam fuiſſe Vigilii aliorumque id temporis Episcoporum mentem , Romanorum Pontificum de fide litteras ineluctabilis non eſſe ſive indeclinabilis auctoritatis , antequam in Synodis Oecumenicis retractentur : verum etſi in nulla Oecumenica Synodo examinatas , fuiſſe tandem eadem ac Synodorum generalium decreta veneratione ſuſceptas . Initium faciam ab ipſo Pontifice Vigilio , qui in Epistola ad Juliania-



nianum Imperatorem non modo sese recipere proficitur S. Caelestini literas, quas Synodus Ephesina, & S. Leonis ad Flavianum Epistolam, quam Concilium Chalcedonense susceperat; verum & ejusdem Leonis ad cognominem Leonem Augustum, aliasque decessorum suorum, ac praesertim Hormisdæ, Johannis senioris, nec non & Agapeti de fide literas; quamvis in nullo generali Concilio discussæ probataeque fuissent; atque perinde damnat, & anathemate ferit eos, qui de fide per eas exposita, earumque dogmatum rectitudine, ac qui de Conciliorum generalium fidei regulis aut disputare perverse, aut infideliter dubitare tantassent (a): Haec ergo, quae de fide a Patribus sanctarum quatuor Synodorum, & a designatis beatæ recordationis Papæ Leonis Epistolis, atque a superscriptorum Praedecessorum nostrorum constitutis sunt venerabiliter definita, per omnia non sequentes; & eorum doctrinae contrarios probabili Apostolicæ Sedis auctoritate damnantes, anathematizamus eos, quicumque de fide ejus expositione vel rectitudine aut disputare perverse, aut infideliter dubitare tentaverint; & contra eadem sentientes, quæ de fide Nicæna, Constantinopolitana, Ephesina prima, & Chalcedonensi, sanctissimis Synodis, nec non & beatæ recordationis praedecessoris nostri Leonis Epistolis, quarum fecimus mentionem, vel universis, quæ ipsius sanxit auctoritas, continentur, a Catholice fidei unitate secernimus. Viden, quomodo in eodem censu habet & in eo-

T. I. P. I.

dem summae auctoritatis fastigio collocat Romanorum Pontificum dogmaticas Epistolas, & quatuor generalium Conciliorum fidei definitiones?

Neque hæc tamen singularis fuit illo ævo ipsius Vigilli de Romani Pontificis auctoritate sententia; quinimo hanc fuisse omnium Episcoporum, Orientalium fidem, patet ex professione fidei, quam Menas Constantinopolitanus Patriarcha, Theodorus Cæsariensis in Cappadocia, Andreas Ephesus, Theodorus Antiochenus in Pisdia, Petrus Tarsensis, & alii plures Episcopi eidem Vigilio ad S. Euphemiam obtulerunt, in qua non modo Conciliorum generalium decreta, verum & beatæ recordationis Papæ, Leonis Epistolas, & Sedis Apostolicæ constituta, quæ tam de fide, quam de firmitate quatuor suprascriptarum quatuor Synodorum processerunt, se se in omnibus secuturos servaturosque, promittunt. Similis est huic altera fidei professio paullo post ab Eutychio Menæe successore, & aliis duobus Patriarchis, Apollinare Alexandrino, & Domnino Antiocheno, Elia Thessalonicensi, aliisque Episcopis, a quibus prior subscripta non fuerat, eidem Pontifici oblata est: nam & ipsi, suscipimus, inquit, & amplectimur Epistolas Praesulum Romanæ Sedis Apostolicæ, tam aliorum, quam Leonis sanctæ memoriae de recta fide scriptas, & de quatuor sanctis Conciliis, vel de uno eorum. Utramque hanc fidei professionem initio sui pro tribus Capitulis Constituti Vigilius inseruit (b): hanc autem posteriorem etiam univer-

V

fa

(a) Epist. IV. ad Justinian. Tom. V. Concil.

(b) Tom. V. Conciliorum.

fa quinta Synodus probasse & adoptasse videtur, quum in prima Collatione publice lecta sit, & actis inserta, ubi haec adnotat eruditus Garnerius (a): „ In Epistola Eutychie Urbis Regiae „ Episcopi ad Vigilium observandum „ . . . . perinde loqui Eutychie de „ Epistolis Summorum Pontificum „ , pertinentibus ad fidem ac de iis „ , quae a sanctis quatuor Synodis iudicata ac definita sunt.

Haec inerat etiam Justiniano Imperatori de iisdem Pontificum Romanorum Epistolis mens. Nam, ut Vigilii initio Constituti testatur, ipse auctor fuit, ut laudatae fidei professiones ab Orientalibus Episcopis ederentur: *Inter innumeras sollicitudines, quibus oneratur Imperiale fastigium, laudabile clementiae vestrae cognovimus esse propositum, per quod . . . . universos Domini Sacerdotes praemissis ad testimonium conscientiae suae professionibus, per quas Sanctorum Patrum, & venerabilium quatuor Synodorum, ac Praesulum Sedis Apostolicae inhaerere definitionibus atque iudiciis monstrarentur, ad unitatem atque concordiam restituere properastis.* Porro earum Professionum formam ideo suo de tribus Capitulis Constituto inferendam existimavit, ut Ecclesiasticae pacis, inquit, *amplectendum Posteris tradatur exemplum*; hoc est, ut sciarent posterum, non posse alias Ecclesias & Episcopos cum Sede Apostolica & Romano Pontifice pacis & communione esse participes, nisi perinde ac Synodorum generalium decreta, Romanorum Pontificum dogmaticas Epistolas amplectantur.

Verum in hanc rem nihil luculentius his, quae in suis fidei professionibus ad Vigilii Decessores Johannem II. & Agapetum idem Imperator conscripsit. Ita enim in Epistola ad Johannem Secundum: *Reddentes honorem Apostolicae Sedi, & vestrae Sanctitati; quod semper nobis in voto fuit & est; ut, & decet Patrem, honorantes vestram Beatitudinem; omnia, quae ad Ecclesiarum statum pertinent, festinavimus ad notitiam deferre vestrae Sanctitatis . . . . nec enim patimur, quidquam, quod ad Ecclesiarum statum pertinet, quamvis manifestum & indubitatum sit, quod movetur, ut non etiam vestrae innotescat Sanctitati, quae Caput est omnium Sanctorum Ecclesiarum: Per omnia enim ut dictum est, properamus honorem & auctoritatem crescere vestrae Sedis.* Deinde quorundam Monachorum de Verbi Divini Incarnatione Judaica dogmata, ut ea vocat, & errores exponit, quibus suam objicit fidei Chatholicae professionem, in qua inter cetera, sancta quatuor Concilia sese suscipere profitetur, sicut, inquit, *vestra Apostolica Sedes docet atque praedicat.* Tum subiungit: *Omnes ergo Sacerdotes sequentes doctrinam Apostolicae Sedis vestrae, ita credunt, & consentunt, & praedicant:* Petit tamen tum sibi, tum Constantinopolitano Episcopo (*quoniam & ipse, inquit, scripsit ad vestram Sanctitatem, festinans in omnibus sequi Sedem Apostolicam Beatitudinis vestrae*) manifestum fieri, quod omnes, inquit, *qui praedicta recte consentunt, suscipit vestra Sanctitas: & eorum, qui judaice an-*  
*si sunt*

(a) Dissert. de V. Synod. gen. cap. V. §. II, num. VI.

*si sunt rectam denegare fidem, condemnat & perfidiam. Quod profecto quid aliud est, quam fidei causas ad Sedis Apostolicae iudicium, tamquam ad supremam ejusdem fidei regulam revocare?*

Hanc fidei Catholicae professionem laudati Johannes II. & Agapetus probarunt, quorum prior his Imperatorem verbis adloquitur: *Inter claras sapientiae ac mansuetudinis vestrae laudes, Christianissime Principum, puriore luce tanquam aliquod sidus irradiat, quod amore fidei, quod caritatis studio, edocti Ecclesiasticis disciplinis, Romanae Sedis reverentiam conservatis, & ei cuncta subjecitis, & ad ejus deducitis unitatem; ad cujus Auctorem, hoc est, Apostolorum primum, Domino loquente praeceptum est, Pascere oves meas; quam esse omnium vere Ecclesiarum caput, & Patrum regulae, & Principum statuta declarant, & pietatis vestrae reverendissimi testantur assatus. Et infra ejusdem Imperatoris Epistolam, & fidei professionem confirmans: Haec est igitur, inquit, vera vestra fides, haec certa religio: hoc beatae recordationis, ut diximus, Patres omnes Praefulesque Romanae Ecclesiae, quos in omnibus sequimur, hoc Sedes Apostolica praedicavit hactenus, & inconcussae custodivit: Huic confessioni, huic fidei quisquis contraditor exstiterit, alienum seipsum a sancta Communione, alienum ab Ecclesia iudicabit esse Catholicam. Laudat Imperatorem, quod omnia Ecclesiae Romanae subjeceret, & ad ejus revocaret unitatem, propterea quod Romanis Pontificibus in Apostolorum Principe a Christo Domino pascendi gregem, hoc est, docendi*

*munus & auctoritas credita sit, quae in eis hactenus inconcussa & inviolata permanerat, ideoque se se illos sequi in omnibus proficitur, ac rebelles ab Ecclesia Catholica segreges & alienos declarat.*

Nec minus illustria sunt, quae laudatus Imperator in altera fidei confessione, quam Agapeto Pontifici Constantinopoli obtulit, ad suam erga Sedem Apostolicam, & Romanorum Pontificum de fide decreta & Epistolae, pietatem religionemque testandam, professus est: *Prima salus est, rectae fidei regulam custodire, & a Patrum traditione nullatenus deviare: quia non potest Domini nostri Jesu Christi praetermitti sententia dicentis: Tu es Petrus, & super hanc Petram aedificabo Ecclesiam meam. Haec, quae dicta sunt, verum probantur effectibus, quia in Sede Apostolica inviolabilis semper Catholica custoditur religio. De hac igitur fide non cadere cupientes, & Patrum sequentes in omnibus constituta, id est 318. Sanctorum Patrum, qui in Nicaea sunt congregati &c. quibus tres alias Synodos generales adjungit: & probantes per omnia, atque amplectentes Epistolas beatae memoriae Leonis omnes, quas de fide Christiana conscripsit; juxta quas de Verbi Divini Incarnatione fidem proficitur, contrariaeque haereses & Haereticos damnat, ac deinde subjungit: Quapropter, sicut praefati sumus, sequentes in omnibus Sedem Apostolicam, quae ab ea statuta sunt, praedicamus. Rectae fidei regulam in Apostolica Sede Iustinianus agnoscit, tum quod illa firmissima Petra sit, supra quam Christus aedificavit Ecclesiam, tum quod in illa Christiana Religio inviolabi-*

labilis custoditur . Ab hac ergo inviolabili & incommutabili regula nunquam excidere cupit ; ac propterea non modo quatuor generalium Conciliorum Canones , verum & S. Leonis , non eam tantum ad Flavianum , sed & ceteras *omnes* Epistolas amplectitur , quas ille de Christiana fide conscripsit ; nec non & Sedem Apostolicam *in omnibus* sequitur , quae ab ea statuta sunt . Neque hoc tantum , sed , ut statim subjungit , haec omnia se inconcussae servaturum promittit , & omnem operam daturum , ut eandem fidem omnes per orbem Episcopi profiteantur : *Et profiteamur , ista inconcussae servari , & compellere , ut juxta tenorem libelli istius omnes faciant Episcopi ; ut sanctissimi quidem Patriarchae ad vestram faciant Sanctitatem : Metropolitanis vero Patriarchis ; & alii ut suis faciant Metropolitanis : quatenus per omnia sancta Catholica nostra Ecclesia suam habeat firmitatem* . Hanc fidei professionem Agapetus , & Vigilius Papa probarunt . Vide sis hujus Epistolam quartam ad Justinianum .

Plura adhuc congeri possent ; verum haec satis esse videntur ad confundendam Bossuetii opinionem , qui ex quinta Synodo probare contendit , quod „ Sancti Patres nostri in Synodis Oecumenicis quas legunt Epistolas , „ sive Catholicorum , sive Haereticorum , sive etiam Romanorum , „ Pontificum , eodem ritu orthodoxas , vel haereticas pronuntiant : „ legitima cognitione , veritate inquisita ac deinde perspecta ; tum „ ex his dato judicio . Nullo ne ergo discrimine inter Romanorum Pontificum Epistolas , & Haereticorum lucubrations ? Inter Cyrilli probatas

Caelestino litteras in Ephesina Synodo & Epistolas Nestorii ? Inter Leonis Epistolam in Concilio Chalcedonenſi & Eutychetis insanam fidei professionem ? Respondet Bossuetius : „ saepe „ diximus , & saepe dicemus , praefatum „ ptum fuisse pro Pontificum Orthodoxorum decretis : caeterum in Synodis Oecumenicis , ubi judicandum in materia fidei non jam praesumptionibus agi oportere , sed omnino ad liquidum veritate perspecta . Verum quid hoc pacto eximium ac speciale tribuitur Romanorum Pontificum decretis , quod non cujuslibet alterius Orthodoxi Doctoris , aut Catholici Episcopi fidei professionibus aut Epistolis tribueretur ? An non etiam pro Basilii , Gregorii Nazianzeni , Johannis Chrysostomi , Ambrosii , Augustini , Hieronimi &c. doctrina esset in Synodo Oecumenica praesumendum ? Verum Agapetus , Johannes II. , ac Vigilius Romani Pontifices , Menas , Eutychius , Apollinaris , & Domininus Patriarchae , alique Orientales Episcopi , nec non Justinianus Imperator in suis Epistolis & fidei confessionibus non praesumunt tantum pro Romanorum Pontificum decretis ac dogmaticis Epistolis , quamvis nullius Synodi generalis auctoritate discussis atque probatis , sed eis ut ex superius adlatis testimoniis constat , tanquam fidei regulis inviolabilibus , & inconcussis inhaerent . Ex his autem Episcopis , qui hac tenebantur , aut hanc saltem profitebantur erga Sedem Apostolicam , & Romanorum Pontificum Epistolas religionem , quinta Synodus , Justiniani opera , constata est .

CAPUT XX.

- „ Synodus quinta, invitato ac repugnante Vigilio Papa habetur :  
 „ ejusdem Vigili Constitutum solvit : Ibae Epistolam ipsius sententia ab haeresi absolutam, impiam & haeticam judicata : a Romanis Pontificibus comprobatur.

**I**N hoc Capite, praemissa brevi rerum gestarum narratione, haec potissimum Meldensis Episcopus objicit :

1. Quod invito ac repugnante Vigilio Synodus generalis habita est.
2. Quod Vigili pro tribus Capitulis Constitutum sua solvit auctoritate.
3. Quod nihilominus hanc Synodum ipsimet Romani Pontifices confirmaverunt.

Ex his porro colligit in re maxima, quae totam conturbet Ecclesiam, atque ad causam fidei pertinere videatur, Pontificiis decretis sacrorum Conciliorum decreta praevalere; Romanique Pontificis judicio defensam Ibae Epistolam, haud minus pro haeretica proscribi potuisse.

Quae tamen consecutio nulla omnino est, nisi imprimis conitet, quintam Synodum non modo refragante Pontifice, verum & jure & canonice fuisse celebratam. Quapropter de hac re primo loco differendum est. Quaerendum etiam an reapse Vigilium pro tribus Capitulis Constitutum quinta Synodus sua solverit auctoritate. Denique & illud inquirendum, quae fuerit, aut quae futura fuisset quintae Synodi auctoritas, nisi fecisset Sedis Apostolicae auctoritate confirmata : nisi haec enim fuerint in bono

lumine collocata, nihil inde confici potest aut pro, aut contra Romani Pontificis auctoritatem.

ARTICULUS I.

*Legitimam non fuisse & canonicam, refragante Vigilio, quintae Synodi celebrationem.*

**H**Ujusce Thesis probatio imprimis ex ea lege, seu Canone, seu consuetudine pendet, quae Julio Papae in suis litteris ad Orientales, & in suis Historiis Socrati ac Sozomeno memorantur : quorum verba prae oculis habere oportet, ut argumenti, quod inde elicitur, vis penitus intelligatur. Itaque Julius Orientalibus scribens, qui, ut verbis utar Illustrissimi Adversarii, in re maximi momenti, quae totam perturbabat Ecclesiam, & ad causam fidei pertinere videbatur, judicium, inconsulto Romano Pontifice in Antiochena Synodo, usurpaverant, his verbis eorum audaciam temeritatemque castigat. *Oportuit secundum Canonem, & non isto modo judicium fieri : oportuit scribere omnibus nobis, ut ita ab omnibus quod justum esset, decerneretur . . . . An ignari estis, hanc consuetudinem esse, ut primum nobis scribatur, ut hinc quod justum est, definiri possit ? . . . . Nunc autem nos, quos certiores minime fecerunt, postquam jam egerint quod libuit, suffragatores suae damnationis, cui non interfuimus, esse volunt. Non ita se habent Pauli ordinationes, non ita Patres docuerunt . . . . Pro publico bono ista scribo : quae enim accepimus a B. Petro Apostolo, ea vobis significo . . . . quae nota apud vos esse arbitror &c.* Quae verba ex laudatis

Soz.

Socrate & Sozomenoluce accipiunt; quorum prior observat, notatos a Julio fuisse Orientales Episcopos (a) quod contra Ecclesiae Canones egissent, quod illum ad Concilium non vocassent: quippe quum Canon Ecclesiasticus vetet, ne decreta absque sententia Episcopi Romani Ecclesiis sanciantur. Alter vero tradit, incusatos ab eo fuisse eosdem Orientales (b), quod contra leges Ecclesiae ipsum ad Concilium non vocassent: Nam legem esse ad Sacerdotii dignitatem spectantem, quae pronunciat, acta illa irrita esse, quae praeter sententiam Episcopi Romani constituuntur. Hinc, ut superius vidimus, Lucentius Sedis Apostolicae in Concilio Chalcedonensi Legatus Actione I. id potissimum Dioscuro crimini vertit, quia quum personam iudicandi non haberet praesumpsit, & Synodum ausus est facere sine auctoritate Sedis Apostolicae, quod, inquit, nunquam licuit, nunquam factum est.

Jam vero adversus ejusmodi Canones, & consuetudines, seu privilegia Sedis Apostolicae pluribus rationibus in causa trium Capitulorum ab Orientalibus cum ante Synodum, tum in ipsa Synodo peccatum est.

Primus Imperator Justinianus tria Capitula copioso satis libello damnavit, idemque auctor fuit, ut in eorum damnationem Orientis Episcopi, inconsulto Romano Pontifice consentirent. Spectabat haec causa ad universam Ecclesiam; ideo Menas Constantinopolitanus Patriarcha cum violento Principis jussu Capitulorum damnationi subscribere cogeretur, se nihil acturum sine Apostolica Sede promisit,

uti Facundus Hermianensis lib. IV. cap. IV. auctor est: Quumque subscripsisset, a Stephano Ecclesiae Romanae Diacono conventus; sub ea se conditione cessasse, & juratum sibi fuisse respondit, quod chirographum suum reciperet, si haec Romanus Episcopus non probaret. Item Zoilus, ut est apud laudatum Facundum eodem loco, Alexandrinae Urbis Antistes, quum Romanum Episcopum venire cognosceret, obviam illi ad Siciliam misit, conquerens, necessitate se ad ipsius decreta adfirmationem fuisse compulsus: Quod hic ei, postquam venit, idem Romanus Episcopus in facie palam, nobis quoque inter alios praesentibus, exprobravit. Denique ceteri Episcopi post subscriptionem memorato Stephano Romano Diacono libellos dederunt Sedi Apostolicae transmittendos, confiteres in eis, quod a Constantinopolitano Episcopo coacti subscriberent.

Haec qualiscumque erga Sedem Apostolicam Romanumque Pontificem in Orientalibus reverentia ex illius Canonis cognitione profecta esse videtur, juxta quem, ut est apud Sozomenum, acta illa irrita sunt, quae praeter sententiam Episcopi Romani constituuntur. Quem Canonem ad summi Sacerdotis dignitatem spectantem ne aperte violare viderentur, hanc suis subscriptionibus conditionem adjecerunt, quod Chirographum suum reciperent, si haec Romanus Episcopus non probaret. Neque hoc tamen pacto violati Canonis invidiam declinarunt: Quoniam, ut est apud eundem Facundum (c), hoc erat mirabile, ut postquam horum ( trium Capitulorum ) da-

mma-

(a) Lib. II. cap. XIII.

(b) Lib. III. cap. IX.

(c) Lib. IV. cap. III.

mnationem fecerant, dicere, quod Ecclesiam Romanam consulerent, & sententiam Vigiliis ejus Praefulis expectarent. Sed, quod Julius cum Orientalibus exoptulabat, primum Apostolicae Sedi scribendum fuerat, ut hinc quod justum erat & Catholicae fidei consonum definiretur. Quum autem per totum Orientem, Illyricum, Dalmatiam, Siciliam, & Africam damnatio trium Capitulorum, inconsulto Pontifice Constantinopoli peracta, interim promulgaretur, ad Vigilium scribere videbantur, ut eum, quem admodum idem Julius conquerebatur, suae damnationis, cui non interfuerat, suffragatorem haberent. Hanc tamen suae Sedis & dignitatis injuriam, & vetuli Canonis, seu consuetudinis praevagationem inultam esse non tulit Vigilius; sed quum Roma Constantinopolim proficisceretur, litteris ex itinere ad Menam datis, damnationem trium Capitulorum reprehendit, & Legatis ad Justinianum missis petivit, ut pateretur eam rescindi. Urbem deinde Constantinopolitanam ingressus VIII. Kal. Februarii, Menam & alios Capitulorum damnatores, illos quoque qui damnatoribus communicabant, a communione suspendit; quam tamen illis post quinque menses restituit, Theodora Augusta rogatu.

Hanc, quam adferimus, censurae in damnatores trium Capitulorum, quod nempe praepropera eorum damnatione Sedis Apostolicae jura violassent, a Vigilio latae praecipuam fuisse causam, Vigilius ipse in suis ad Justinianum & Theodoram litteris anno sequente datis haud obscure significat.

Quamvis enim nulla vi adigi potuisset ad subscriptionem; consensit tamen anno 548. ut in conventu septuaginta Episcoporum haec causa discuteretur. Quod sequentibus verbis Clerici Italiae narrant in Epistola Legatis Francorum directis [a]: *Sed quum Papa Vigilius in hac parte nollet adhibere consensum, jam tunc talis violentia facta est, ut publice in conventu clamaret: Contessor, quia, etiam me captivum tenetis, B. Petrum Apostolum captivum facere non potestis. Po-  
[a] ftea tamen, tractatu habito, praedictus Sanctus Papa Vigilius sub aliqua dispensatione ipsam causam ordinavit, sollicitè monendo, ne per occasionem aliquam supradicta Synodus (Chalcedonensis) pateretur injuriam. Singulorum suffragiis Episcoporum ad se scripto delatis, uti Facundus narrat [b], ipse Judicatum dedit ad Menam, quo tria Capitula damnabat. Dedit etiam laudatas, & Collatione septimae quintae Synodi Justiniani jussu productas ad ipsum Justinianum & Theodoram litteras, in quibus eadem tria Capitula, his tamen praemissis verbis, proscribebat: Nos semper per virtutem Sanctae Trinitatis haeretici nunquam fuimus aliquando, neque sumus, absit, sed ex infantia & Christiani & orthodoxi & fuimus, & sumus. Jura vero, quae a Deo donata sunt nostrae Sedi, neque concessi, neque concedo; sed quamdiu vivo, quae justa sunt jura Sedis meae, exigo. Hoc ergo ne aestimare faciat pietatem vestram quia haereticos defendo: ecce enim satisfactionem vestro invito imperio subscripsi in hac charta, anathemati-*

(a) Tom. V. Concil.

(b) Lib. cont. Mocian.

*matizans & Epistolam Ibae &c.* Quod perinde est ac si diceret, non quidem se, ut Nestorianis gratificaretur, a trium Capitulorum damnatione abstinuisse, & eorum damnatoribus communionem iumdudum interdixisse; sed quod ii Sedis Apostolicae iura involascent, & decreta Ecclesiis absque sententia Romani Episcopi constituissent.

Damnationem trium Capitulorum urgebant Orientales, quod iis Acephali offenderentur, eoque obtentu Chalcedonenſi Concilio subscribere recusarent: contra Occidentales eadem Capitula damnari aegre ferebant, quod persuasum haberent, id fieri non posse absque Synodi Chalcedonenſis injuria. Utrisque ergo per suum Judicatum satisfactum iri Vigilius exillimavit: Nam & Capitula damnavit, ut Orientales sibi conciliaret; & salvam esse iussit Concilii Chalcedonenſis reverentiam, ne Occidentales exasperaret. Verum istiusmodi decreto nullo modo Illyriciani, Dalmatae, & Afri, qui inter Occidentales censebantur; nec Orientales penitus adqueverunt; sed illi praefraſte in Capitulorum defensione perſisterunt: hi vero per Justinianum Imperatorem Vigilium urgere coeperunt, ut Capitula absolute, ac sine Chalcedonenſis Concilii mentione damnaret. Quod ubi Vigilius intellexit, rem ad Concilium generale deferendam persuasit, receptoque interim cum aliorum Episcoporum manibus Judicato, quod ante fecerat, omnem deinceps usque ad Concilium de Capitulis quaestionem, annuente Principe, interdixit. At Theodorus Cappadox, totius negotii, ut eum Vigilius appellat, *inquietissimus sti-*

*mulator*, Justiniano suavit, ut edicta in Capitulorum damnationem contra interdictum proponeret. Cujus rei certior factus Vigilius, comminatus est Graecis Episcopis communionis suae suspensionem, si edicto consensum praebere; variisque injuriis affectus tandem in Theodorum Caesariensem sententiam depositionis tulit, Menam vero Patriarcham aliosque Episcopos tamdiu a sacra Communionem suspendit, donec, ut ait, *unusquisque errorem suae praevaricationis agnoscens, culpam apud nos propriam competentis satisfactione diluerit*. Hac Sacerdotali constantia & firmitate tandem Vigilius obtinuit, ut remotis edictis, trium Capitulorum discussionem integram futurae Synodo relinqui consentiret Augustus; atque Menas & Theodorus alique Episcopi veniam a Vigilio peterent ob injurias ejus Beatitudini vel Sedi factas, ut testantur eorum libelli inserti Vigilii Constituto. Menae mortuo successit Euty chius, qui statim fidei libellum Vigilio obtulit, ab aliis quoque Patriarchis Episcopisque signatum, petivitque, ut communi tractatu controversiae motae definirentur. Rescripsit Vigilius, sibi placere, ut discordia sopiatur. *γινόμενης Κανονικῆς συνόδου, habita Synodo Canonica*, in qua tractatus & disceptatio fieri posset cum unitis sibi Fratribus, *ἀμα τοῖς ἀγαθῶσιν ἡμῶν ἀδελφοῖς σύγκρισις πεισισόμῃθα*. Cupiebat Vigilius Synodum in Italia fieri, sed refragante Principe de loco, tandem inter eos convenit ante diem Paschae, ut exaequato Latinae linguae Episcoporum numero iis Pontificibus Graecis, qui tunc Constantinopoli praesentes aderant, de tribus Capitulis tra-



tractarentur, quemadmodum testatur Vigilii in Constituto. Sed morae impatiens Princeps Synodum coëgit adversus pacta conventa, literisque suis datis ad Patriarchas Constantinopolitanum, Alexandrinum, Antiochenum, & Vicarios Hierosolymitani Patriarchae, & ceteros Episcopos Orientales, qui erant in Urbe, ad controversiam de tribus Capitulis aggrendendam hortatus est. In quibus litteris *Judicati* olim a Vigilio editi mentionem iniecit, ut de Pontificis sententia nullus videretur ambigendi locus: dissimulata tamen illius *Judicati* rescissione, & ceteris conditionibus cum Vigilio depactis. Haec quae omnino praemittere oportuit magna ex parte ex Illusterrimo Petro de Marca mutuavimus (a); ex quo etiam quae sequuntur, & ad rem nostram maxime pertinent, exscripta sunt.

Convenit ergo Synodus IV. Nonas Maji; & illustri legatione Eutychii Constantinopolitani, & aliorum Patriarcharum, atque sexdecim Metropolitanorum, Vigilium convenit, ab eo postulans, ut causam trium Capitulorum cum ceteris Episcopis discutere vellet, quemadmodum suis litteris Eutychio pollicitus erat. Ille causatus valetudinem, in posterum diem responsum distulit, quo pollicitus est manifestare, quod ei de tali conventu placuerit. Quibus verbis non significat, quod viris eruditis persuasum est, scilicet se scripsit Synodo satisfacturum, sed potius indicat, se conventum illum *Canonicae Synodi* loco non habere, quia de re perendie sit acturus. Hic locus est magni momen-

T.I.P.I.

ti, ad ferendum de consilio Vigilii certum judicium. Permiserat praecipue Synodi indictionem ad sanandos Episcoporum Occidentalium animos, qui laesi fuerant illa dispensatione, qua usus erat ad Conciliandos Orientales. Ea conditio placuerat Justiniano; itaque conventus solorum Orientalium censeri non poterat a Vigilio *legitimum & universale Concilium*. Quare secunda vice aditus a Legatis Synodi, abscesse respondit, se cum illis convenire non posse, ut patet ex relatione a Legatis Synodo facta, quorum haec sunt verba: *Ille vero respondit, non posse una nobiscum convenire, eo quod plurimi hic quidem sunt Orientales Episcopi, pauci vero cum eo: facere autem per semetipsum in scriptis sententiam suam, & offerre piissimo Domino*. Contendebant econtra Legati, conventum non esse differendum propter absentiam Occidentalium Episcoporum; praecipue quum in aliis Synodis Oecumenicis vix duo aut tres Occidentis Episcopi interfuissent, nunc vero adesset ipse Vigilii, & aliquot Italiae, Illyrici, & Africae Sacerdotes. Urgebant praeterea illius Rescriptum, quo promiserat Euthychio, se cum Fratribus unitis de hac re tractaturum: se autem cum illo communionem jungi. Replicatio Vigilii non est actis inserta; quae tamen colligi potest ex rei gestae serie, quam numero superiori annotavimus. Etenim Legati dissimulabant verba Rescripti, quibus se acturum ea de re *in Synodo Canonica* pollicebatur. Porro *Canonica Synodus* esse non poterat, quae juxta morem in aliis Synodis Oecumenicis

X

cis

(a) Dissert. de Vigilii Decreto sum, IX. &c.

cis observatum, non constabat ex Legatis omnium Provinciarum Ecclesiasticarum. Neque esse quod obicerent, paucos ceteris Conciliis interfuisse Occidentales Episcopos, cum ex actis Synodicis constet, illos gessisse vices Romani Pontificis, & totius Concilii Dioeceseon Occidentalium. Qui mors tanto studiosius observari debebat in hac causa, quod de scandalis Occidentalibus illato agendum erat; eaque esset Romanae Ecclesiae consuetudo, ut vocatis iis, quorum intererat, offensiones amoveret, quemadmodum docent Leonis I. Epistolae ad Legatos in Orientem missos. Et in hac causa saepe Vigilii professus fuerat iis verbis, quae Cleri Romani Epistola continentur: *Sine consensu omnium*, inquit Vigilii, *ista, quae & Synodum Chalcedonensem in dubium venire faciunt, & scandalum fratribus meis generant, solus facere, nullatenus acquiescam*. Quare interpellatus iterum a Patriciis, quos Imperator delegarat, & ab Episcopis nomine Synodi, spondit, intra dierum aliquot spatium, quid sibi de controversia videretur, ad Imperatorem scripto transmissurum. Non est ergo, quod Viri eruditi eam causam praetendant absentiae Vigilii, quod Summi Pontifices adesse non solerent in Conciliis generalibus; cum vera causa petenda sit ex eo, quod *conventum imperfectum* noluerit praesentia sua *Oecumenicum* reddere in offensionem Occidentalium. Haecenus Illustrissimus Petrus de Marca; ex quibus aperte constat, legitimam & canonicam non fuisse quintae Synodi celebrationem,

nec eam, ut deinceps data opera demonstrabimus, Oecumenici Concilii loco haberi potuisse, antequam ejus decreta Sedis Apostolicae auctoritate confirmarentur. Quare, etsi alia deessent, hoc saltem argumento demonstraretur, frustra Bosluetium niti quintae Synodi exemplo, ut demonstraret, posse Apostolicae Sedis decreta, etiam invito & refragante Pontifice, in generalibus Synodis retrahari. Quum enim legitima non fuerit quintae Synodi celebratio, quid legitimis Conciliis jure conveniat, inde demonstrari non potest. Unde enim suadebit Bosluetius, jure sibi hanc Synodum usurpasse, ut invito Pontifice sententiam de tribus Capitulis pronuntiaret? quum, ut superius vidimus, vetus consuetudo, & antiquus Canon haberet, ne praeter sententiam Romani Pontificis decreta Ecclesiis sancirentur; quum Dioscoro crimini in Chalcedonensi Synodo datum sit, quod Concilium praeter sententiam Romani Pontificis celebrasset; quum id etiam veteri lege, & consuetudine nixus, jure Vigilii exigeret? *Ut quia*, inquit (a), *constitutus collationis faciendae modus fuerat praetermissus. . . . nostrum deberent definitum de tribus Capitulis sustinere responsum; antiquum & regularem custodientes ordinem, ne ante nostrae, hoc est, Sedis Apostolicae, cui per Dei gratiam praesidemus, promulgationem sententiae, quidquam proferre tentarent, unde scandali rursus, quae sopita fuerat oriri posset occasio.*

A R-

---

(a) Constitut. pro trib. Capit. Tom. V. Concil.

## ARTICULUS II.

*Vigilii pro tribus Capitulis Constitutum non fuit in quinta Synodo relectum, aut promulgatum; nec proinde discussum, ejusque auctoritate damnatum.*

**L**ibet quoque hanc Thesim ipsissimis Petri de Marca verbis ex eadem de Vigilii decreto Dissertatione confirmare; tum quod eam egregie demonstrat, tum etiam quod plura observet, quibus Meldenis Episcopi in hoc Capite adversus Romani Pontificis auctoritatem observationes penitus labefactantur.

Hic vero, inquit *laudatus de Marca*, dissimulare non possum, me longe abesse ab Illustrissimi Cardinalis Baronii sententia (a), qui putat, Constitutum Vigilii missum a Justiniano ad Synodum: idque colligit ex eo, quod rationes in Constituto prolatae pro Ibae Epistola, discutiantur & refelluntur in sexta Collatione. Ut vero aliter sentiam, impellor potius amore veri, quam \* Novatorum procacitate, qui ex hac narratione non leve argumentum trahi posse putant adversus Pontificiam auctoritatem, cujus scripta in Synodo non solum discussi, sed etiam refutati hinc probant, & definitionem illius decretis promulgatis contrariam, cum anathemate proferri.

Enim vero si Constitutum relectum fuisset in Synodo, illius recitatio re-

lata fuisset in acta, quibus insertae sunt minoris momenti relectiones. Argumenta autem illa pro Ibae Epistola, quae discutuntur Collatione sexta, nota erant & trita, utpote quae a sex vel septem annis summo studio contorquerentur ab adversariis, etiam scriptis copiosissimis libris, quemadmodum factum est a Facundo Hermianensi, ut necesse non sit confugere ad Constitutum Vigilii, quasi inde illa excerpti, necessarium omnino foret.

Deinde promulgatio Constituti aliena fuisset ab instituta & prudentia Imperatoris, qui damnationi trium Capitulum eum totus incumberet, non debuit suis votis officere, Vigilii auctoritate plorata, quae desiderium illius improbare. Imo vero ut facilius obtineret, quem sibi proposuerat eventum, neu quis exspectaret quid Principi Vigilii respondisset, quemadmodum pollicitus erat, se facturum; per Constantinum sacri Palatii Quaestorem Justinianus Synodo suggessit, Vigilii mentem satis explicatam esse ex iis, quae saepius hac de re docuerat cum scriptis, tum viva voce. Et ut sacrum conventum ad damnationem trium Capitulum animaret, litteras ea de re a Vigilio perscriptas ad Arelanum Arelatensem, & ad Valerianum Scythiae Episcopum, & sententiam ab eodem Pontifice latam adversus Rusticum & Sebalianum Diaconos suos trium Capitulum fautores, e Latina in Graecam linguam versas, legendas exhiberi ab eodem Quaestore curavit. Haec sunt verba

X 2

Con-

(a) Annal. Ecclesiast. ad ann. 553.

\* Viden, quam acri censura notet doctissimus Praeful Meldenis Episcopi in

praesenti Capite disputationem? Quod enim de Marca in Novatoribus damnat, id unum est, quod Bossuetius contemnit.

Constantini (a): *Communiter vero convenire invitatus ( idest Vigilius ) & hoc facere una cum vestra sancta Synodo , pollicitus est per semetipsum facere , & dare piissimo Domino . Ut igitur etiam ea , quae ab ipso facta sunt ad condemnationem trium Capitulorum vos audientes , alacriores efficiamini , de his formam celeriter proferre . direxit per me Sanctitati vestrae condemnationem ab ipso Vigilio religiosissimo prolatam &c. omnibus translatis ad Graecam linguam ad faciliorem scientiam vestrae Sanctitatis .* Qui praesudicio Vigilii perlecto , Patres alacriores effici ad condemnationem exillimabat , non adeo supinus erat , ut eorum impetum contraria ejusdem Pontificis definitione retardaret . Deinde vero locus agendi de Constituto hic erat , cum pollicitationem Vigilii Principi factam Quaestor recenset . Sed adeo mentionem ejus non iniecit , ut potius id omnino dissimulet , ejusque loco alia instrumenta substituat . Ait vero vir Illustrissimus hac instrumentorum prolatione id tentasse Justinianum , ut Vigilium praevaricationis argueret , qui Constituto aliter quam antea decernebat . Sed Principis in eo consilium aliunde melius deprehendi non potest , quam ex oratione Quaestoris , qui ad excitandos & provocandos Patres , auctoritatem Vigilii contra ista haec Capitula scripto profert , non autem in Pontificis contumeliam .

Sane si quis ordinem , qui in Conciliis Oecumenicis obtinebat , diligentius expendere velit , quam lon-

gissime recedet ab illa opinione , \* qua dignitas Sedis Apostolicae violatur , necumque facile consentiet , adhibitum Vigilii nomen , ut gradus inde ad definitionem Synodi contra Capitula frueretur . Prima enim semper fuit in Synodis Oecumenicis sententia Romani Pontificis , qua non expectata , nihil decerni moris erat ; quemadmodum servari solebat in Senatus consultis ad relationem Principum factis , ut dicam Tomo II. de Concordia Sacerdotii & Imperii . In praesentiarum solo Vigilii testimonio utar , qui sibi jus illud in hac causa vindicabat . Promissam namque Principi intra viginti dierum inducias sua de hoc negotio definitione , Pelagium Diaconum ad Episcopos misit , ut eos moneret , ne ante sententiae suae promulgationem quidquam ea de re decernerent : *Antiquum & regularem custodientes ordinem* , inquit , *ne ante nostrae , hoc est , Sedis Apostolicae , cui per Dei gratiam praesidemus , promulgationem sententiae quidquam proferre tentarent , unde scandali rursus , quae sopita fuerat , oriri posset occasio* . Itaque Justinianus , ne praetermissa videretur in hoc negotio Vigilii auctoritas , Constitutum quidem suppressit , sed alias Vigilii priores sententias , quae annis superioribus ab eo latae erant *οικονομικὰς* Synodo exhibuit , ut in actis omnia rite & solenniter gesta fuisse viderentur . Quare Synodus quoque ipsa magnum decreti sui momentum in eo posuit , quod Vigilius tria Capitula saepius & scripto & sine scripto condemnasset ;

etfi

(a) Collat. VII.

\* Haec quoque adversus Bossuetium diligenter adnotanda sunt , cujus est opi-

nio , a qua longissime recedendum esse , monet doctissimus Praefatus , quod ea Sedis Apostolicae dignitas violatur ,

etſi conqueratur , quod conventui , licet illuſtri legatione invitatus , interſeſſe noluerit , ſatiusque duxerit polliceri , ſe ſuam ipſius ſententiam ad Principem miſſurum . Ceterum an promiſſis ſteterit Pontifex , omnino Synodus reticuit , officio ſuo ſe ſatificiſſe rata , ſi ſententiis a Vigilio latis , & in iudicio exmandato Principis exhibitis , inniteretur : praecipue cum de Pontificis contrario voto ſolenniter , & juxta cognitionum ordinem non conſtaret .

Item , quam Cardinali Baronio Illuſtriſſimus Praeſul intendit , conciliare nititur eruditus P. Garnerius (a) : negat enim cum Petro de Marca , lectum fuiſſe in ipſa Synodo Conſtitutum ; at contendit , miſſum ad eos fuiſſe , qui pauci cum Eutychio in aliqua particulari Congregatione , Decreta in octava Collatione promulganda concinnabant . Quod quanquam Illuſtriſſimi Praeſulis ſententiae non adverſatur ; qui ut ex poſtremis ejus verbis adparet , hoc tantum vult , quod *de Pontificis contrario voto ſolenniter , & juxta cognitionum ordinem non conſtaret* ; attamen falſum eſſe iudicio , quod Garnerius tradit : nulliusque momenti eſt argumentum , quo ad ſuam opinionem adſtruendam nititur : eam nimirum ex hiſce Synodi verbis elicit (b) *Quam autem ſaepius & a nobis omnibus invitatus , & inſuper gloriſſimis Iudicibus miſſis ad ipſum a piſſimo Imperatore , promiſit per ſe ipſum de iſſdem tribus Capitulis ſententiam proferre . Huiusmodi reſponſo audito , Apoſtoli nos admonitiones in corde habentes &c. congregati ante omnia &c.* Ex

his verbis , inquit laudatus Garnerius patet , Conſtitutum quo Vigilius Imperatori reſpondit , viſum fuiſſe a Patribus in Congregatione aliqua particulari Collationem publicam praecedente ; in qua nempe & praediſta geſtorum expoſitio conſecta eſt , & Canones compoſiti : illam enim , & illos jam conſecta Notarius attulit in conſeſſum , coramque Synodo relegit . Quomodo ex adlatis verbis pateat , Vigili Conſtitutum miſſum a Juſtiniano fuiſſe ad particularem illam congregationem , in eaque relectum , ego equidem non intelligo . Quod enim ajunt Patres ; *Huiusmodi reſponſo audito &c.* apertiſſime patet , non eſſe id referendum ad Conſtitutum , quo Vigilius Imperatori reſpondit ; ſed ad reſponſum , quod ſub initium Synodi Vigilius quibuſdam Episcopis & Iudicibus dedit , quum totius Synodi nomine ad Concilium una cum eis celebrandum invitaretur ; quae de re videſis Collat. I. & II. Illo enim ſpectare laudata verba ; patet ex his quae ſubjungunt , & ipſe Garnerius indicat : *Congregati ante omnia compendioſe conſeſſi ſumus , fidem illam tenere , quam Dominus noſter Jeſus Chriſtus verus Deus tradidit Sanctis ſuis Apoſtolis , & per eos ſanctis Eccleſiis ; & qui poſt illos fuerunt , Sancti Patres & Doctores Eccleſiae creditis ſibi populis tradiderunt &c.* Haec non ad Congregationem aliquam particularem , ſed ad tertiam Collationem pertinent , quae poſt acceptum illud Vigili reſponſum celebrata eſt ; quemadmodum ſequentibus verbis recentent , quae ſequitur tertiam illam Collationibus geſta ſunt :

Cum-

(a) Diſſert. de V. Syn. cap. V. §. X.

(b) Collat. VIII.

*Cumque haec ita confessi sumus, initium fecimus examinationis trium Capitulorum &c.* Itaque ex adlatis a Garnerio verbis nullo pacto confici potest, lectum fuisse in aliqua particulari Congregatione Vigiliis Constitutum. Lectum autem non fuisse in publica Collatione, cum Garnerius concedit, tum ab Illustrissimo Praefule firmissimis demonstratum est argumentis. Quare, hoc exemplo demonstrari non potest Romanorum Pontificum constituta obnoxia esse Synodorum generalium retractioni, examini, auctoritati.

## ARTICULUS III.

*De Baluzii ad septimam Collationem additamento differitur: & ex eo, aliisque monumentis demonstratur, Vigiliis Constitutum non fuisse decretum diffinitivum ac peremptorium, sive, ut modo loquimur, ex Cathedra pronunciatum.*

**I**nter cetera additamenta, quibus Baluzius in nova Conciliorum Collectione, Quintae Synodi editionem locupletavit, septimae Collationi inseruit Sacram Imperatoris ad Synodum, qua jubebat, ne Vigiliis nomen in sacris Diptychis recitaretur. Hanc etiam Constantinus Quæstor iustus in Synodo promulgare, haec praefatus est: *Dum intersum sancto vestro Concilio propter recitationem Chartarum, quae apud vos insinuatæ sunt, piissimus Imperator formam destinavit ad vestram sanctam Synodum de Vigiliis nomine, ne jam sacris diptychis Ecclesiae inferatur propter impietatem, quam*

*vindicavit.* Lectæ subinde sunt Iustiniani litterae, quibus exponit, quae hæcenus in causa trium Capitulorum gesserat, & quomodo Vigilio suaserat, ut ea saepius & scripto & viva voce damnet. At nunc eorum iterum defensionem suscipere; ac propterea non esse ipsius nomen in Diptychis recitandum; servata tamen cum Sede Apostolica unitate. Quod ejus Decretum Synodus laudavit & comprobavit: *Sancta Synodus dixit: Ea quae nunc piissimo Imperatori visa sunt, congrua sunt laboribus, quos pro unitate sanctarum Ecclesiarum pertulit. Servemus itaque unitatem ad Apostolicam sacrosanctae Ecclesiae Sedem antiquioris Romae, omnia secundum tenorem lectorum apicum peragentes.*

Ut hocce additamentum pro spurio habeam & supposititio, non eo ducor, quod si legitimum sit, bona pars eorum, quae ex Illustrissimo de Marca descripta sunt, concidere ac labefactari videantur; verum iis impellor argumentis, a quibus me extricare non possum; quae idcirco aliis expendenda propono, paratus canere palinodiam, si illis solide fuerit satisfactum.

Primum autem observo, quod nota temporis non cohaeret, quod haud minimum esse solet suppositionis argumentum. Septima Collatio in Labbeana editione VII. Kal. Junias, in Baluziana III. Non. Jun. consignatur. Collatio autem octava habita dicitur IV. Non. Jun. in vulgatis editionibus, in quas tamen mendum irrepsisse Bainagius animadvertit [a], ac legendum monet, Prid. Non. Jun. Jam vero cum

(a) Annal. Eccles. ad ann. 553. num. XXVIII,

cum his conciliari nullo modo potest temporis nota ; quae Justiniani litterae consignantur ; quae datae esse dicuntur Chalcedone pridie Id. Jul. Qui ergo fieri potuit , ut litterae , quae mente Julio Chalcedone scriptae sunt , Major desinente , vel sub initium Junii Constantinopoli legerentur ?

Huic argumento forte reponet quispiam , eo tantum probari , Imperatoris Epistolam suo loco insertam a Baluzio non fuisse , datamque eam fuisse jam Synodo absoluta , quod alia etiam argumenta suadere viderentur , quae paullo post adferemus . Verum hanc evasionem praeccludit Constantini Quaestoris ad Patres oratio , qui , ut vidimus , eam se recepisse testatur , dum Synodo adesset *propter recitationem Chartarum* per eum a Principe transmissarum ; petitque eam statim publicari , quod annuentibus Patribus factum est ; eaque lecta , a sacra Synodo suscepta & laudata est , uti superius animadvertimus . Quare juxta Baluzianum additamentum , & stante adhuc Synodo emissae est , & in septima Collatione promulgata : quae conciliari non possunt cum notis temporum , quibus Collatio & Epistola consignantur .

Neque est etiam , quod quisquam reponat , mendosam esse , adeoque corrigendam temporis notam in litteris Imperatoris ; quod sane dicendum est , si , ut habent aëta , Collatione septima promulgatae fuerunt . Verum hinc in graviores incidimus difficultates . Nam pridie quam Collatio haberetur , ut ex Quaestoris verbis habemus , suum ad Imperatorem pro tribus Capitulis Constitutum Vigilium mittere voluit ; sed quum illud missi a Justiniano ad

Pontificem Judices & Episcopi recipere recusassent , illudque sese nequaquam suscepturum Imperator aperte significasset ; ( quod nemo ab eo ullum ejusmodi sive pro tribus Capitulis , sive adversus eadem Capitula scriptum exigeret , sed omnes ejus in Synodo praesentiam desiderarent ; ) hoc accepto ab Imperatore responso , *a se scriptam Chartam* , inquit Constantinus Quaestor , *jam non destinavit* . Quare , ut ex eadem Quaestoris oratione apparet , haerebat Imperator , an ea Charta adversus Capitula vel pro tribus Capitulis exarata fuisset . Id etiam adhuc latebat Quaestorem , quum perrexerat ad Synodum , ut ex ejus verbis apertissime elicitur . Quare necesse est , ut hac ipsa die , qua septima Collatio celebrabatur , Imperator cognoverit , scripsisse Vigilium pro trium Capitulorum defensione ; & hac ipsa die , primum per Nuncios , postmodum & per Epistolam , Patribus intimasse , ne Vigilii nomen deinceps in Diptychis recitarent . Quod quidem una eademque die fieri potuisse , vix credi potest ; praefertim , si ut habet Epistolae subscriptio , Imperator Chalcedone versabatur .

Deinde , quis sibi facile persuadeat , Justinianum , qui omnes Chartas collegerat , & ad Synodum miserat , quibus tria Capitula Vigilium damnaverat , ut earum lectione Patres alacriores redderet ad eadem Capitula sollemniter proscribenda , adeo abrupte & intempellive significare voluisse , perstare Vigilium in Capitulorum defensione , & a sua communione repellere , qui eadem oppugnassent : quocerte vereri debebat , ne Patres , qui

prio

priorum monumentorum lectione incitati, ad Capitulum damnationem alacres festinabant, hoc accepto nuncio abdicatae a Pontifice prioris opinionis, ab eorum proscriptione velut obice obiecto retardarentur.

Ad haec, falsum omnino est, Vigilium in suo pro tribus Capitulis Constituto eorundem Capitulum hostes a sua rejicere communione, ut deinde prolatis ejus verbis demonstrabimus: quod tamen tributa Iustiniano Epistola expresse habet: *Praeterea ipse semetipsum alienum Catholicae Ecclesiae fecit, defendens praedictorum Capitulum impietatem; separans autem semetipsum a vestra communione*: ac propterea jubet, ut ex Diptychis nomen ejus tollatur, ne cum Vigilio communicando, Nestorii pariter ac Theodori impietati communicent: *His igitur ab eo factis, alienum Christianis judicavimus, nomen ipsius in sacris Diptychis recitari, ne eo modo inveniamur Nestorii & Theodori impietati communicantes*. Nondum autem Synodi sententia adversus Capitulum defensores fuerat sollemniter promulgata. Proinde absurdum esse videtur, ante Synodicae sententiae promulgationem gravissimam hanc poenam in Vigilium decerni potuisse. Quod sane ab aliorum Conciliorum moribus, etiam erga privatas Personas, nedum Romanum Pontificem, alienum est; ut nimirum rebus adhuc in controversia positis, & antequam Synodi sententia manifestetur, poena contradicentibus inferatur.

Profecto Collatione octava, ubi

Patres in pauciora contrahunt, quae superioribus Collationibus gesta fuerant, queruntur quidem, quod Vigilium ad hanc controversiam communiter ventilandam cum ipsis convenire noluisse; & quod, cum ab ipsis, tum ab Imperatore ad Synodum invitatus, accedere recusasset; idque unum ex ipso elicere potuissent, ut per se ipsum sententiam de tribus Capitulis proferre promitteret. An vero prolata ab eo pro tribus Capitulis proferre promitteret. At vero prolata ab eo pro tribus Capitulis sententiam, aut susceptam fuisse eorundem Capitulum defensionem, ac propterea sublatum ejus nomen e sacris Diptychis, ne verbo quidem indicant.

Praeterea distinctio illa adeo conceptis expressa verbis inter communionem cum Apollonica Sede, & communionem cum persona Romani Pontificis; ita ut retenta priore, possit posterior abrumpi, nescio, an in ullo occurrat illius aevi, ac praecedentium & proxime sequentium saeculorum monumento, quin potius esse videtur sequioris aetatis figmentum.

Denique hujusce rei nulla fit mentio tum in vulgatis quintae Synodi editionibus, tum in omnibus Codicibus m. ss. Desuisse quoque in vetustioribus Exemplaribus, ex eo colligere est, quod non modo Michael Cerularius, qui immensi anachronismo haec retulit ad sextam Synodum (a), verum & Petrus Antiochenus (b) qui illius errorem castigavit, & Nicephorus Callixtus (c), Vigilii nomen e Diptychis subla-

(a) Epist. ad Petr. Antiochen. apud Cotelerium Tom. II. Monum. Eccles. Graec.

(b) Ibid. (c) Lib. XVII. cap. XXVI.



sublatum fuisse tradunt , quum primum Vigilus in urbem regiam ingressus , Menam a communione suspendit ; in quem profecto errorem non incidissent , si tum occurrisset in actis Sacra Imperatoris ad Synodum de Vigilii nomine in Diptychis non recitando .

Haec sunt , quae me vehementer impellunt , ut vel ipsas Imperatoris litteras , vel ea , quae ipsarum recitationem in Baluziana editione praecedunt ac sequuntur , pro legitimis ac genuinis monumentis non habeam . Nam dari potuisse eas litteras mense altero post absolutam Synodum , ut habet earum subscriptio , *data pridie Idus Jul.* absolute non inficiarer ; sed quod ad Synodum missae sint , cum septima collatio aut VII. Kal. aut III. Non. Jun. habebatur , & legebantur Chartae , quas Imperator direxerat , ut Pontificis exemplo ad tria Capitula damnanda Patres incitarentur ; id vero est , quod concoquere adhuc non possum ; praesertim quod non ad Synodum , aut ad Patres in Synodo congregatos Epistola directa est , ut dirigi debuisset ; sed ad Patriarchas & Episcopos , ex diversis Provinciis adhuc in Regia Civitate degentes .

Demus tamen , legitima esse & sincera quaecumque Baluzius publici juris fecit ; demus etiam , lectum fuisse in Synodo , ut Baronio placet , Vigilii Constitutum ; inde tamen minime sequitur , solennem aliquam , & , ut modo loquimur , prolatam ex *Cathedra* constitutionem fuisse in hac Synodo retractatam . Quamquam enim ab eorum abimus opinione , qui iner-

T. I. P. I.

rantiae privilegium , non in Romano Pontifice , sed potius in Apostolica Sede , aut in Clero , vel Ecclesia Romana constituunt ; attamen , ut suo loco dicemus , tunc Pontifex ex *Cathedra* loquitur , quum consulta Ecclesiae Romanae in his , quae ad fidem pertinent , traditione , quidquam , proposita anathematis poena , certa fide tenendum decernit : quemadmodum & Synodus generalis rite tunc aliquid conciliariterque definit , quum perspectis Ecclesiarum omnium traditionibus , aliquid sub eadem poena credendum omnibus amplectendumque proponit . Nihil autem horum in Vigilii constitutum pro tribus Capitulis convenire , Justinianus Imperator & Synodus , si legerunt , facile intelligere potuerunt . Nam primo in iis omnibus , quae ad fidem pertinebant , Vigilii plenissime in eo Constituto cum Orientalibus conveniebat ; ac propterea ipsis Romanis Pontificibus Pelagio I. & II. , Gregorio Magno , ipsique etiam Vigilio observatum est , nihil de fide , sed de Capitulis quibusdam extra fidem ; de personis tantummodo ; nihil aliud nisi de personis , actitatum fuisse . Quae quidem , uti recte Cl. Thomassinus monet [a] , non eo trahenda sunt , ut definitioni Synodi , seu damnationi librorum Theodoret , & Epistolae Ibae , postquam ad eam Romanorum Pontificum consensus accessit , consentire vel dissentire , liberum esset ; sed eo illa referenda sunt , ut Ecclesiae ipsi liberum esset , vel dispensative abstinere a damnandis illis libris , vel eisdem ex juris rigore damnare : Damnari enim poterant ,

Y

quia

(a) Dissert. XIX, in Quint. Synod. Gen. num. XCVII.

quia haeresum portentis scatebant : poterant & non quidem probari aut defendi, sed omitti, quia damnata haeresi ; non statim necessario impetus faciendus est in Auctores & libros omnes ea imbutos : ac potissimum in hac causa nihil retractandum videbatur, quod ab iis damnandis Chalcedonenſis Synodus abſtinuerat ; quod quorundam in ea Synodo Patrum ſuffragiis probata potius Ibae Epistola tanquam orthodoxa & Catholica videbatur ; quod suspicio erat, ne huiusmodi controversia ad labefactandam Synodi Chalcedonenſis auctoritatem mota ab Acephalis fuiſſet. Ejuſmodi enim ſunt rationes, quibus a damnatione Capitulum Vigilium deterrebatur. Quare id unum potissimum quaerebatur, an damnari poſſent Capitula, ſalva Concilii Chalcedonenſis auctoritate : quae quidem quaestio ex plurium factorum cognitione pendebat, quorum notitiam Vigilium, Graecae linguae, ut ipſe fatetur, ignarus non ſtatim adſequi potuit.

Porro, quamquam in hoc ſuo Conſtituto doceat, variisque productis testimoniis probare Vigilium nitatur, Episcopos in Eccleſiae pace defunctos damnandos non eſſe poſt mortem : Quamquam circa Theodoretum adverſus Cyrilli Capitula lucubrationes, commendat ac ſectandam proponat ejusdem Sancti Cyrilli oeconomiam : Denique, quamquam eo propendeat, ut Ibae Epistolam haereſeos puram adſeruat ; nihil tamen horum ſub anathematis poena tenendum proponit ; ſed eo omnia collineant ac referuntur, ut ſapiens fuiſſe demonſtretur ſolidiſſimae Synodi Chalcedonenſis iudicium :

hic enim totius Conſtituti ſcopus primarius eſt. Habet autem communis Theologorum doctrina, in omnibus ſeu Romanorum Pontificum, ſeu Conciliorum generalium decretis prae oculis habendum eſſe ſcopum illum primarium, quo cetera referuntur : hunc enim proprie obſectum eſſe ſeu Pontificiae, ſeu Conciliaris definitionis ; quae proinde non aequae ſingula comprehendit, quae vel ex historiis, vel ex testimoniis Patrum, vel etiam ex Scripturis, aut aliunde ad ejus confirmationem petuntur argumenta.

Quamquam, ut eſt jam viris doctis obſervatum ; & in eo, quem totius Conſtituti primarium diximus ſcopum adſtruendo, ita verſatur, ut aperte quiſque percipiat, nec illud peremptorio iudicio deſiniri : non poſſe aliquando per legitimam Synodum, qualem ipſe deſideraverat, Capitulum cauſa retractari : ſed illud unum in praefentia prohibet, ne cuiquam liceat adverſus eadem Capitula ſcribere.

Quae haſtenus diſſeruimus ſequentibus verbis complexus eſt Illuſtriſſimus Petrus de Marca laudata ſaepe diſſertatione num. XI. Interim vero Vigilium intra viginti dierum inducias, quas ob aegritudinem petierat, Conſtitutum ſuum ad Juſtinianum dedit, quo ſententiam ſuam de tribus Capitulis copioſe explicavit. Theodori blaſphemias conſigit, ſed ejus nomi- ni parciſ, ad exemplum Synodi Epheſinae ; ſuperſuum docet, & ad exprobrationem Theodoretum tendere, ſi ejus ſcripta adverſus Cyrillum dam- nentur ; cum Cyrillus ipſe & Synodus Chalcedonenſis nihil aliud ab eo excegerint, quam ut Neſtorio anathe-

ma

## ARTICULUS V.

*Quintae Synodi decreta non ante ad-  
ta sunt irrefragabilem & indeclina-  
bilem auctoritatem, quam a Ro-  
manis Episcopis confirmarentur.*

ma diceret. De Ibae Epistola nihil retractandum post Concilium Chalcedonense. Deinde prohibuit, ne quis ordinis & gradus Ecclesiastici aliter de tribus Capitulis doceret, quam ipse suo Constituto exprimebat. Attamen animadverti, cum non adjecisse anathema in eos, qui contrariam opinionem tuerentur. Quod ab eo summa prudentia factum est, ut ostenderet, eam esse controversiae conditionem, quae in utramque partem inflecti posset, si paci Ecclesiasticae hac ratione consuleretur. Non potuit aliter respondere interroganti Justiniano, qui sententiam Vigilii requirebat; non autem agebat de dispensatione ad concordiam Occidentalium & Orientalium resarciendam, quae aliter obtineri non poterat, quam tractatu initio sine contumelia Occidentalium.

Eamdem observationem suggerit quoque Cl. Thomassinus his verbis (a): Denique Vigilii dispensationem, & incredibilem quamdam sapientiae temperiem illud arguit, quod extremo Constituto suo etsi promat sententiam illam suam, cui medullitus semper inhaeserat, de non damnandis Capitulis: abstinet tamen ab anathemate vel intorquendo, vel interminando. Conscius nempe, nihil interesse, utram in partem declinetur, dum scandala sileant, & pax redintegretur Ecclesiae.

Itaque Vigilii Constitutum pro decreto peremptorio haberi non debet; nec proinde exillimare debemus, ea fuisse praeditum vi & auctoritate, quam decretis ex Cathedra pronuntiatis vindicamus.

**E**A per haec tempora in Ecclesia vigeat opinio, ea tantum generalium Conciliorum decreta retractioni obnoxia non esse, quae fuissent Romanorum Pontificum auctoritate confirmata. In hoc veluti commune principium & Oriens & Occidens consentiebat: in eo trium Capitulorum defensoribus cum eorum hostibus & oppugnatoribus conveniebat: denique hac de re unus atque idem erat Episcoporum Orientalium & Romanorum Pontificum sensus.

Menas Constantinopolitanus Patriarcha, Theodorus Caesareae, Andreas Ephesinus, alique Orientis Episcopi in ea fidei Professione, quam Vigilio Papae obtulerunt, & in qua se se omnia suscipere profitentur, quae in praecedentibus Synodis generalibus, ac potissimum Chalcedonensi, cum de fide, tum de aliis causis & negotiis sancita & judicata fuerant: ea tamen omnia limitant & coercent ad ea, quae gesta fuerant ac definita cum Sedis Apostolicae per suos Vicarios aut Legatos consensu: *Et per omnia & in omnibus quaecumque in omnibus gestis Chalcedonensis Concilii, aliarumque praedictarum Synodorum, sicut in iisdem quatuor Synodis scriptum invenitur, communi consensu cum Legatis atque Vicariis Sedis Apostolicae, in*  
Y 2 qui.

(a) Ubi supr. num. VI.

quibus juxta tempora sua Praedecessores Sanctitatis vestrae Beatissimi Papae Senioris Romae ipsis Synodis praesederunt, tam de fide, quam de aliis omnibus causis, judiciis, constitutionibus aut dispositionibus definita, aut judicata, vel constituta, sive disposita sunt, inconcussa, inviolabiliter, irreprehensibiliter, atque irretractabiliter, sine adjunctione, vel imminutione aliqua nos proinittimus secuturos, nec quidquam contrarium, quod ad eorum reprehensionem, retractationem, vel permutationem, sive injuriam, sub qualibet occasione vel novitate, pertineat, admissuros, aut tale aliquid praesumentibus consensuros: Sed quae, cumque communi consensu cum legatis atque Vicariis Sedis Apostolicae Orthodoxae ibidem dicta sunt, ea Orthodoxa veneramus atque suscipimus. Quaecumque anathematizaverunt vel damnaverunt, anathematizamus & nos atque damnamus; & universa, sicut ab iisdem Synodis communi consensu cum Vicariis Sedis Apostolicae judicata, aut definita, vel constituta, sive disposita lecta inveniuntur, irretractabiliter, atque imprerutabiliter conservamus. Viden, ut non semel, sed iterum ac tertio fidei professionem, & Conciliorum generalium eorumque decretorum susceptionem ad ea limitant & coercent, quae cum Sedis Apostolicae consensu fuerant in eisdem generalibus Synodis constituta?

Hanc fidei Professionem Vigilius probavit, & Constituto suo inseruit, nec diffitebatur, generalium Conciliorum auctoritatem in eis tantum constitutionibus & judiciis irretractabilem esse & indeclinabilem, quibus Magni Leonis & Apostolicae Sedis consensus

accesserat: sed re nondum satis eliquata, contendebat, hujusce generis esse, quae ad tria Capitula pertinebant: Non dubitamus: inquit, omnium fidelium sensibus patefactum, quae Vicariis Beati Leonis Papae, loco ejus Synodo praesidentibus, ab eodem fuerit dispensandarum rerum forma mandata, vel quales ad expugnandum perceperint actiones, vel quae ab illo generali Concilio, praesidente ac consentiente per Vicarios suos Sedis Apostolicae Praesule, fuerint constituta: quae neque minui, neque augeri, neque perfringi, neque posse fas est ab aliquo retractari. Itaque Vigilio cum Orientalibus Episcopis conveniebat, ea tantum Chalcedonensis Concilii retractari non posse, quae fuerant ab illa generali Synodo, praesidente & consentiente per Vicarios suos Sedis Apostolicae Praesule, constituta. Quare mirandum non est, quod iidem Orientales Episcopi adeo, uti superius ostendimus, adlaborarunt, ut quocumque modo ejusdem Vigili auctoritatem suis decretis conciliarent. Nempe intelligebant, quod quum ipsorum Synodo neque per se, neque per suos Legatos Pontifex Romanus adefset, nunquam ipsorum decreta habitura erant immobilem firmitatem, nisi eis aut praeluxisset, aut accessisset Apostolicae Sedis auctoritas.

Angustiores terminos Chalcedonensibus decretis, quorum immobilis sit & indeclinabilis firmitas, praefigere videtur Pelagius II. in Epistola ad Belliam Aquilejensem aliosque Episcopos Istriae, pro hac ipsa trium Capitulorum causa nefario schismate ab Ecclesiae Romanae communione se junctos: non enim omnia, quae consentienti-

bus

bus Sedis Apostolicae Legatis in Chalcedonenſi Synodo geſta fuerant vel iudicata, admittenda eſſe decernit, ſed ea tantum, ad quae ſancienda, fuerant a Leone Pontifice ad Synodum deſtinati. Quae quidem ipſius Leonis teſtimonio ac rationibus probat adſe-  
rendae fidei limitibus circumſcripta fuiſſe. Inde autem conficit, potuiſſe Ibae Epistolam retractari, etſi fuiſſet Patrum & Legatorum ſubſcriptione munita; quod nempe Legati ad eam examinandam non fuerant Chalcedonem ab Apoſtolica Sede directi: *Si igitur, inquit, in actione ſexta profeſſio fidei conſummatur, moxque Canonum regula figitur; ſi Beatus Leo negotiis, quae illic private mota ſunt, contradicit; ſi hoc, quod ultra fidem geſtum eſt, nec is, qui fecit Thalaffius tenuit: cur nos haereticam Epistolam retractaſſe reprehendimur, qui hac in re cunctorum nos praecedentium aucto-  
ritate roboramur? & quamvis ab eadem Epistola alienum ſe Ibas reſpon-  
deat; quamvis quia approbata ſit, aut difficilius aut nullatenus demonſtretur: licenter tamen unusquisque eam reprehenderet, ETIAM SI EPISCOPI IN EODEM CONCILIO RESIDENTES SUIS ILLAM SUB-  
SCRIPTIONIBUS APPROBASSENT: quia poſtquam, Beato Leone ſcribente, ius retractandi & dijudicandi conceditur, etiam ſiqua eſſe poterat eorum, qui interfu-  
erant, in privatis negotiis auctoritas vacuatur. Videtiſ integrum locum Epistola laudata num. XIX. quo gravium Theologorum opinio confir-  
mari poteſt, quae habet, quod ſi Legati ſine Apoſtolicae Sedis inſtru-  
ctione ad Synodum acceſſere; Syno-*

di iudicium non omnino firmum erit & certum, priuſquam a Summo Pontifice comprobetur. Vide Canum lib. V. de Loc. Theolog. cap. V.

Ferrandus Eccleſiae Carthagenenſis Diaconus conſultus a Pelagio Eccleſiae Romanae Diacono, anliceret Ibae Epistolam condemnare; ex eodem principio neſas id eſſe reſpondit, quod nimirum retractari non debeant Synodorum generalium iudicia, quae Sedis Apoſtolicae auctoritate firmata ſunt: in ea vero tunc innoxie cum Vigilio piſſimus ac doctiſſimus Diaconus verſabatur opinione, quod quae de Ibae Epistola diſceptata fuerant in Chalcedonenſi Concilio, ea Magnus Leo con-  
firmaret: *Ubi, inquit (a), maiores reperiret in Eccleſia Iudices; ante ſe habens in Legatis ſuis Apoſtolicam Se-  
dem, qua conſentiente, quidquid illa deſinivit Synodus, accepit robur invi-  
ctum. Et infra: Univerſalia Conci-  
lia, praecipue illa quibus Eccleſiae, Romanae conſenſus acceſſit, ſecundae auctoritatis locum poſt Canonicos libros tenent. Et ruruſum: Quae finiuntur iudicantibus Episcopis, & ad Beati Petri memoriam produeta DILIGENT-  
IUS EXAMINANTUR, ATQUE FIR-  
MANTUR, ſequenda ſunt, tenenda ſunt, amplectenda ſunt, in retracta-  
tione, ſub qualibet pietatis occaſione, teneri non debent. Quomodo ergo Adverſarii contendunt, retractationi eſſe obnoxia Romanorum Pontificum decreta, antequam Synodorum ge-  
neralium conſenſione & auctoritate, firmentur; quum ipſi Romani Ponti-  
fices Conciliorum generalium decre-  
tiſtribuant, ut amplius retractari non debe-*

(a) Epist. ad Pelag. num. VI. & VII.

debeant? itaque ex adlatis auctoritatibus apertissime constat, communem illo aevo fuisse & pervulgatam in universa Ecclesia doctrinam, nec Synodi generalis decreta irretactabilem vim adsequi, nisi postquam ea Pontifex primae Sedis confirmavit, & nisi quatenus eadem sui examinis trutina approbavit: subindeque quintae Synodi decreta obtinere non potuisse immobilem & indeclinabilem firmitatem, nisi fuissent a Romanis Episcopis confirmata.

Idem etiam non minoris, imo forte longe gravioris momenti argumento demonstravit Vigilii in Epistola ad Eutychium, quam publici juris fecit Illustrissimus Petrus de Marca: qua de re ipsum doctissimum Praefulem disserentem audire praestat: Ceterum ut ad res Vigilii redeam, observandum est, Synodi quintae definitionem editam fuisse anno 553. quarto nonas Junias, anno 27. Imperii Justiniani, post Consulatum Basilii anno 12. ut patet ex Collatione octava; ante vero sextum Idus Decembris ejusdem anni, id est post sex menses a solutione Synodi, Vigilii decretalem Epistolam dedit ad Eutychium, qua tria Capitula condemnat. . . . Est autem operae pretium expendere, quanam ille verba in re adeo implicata adhibeat, quibus dignitatem suam tueri possit adversus Synodum Constantinopolitanam sine ulla Principis & Episcoporum offensa. Plane si verum amamus, omnino fateri necesse est, altas in mentibus hominum tunc temporis egisse radices traditam a majoribus sententiam de summa Sedis Apostolicae auctoritate. Cum enim de ceteris Synodis Oecumenicis ea reve-

rentia loqui soliti essent summi Pontifices, ipsique adeo Vigilii in hoc Decreto, scilicet ut se eas suscipere, amplecti, & devota mente venerari profiterentur; utpote quae Sedis Apostolicae suffragio, & universalis Ecclesiae consensione firmatae essent; hanc quintam Synodum ne quidem Synodi nomine cohonestat: nempe illa ratione motus, quod ejus celebrationi, iis conditionibus, quibus facta est, consensum non praebuisset. Deinde vero quod etsi vitium illius ex postfacto dissimulasset, a Constituti sui promulgatione cessatum fuerat, ut monui. Quod vero ad rem ipsam attinet, ipse sua auctoritate, suoque decreto tria Capitula damnat: quos. cumque vero, qui jam illa condemnaverant [his verbis Synodum Constantinopolitanam significat] fidem a quatuor Synodis praedicatam amplectentes, eos *Frates & Consecradores esse desinit*, id est, eos communioni suae adjungit, eorumque sententiae robur illud impertitur, quod ex consensione cum ipsius decreto trahere debet. Eandem sententiam superioribus Epistolae verbis sic expresserat: *Quae a nobis definiri debent, revelante Domino, & investigata veritate, salubriter impleta sunt*; quasi diceret, hanc quaestionem, licet ab Episcopis discussam in Synodo & eorum suffragiis decissam, Sedis Apostolicae decreto esse peremptorie definiendam. Unde hoc suum decretum *diatagma* appellat ad Principum exemplum.

Haec quidem egregia sunt, & confutandis Bossuetii in hoc Capite observationibus per quam idonea. Observat enim, Synodum post Vigilii Constituta.

stitutum & quaestionem habuisse de tribus Capitulis, eaque , damnatae quam ne damarentur , *pro potestate* idem Vigilus decrevisset ; unde colligit, in re maxima, quae totam conturbet Ecclesiam , atque ad causam fidei pertinere videatur , Pontificiis decretis Sacrorum Conciliorum decreta praevalere . Verum , quemadmodum ex Illustrissimi de Marca observationibus constat , ut Synodus post Vigilii Constitutum quaestionem habuit de tribus Capitulis : ita Vigilus post quintae Synodi adversus eadem Capitula solennem definitionem , eandem quaestionem retractavit ; hoc tamen interest 1. quod , ut ex superius adlatis Ferrandi Diaconi verbis patet , legitime & jure suo Vigilus Synodi decretum ad examen revocavit , at quinta Synodus , ut laudatus de Marca luculenter ostendit , reluctante Vigilio , pro legitimo conventu haberi non potuit . 2. quod Vigilii decretum , quamquam cum potestate prolatum , non erat tamen nisi oeconomium & fiduciarium , non autem ultimum & peremptorium : At quintae Synodi Canones , quibus anathematis poena erat adjuncta , supremam & absolutam ejusdem Synodi sententiam repraesentabant . Tantum igitur abest , ut hoc exemplo probetur , *Pontificiis Decretis Sacrorum Conciliorum decreta praevalere* ; quin potius demonstraretur , Synodum , quae Romanum Pontificem praeexuntem non habet , sed eo refragante celebratur , nec Synodi nomine cohesistantiam , ejusque decreta convalescere , quum ex Romani Pontificis consensione robur accipiunt .

Haud me latet , P. Garnerium in

Dissertatione de quinta Synodo plura producere argumenta, quibus laudatam ad Eutyrium Epistolam in *rodias* suspicionem adducere conatur . Non vacat in praesentia hanc aggredi disceptationem , propterea quod quae laudatus Praeful ex ea epistola pro Sedis Apostolicae auctoritate conficit argumenta , eadem elici possint ex vulgato a Stephano Baluzio ejusdem Vigilii adversus tria Capitula solenni Constituto . Nam primo & in hoc insigni monumento nulla quintae Synodi occurrit mentio : quo Pontifex silentio aperte significat , nullo eam a se haberi loco , nec inter legitimas Synodos recenseri . Secundo , perinde atque in ea Synodo nihil de tribus Capitulis actum esset , necessarium judicet , causae totius discussionem aggredi , totumque hoc negotium de integro retractare : *Necessarium valde credimus , de superscriptis trium Capitulorum quaestionibus diligenter debere nos cuncta discutere , & cauta promulgatione sententiae desinire* . Et primo quidem quae Ibae epistolam , pertinent , longissime fusa disputatione pertractat : *Arbitramur ergo esse conveniens primum , sicut proposuimus , quid de epistola , quae ab Iba ad Marim Persam scripta dicitur , apertissima demonstratione declarare* . Deinde ad aliud Caput ventilandum aggreditur de Theodori Mopsuesteni scriptis & damnatione personae : *Expletis quae de sopienda primi Capituli quaestione , id est de epistola ad Marim Persam , differenda vel desinenda erant , necesse nobis est , quid de Theodoro Mopsuesteno ejusque discipulis , Ecclesiasticae unitatis ratio , vel fidei a Sanctis Patribus traditae cautela , fieri*

exi-

*exigi, expedire*. Denique observat, Ecclesiae utilitatem exposcere, ut etiam Theodoriti adversus Sanctum Cyrillum & primam Synodum scripta damnentur; eo quod, inquit, *Nestoriani sub ejus Episcopi nomine, qui a beatae recordationis Leone Papa, & a sancta Chalcedonenſi Synodo legitur fuisse susceptus, eadem scripta ad adstruendi sui erroris videntur adhibere suffragium*. Tertio his omnibus discussis ac de integro retractatis, ad eorundem Capitulorum damnationem adgreditur, quam haberi vult pro ultimo ac peremptorio hujusce causae judicio. Nam 1. praedicta tria Capitula absolute ac simpliciter damnat. 2. Damnata etiam quoscumque, qui quovis tempore ea propugnanda suscepserint, aut qui conatus fuerit aliquando praesentem damnationem resolvere. 3. Damnatores Capitulorum pro Fratribus & Conſacerdotibus habet. 4. Quaecumque sive suo nomine, sive ab aliis pro eorundem Capitum defensione exarata, nullius roboris esse decernit: *Praesentis*, inquit, *nostri plenissimi Constituti auctoritate vacuamus*. Denique declarat, nullum ejusmodi Capitulorum a praecedentibus Synodis fuisse susceptum, ac nominatim eadem anathematis poena percellit, qui a *praesenti*, inquit, *tempore, innotescente sibi hujus nostri serie Constituti*, memoratam Epistolam ad Marim Persam vel a Chalcedonenſi Concilio fuisse susceptam, vel orthodoxam ab aliquo ex Patribus pronunciatam, auderet adstruere. Datum hoc Constitutum VII. Kal. Mart. Imperii Justiniani anno XXVII. post Consulatum Basilii V. C. anno XIII. subindeque novem ferme post ab-

solutam quintam Synodum mensibus: a quo proinde tempore absoluta esse coepit & irretractabilis trium Capitulorum damnatio; a *praesenti*, inquit, *tempore innotescente sibi &c.* Quod hac ratione cum superiore ejusdem Vigiliis decreto conciliari potest, quod illud ad Eutychium & solos Orientales, apud quos eorundem Capitulorum obtentu Nestoriana haeresis caput erigebat, directum est; hoc vero, ut patet ex initio Capitis primi, & a primo ejus Editore Baluzio observatum est, ad universam Ecclesiam.

## CAPUT XXI.

„ In Synodo sexta generali, quae  
 „ Constantinopolitana est tertia,  
 „ causa Honorii Papae per Syno-  
 „ dum condemnati: tria effugia  
 „ proponuntur: Quaestiones ali-  
 „ quot ex actis suo ordine resol-  
 „ vendae: brevis Monothelitarum  
 „ historia praemittitur.

**T**Ria Bossuetius in praesenti Capite proponit, quae ex actis, inquit, in causa Monothelitarum elucescent. Primum, quas epistolas Honorius, quibusve de causis, & an eas pro privato doctore scripserit: Alterum, cur necesse habuerit sexta Synodus eas condemnare Epistolas, quas Romani Pontifices Honorii successores excusasse videantur: Tertium, an acta sextae Synodi, aut Leonis Secundi Epistolae, aliqua saltem verisimili conjectura, falsi argui possint. Quum autem horum examen in sequentia Capita Illustrissimus Praeful respiciat, nihil nobis hic speciatim observandum occurrit.

CA-



CAPUT XXII.

„ Honorius Cyri Alexandrini & Pyr-  
 „ rhi Conſtantinopolitani ſcripta  
 „ dogmatica in ſexta Synodo con-  
 „ demnata directe probat : So-  
 „ phronii Hieroſolymitani, ab ea-  
 „ dem ſexta Synodo, atque ab  
 „ omnibus Orthodoxis comproba-  
 „ ta, improbat : Ejus Legatos a  
 „ veritate deterret : Conſultus a  
 „ tribus Patriarchis prava reſcribit :  
 „ Ejus litterae toto Oriente vul-  
 „ gatae : his Monothelitae praeci-  
 „ pue nitebantur : An haec pro  
 „ privato Doctore ſcripſerit ? Hae  
 „ Epiſtolae dogmaticae habentur,  
 „ hoc eſt, decretales. Dogmatis  
 „ nomen explicatur : conſutantur  
 „ effugia.

**D**UO in Romanorum Pontificum  
 Epiſtolis ſpectari poſſunt, ma-  
 teria videlicet & forma : materia ſub-  
 jectum exhibet & argumentum, quod  
 in iſtis Epiſtolis pertractatur ; illud-  
 que vel ad fidei dogmata pertinet vel  
 ad Eccleſiaſticam diſciplinam. Ad for-  
 mam ſpectant ſolemnitates, quae ſi  
 deſint aut negligantur, Pontifex non  
 cenſetur loqui tanquam Pontifex, id eſt,  
 tanquam Petri ſucceſſor, ejus Cathe-  
 dram & locum tenens, ejusque do-  
 ctrinae a Deo conſtitutus Interprete.  
 Haeretici, & quicumque Sedis Apo-  
 ſtolicae auctoritatem deprimere ge-  
 ſſunt, Honorii lapſum ut altius ex-  
 tollant, ejus Epiſtolas pro dogmaticis  
 Conſtitutionibus haberi volunt, tota  
 Sedis Apoſtolicae auctoritate prola-  
 tis, in quibus proinde edendis omnes  
 ſolemnitates ſervatae ſint, quae ad

T.I.P.I.

fidei regulam conſtituendam praemitti  
 ſolent. Hinc Synodos comminiſcun-  
 tur, in quibus Sergii, Cyri, & So-  
 phronii dogmata ab Honorio diſcuſſa  
 ſint : Honorium ipſum traducent, &  
 Romanum Clerum, & Romanam Sy-  
 nodum & Eccleſiam tanquam Sergii  
 Cyrique doctrinam ſolemniter adpro-  
 bantes, totique Eccleſiae ſequendam  
 & amplectendam auctoritate ſua pro-  
 ponentes ; Sophronii vero Catholica  
 dogmata repellentes : atque uno ver-  
 bo, omnes in iis Epiſtolis characteres  
 & notas agnoſci volunt, quae ſolen-  
 niores Romanorum Pontificum de fi-  
 dei dogmatibus Conſtitutiones ornari  
 ſolent. Haec quidem omnia Illuſtriſ-  
 ſimus Boſſuetius in praefenti & ſequen-  
 tibus Capitibus ſedulo inculcat : ea-  
 dem tamen, ut verum fatear, vehe-  
 mentius exaggerant ſex Epiſcopi in  
 Reſponſione Gallica ad Inſtructionem  
 Paſtoralem Eminentiffimi Cardinalis  
 de Biſſy anno 1523. edita capite  
 XXIV. in plures §§. diſtributo ; quo-  
 rum priore probare nituntur, Honorii  
 Epiſtolas non meram oeconomiae aut  
 diſciplinae legem praefcribere ; ſed  
 eſſe dogmatica ſcripta, quae Catholi-  
 ci dogmatis profeſſionem evertunt,  
 haereſim probant, haereſim fovent,  
 & tanquam Haeretica in ſexta Synodo  
 damnata ſunt, in eaque perinde atque  
 in Cyri, Sergii, aliorumque Haere-  
 ticorum profanas lucubrationes ultrici-  
 bus flammis animadverſum. In ſe-  
 cundo §. pluribus demonſtrare conten-  
 dunt, Honorii litteras non eſſe inter  
 privatas & familiares Epiſtolas com-  
 putandas, ſed eſſe decreta omnibus  
 conſuetis formis munita, editaque  
 cum Eccleſiae Romanae conſenſu. In  
 aliis autem §§. toto pectore ac ſtudio in

Z

id

id incumbunt , ut offendant , fuisse eas litteras toto passim Oriente & Occidente pervulgatas , & ab omnibus cum Orientalibus tum Occidentalibus expresso vel tacito consensu susceptas ; & illis quidem probatas , his autem minime improbatas , quin & a plerisque velut innoxias , & Monothelitici erroris puras defensas . Unde conficiunt , Romanorum Pontificum solennes ac dogmaticas Constitutiones , etsi ad eas expressus aut tacitus majoris partis Episcoporum consensus accesserit , non modo ut irretractabiles & irreformabiles fidei regulas non esse habitas ; verum deinceps ab Oecumenicis Synodis , & ab ipsis Romanis Episcopis , velut haeretica doctrina conspersas aut haeresi faventes , explosas , & cum aliis haeticis scriptis damnatas & igni traditas . Quamquam id operis susceperim ad unius Meldenis Episcopi Opus refellendum : attamen in hac de Honorii Epistolis disputatione , quaecumque in ea sex Episcoporum Responsione adnotabo , quibus Illustrissimi Praefulis doctrina confirmari posse videatur , ea nequaquam dissimulabo ; sed una eademque opera decicere ac labefactare conabor . Porro etsi obviae sunt rationes , quibus Ecclesiae Romanae immerito iniustas , ob Honorii epistolas , maculas omnes detergere , ab ipsis autem Epistolis maximam invidiae partem propulsare facile possum ; earum tamen aliquas malo non meis verbis efferre , sed doctissimorum e Gallia Theologorum ; quod eos certe non assentandi blandiendique Romanae Curiae studium , sed unicus veritatis & aequitatis amor de Honorii Epistolis & Honorio ipso mitiora scribere suavitatem

quae vel a Bosuetio , vel a sex Episcopis aliisque Refractoriis jactantur .

## ARTICULUS PRIMUS.

*Honorii Epistolas partim ad dogmata pertinere , partim ad oeconomiam , & Ecclesiasticam disciplinam : Quatenus ad dogmata referuntur , puram esse & Catholicam earum doctrinam : Quatenus ad disciplinam , improvidam fuisse & inconsultam de tacenda duplici voluntate vel operatione dispensationem .*

**M**ysterium Incarnationis ita in his litteris Honorius exponit , ut non modo Nestorii & Eutychetis haereses damnet ; verum , quod ad substantiam dogmatis pertinet , ipsum quoque tunc exorientem Monothelitarum errorem : hoc autem sensu eas Epistolas sexta Synodus Dogmaticas appellavit ; quod nimirum iis , ut dictum est , Catholica dogmata confirmantur : quae tamen appellatio eis , ut deinceps probabimus , nullo pacto convenire potest ; quatenus *οἱ κρυπταὶ* silentium duplicis voluntatis & operationis indicunt . Ceterum Catholicam esse , & a Monothelitarum haeresi immunem Honorii Epistolarum doctrinam , jam convenit inter eruditos , uti Baluzius testatur in vita Petri de Marca ; & jam superfluum reputatur , diutius in hoc argumento versari , uti Garnerius animadvertit ; cujus hic tamen verba subjiciam , ne omnino intactum hoc nostrae disputationis caput dimittam , unde cetera quodammodo pendent .

Parentum aetate inquit laudatus  
Garne.

*Gärnerius* [a], multi quum audirent, Haereticos Honorio crimen haereticis Monothelitarum obijcere, & importune congerere testimonia, falsa quidem reipsa, sed probabilia tamen in speciem, crediderunt temere rem ita se habere; opinioque velut contestata obtinuit. Nunc vero postquam agitata est diligentius sanctiusque causa, pauci numero, iique suspectae aliunde fidei, vel non maximae auctoritatis, Honorium Monothelismi damnant.

Quam illi inconsiderate sentiunt, tam illi circumspicite: Neque enim aliter de quaestione scripsit Honorius, quam S. Leo: nisi quod fidei dogma S. Leo brevius pressiusque, prolixius Honorius exposuit. Ita Sanctus Leo: *Agit utraque forma cum alterius communione quod proprium est; Verbo scilicet operante quod Verbi est, carne exequente quod carnis est.* Honorius [b]: *Utrasque naturas in uno Christo unitate naturali copulatas cum alterius communione operantes atque operatrices confiteri debemus: & divinam quidem, quae Dei sunt operantem; & humanam quae carnis sunt exequentem.*

Videtur ergo fere superfluum diutius in hoc argumento versari; praefertim quum Epistolae duae Honorii, quae in sexta Synodo prolatae sunt Aet. 12. & 13. si conferantur cum ipsa defensione fidei ab eadem Synodo composita, nulla in parte inveniantur differre, nisi quod in priore sit mentio unius voluntatis, & in utraque per quamdam oeconomiam ad coercendas animorum contentiones, prohibetur,

ne unius vel duarum operationum voces inter praedicandum usurpentur.

Verum prior differentia nullius est momenti, posterior parvi ad rem, qua de agitur: Nam una illa voluntas, cujus meminit Pontifex, nihil ad quaestionem Monothelitarum pertinet: fuit enim & humana, & Spiritus propria, excludens eam dumtaxat, quae carnis dicitur, quaeque in nobis originis peccato infectis adversus rationem rebellat. Negavit id unum Honorius, quod & omnes Catholici, assumtam esse a Verbo naturam, in qua pugnantes inter se forent voluntates, & exsisteret fomes, ut ajunt, peccati. Illud aperte ostendunt haec verba [c]: *Unam fatemur voluntatem Domini nostri Jesu Christi, quia profecto a Divinitate assumpta est nostra natura, non culpa; illa profecto, quae ante peccatum creata est, non quae post praevocationem vitiatam.* Et postea: *Non est itaque assumpta, sicut praefati sumus, a Salvatore vitiatam naturam, quae repugnaret legimentis ejus, sed venit quaerere, & salvare quod perierat, id est, vitiatam hominis naturam: Nam lex alia in membris, aut voluntas diversa non fuit, vel contraria Salvatori, quia super legem natus est humanae conditionis &c.*

Hunc in sensum accipi debere verba Honorii, docent tres locupletissimi testes: Joannes Abbas qui Epistolam nomine Honorii composuit: Joannes IV. Honorii post annum medium successor, in Apologia; & Sanctus Maximus Martyr, utriusque testimonio

(a) Append. ad Nor. in lib. Diurn. Rom. Pont.

(b) Epist. II. ad Serg. Aet. XIII. sext. Synod.

(c) Epist. I. ad. Serg. Aet. XII. sext. Synod.

nio Sanctum Pontificem defendens, partim in disputatione cum Pirrho, partim in Epistola ad Marinum.

Abbas igitur Joannes apud Maximum: *Unam voluntatem diximus in Domino non Divinitatis ejus & humanitatis, sed humanitatis solius. Cum Sergius scripsisset, quod quidam duas voluntates in Christo contrarias dicerent, rescripsimus, Christum non duas voluntates contrarias habuisse, carnis, inquam, & Spiritus, sicut nos habemus post peccatum, sed unam tantum, quae naturaliter humanitatem ejus signabat.*

Joannes IV. vel Joannes idem Abbas ipsius nomine: *praedictus ergo Decessor meus docens de Mysterio Incarnationis Christi dicebat, non fuisse in eo, sicut in nobis peccatoribus, mentis & carnis contrarias voluntates: quod quidam ad proprium sensum convertens, Divinitatis ejus & humanitatis unam eum voluntatem docuisse suspicati sunt, quod veritati omnimodis est contrarium.*

Verba illa, quae ex secunda Honorii ad Sergium Epistolā, profert Garnerius; *utrasque naturas cum alterius communione operantes &c.* Orthodoxa videri, Bossuetius fatetur; subiungit tamen, haud facile esse, ea secernere a Monothelitarum similibus dictis. „Tantae, inquit, ambages, tantus in verbis perniciosissimae haereseos dolus fuit. Paria enim Honorio proferebat Sergius in Epistola ad Cyrum, & in Ecthesis, Heraclius, & in Typo Constantis, & alii Monothelitae passim.

Verum laudata verba non modo

Orthodoxa videri, verum & reapse Orthodoxa & Catholica esse, & obivium eorum ac naturalem sensum duas Christi Domini operationes repraesentare, & aperte significare; vidit imprimis Cyrus tum Phasidis, postea Alexandrinus Episcopus, & ingenue confessus est in Epistola ad Sergium Constantinopolitanum Episcopum, quum superius adlata S. Leonis auctoritate paullulum se retentum fuisse significat, ne statim ad Heraclii sententiam accederet, duas operationes in Domino nostro Jesu Christo post unionem dicere prohibentis: *Quod, inquit [a], adnuebam, & proferre tentabam honoratissimam Leonis Epistolam, duas operationes, cum alterutrum scilicet communione, manifestissime proclamantem.* Hunc autem scrupulum ipsi eximere Sergius hac pulcherrima ratione conatus est, quod nullus eorum, qui vel adversus laudatam S. Leonis Epistolam insurrexerunt, vel eam propugnandam susceperunt, duas in illis verbis operationes agnovit [b]: *Quoniam igitur asseruit vestra Reverentia, Leonem Sanctissimum Papam Romanum in eo quod dicit: Operatur utraque forma cum alterius communione; duas operationes in Christo vero Deo nostro tradere atque praedicare; oportet scire... nullum dixisse, quod in praesenti libro duas operationes Leo Sanctissimus adsernisset.* Id vero falsum esse, docet inferius laudandus S. Martinus Papa.

Sed ut illos omittamus, qui Monothelitarum haeresim praecesserunt, quibus non opus fuit ejusmodi Patrum loca ipsorum nefariae doctrinae adversa

(a) A. A. XIII, sextae Synod.

(b) Ubi sup. A. A. XII.

verſa accuratius enucleare; certum eſt eos, qui deinde ſequuti ſunt, Romanos Pontifices & Patres in Synodicis ſuis Epiſtolis hunc potiſſimum S. Leonis locum laudaſſe, tamquam aptiſſimum, & maxime idoneum ad Catholicum dogma de duabus in Chriſto operationibus confirmandum. Ita enim S. Martinus in allocutione ad Synodum Lateranenſem Aſſ. ſeu Secret. I. *Sed & beatæ memoriæ Flaviano de operationibus ejuſdem Salvatoris noſtri in Tomo ſuo prædictus Pater (S. Leo) ſcribens ait: Operatur enim utraque forma &c. Ita Sergius Inſulæ Cypri Metropoliſta in Epiſt. ad Theodorum Papam Secret. II. Conc. Lat. Nos autem a Deo inſpirati, &c. conſitemur, atque confeſſi ſumus, & ex ipſis cunabulis ſecundum Sanctum atque Beatiffimum Papam Leonem, prædicantes omnibus & conſistentes: operatur utraque natura cum alterius communione. Cum quo beatiffimo viro & omnes a Deo inſpirati & Sancti Patres fatentur.* Ita Viſtor Carthagenſis Epiſcopus in Epiſtola Synodica ad Theodorum Papam recitata in eodem Concilio Lateranenſi Secret. II. *Et autem ipſius Sedis Apoſtolicæ decretis per omnia confirmemur, Leonis Beatiffimi Prædeceſſoris veſtri Apoſtolicæ memoriæ definitionem inſeri pervidiſimus, & continet: Agit enim utraque natura &c.* Ita laudata Synodus Lateranenſis Secret. V. inter Patrum teſtimonia, quibus Catholicum de duabus operationibus dogma confirmat, eadem Sancti Leonis verba producit. Ita Agatho Papa, qui eadem recenſet in Sylloge teſtimoniorum ſubjecta Epiſtolæ ad Imperatores, quæ lecta eſt Actione IV. ſex-

tae Synodi. Ita Epiſtola Synodica Conc. Rom. ſub Agathone lecta in ead. Aſſ. *Unus enim ex utriuſque . . . . operante utraque forma cum alterius communione quod proprium habet: Verbo operante quod verbi eſt, & carne exequente quod carnis eſt: quorum unum coruſcat miraculis, aliud ſuccumbit injuriis. Unde conſequenter, ſicut duas naturas . . . . cum habere, veraciter conſitemur: ita quoque & duas naturales voluntates, & duas naturales operationes.* Ita ipſa ſexta Synodus Actione ſecunda, in qua ab Antiocho Lectore Imperatoris juſſu Chalcedonenſis Synodi aſſa relecta ſunt: *Et relegente eo [Antiocho] Epiſtolam, quæ in eis continetur, ſanctæ memoriæ Papæ Leonis magnæ Civitatis Romæ & veniente ad textum, in quo ſcriptum eſt: Agit enim utraque forma cum alterius communione quod proprium habuit; Verbo quidem operante quod Verbi eſt, carne autem exſequente quod carnis eſt; & horum unum coruſcat miraculis aliud vero ſuccumbit injuriis; exſurgentes, qui ex parte Apoſtolicæ Sedis erant antiquæ Romæ, exclamaverunt: Ecce benigniſſime Domine, manifeſte duas naturales operationes inconfuſe & indiviſe in Domino noſtro Jeſu Chriſto præſens Sanctiſſimus prædicat Pater, cujus præſentem ſermonem ſancta quarta Synodus firmamentum Orthodoxæ fidei inſcripſit, & Damnationem univerſæ hæreſis, utpote profeſſioni Beati Principis Apoſtolorum Petri convenientem. Quæ & rurius univerſa Synodus adprobat in ipſa fidei definitione: *Duas vero naturales operationes indiviſe, inconverſibiliter, inconfuſe, inſeparabiliter in**

eodem Domino nostro Jesu Christo vero Deo nostro glorificamus, hoc est Divinam operationem, & humanam operationem secundum Divinum praedicatorem Leonem, apertissime asserentem: Agit enim utraque forma &c. Ita denique, ut alios praeteream, & Constantinus Pogonatus in Edicto, quod exstat AÆ. XVIII. ejusdem sextae Synodi: Ita ergo pie nobis credentibus, servabitur illud secundum Beatum Leonem: Operatur enim utraque natura &c. Ex quibus omnibus constat, iis S. Leonis verbis Catholicum de duabus operationibus dogma, quemadmodum Cyrus ait, manifestissime, & ut sexta Synodus scribit, apertissime contineri; proindeque qui sincere & ex animo ea S. Leonis verba usurpabat, Catholicam fidem, quod ad substantiam dogmatis pertinet, adversus Monothelitas manifestissime & apertissime profitebatur.

Sed, inquis, annon eadem verba & Sergius Monothelitarum Coriphaeus usurpavit? Ita est; sed uno in loco eadem temere ac nefarie detorqueas ad significandam contra naturalem & obvium eorum sensum, unam Christi Domini operationem: in alio autem subdole iis utitur & fraudulenter, ut, quod solenne omnibus haereticis est, verbis Catholicis utens, facilius Romano Pontifici imponeret: Ita enim scribit nefarius Haeresiarches in Epistola ad Cyrum relata Secret. III. Concilii Lateranensis: *Atque eundem unum Christum operari Deo decibilia, & humana UNA OPERATIONE, quia omnis Divina & humana operatio ex uno eodemque incarnato Deo Verbo procedebat. Secundum hunc*

*pium intellectum & Leo sanctae memoriae Romanus Archiepiscopus sapuit, & docuit dicens: Operatur utraque natura cum alterius communionem. Hanc vero manifestam esse hujusce sententiae depravationem S. Martinus observat Secret. IV. ejusdem Concilii Lateranensis, ubi Sergium ejusque Symmittas imprudentes appellat, per hoc quod etiam Beati Leonis vocem ausi sunt violare. Nam in Epistola positum memorati Apostolicae recordationis Viri scripta sanctae memoriae Flaviano: Operatur utraque natura cum alterius communionem quod proprium est.... imprudenter unam Domini significare dixerunt operationem* & confutataque deinceps S. Pontifex quod a Sergio, uti superius animadvertimus, ad Cyrum scriptum est; nempe nec Patres, nec Haereticos duplicis operationis dogma in his verbis esse subodoratos: subjungit enim: *Neque Sanctos in hoc reveriti Patres, neque vecordes Haereticos erubescences: quoniam profecto utpote duos unius ejusdemque Christi operationes designentem in unitione inconfusa & indivisa, aliqui defensores ejusdem pie, alii autem impie accusantes exstiterunt, quod nec ipsi auctores novitatis ignoraverunt. Studuerunt autem per hoc tam sanctam Chalcedonensem Synodum respuere, calumniari autem & Beatum Leonem propter abundantem eis pro temeritate impudentiam. Nunc autem operae pretium erit animadvertere, quam diversam scribendi rationem teneat idem Sergius in Epistola ad Honorium, in qua Pontifici significat, se ad Heraclium scripsisse, ut permaneret in attrita Patrum doctrina, quam omnes, inquit, consonanter confiten-*

SUT

*tur de huiusmodi quaestione ; & confi-*  
*teri , Unigenitum filium Dei , qui ve-*  
*raciter Deus simul & Homo est , eum-*  
*dem operari Divina & humana , &*  
*ex eo uno eodemque Incarnato Deo*  
*Verbo , sicut iam sumus effati , inse-*  
*parabiliter atque indivise omnem Divi-*  
*nam atque humanam operationem pro-*  
*cedere . Hoc namque nos Leo Dei por-*  
*titior instruit , manifeste perhibens :*  
*„ Agit enim utraque forma cum alte-*  
*„ rius communione , quod proprium*  
*„ habet . Quid magis Catholicum &*  
*Orthodoxum , quam haec Sergii fidei*  
*confessio , qua se credere profitetur ,*  
*unum eundemque Dei Filium operari*  
*Divina & humana , & ex uno eodem-*  
*que incarnato Verbo omnem Divinam*  
*atque humanam operationem procede-*  
*re ; idque iuxta tritam & pervulgatam*  
*veterum Patrum , ac praecipue*  
*S. Leonis doctrinam ? Quid , inquam ,*  
*magis Catholicum & Orthodoxum vel*  
*ab ipsis fidei Catholicae adversus Mo-*  
*nothelitas fortissimis adsertoribus ,*  
*Martino , Sophronio , & Maximo pro-*  
*ferri potuisset ? Qui enim unum eum-*  
*demque Dei Filium operari divina &*  
*humana , & ex eo omnem divinam &*  
*humanam operationem procedere , con-*  
*fiteretur ; an non reipsa , si sincere &*  
*ex animo loquitur , duas in Christo*  
*operationes admittit ?*

*Verum quidem est , quod haec sol-*  
*lenni Haereticis more , ad fucum faci-*  
*endum impius & callidus Veterator*  
*usurpavit : sed hoc Honorio officere*  
*non debet , qui ea simpliciter accepit ,*  
*& veluti imprimis Catholica confir-*  
*mavit , & sedulo ac diligenter incul-*  
*cavit : Consistentes , inquit , Dominum*  
*Jesus Christum , Mediatorem Dei &*  
*hominum , operatum Divina media*

*humanitate Verbo Dei naturaliter uni-*  
*ta , eundemque operatum humana . . .*  
*& qui coruscavit in carne plena divi-*  
*nis miraculis , ipse est ; & carneus ef-*  
*fectus , plene Deus & Homo , passio-*  
*nes & opprobria patitur ; unus Me-*  
*diator Dei & hominum in utrisque*  
*naturis &c. Et infra : Dum profecto*  
*Divinitas nec crucifigi potuit , nec pas-*  
*siones humanas experiri vel perpeti , sed*  
*propter ineffabilem conjunctionem ha-*  
*manae divinaeque naturae , idcirco &*  
*ubique Deus dicitur pati , & huma-*  
*nitas ex caelo cum divinitate descendisse .*  
*Et rursum : Nam quia Dominus*  
*Jesus Christus , Filius ac Verbum Dei ,*  
*per quem facta sunt omnia , ipse sit unus*  
*& idem operans perfecte Divina &*  
*humana , sacrae literae luculenter de-*  
*monstrant . Haec ex seipsis Ortho-*  
*doxa sunt , & Catholicam continet pro-*  
*fessionem ; quare satis esse debent ,*  
*ut qui ea profert , pro Orthodoxo &*  
*Catholico habeatur , nisi aliunde con-*  
*slet , eum haec fraudulenter ac sub-*  
*dole profiteri : quod quidem quam-*  
*certum est de Sergio , Heraclio , &*  
*Constante , tam absonum est & absur-*  
*dum de Honorio suspicari .*

*Hinc facile solvitur obiectio , quam*  
*ex hisce Honorii verbis in fine ejus-*  
*dem Epistolae ; Haec nobiscum vestra*  
*fraternitas praedicet , sicut & nos ea*  
*vobiscum unanimiter praedicamus ; con-*  
*ficit Meldensium Episcopus , ut Ho-*  
*norium ipsum haereticum dogma sol-*  
*lenniter adprobasse & confirmasse , de-*  
*monstret : „ Haec praedicatio , in-*  
*„ quit laudatus Bossuetius , quid sit ,*  
*„ Adversarii edicant : „ Nos ex totius*  
*„ antiquitatis more , ipsum dogma ,*  
*„ fidem ipsam tota firmitate conitan-*  
*„ tem contineri ea voce contendimus .*

*„ Ho-*

„ Honorium vero eadem cum Sergio  
 „ Haeretico atque Haeresiarcha *uaa*.  
 „ nimir praedicare, ipse iactat Ho-  
 „ norius, ut vel absolvi Sergii, vel  
 „ condemnari Honorii Epistolam ne-  
 „ cesse sit.

Ea praedicatio quid sit, non est cur ex nobis illusterrimus Bosuetius exquirat; quum id perspicue Honorius ipse declaret: *Haec nobiscum Fraternitas vestra praedicet, sicut & nos ea vobiscum unanimiter praedicamus*. Quatenam porro ea sint, perspicue sequentibus verbis significat; *hortantes vos, ut unius vel geminae novae vocis indultum operationis vocabulum aufingentes, unum nobiscum Dominum Jesum Christum Filium Dei vivi, Deum verissimum, in duabus naturis operatum Divinitus atque humanitus, fide orthodoxa, & unitate Catholica praedicetis*. Quod profecto nil aliud est, quam praecipere, ut duas reapse in Christo operationes cum Ecclesia Catholica praedicent & agnoscant; hortari autem, ut interim per quamdam oeconomiam ab usurpando duplicis aut unius operationis vocabulo ablineant; id est, ut ipsum Catholicum dogma fateantur & praedicent, sed nondum Ecclesiae solenni decreto sanctam vocem usurpent: qua in re peccare, quidem potuit nimia quadam facilitate & per imprudentiam; sed haereticam approbasse doctrinam, nisi per summam injuriam dici nequit. Quare Sergii & Honorii Epistolae damnandi vel absolviendi dispar ac dissimilis ratio est. Nam Sergius (quod & de Heraclii Ecthesi & Constantis Typo dicendum est) subtile ac vaferissime in epistola sua Catholica verba pronunciat; vult autem, duplicis operationis vo-

cabulum taceri, ut Catholici dogmatis praedicatio interim sileat, & ex Ecclesia removeatur; haereticum autem dogma sensum sine sensu Christiani populi auribus insinuetur. Quod ab Honorii mente longissime aberat, in id unice intenti, ut Catholicum dogma, si fieri posset, sine tumultu, & abique ullius offensione praedicaretur; quum contra Sergius, Heraclius, Constantius alique haeretici vellent, ut nefaria ipsorum doctrina sine strepitu, & absque ullius scandalo per Christianum orbem propagaretur.

Jam vero ad alteram propositae quaestionis partem accedamus, ac demonstremus, Honorium, quum ad duplicis operationis vocabulum interim silendum hortatus est, nihil dogmaticae statuisse, sed improvida usum esse dispensatione: Id vero cum pluribus aliis, iisque imprimis eruditissimis ex ipsa Gallia scriptoribus, luculenter docet Cl. Thomassinus Dissert. XX, in Synod. sext. Oecumen. n. XVIII. ubi hanc thesim statuit: *Non tam haeresi, quam dispensationi studebat Honorius, quae quia improvida & inauspicata, proditio fidei habita est*. Id vero sequentibus verbis aperte eleganterque demonstrat: Atque ut ulterius aliquid ad Honorii purgationem tentemus, quantum per oecumenicae hujus Synodi & integritatem & auctoritatem, per Pontifices etiam, qui ejus damnationi assensu sunt, licebit: ipsamet ejus Epistolae verba enucleatius perscrutanda sunt. Dispensationi ergo magis, quam errori se se Honorium contempnasse, & intempestivam dispensationem erroris ignominiae subjacuisse, epistolae contextus reique exitus docet; docent & praestant.



Antissimi Viri Petrus de Marca Archiepiscopus ante Tolosanus , post denique Parisiensis , alique nonnulli ( Baluzius in *vita ejusdem Petri de Marca* , Garnerius in *Notis ad lib. Diurnum Rom. Pontific. & in Appendice ad eandem notas* , Pagius ad annum DCXXXIII. num. XII. & seqq. , Combefisius in *Dissertat. Apologetica pro Actis sextae Synodi cap. III.* , Tamagninus apud Pagium loco citato , Turnelius de *Ecles. Quaest. III. art. IV. & alii* ) . Verba epistolae haec sunt , non haeresim adituere , sed oeconomico silentio intestinum bellum praevertere idonea , & novitates occupare : *Fraternitatem vestram ea scripsisse laudamus , novitatem vocabuli asferentem , quod possit scandalum simplicibus generare* . Sic ille ad Sergium contra Sophronium : illum unam vel duas Christi voluntates & operationes dici verantem , pacis alendae praetextu , clam interim unam magis Dei hominisque voluntatem insinuantem : hunc duas aperte praedicantem , nec rumores ponentem ante fidei Ecclesiae salutem . Et infra Honorius : *Non oportet ad dogmata haec Ecclesiastica retorquere , quae neque Synodales apices super hoc examinautes , neque auctoritates Canonicae visae sunt explanasse , ut unam vel duas energias aliquis praesumat Christi Dei praedicare : quas neque Evangelicae vel Apostolicae literae , neque Synodalis examinatio super his habita visae sunt terminasse* : Et rursus infra : *Utrum autem propter opera divinitatis & humanitatis , una , angeminae operationes debeant derivatae dici vel intelligi , ad nos ista pertinere non debent , relinquentes ea Grammaticis* . Addit , re-

T. I. P. I.

pudiandas esse novas voces , quae noscuntur *Ecclesiis scandala generare : ne parvuli aut duarum operationum vocabulo offensi , Nestorianam nos vesaniam sapere arbitrentur* . Aut rursus si unam operationem censuerimus , stultam Eutychianistarum dementiae fa-teri putemur . Denique Sergium hortatur , ut *inductam vocis novitatem , unius aut geminae operationis ausugientes , unum Christum in geminis naturis divinitus atque humanitus operantem praedicetis* . His autem multa interspergit Honorius de una Christi voluntate , sed humanitatis solius , ut qui altera careat ceterorum hominum voluntate , carnalibus cupiditatibus per peccatum scaten- te .

In his perfacile est Honorii mentem deprehendere , non tam haeresi novas , quam inconsultae dispensationi servientem : ex cujus successu inauspicatissimo cum permagna per Orientem Monotheletae incrementa fecissent , haeresis quoque ipsius infamia non immerito aspersus est is , cujus negligentia & imprudentia tantam Ecclesiae labem invexerat . Unam voluntatem praedicat Christi Honorius , sed humanitatis . Voluntatem alteram ab eo arcet , sed carnis . Unum operantem in duabus naturis statuit , divinitus & humanitus : haec orthodoxa sunt , & duarum voluntatum operationumque confessioni aequiparanda . Dummodo unus credatur volens & operans in duabus naturis , an duae praeterea dicantur voluntates vel operationes , censet , has inutiles esse minutias , has vocum argutias Grammaticis dimittendas , has novitates verborum tum opprimendas , cum ex eis viderentur illico haeresum bellorum-

A 4

que

que femina pullulatura . Istud vero non ad aliquid statuendum de fide , vel definiendum pertinet , sed ad suspendendam potius definitionem : istud non fidei , sed paci Ecclesiarum temperatur : istud denique non fidei decretum , sed decreti suspensum ; denique dispensatio ista est . Quoniam vero haec dispensatio Sergii & Monotheletarum consilia pestemque fidei aluit , etsi praeter Authoris mentem , ea proditio habita est .

Eandem cum aliis pluribus insignibus Theologis opinionem tuitus est etiam in sua Instructione Pastoralis Eminentissimus de Bissy , quam propterea sex Episcopi aliquot , sed inanibus & inutilibus coniecturis oppugnant . Observant enim , ideo Eminentissimum auctorem dogmaticas Honorii Epistolas convertere in legem Ecclesiasticae politiae ac disciplinae , quod Honorius totam hanc disputationem in verbis positam fuisse declaret . Verum advertendum , inquiunt , illi erat , Honorium ita post Sergium loqui , cuius etiam voces & phrasas usurpat : *Talem* , inquit Sergius , *superfluum verborum conflictum* . Porro quis animum inducat credere , Sergium , *qui (a) exorsus est novitatem vocis cacodoxam , & blasphemam introducere in Ecclesia Catholica doctrinam* , nihil amplius quam simplicem Politiae legem statuere voluisse ? Praeterea Honorius Catholicis dogmatis professionem de medio tulit , quum duas in Christo voluntates dicere prohibuit . En quod laudatus Cardinalis legem politiae ac disciplinae appellat : Nec tamen hic ille Honorius : quin & addidit : *Unam voluntatem fa-*

*temur Domini nostri Jesu Christi , quia profecto a Divinitate assumpta est nostra natura , non culpa* : ac tandem in ea desinit verba quibus Sergium hoc est haereseos Architectum adloquitur : *Haec nobiscum Fraternitas vestra praedicet , sicut & nos ea vobiscum unanimiter praedicamus* . Ad haec , sexta Synodus , inquiunt , Honorii litteras pro scriptis dogmaticis habuit : contra vero Sergius haec omnia ad politiam & oeconomiam (οικονομικὰς) revocare in speciem sat agebat : cur ergo Eminatissimus Cardinalis iudicio Synodi generalis adversatur , & illud Haeretici hominis amplectitur ? Quod autem ad Epistolarum materiem pertinet , eas Synodus damnavit , quoniam comperit , *in unam eandemque impietatem* cum Monothelitarum scriptis concurrere . Et post sextam Synodum , quotquot per plura saecula Petri Sedem ascenderunt , Honorium perinde atque alia Monothelitarum capita condemnarunt , propterea quod (b) *pravis eorum assertionibus fomentum impendit* . Quare etsi Theologi disputent ; an proprie haereticus fuerit , ejusque Epistolae haeresim proprie contineant ; communiter tamen agnoscunt , nec ipse Cardinalis diffitetur , Honorium nimia sua facilitate ac dissimulatione , ejus autem epistolas vocibus haeresei in speciem faventibus , Haereticis eorumque nefariae sectae incremento plurimum profuisse .

Haec summa disputationis sex Episcoporum §. I. citati Capitis XXIV. a qua in praesentia breviter me expedio , quod eorum argumentorum solutio partim ex jam dictis pateat , partim vero quod

(a) Ad. XIII. sext. Synodi .

(b) Ex Diurno Rom. Pont. pag. 41.

quod in sequentibus dissolvenda sint; quare unum dum taxat occurrit, cuius non videtur esse differenda solutio; illud nimirum solvendum est, quod etiam Sergius videri voluit, id unum satagere, ut *superfluis verborum confictus*, ut aiebat, prudenti oeconomia, *οὐκ οὐκ* vitaretur; qui tamen alio reapse respiciebat; quod pariter de Honorio dicendum esse videtur, qui, ut habet sexta Synodus Act. XIII., *Sergii mentem per omnia secutus est*. Respondemus tamen, haec potius ad excusandum Honorium plurimum valere: Nam ideo Sergium per omnia sequutus est, quod nefarius homo mentem suam opportune dissimulavit, partim, ut vidimus, Catholicas loquendi formulas usurpando, partim vero silentium duplicis voluntatis & operationis ad oeconomiam referendo, & prudentem quamdam, ut ajunt, dispensationem, retinendae servandaeque inter Catholicos paci, & revocandis in Ecclesiae sinum Acephalis tum temporis opportunam. Quid vero Sergius cum Honorio dissimulavit? Cur non omne in suis ad Honorium litteris haereticae doctrinae virus evomit? Cur non perinde cum Honorio atque cum Heraclio & Cyro se gessit, si eandem Honorio ac sibi mentem inesse agnoscebat? Nonne ideo dissimulandum fuit, & status quaestionis invertendus, & iniquitatis negotium pietatis obtentu praetexendum, quoniam ab haeretica Sergii doctrina Honorius omnino alienum gerebat animum, nec ullum ad eum nisi hisce dolis & artibus circumventum parare sibi aditum valuisset? Proinde etsi Theologi communius ab omni culpa Honorium absolvi posse non judicant; attamen praeter Haec.

reticos, uti Garnerius & Baluzius testantur, nullus jam fere est, qui Honorio haerefeos crimen impingat.

## ARTICULUS II.

*In Honorii Epistolis omnia desiderari, quae ad constituendam, juxta illius aevi disciplinam, dogmaticam Constitutionem requirebantur.*

**I**N Epistolis concinnandis, quas ad Sergium misit Honorius, nullam omissam fuisse earum solennitatum, quae pro illius aevi disciplina ad Constitutionem dogmaticam & fidei regulam adornandam, requirebantur, docet Bossuetius, docent, & quidem longe disertius, & sex Episcopi, qui s. II. citati Capituli hanc Thesim statuunt: Honorii litteras non esse privatas & familiares epistolas, verum solennia decreta, in quibus edendis consuetae formae servatae sunt, Clerusque Romanus consultus: *Ce sont des decrets revêtus de toutes les formes accoutumées & donnez de concert avec l'Eglise de Rome*. Denique, ut alios omittam, docet sed alia mente iisdem laudatus Episcopus P. Marchesius in Opere, cui titulus *Clypeus Fortium* Dissert. V. cap. XIV. At contra eas non esse nisi privatas & familiares Honorii ad Sergium Epistolas, non autem solennia Sedis Apostolicae decreta, quae pro fidei regulis habenda essent, docent Nat. Alex. Dissertat. II. in Hist. Eccles. Saec. VII. Thomassinus Dissertat. XX. in Synodo sext. Oecum. num VIII. & seqq. & alii: quorum ego opinionem certissimam esse judico, & a Meldenis

Episcopi aliorumque sex Episcoporum objectis vindicandam aggredior. Hunc tamen Articulum majoris claritatis gratia in plures §§. distribuam.

S. I.

*Quae olim in edendis Dogmaticis Constitutionibus Romani Pontifices ut plurimum observarent.*

**R**omani Pontifices in edendis dogmaticis Constitutionibus aliquas omni aevo adhibuere solennitates. Est autem illud imprimis eruditis animadversum, solitos eos fuisse nihil olim solenniter definire, nisi consulto Ecclesiae Romanae Clero; & si res gravioris erat momenti, & ad fidem pertinebat, coacta etiam Episcoporum Italiae Synodo, aut saltem viciniorum Provinciarum, quas Suburbicarias veteres appellarunt. Docet id pluribusque exemplis demonstrat Cl. P. Cutantius Praef. in Epist. Rom. Pont. n. 33. ubi inter cetera sapienter observat, novisse Veteres illos Pontifices, tametsi Petrum sibi peculiari-ter adesse confidebant, tamen ineundas esse communes vias, quibus ad veritatem pervenire nos Deus voluit. Idoneos ergo ac domesticos Apostolicae traditionis testes consulebant Presbyteros Diaconosque, qui acceptae a Majoribus suis fidei ac disciplinae innutriti fuerant: si quae agitantur causae paulo graviore, quae ad insignem aliquam Ecclesiam aut ad totam spectarent, illas ad Episcoporum Italiae Synodum referre non omittebant. Sive autem cum Clero, sive

cum Episcopis Italiae convenirent, solebant exterarum etiam regionum Praefules in conventum vocare, si quos Romae tum temporis versari contingeret. Quamquam autem nihil hic Cutantius adfirmet, quod Ecclesiasticae historiae peritis non sit exploratum: quia tamen haec nonnullis gratis dicta videri possent, pluribus ea ut jam diximus exemplis confirmat. Quae tamen ut recte intelligantur, prae oculis habenda sunt quae hic sapienter & erudite monet Cl. Thomassinus (a): Nec est quod quisquam obganniat; Ergo nisi Synodice pronunciet Pontifex, quidquid definierit, errori fore obnoxium. Nam ea in re obsequendum est moribus Ecclesiae, alio & alio tempore variantibus. Ubi in more positum erat, ut Episcopi, Metropolitani, Primate, Patriarchae nihil rei majoris adorirentur, nisi Synodica prius consultatione libratum: tunc Romani Pontificis illa quoque definitio Pontificia, seu ex Cathedra aestimabatur, quam Synodica anteisset examinatio. Ubi vero Christiano toto orbe rariores confluere Synodi, & Episcopi ceteri, Episcoporumque vertices non jam Synodica, sed qualicumque alia deliberatione uti caepere; tunc quoque par est, Romani Antistitis illam ex Cathedra & ex privilegio Petri cense-ri Constitutionem profectam, & Sedis ipsius, non Pontificis propriam, quam ea antecesserit deliberatio, quae in usu est pro tempore, quaeque ad alia tum maximi momenti negotia adhiberi solet. Ecce enim Summum Pontificem arctiori quam alios addi-

xeris

(a) Dissert. XX, in sext. Synodo Oecum. num. XVI.

xeris Synodorum servituti ? Adde , quod ut supra jam praelibatum , utque suo loco prolixè rursus demonstrandum est , in Synodi nomine non usque adeo morosa fuit antiquitas : & quorumlibet vel Episcoporum , vel Clericorum maxime doctiorum congregationem cum Episcopo & consultationem , Synodi nomine cohonestavit . Haec Thomassinus , qui statim subjungit , inde nequaquam exprimi , quod non personae ipsi Pontificis , sed ejus quasi Senatui alligetur illa inoffensae semper definitionis autoritas . Contra enim ipsi prorsus Pontifici , sed Pontificem agenti , inhaerere eam dotem , & in fidei dogmatibus definiendis non errandi praerogativam . Sed haec suo loco uberius explanabuntur .

Est etiam illud sedulo animadvertendum , quanta in id olim cura & sollicitudine Romani Pontifices incubuerint , ut ipsorum decretales Epistolae omnibus per universum orbem Episcopis innotescerent . Intelligebant nimirum , uti laudatus Cutantius observat , impositam sibi Catholicae fidei sanctorisque morum disciplinae non tuendae solum , sed etiam quaquaversum amplificandae curam . Hinc *Liberii generalia decreta* , & *Siricii monita evidèntia* , Siricius ipse Epist. I. ad Himerium Tarraconensem num. II. & Innocentius Epist. VI. ad Exsuperium Tolosanum num. II. & IV. commemorant . Hinc celebris illius , Zosimi Papae adversus Pelagium Caelestiumque , Tractoriae Exemplaria & ad Orientales Ecclesias , Aegypti Dioecesium , & Constantinopolim , & Thessaloniceam , & Hieroso-

lyma ad Episcopos transmissa fuisse , tradit Marius Mercator . Hinc Xilvus Tertius Cyrillo Alexandrino de scriptis ad eum missis illud mandabat : *Haec ad vicinorum Fratrum notitiam pervenire volo per pietatem tuam &c.*

Tum suae ceterorumque Sedis Apostolicae Praesulum vigilantiae causam hanc adjugebat : *Neque enim premitit nos quietos esse ab ejusmodi curis omnium Ecclesiarum sollicitudo* . Qui plura cupit hujusce rei argumenta , adeat laudatum Cutantium ; ex quo etiam discet hunc fuisse promulgandum Sedis Apostolicae decretorum modum . Per optimae probatissimaeque fidei Clericos , vel etiam Episcopos mittebantur ad Provinciarum Primates , nisi ad alios mitti specialis quaedam ratio suaderet . Tum ipsi Primates , sive alii , quibus id negotii datum erat , eorum apographa cum Episcopis , vel singulis vel in Synodo congregatis , communicari , & *omnium consensu studioque* , ut loquitur Innocentius , *firmari* curabant .

Denique & illud praemoneo , quod est Cl. Thomassino sapienter animadvertendum , nempe (a) , quod quae a „ Syricio & reliquis deinceps Pontificibus indubitatae supersunt nobis „ litterae decretales , singulis pene „ verbis , non copiam quadam singulari doctrinae , sed exertissimam „ potestatem , & juridicendi principatum ostentant , atque adeo pariter necessitatem inferunt . Sic qui Siricium praecessit *Damasus Romanae Urbis decus ad iustitiam* , quo cum titulo exornat Concilium Chalcedonenſe (b) , *litteris ad Paulinum datis*

(a) Append. ad Synod. Chalced. de subscript. num. II.

(b) Prophonet. ad Marcian. Imperat.

*dati dispensationis Sacramenta patefecit, admonens, ut his, quae bene decreta sunt, si qui communionis suae participes velint esse, consentiant.* Sic Anatolius ceterique per Orientem Metropolitae S. Leonis ad Flavianum Epistolae subscribere coacti sunt; cui etiam in Occidente Galliarum & Mediolanensis Provinciae, & omnes in Chalcedonensi Synodo Orientales Episcopi subscripserunt. Cui etiam ut subscriberetur a Gallicanis Episcopis eundem S. Leonem praecepisse, conjicere, inquit laudatus Thomassinus, forte quis posset ab exemplo consimili Martini Papae I. qui anno DCL. ad Episcopos Galliarum aëta Synodi Romanae contra Monothelitas mittens, ait: *Studeat fraternitas tua eadem omnibus innotescere, ut tam abominandam haeresim nobiscum execrentur, atque Synodali conventionem omnium fratrum & Coepiscoporum nostrorum partium illarum effecta, secundum tenorem Encyclicae a nobis directae, scripta una cum subscriptionibus vestris nobismet destinanda concelebrent, confirmantes, atque consentientes eis, quae pro Orthodoxa fide a nobis statuta sunt.* Ita & Leo II. postea ad Patres Concilii Toletani XIV. subscribenda misit aëta sextae Synodi Oecumenicae. Alia plura hujusce disciplinae exempla in eadem Dissertatione congerit laudatus Thomassinus, quibus, inquit, exemplis in more positum id fuisse generatum, non immerito persuadetur.

En igitur praecipui characteres, quibus insigniri solebant Romanorum Pontificum decretales ac solennes de aliquo fidei dogmate Constitutiones.

1. In Synodo Episcoporum Italiae aut

saltem viciniorum Provinciarum, vel in Clericorum Ecclesiae Romanae conventu proposita quaestio ventilabatur. 2. Litterae Apostolicae ad Patriarchas, aut Primates, aut Metropolitanos dirigebantur, ut eas ceteris per orbem Episcopis intimarent. 3. Illud etiam plerumque in more positum erat, ut ad earum subscriptionem Episcopi adigerentur; aut saltem singulis pene verbis, ut ait Thomassinus, exertissimam potestatem, & iurisdicendi principatum ostentabant, atque adeo parendi necessitatem inferbant. Videamus ergo, an quidquam horum in eas, de quibus in praesentia differimus, Honorii ad Sergium Epistolae conveniat, ut perspicue intelligere valeamus, an pro familiaribus & privatis, an potius pro decretalibus & solennibus Apostolicae Sedis Epistolis habendae sint.

## §. II.

*Honorii ad Sergium Epistolae non fuisse cum aliqua Romana Synodo communicatas, aut in aliqua Romana Synodo editas.*

**H**anc Thesim egregie probat ex constanti Veterum hac de re silentio, quem saepius laudavi, Cl. Thomassinus, quod nempe cum Synodi in causa Monothelitarum habitae singulae diligenter ab antiquis Scriptoribus recenseantur, nullus tamen est, qui aliquam in hac causa Honorii Romanam Synodum indicet. Praemittit autem, omnes in id consentire, quod Ruiticus E. R. Diaconus in disputatione contra Acephalos docet: *Dei Ecclesia familiaribus non inten-*

*intendit, neque hypomnisticis, neque iis, quae ad unum & domesticum fiunt: sed his, quae ad Synodos, aut a Synodis [ juxta communem & pervulgatam illius aevi disciplinam ] Dogmaticae, & publice, & definitive de his, quae in quaestionem veniant, conscribuntur. Privatas autem has fuisse, Honorii Epistolae, primo inde probatur, quod unius Honorii nomine inscribuntur cum eo aevo, inquit Thomassinus, moris esset, nihil de fide vel a Romano Pontifice nisi Synodice definiri. Atque ut anteriora omittam tempora, quibus longe frequentiores erant Synodi, nec majoris quidquam momenti tentabatur sine Synodo, ad haec ipsa Monothelicae sectae exordia calamum revoco. Johannes, qui bimestri tantum Severini Pontificatu interjecto, successit Honorio Papae. Synodice rem definiuit. Unde Libelli Synodici Author cap. 130. Johannes Papa, qui Honorio Monothelitae successerat, Divina & sancta instituta Synodo, Sergium, Cyrum, & Pyrrhum anathematizavit: duasque voluntates & operationes Domini & Dei nostri Jesu Christi praedicavit: & ad Davidem atque Heraclium Heraclii filios Typum piae doctrinae postea transmisit. Et idem continuo cap. 131. Pyrrhus ad proprium reversus est vomitum, quod cum B. Theodorus, qui Joanni successerat, intellexisset, universa Ecclesia convocata, & sepulcro Apostolorum Principis Petri occupato, Divino etiam Calice postulato, ex tremendo & vivifico Sanguine Christi, atramento affundens, propria manu depositionem ejus, & eorum, qui cum ipso communicarent, exaravit. Et*

cap. 132. & 133. duas similiter colaudat Romanas Synodos, Martini, qui Theodoro, & Agathonis, qui Martino successerat, novorum dogmatum novatorumque fulminatrices: in utraque fidei definitionem scriptam diserte asserit. Quin ergo & Honorii aliqua Synodus, vel Synodica prostat definitio, cum quatuor successorum ejus totidem exstent Synodi, Synodicaeque de fide constitutiones? Nimirum ille privatim quod sensit, scripsit: hi ut Pontifices, quid sentendum essent, definierunt.

Quin & primates Africani, Stephanus (leg. Columbus) Numidiae, Reparatus Mauritaniae, Victor Carthaginis, [ adde ex eodem Synodico cap. 126., Stephanus Byzaceniae ] Synodos totidem collegisse, ibidem memorantur cap. 127. 128. 129. Sergium, Pyrrhum & Paulum anathematizasse, duas Christi voluntates & operationes definisse ac praedicasse. Quin ergo & Honorii Synodus aliqua ostenditur? Libelli ejusdem Synodici capite 121. & 122. Sergius Constantinopolitanam geminam Synodum: cap. 123. Cyrus Alexandrinam: & rursus cap. 125. Pyrrhus Constantinopolitanam Synodum coegisse proditur, unamque voluntatem & operationem docuisse. Quilibet ergo horum haeresim suam dogmatizavit, exposuit, roboravit Synodice. Honorius ibidem Monotheleta scribitur fuisse. De ulla ejus Synodo ne verbum quidem. Constat ergo, non ut Pontificem male definisse, sed ut privatum immaturas cogitationes inconsideratius effudisse. Ita & Theophanes in Chronographia, Synodos laudat aliorum Romanorum Pontificum in  
hac

hac causa, Joannis, Theodori, Martini, Agathonis, nequaquam Honorii.

Alterum nec minus efficax ejusdem Thesis suppetit argumentum liber diurnus Rom. Pont. ubi tres Romanorum Pontificum fidei Professiones referuntur [a], in quibus omnia se recipere profitebantur, ac servaturos promittebant, quae a suis Decessoribus fuerant Synodice constituta. Ita enim habet prima Professio: *Diligentius autem & vivacius omnia decreta praedecessorum Apostolicorum nostrorum Pontificum, quae SYNODALITER statuerunt & probata sunt, confirmare, & indiminue servare, & sicut ab eis statuta sunt, in sui vigoris stabilitate custodire; quaeque, vel quosque simili auctoritatis sententia condemnaverunt vel abdicaverunt, simili auctoritatis sententia condemnare.* Similia habet & secunda Professio: *Sed & hoc vestrae caritati, Christo annuente, pollicemur, cuncta, quae hujus Apostolicae Sedis praefati Pontifices Apostolici Praedecessoris nostri SYNODALITER statuerunt, cum toto mentis studio, & puritate nos esse conservaturos, & ad defendendam rectae fidei puritatem, eorundem praesidio, coram hominibus esse sequipedam.* Gemina his sunt, quae in tertia Professione leguntur: *Quorum Sanctorum Patrum & Apostolicae Sedis Pontificum auctoritate muniti ac freti, quae vel SYNODICE susceperunt vel praedicaverunt, sine aliqua diminutione suscipimus, & praedicamus.* Simili modo & quaecumque damnaverunt, cum suis autoribus &

sestatoribus, sub anathemate damnamus. Hinc autem aperte colligitur, nihil ab Honorio de unica voluntate & operatione fuisse Synodice decretum ac definitum. Quum enim in his fidei Professionibus Romani Pontifices generatim & indiscriminatim omnia se defensuros ac servaturos promitterent, quae fuerant a suis Decessoribus Synodice statuta & definita; si Honorius unam debere dici & agnoscere in Christo voluntatem & operationem Synodice statuisset ac decrevisset: Honorii Epistolae his pariter fidei Professionibus comprehenderentur; quod plane absurdum est; quum in earum una, nempe in secunda, Honorius ipse cum aliis Monothelitis damnetur. Ex quo tamen loco id quo de agimus confirmatur, nempe nihil in hac causa ab Honorio Synodice actum esse: haec enim inibi habentur: *Autores vero haeretici dogmatis Sergium, Pyrrhum, Paulum & Petrum Constantinopolitanos, una cum Honorio qui pravis eorum assertionibus fomentum impendit, pariterque & Theodorum Pharanitanum & Cyrum Alexandrinum cum eorum imitatoribus, simulque & hos, qui haeretica dogmata contra veritatem fidei SYNODALITER declarata atque praedicata pertinaciter defendebant.* Igitur ex Romanis Pontificibus unus Honorius dicitur pravas Monothelitarum assertiones, non quidem Synodice declarasse, aut praedicasse, sed eis dumtaxat fomentum impendisse; quod privatis litteris fieri ab ipso potuit: huic autem ceteri Pontifices opponuntur, qui fidei veritatem, non utcum-



utcumque, sed *Synodally* declarasse ac praedicasse dicuntur.

Ex alia fidei professione, quam in sua Ordinatione Episcopus emittebat, Cl. Pagius Concilium Romanum exculpit, in quo Heraclii *Ecthesis* a Severino Pontifice damnata sit. En viri Cl. verba [a]: „ Severinum „ Romanum Pontificem, dum vi- „ veret, *Ecthesis* damnaſſe, liquet „ ex libro Diurno Romanorum Pon- „ tificum, in quo cap. 3. tit. 6. re- „ citatur Professio fidei, quae a „ Romano Pontifice ( seu potius ab „ aliis Episcopis ) emitti solita erat „ ante sextam Synodum generalem. „ In ea enim fidei professione dicitur : *Proſitemur etiam, cunctas „ decreta Pontificum Apostolicae Sedis, idest Sanctae recordationis Severini, Johannis, Theodori, atque Martini custodire : qui adversus novas quaestiones in urbe regia exortas, & pro propria doctrina cuncta zizaniorum scandala amputasse noscuntur, profitentes, juxta duarum naturarum motum, ita & duas naturales operationes, & quaecumque damnaverunt, sub anathemate damnamus : quaeque susceperunt, suscipimus, & tota fidei integritate veneramur*. Baronius ad annum 639. num. 3. Combessius in Hist. Haeres. Monothel. disput. 1. §. 12. alique existimant, Severinum non congregasse Synodum adversus Monothelitas, quod breviori tempore ab adepto Pontificatu vixerit ; adeoque Johannem IV. proscriptae & reprobatae Sy-  
T.I.P.I.

„ nodice hujus haereseos gloriam re- „ tulisse. Verum non viderant illi ci- „ tatam fidei professionem, ex qua „ Synodum a Severino, ut jure publi- „ co in *Ecthesis* decerneret, coactam „ esse colligitur. Cum enim promit- „ terent Pontifices Romani, se de- „ creta a Severino, Johanne, ac „ Theodoro adversus Monothelitas „ edita servaturos, manifestum est, „ ea in aliquo Concilio edita fuisse „ ..... Verba, quae Baronius „ num. 3. ex tertio Secretario Late- „ ranensi in medium affert, ut ostendat, Severinum haeresim hanc de- „ testatum esse, cum laudato loco „ Professionis fidei collata, id in Synodo factum fuisse demonstrant. „ Ait enim ibidem S. Martinus, postquam locutus est de Severino Papa : *Ceciderunt a sua spe* ( Cyrus & Monothelitae, qui *Ecthesis* ad Severinum miserunt ) *mentiti contra caput proprium. Nec enim suscepta est omnino, aut admissa secundum vanam eorum spem ; magis autem condemnata est & anathematizata ab Apostolica auctoritate, huc transmissa pessimae & praesumptae novitatis eorum Ecthesis*. Verum quidem est, Garnerium in Notis ad laudatam fidei Professionem autumare, Severinum decretum edidisse, quo eam haeresim condemnaret, & anathematizaret ; Johannem vero, Theodorum, atque Martinum conventum Episcoporum adversum eandem coegisse. Verum frustra recurritur ad distinctionem, ubi nulla in fidei  
B b „ Pro.

„ Professione exprimitur . Quibus eruditi Viri observationibus ea confirmantur , quae in praecedentibus & praesentibus §. haftenus dicta sunt . Nempe & sollemnia Romanorum Pontificum de fide decreta edita olim in Synodis fuisse : & Honorii ad Sergium Epistolas nec fuisse Apostolica auctoritate munitas , nec habendas esse , tamquam sollemnes de fide Constitutiones , quum in laudatis fidei Professionibus ab eis apertissime fecernantur , quae Synodice Romani Pontifices ediderunt .

Est etiam illud ad maiorem praedictorum confirmationem observatione dignum , quod sexta Synodus de Honorii Epistolis loquens , nusquam eas Synodicas vocat , quum tamen ejusmodi appellationem aliis aliorum Epistolis tribuat , qui vel fidei dogma vel haeresim Synodice confirmaverunt . Ita Actione XI. Georgius Apocrisarius Theodori Patriarchae Hierosolymitani , supplicans petit . . . . ut Synodica Sophronii . . . . proferrentur in medium atque legerentur . Et paullo post : Georgius &c. quorum meminit Synodorum Sophronii . . . . prolationem faciat &c. Et prolatus est liber habens Synodica Sophronii . Act. XIII. fit mentio Regesti , in quo trium Patriarcharum Constantinopolitanorum Synodica continebantur ; & Epistolis in eo descriptis Synodicarum appellatio tribuitur : *Regestum* , in quo continentur exemplaria Synodorum , quae facta sunt tam a Thoma , Johanne , & Constantino quondam Patriarchis hujus regiae Urbis , hic mihi praesto est ; cum his & authentica Synodica bullata , quae facta sunt a Thoma ad Vitalianum quondam Pa-

pam Romanum &c. Et infra : *Regesta Synodorum . . . . nec non & authentica Synodica . . . . Georgius ad medium proferat &c. Et accipiens Agatho Synodicum authenticum &c. Similiter relectum est ex eodem Regesto exemplar Synodorum Johannis &c. Item relecta sunt ex eodem Polyptycho atque Regesto exemplaria Synodorum Constantini . Et infra : Audiat accipientes Synodicarum Epistolarum , quae scriptae sunt a Thoma Johanne , & Constantino &c. Paulo post idem Georgius Cartophylax adfert ad Synodum alteram Honorii ad Sergium Epistolam , quae tamen , perinde ac prior , nunquam Synodica dicitur : Protuli & alteram Latinam Epistolam Honorii , qui fuit Papa Romanus , praeter illam Epistolam ejus , quae jam prolata est . Et infra : Epistolam latinam , quam in praesenti dixit invenisse , ac prae manibus habere , idem . . . . Georgius ; Honorii quondam Papae Romani cum interpretatione sua . . . . contradat ad legendum . . . . Et prolata est hujusmodi Honorii latina Epistola , &c. Habet autem eadem Epistola , post pauca , haec &c. Habet & circa finem eadem Epistola sic . Ubi cernere est , nunquam ejusmodi epistolam Synodicam appellari ; quamvis eodem loco trium Patriarcharum Regiae Urbis Epistolae , quod reapse Synodicae essent , constanter hoc titulo decorentur . Et Actione XII. ubi simul Honorii prior ad Sergium & Sophronii epistolae memorantur ; Sophronii quidem Epistola Synodica nominatur , secus autem illa Honorii : *Relecta sunt tam de Regestis scriptarum a Sergio Epistolarum , quam & authentica Honorii latina , ad haec etiam & de Synodi-**

*nodicis Sophronii. Et rursus AÆ. XIII. Retractantes . . . . . Epistolam [ primam ] ab Honorio rescriptam ad Sergium &c. Pertractavimus autem & Synodica Sophronii &c. Ex quibus, nisi fallor, manifestissime apparet, Synodum Oecumenicam, quae authentica Epistolarum Honorii ad Sergium exemplaria suis oculis lustravit, & manibus contrectavit, eas neutiquam pro Synodicis habuisse; subindeque ejusdem Synodi judicio, eas non esse profectas a Romano Pontifice, sollemniter ejusmodi quaestionem & ex Cathedra definiente, sed fuisse privatas & familiares Epistolas proprium ac privatum Honorii judicium Sergio exponentes: Ut enim monet P. Cutantius sex etiam Episcopis laudatus: *Si quae agitentur causae paullo graviores, quae ad insignem aliquam Ecclesiam, aut ad totam spectarent, illas ad Episcoporum Italiae Synodum referre non omittebant*; quum scilicet eas sollemni judicio dirimere instituebant: quae porro gravior causa, quam haec de una vel duabus in Christo operationibus & voluntatibus, quae tunc tres inter insigniores Orientis Ecclesias disceptabatur; & quae reapse ad totam Ecclesiam pertinebat? Quamquam eam Honorius Sergii fraudibus circumventus in superfluo verborum confictu positam iudicavit; quod in causa fuit, cur de illa ad Italiae Synodum referre omiserit, sed satis habuerit privatum proferre judicium.*

S. III.

*Honorii literas non fuisse cum Ecclesiae Romanae Clero in publico & sollemni Conventu communicatas.*

**S**equitur haec altera thesis satis verosimiliter ex his, quae in praecedentis confirmationem adduximus: Ut enim superius cum Thoma-sino adnotavimus, in Synodi nomine non usque adeo morosa fuit antiquitas; & quorumlibet vel Episcoporum, vel Clericorum, maxime doctiorum, congregationem cum Episcopo & consultationem, Synodi nomine cohone-stavit. Quum ergo Honorii ad Sergium Epistolae nullibi, ut ostendimus, Synodicae nominentur, nulla-que Synodus memoretur, unde illae prodierint; satis probabile est, eas privatum Honorii foetum existuisse, nullo pacto Ecclesiae Romanae florentissimo Clero tribuendum.

Verum praeter hanc generalem rationem, sunt aliae, quibus speciatim probari potest, nullum ab Honorio huic negotio discutiendo fuisse adhibitum publicum ac sollemnem Cleri Romani Conventum: Publicum, inquam, & sollemnem; nec enim negaverim, aliquot ex eodem Clero privatim fuisse confcios Epistolarum, quas ad Sergium Honorius destinaverat; qua de re inferius cum sex Episcopis disseram. Primum autem pro hac sententia & ineluctabile argumentum inde conficitur, quod, ut infra ad Caput XXVII. demonstrabimus, quotquot ea aetate Pontifices, Episcopi, Patres, ac Theologi pietatis ac doctrinae laude floruerunt; quot-

quot ferme in hac causa per universum orbem celebratae sunt Synodi, tam clare, tam diserte, verbisque adeo gravibus & magnificis, Ecclesiae Romanae indeficientem in fidei doctrina constantiam, & immobilem firmitatem, & inconcussam auctoritatem praedicarunt & celebrarunt; ut nihil luculentius, nihil splendidius pro ipsamet universalis Ecclesiae fide ex Conciliis & Patribus adferri possit. Jam vero si consulto pro more ac sollemniter Romano Clero, ipsique probante & consentiente, Honorii Epistolae in Orientem transmissae sunt; sequitur, Ecclesiae Romanae eas Epistolas tribuendas, quas sexta Synodus seculique Pontifices tamquam erroneas, haeresique fomentum impendentes reprobaverunt. Id ultro agnoscunt sex Episcopi, & hanc demonstrativam probationem esse contendunt, pro certo habuisse sextam oecumenicam Synodum, a Romano Pontifice atque ab Ecclesia Romana prodire posse erroneas Constitutiones, quae non nisi post longi temporis intervallum revocentur: *Preuve démonstrative que ce Saint Concile tenoit pour certain, que le Pape, aussi-bien que l'Eglise de Rome, peut faire des décisions erronées, & ne les point rétracter pendant long-tems.* Quae citato loco demonstraturi sumus, nullo pacto conciliari posse cum magnificis illis notionibus, quas de Sedis Apostolicae & Romanae Ecclesiae fidei integritate illibataque doctrina laudatae Synodi & Patres in formarunt. Itaque quum etiam post Honorii lapsum Ecclesiae Romanae fides fideique praedicatio miris encomiis celebretur; profecto fateri co-

gimur, Ecclesiae Romanae Honorii Epistolas non esse tribuendas; proindeque inconsulto Sedis Apostolicae Clero editas illas fuisse.

Eodem fere recidit aliud argumentum, quod ex iisdem Pontificum, Conciliorum, & Patrum auctoritatibus confici potest. Ut enim citato loco & alibi observabimus, indiscriminatim illae & Apostolicae Sedi sive Romanae Ecclesiae, ac Romano Pontifici tribuunt indeficientem & immobilem in fidei Catholicae sanaeque doctrinae praedicatione constantiam, & firmitatem: unde illud consequens est, Pontificem Romanum, quatenus Pontifex est, & in Cathedra Petri sedet, ex eaque oracula fundit, haeresi & errori fomentum impendere, seu patrocinari non posse. Porro certum est, quod suo loco sumus accuratius explanaturi, Romanum Pontificem, quoties idoneos ac domesticos Apostolicae traditionis testes consulit Ecclesiae suae Presbyteros, Diaconos, ac Theologos, qui acceptae a Majoribus suis fidei ac disciplinae innutriti sunt; tamquam Pontificem, & ex Petri Cathedra loqui. Quare si adhibito Romani Cleri consilio, suas ad Sergium Epistolas Honorius conscripsit; nulla, ut deinde ostendemus, erit via, qua tueri possimus firmissimam illam, & nullis obnoxiam defectibus, quam Patres & Concilia Petri successoribus tribuunt in rectae fidei Apostolicaeque doctrinae praedicatione constantiam.

Ecclesiae Romanae Clerum in abjectam illam dissimulationem consensisse, qua Honorii Epistolae scriptae sunt, & quae deinde tanquam fidei pro-

proditio habita est, acrius in animum inducemus, si paullisper consideremus, cuiusmodi fuerint, quae doctrina, quo spiritu, quo fidei ardore praedicti, qui tunc priores in florantissimo illo Clero partes obtinebant: Ex hisce enim post Honorium, intra paucorum annorum intervallum, Petri Cathedram ascenderunt, Severinus, Johannes IV., Theodorus, Martinus I. doctissimi ac fortissimi Pontifices, qui excelsa animo, & infracta pectoris Apostolici fortitudine Orientis Imperatoribus & Patriarchis nefarias & aequivocas fidei formulas obtrudentibus resisterunt, omnesque eorum fraudes, versutias, machinationes mirabili sapientia, fideique lumine perviderunt, atque irritas reddiderunt. Ad S. Severinum qui post Honorium Sedem Apostolicam rexit, transmissa est ab Heraclio Ethe-  
 sis, ut ab eo signaretur. Verum, quemadmodum Secret. III. Concilii Lateranensis S. Martinus testatur, Heraclius ipse, aliique Monothelitae ceciderunt a sua spe: nec enim suscepta est omnino aut admissa; magis autem condemnata est & anathematizata ab Apostolica auctoritate hac transmissa pessimae & praesumptae novitatis eorum Ethe-  
 sis. Id in Synodo factum fuisse, supra cum Pagio demonstravimus. En itaque Clerum Romanum sub immediato Honorii successore Heraclii seu Sergii Ethe-  
 sis condemnantem, quae prudentis oeconomiae obtentu duarum operationum silentium indicabat. Idem Cleri Romani vigor emicuit in Apocrisariis, qui post Honorii obitum in causa promotionis Pa-  
 pae, [ ut scribit S. Maximus ad Abbatem Thalassium ] id est, qui Seve-

rino post Honorium electo, Constantinopolim ejus causa missi sunt. Ait enim Sanctus Martyr, quod, quum ab illis promissum exigeretur, su-  
 furos sese novo Pontifici, ut Ethe-  
 sis Heraclii subscriberet, ipsi nihil re-  
 veriti, sed cum omni sacra decentique  
 fiducia stabiles, & firmas revera &  
 immobilis Petrae Ministri, maximae  
 videlicet & Apostolicae Ecclesiae,  
 cum Regiae Urbis Clericis disputarunt.  
 Quod quam merito de illis celebret  
 Sanctus Martyr, patet ex eorum  
 oratione, quam illic refert, & ex  
 qua haec pauca describo: *Neque enim est, qui cuilibet, maximeque in causa fidei vim possit inferre. In hac enim & nimis infirmus fortis valde consistit, & valde mitis bellator summus invenitur; verboque divino confortans animam, maximis etiam invectivis magis durus quam dissolutus quodammodo reperitur: quanto magis Romanorum Ecclesiae & Clero, quae ab olim hac usque, utpote senior cunctarum, quae sub Sole sunt, Ecclesiarum, omnibus praeest?*

Severino post duos Pontificatus  
 menses defuncto successit Johannes  
 IV., qui statim atque Catholicam Ec-  
 clesiam gubernandam suscepit, co-  
 acto Romae Concilio, nihil veritus  
 Imperatoris iram, & Exarcharum  
 Romanis imminentiuro furorem &  
 minas, Monothelitarum, haeresim  
 & Heraclii Ethe-  
 sis condemnavit;  
 de quo in Actis S. Maximi dicitur:  
*Conventum Episcoporum Episcopus Ro-  
 mae, ut communi cum consilio absur-  
 dum dogma execrationi & anathe-  
 mati subiceret: quae de Johanne,  
 Papa esse intelligenda, ex sequenti.  
 bus verbis aperte colligitur: non mul-*

o post *Johannes Romae Praeful ad Dominum migrat, Theodorusque ejus locum conscendit, non minus Praefulatus, quam Orthodoxiae heres*. Epistolam hujus Concilii Synodicam, ut ex eodem S. Martyre habemus Johannes misit ad Pyrrhum Constantinopolitanum Patriarcham, & post Sergium nefariae sectae antesignanum: ut autem ex Synodico colligitur, & ad ipsum fortassis Imperatorem, vel ei saltem per eundem Pyrrhum communicata est; quare illius auctoritate coactus est, data ad ipsum Johannem Papam epistola, *Ecthesim*, quam tanto studio defenderat, abdicare: *Ecthesis non est mea: neque enim ego vel dictavi, vel jussi ut fieret: sed quem hanc Sergius Patriarcha composuisset . . . deprecatus est me . . . ut nomine meo proponeretur cum subscriptione, & suscepi deprecationem illius. Nunc vero cognoscens, quod quidam super ea altercarentur, cunctis facio manifestum, quia non est mea. Hanc iussione*, ut est in actis S. Maximi, fecit [Heraclius] ad B. Johannem Papam condemnantem *Ecthesim* in his, quae scripserat tunc ad Pyrrhum. Ex quibus S. Martyris verbis colligit Pagius, eam Heraclii ad Johannem Papam Epistolam datam esse, postquam is Synodum celebravit; ideoque & eam Heraclio adhuc vivente, & aliquot post dies, quam Johannes ad Pontificatum evectus est, celebratam; alioquin ejus Epistola ad Pyrrhum ante Heraclii mortem non pervenisset; quum Heraclius die XI. Februarii anni 641. e vivis abierit; Johannes autem die XXIV. Mensis Decembris anni praecedentis Romanus Pontifex fuerit ordinatus: neque

verosimile videatur, Johannem ad Pyrrhum scripsisse, damnatam a se *Ecthesim*, nisi postquam eam suo in Concilio proseripserat.

Johanni IV., cujus etiam fuit brevis Pontificatus, subrogatus est Theodorus, qui adversus Monothelitas non minus fortiter, quam ejus Decessores, cum Romano clero se gessit. Duplicem is Synodum celebravit; alteram initio sui Pontificatus, cujus Synodicam, vigoris Apostolici plenam, ad Paulum transmisit, qui ejecto Pyrrho, Constantinopolitanam Sedem occupaverat; in qua eum gravissime increpat, quod haereticam Chartam a Pyrrho suspensam nondum dejecerat; quod ejusdem Pyrrhi nondum canonice ejecti locum praeter Canones occupaverat; quod Episcopi, qui ipsum consecraverant, Pyrrhum suis in litteris *Sanctissimum* nominaverant. Praecipiebat autem, ut Synodus, suis praesentibus Apocriphis, Constantinopoli haberetur, ad eundem Pyrrhum Constantinopolitano Throno canonice deiciendum; propterea quod Heraclium, qui, inquit, *anathematizavit inviolabilem Orthodoxorum Patrum fidem, diversis laudibus extulit; & sophisticam iussione ipsius, in qua quasi Symbolum fidei composuit, subscribendo firmavit; furtivisque surreptionibus quosdam Sacerdotes apud se singulatim praedictam Chartam roborare coegit; & in publicis locis suspendere, ad destructionem Chalcedonenfis Concilii audaci transgressione praesumpsit*. Nec modo praecepit, ut eam Chartam Paulus deiceret, irritam redderet, & cum suo auctore destrueret; verum & illi in ejusdem damnatione prae-

vit;

vit : quare in eadem Epistola subiungit : *Verum tamen praeditam Chartam , quae contra Orthodoxam fidem & Chalcedonense Concilium sopsillice probatur expofita , cunctis viribus irritam eſſe deliberamus , & vinculo anathematis reſutatum , atque ut a nobis , & ab omnibus Orthodoxis Episcopis abhominatam reſpiciamus . Et infra : ſimiliter anathematizantes omnes haereſes & auctores earum &c.* Similia repetit in Epistola ad Episcopos Pauli confecratores directa : exſtatque ſpeciale decretum Conſtantinopolim tranſmiſſum , quo ejuſdem ſophiſticae & haereticae chartae damnatio continetur . In altera autem Synodo quum Pyrrhum , quem Romam confugientem receperat , haereſique abdicata , Eccleſiae Catholicae reconciliaverat , Ravennae ad vomitum reverſum S. Pontifex comperiſſet , plenitudine convocata Eccleſiae , quemadmodum Theophanes narrat ad annum Heraclii XX. , ad ſepulchrum verticis Apoſtolorum acceſſit , & divino Calice expoſtulato , ex vivifico ſanguine in atramentum ſtillavit , & ita propria manu depopofitionem Pyrrhi excommunicati facit . Eadem refert libelli Synodici auctor . Neque hic ſtetit Theodori zelus ; verum & Paulum , Pyrrhi veſtigiiſ inſiſtentem , & ſaepe admonitum , quum per ſuos Apocriſarios deſperatum ejus vulnus accepiſſet , neque amplius lenociniis , ſed ferro & igne anathematum curandum , depopofitionis ultione perculſit ; ut habet Anaſtaſius in ejus vita ; quod & Graeci Abbates & Monachi in libello oblato Concilio Lateranenſi , & Secretario II. recitato , teſtantur .

In Theodori locum anno 649. ſuc-

ceſſit S. Martinus inclytus Confefſor & Martyr , qui uſque ad confeſſionis & Martyrii gloriam adverſus Monotheliſtas fidem Catholicam propugnavit : cujus omnes Epistolae , crebraeque in magno illo Concilio Lateranenſi ad Patres allocutiones hominem expriment Spiritu-Sancto plenum , Apoſtolica libertate & fortitudine praeditum , fidei ardore ſuccenſum , & omnibus , quae Romanum Pontificem decent , virtutibus cumulatam . Cujusmodi autem ipſo Pontifice Romana Eccleſia Clerum habuerit , diſcere poſſumus cum ex ejus vita apud Anaſtaſium Bibliothecarium , tum ex hiſce S. Anaſtaſii Monachi Diſcipuli S. Maximi Abbatis & Martyris verbis in Epistola ad Monachos Caralitinos , qua eos hortatur , *ſi poſſibile eſt , tranſire citius , quaſi pro alia cauſa ;* reaſſe autem pro cauſa fidei , ad Seniores Romae pios , & firmos ut petram viros , qui videlicet vobiscum tutores noſtri ſunt ſemper , & propugnatores fortiffimi veritatis . Honorii priores ad Sergium litterae datae ſunt anno 634. Poſteriores anno 636. Sanctus autem Martinus Pontificatum iniiit anno 649. proindeque ſatis probabile eſt , hoc Pontifice Romanum Clerum majori ex parte adhuc iſdem ac ſub Honorio Episcopis , Presbyteris , Diaconis aliſque Clericis conſtituiſſe ; quos ait Anaſtaſius , non fidei proditores aliquando , ſed ejus ſemper tutores , & veritatis propugnatores fortiffimos exiſtiſſe . Quis ergo credat , Severinos , Johannes , Theodoros , Martinos , alioſque firmos ut Petram viros ; & ſtabiles & firmas revera & immobilis Petrae Miniſtros , Honorii Epistolis ſubſcribendo , eſſe aliquan-

do

dopraevaticatos; haeresique, quam totius viribus acerrimoque zelo, nequicquam furentibus Imperatoribus, infectati sunt, fomentum impendisse? Ut hanc sanctissimis Viris, & fortissimis fidei Catholicae Athletis maculam inuramus, opus est non inanibus conjecturis, sed firmis ac solidis monumentis, qualia profecto non sunt, quae ab Adversariis producuntur: quae si recte expendantur, meae potius, ut jam ostendo, opinioni favent. His enim quas mox adfero conjecturis nituntur.

### S. I V.

*Solvuntur Adversariorum objecta, eademque Thesis uberius confirmatur & illustratur.*

1. **S**oliti erant Romani Pontifices fidei quaestiones ad se delatas cum Episcopis Italiae in Synodo congregatis, aut saltem cum Romano Clero communicare. Verum id quidem, sed quum rei gravitate percepta, quaestionem sibi propositam Apostolica definitione dirimere, & universae Ecclesiae fidei regulam proponere instituebant. Honorius autem propositam sibi quaestionem, de qua Orientis Patriarchae digladiabantur, in mero & inani verborum conflictu positam iudicavit; ideoque sat esse credidit suum de illa privatum iudicium, familiaribus ad eisdem Patriarchas & domesticis datis litteris, aperire. Vos dicitis, morem fuisse Romanis Episcopis Italiae Episcopos aut Sedis Apostolicae Clericos consulendi, indeque Synodicas ad Ecclesias epistolas transmittendi: nos autem contra Synodi-

cas non fuisse Honorii Epistolas demonitramus; ideoque cum morem in iis condendis litteris Honorium tenuisse negamus.

2. Ab Honorio consuetum ac solennem in Epistolis dogmaticis conscribendis morem esse servatum, Marchesius sex Episcopis laudatus liquido constare adfirmat ex hisce S. Sophronii verbis ad Stephanum Episcopum Dorensem: *Donce ad Apostolicam Sedem pervenias, non semel non bis, sed multo saepius, aperiens sacris Viris ibidem consistentibus omnia secundum veritatem, quae in istis partibus mota sunt, donec ea Apostolica prudentia, quae in Deo est, ad victoriam iudicium perducere debeant.* Quae tamen nullo pacto ad priorem Epistolam referri possunt, sed solum ad posteriorem; ad quam etiam pertinent, quae ex hac ipsa Epistola sex Episcopi adiungunt: *Quamquam hos, quos ad nos praedictus Frater, & Coepiscopus noster Sophronius misit, instruximus, ne duarum operationum vocabulum deinceps praedicare innitatur, quod instantissime promiserunt, praedictum Virum esse factuturum, si etiam Cyrus Frater & Coepiscopus noster ab unius operationis vocabulo discesserit.* Possumus ne, inquiunt sex Episcopi, cogitare, Sophronii Legatos, iuxta quae in mandatis habebant, cum Romano Clero neutiquam contulisse? aut si alterius ab Honorio opinionis Romanos Clericos comperissent, conditionibus fuisse consensuros, quae in hac secunda Epistola memorantur? Haec itaque non erat privata Honorii sententia: sed hoc facto cum Honorii & Legatorum Sophronii, tum Pontificis



cis siquæ Cleri commune consilium communisqæ deliberatio demonstratur .

Si omnia suis temporibus assignentur , adlata testimonia non modo Adversariorum opinioni non suffragantur , verum & nostram valide confirmant & illustrant . Ut ergo res tota in optimo lumine collocetur , quaerere oportet , an verba Honorii ex secunda Epistola descripta ad legationem referenda sint , quam Stephano Dorensi S. Sophronius injunxit ; quod quidem ex tempore pendet , quo eam Dorensis obivit . Post Baronium & Pagium , Marchesius & sex Episcopi ad Stephani legationem ea verba pertinere arbitrantur ; at nullas opinionis suæ retiones seu conjecturas proferunt . Sed Abbas Fleurius pariter sex Episcopis citatus , Sophronii Legatos , de quibus Honorius loquitur , ab Episcopo Dorensi aperte distinguit , cujus in Urbem adventum post Honorii obitum frostan differendum existimat : *Il arriva a Rome peut-être après la mort du Pape Honorius* . Verum & ipse nullam , cur a Baronio & Pagio dissentiat , rationem adfert . Quare sex Episcopi nescire se fatentur , *on ne sait pour quoi* , hanc opinionem laudatus Historicus præferat . Ergo rationes & conjecturas exponam , cur Fleuri sententiam amplectendam existimem .

Primam & alteram colligo ex verbis , quibus Sophronius Episcopo Dorensi suam hac de re legationem injunxit ; quæ refert Stephanus ipse Dorensis in libello supplici , quem Secret. II. Lateranensi Synodo obtulit : *Beatae memoriae Sophronius . . . . . gelo Dei & fiducia repletus , duxit me*

T.J.P.L.

*indignum , & statuit in Sancto Calvariae loco . . . . . & ibi alligavit me vinculis indissolubilibus , dicens : „ Tu „ dabis rationem ipsi , qui propter „ nos secundum carnem in hoc sancto „ loco sponte crucifixus est Deus , „ quando cum gloria in terribili ejus „ adventu judicaturus est vivos & „ mortuos , si distuleris & postposueris „ fidem ejus periclitantem ; licet ego „ hoc facere corporaliter , propter „ emerſam ex nostris peccatis incursionem Saracenorum praepedior . „ Quantoq; ergo de finibus terrae „ ad terminos ejus deambula , do „ nec ad Apostolicam Sedem , ubi „ orthodoxorum dogmatum fundamenta existunt , pervenias ; non „ semel , non bis sed multo saepius „ aperiens sacris Viris ibidem consistentibus omnia secundum veritatem , quæ in istis partibus mota „ sunt & non quiescas , instantius expetens atque exorans eos , donec „ ex Apostolica prudentia , quæ in „ Deo est , ad victoriam judicium „ perducere debeant , & noviter introductorum dogmatum perfectam „ faciant secundum Canones destructionem . 1. Haec verba extraordinariam quamdam legationem indicare videntur propter hoc unum negotium Dorensi Episcopo injectam ; quod & ipse Stephanus eodem loco disertis verbis testatur : *Studuit meam humilitatem sine mora pro hujusmodi tantummodo Capitulo cum sua suggestione ad hanc Apostolicam magnamque dirigere Sedem* . Hanc autem praecessisse videtur alia ordinaria Legatio , qua ex vetusto more primarium Sedium Episcopi recens consecrati suam ceteris Patriarchis ac potissimum Ro-*

C c . . . . . mano

mano Pontifici electionem, Synodicis suis litteris nunciare soliti erant: Ad quem morem respiciebat Sergius, quum Honorio Papae scribebat: *Sophronius venerabilis Monachus, qui (ut nunc ex uno auditu didicimus) Hierosolymorum Praefulus est ordinatus (necdum enim haecenus ejus more Synodica suscepimus &c.)* Non diu tamen distulit, qui huic erga Constantinopolitanum Episcopum officio Sophronius satisfaceret, missa per Leonium Diaconum, & Polyuctum Synodica Epistola, quae deinde Actio-  
ne XI. sextae Synodi lecta est. Eas-  
dem litteras, cum simili & abs dubio etiam ampliore Legatione, ad Honorium fuisse transmissas, ex libello Synodico constat: *Sophronius, mellitus veritatis propugnator, qui quum Hierosolymorum summus esset Sacerdos, divina & sancta convocata Synodo, duas voluntates & operationes declaravit: aeternae suae Synodicae Honorio Papae Romano & Sergio Constantinopolitano misit.* Quare & Abbas Fleurius testatur (a), eam Epistolam in quibusdam Exemplaribus ad Honorium Papam esse directam. De hac itaque legatione Honorium loqui existimo in sua posteriore ad Sergium Epistola: quum nempe nondum in summo discrimine fides Catholica in Oriente versabatur; in quo tamen posita erat, ut ex adlatis Sophronii verbis apparet, quum alteram Doren-  
si Episcopo legationem injunxit:  
2. Quum Synodicas litteras ad Sergium & ad Honorium daret, & nondum Sanctissimus ille Hierosolymorum Episcopus spem omnem abjece-

rat, posse se suis litteris, lacrymis, legationibus, orationibus saniora Sergio consilia inspirare: quare illum suavis blandisque verbis alloquitur, ejus sapientiam & pietatem commendat, ipse se judicio subijcit, nihilque omittit eorum, quae ad ipsius animum demerendum apta & idonea videri poterant. Quum autem Dorensem Episcopum legatum ad Sedem Apostolicam destinavit, spem omnem deposuerat ad seniora consilia Constantinopolitanum Episcopum revocandi; qua de re Stephanus ipse rursus nobis audiendus est: *Quippe nam & ipse dum adviveret, superius dictis temeratoribus in Oriente validissime contradixit, contestans eos & admonens, ut a propria haeresi quiescerent, & ad rectam Patrum fidem remearent.* Id ille egregie praestitit Synodicis suis ad Sergium litteris, quo tempore, ut jam diximus prior ad Sedem Apostolicam legatio directae est. Quae autem subjungit, ad ipsius Dorensis Episcopi pertinent legationem: *Quos quidem revocare minime valuit; commovit autem eos contra se ad insidias & malignam distractionem: sed nullo modo propter hoc reveritus est omnino ille, nec timuit timorem, ubi non est timor, quoniam iustus sicut Leo confidit: zelo autem Dei & fiducia repletus, duxit me indignum &c.* Diverso itaque loco res erant, quum Synodicas litteras Sophronius Romam misit, & quum Stephanum Dorensem ad Sedem Apostolicam destinavit. Quum Synodicas Romam misit, Sergium omnium officiorum genere demereri stude-

(a) Hist. Eccles. lib. 38, num. VI.

studebat, & ab eo instrui, corrigi & emendari cupiebat: *Vestram quaeso, aiebat Sergium adloquens, paternam sanctitatem has a mea humilitate suscipientem jure Synodico literas, paternis oculis conspiciere, & fraternis obtutibus cernere: & si quid per ignorantiam offensum est sive per oblivionem praetermissum est &c. adjectionibus & distionibus adimplere, ex paterna procedentibus plenitudine, & emendationibus corrigere, & robur amicissimum tribuere, fraternis operatum studiis, paternisque irrigatum propositis . . . . . Quod quum amicabiliter a vobis fuerit factum, me quidem locupletabit atque salvificabit; vobis autem beatissimis testificabitur de compassionis caro affectu, hoc idem est dicere, de filii atque fraternitatis dilectione.* Haec eadem Honorio iisdem litteris significabat: quare non mirum si in eam conditionem eum Honorius censuram sperabat ut duae ab ipso ita disposito silerentur voluntates & operationes modo nec a Cyro una voluntas & operatio praedicaretur: nec mirum quoque, si priores Legati, quum hoc loco res erant, id Sophronii nomine promiserunt, idque ratum ab ipso habitum iri iudicarunt. At quam de prioribus legatis creditu id facile est, tam est incredibile de Stephano Dorensi post terribilem illam, ut Theologi loquuntur, adjurationem, & sollennem ipsius Stephani promissionem, quod nunquam sibi requiem daturus esset, donec Sedes Apostolica iudicium ad victoriam perduceret, & perfectam facerent secundum Canones novorum dogmatum destructionem; id est, donec peremptorie de controversiis, quae O-

rientis Patriarchas committebant, Apostolica Sedes statueret. Nec Stephanus Dorensis, cui Sophronii mens & voluntas optime perspecta erat, & cui Sophronius suum zelum ac spiritum adflaverat, unquam Sophronii nomine spopondisset, cessatum ab eo iri a duarum voluntatum & operationum praedicatione, id est ab aperta & minime fucata Catholici dogmatis professione. Itaque quae de Sophronii Legatis in posteriore Epistola narrat Honorius, ad Stephani Dorensis legationem nullo pacto referri possunt.

Sed quid conjecturas sequimur; quum id ex ipsius Stephani verbis apertissime conficiatur? Postquam enim narravit insidias, quae ipsi ab haereticis in itinere positae fuerant, haec subiungit: *Sed Dominus auxiliatus est mihi, & liberavit me ab omnibus persequentibus me, ideoque & ad propositum currentem, & ad bravium properantem vestrae Apostolicae Sedis. Neque despexit Deus preces cum lacrymis oblatas supplicum suorum, sed excitavit non equidem mediocriter Praecessores Apostolicosque Praesules in commonitione, nec non contestatione praedictorum Virorum, licet nullo modo eos flectere potuerunt. Excitavit autem & nunc, ex Dei voluntate qui praesidet, Dominum nostrum Martinum ter Beatissimum Papam.* Quibus verbis Dorensis Episcopus discrete tradit non frustra fuisse susceptos ab eo labores, non frustra ipsum ad Sedem Apostolicam properasse, & Martini Deceffores adiisse, quod hi divinitus excitati nihil omiserint, ut a fide devios ad veritatis semitam revocarent: Pontifices ergo, quos

Episcopus Dorensis adiit; eodem ac Sophronius ipseque Stephanus spiritu praediti erant & in haereticos animati, eodemque fidei ardore flagrabant; ac proinde alii ab Honorio fuerunt, qui Sophronii Legatis fuisset, ut cum Sergio Cyroque de silentiis duabus voluntatibus & operationibus convenirent; recteque a Fleurio traditum, non nisi post Honorii mortem Romanensem Episcopum pervenisse.

Jam vero ut eo se referat, unde huc defluxit oratio; ex dictis facile evincitur, Honorii litteras non fuisse cum Romano Clero, juxta illius aevi morem in concinnandis dogmaticis Epistolis observatum; non fuisse, inquam, cum Romano Clero in publico ipsius & sollenni conventu communicatas, sed habitas eas a Sophronio & Dorensi Episcopo fuisse pro domesticis ac privatis epistolis. Nam primo Stephanus Dorensis tanquam doctrinam Sophronii praedicat, quod solus Romanus Pontifex claves a Deo accepit ligandi atque solvendi, & cum auctoritate ac potestate de fide Catholica statuendi: *Quippe quoniam hoc potestative olim & ab antiquis facere per Apostolicam sive Canonicam consuevit auctoritatem, dum aperta lucubratione non solum claves regni Caelorum creditae sunt ei, atque ipse tantummodo ad aperiendum eas fidelibus quidem digne, minime autem Evangelio gratiae credentibus iuste claudere, magnus secundum veritatem & Princeps Apostolorum meruit Petrus: sed etiam & pascere primus iussus est oves Catholicae Ecclesiae, quoniam Dominus dicit: Petre ames me? Pisce oves meas. Et iterum ipse prae-*

*cipue ac specialiter firmam prae omnibus habens in Dominum Deum nostrum & immutabilem fidem, convertere aliquando & confirmare exagitatos consortes suos & spirituales meruit fratres; utpote dispensative super omnes ab ipso, qui propter nos incarnatus est Deus, potestatem accipiens & Sacere dotalem auctoritatem. Quod antiquis beatae memoriae Sophronius &c.*

Secundo sciens pariter idem B. Sophronius, tunc solum Romanos Pontifices supremam hanc in fidei controversiis dirimendis exerere auctoritatem, quum aliorum Episcoporum consultationibus non privato sensu, sed ex Romanae Ecclesiae, in qua semper Apostolicae Cathedrae viguit principatus, traditione respondent, esse autem hujusce traditionis, quae semper integra in ipsa & inviolata permanisset, domesticos & imprimis idoneos testes ejusdem Ecclesiae Clericos, qui acceptae a Majoribus fidei ac disciplinae fuerant innutriti: ideo Stephanum Dorensis ad Apostolicam Sedem dirigens, *ubi Orthodoxorum dogmatum fundamenta existunt*, non modo Romano Pontifici, sed & *sacris Viris ibidem consistentibus* Orientis de fide disceptationes aperire praecepit. Qua loquendi formula, inquit Marchesius, non Pontificem, dumtaxat, sed etiam Clerum Romae Pontifici assidentem, per legatum certiore fieri; Sophronius indicabat: haud aliter quam modo Romae servari comperimus ab iis, qui ad Apostolicam Sedem causarum decisionem reportaturi accedunt. Cum praeter Pontificem, caeteros quoque Romanae Ecclesiae primarios diversis Congregationibus deputatos informa-

re

re consueverunt. Tercio monuit Legatum suum Sophronius, ne quietem sibi daret, donec Apostolica Sedes iudicium ad victoriam perduceret, & perfectam faceret & Canonicam novorum dogmatum destructionem, id est, ultimo & peremptorio iudicio controversiam dirimeret: quo aperte significat, tum ejusmodi causam non fuisse ab Honorio Canonice judicatam, tum certum esse & irrefragabile prolatum juxta Canones ab Apostolica Sede de fidei controversiis iudicium.

Duabus rationibus, quas hactenus examinavimus, tertiam hanc sex Episcopi adjungunt, quam tanta fulgere luce jactitant, & rem hanc ad eum perducere claritatis & evidentiae gradum, ut nemo deinceps futurus sit, qui ad eam obscurandam animum adjiciat. Quenam vero illa est? Elicitur, inquit; illa ex S. Maximo, celebri illo & insigni fidei propugnatore, cui tam duras Catholici dogmatis defensio concivit persecutiones. Quum aegre Sanctus Martyr audiret, Monothelitas Honorii litteras in sui erroris confirmationem proferre, nullum non lapidem movit, ut suaderet, non fuisse ab Honorio Christum exutum duabus voluntatibus, quae divinae humanae naturae appendices habentur; sed negatas ab eo duntaxat duas solius carnis sive humanae naturae voluntates, quarum una adversus alteram concupiscat. Hanc vero Honorii litterarum interpretationem sanctissimi Presbyteri & Abbatis auctoritate confirmat [a]: *Sanctissimus Presbyter Dominus Abbas*

*Anastasius e Seniore Roma reversus, Vir, si quis alius, Divinae virtute ac prudentia ornatus; qui & dixit, diu se multumque cum magnae illic Ecclesiae sacratissimis Viris sermonem contulisse, ejus, quam ad Sergium scripserant, Epistolae gratia. Profecto, inquit laudati Praefules, haec verba observatione digna sunt! Ipsi sacratissimi Viri, qui Ecclesiae Romanae Clerum constituunt, de Honorii litteris cum sancto illo Presbytero sermonem habent, & ingenue fatentur, eas a se exaratas. Potestne testimonium proferri, quod sit aut verbis disertius, aut commendabilius auctoritate? Abbas Anastasius suam prosequens narrationem adjungit: *Sciscitando, quid causae esset, ac quomodo una illis voluntas inserta esset, invenisse ejus rei causas doleantes, & excusantes. Adfert praeterea Abbatis Johannis testimonium, qui Honorio a secretis fuerat, quique hac in parte interpolatam fuisse epistolam querebatur: Praetereaque, qui jubente Honorio hanc (epistolam) latine distaverat, sanctissimum Abbatem Johannem, ei in Epistolis adiutorem, affirmantem, nullo modo in ea per numerum unius prorsus voluntatis mentionem fecisse. En, inquit Adversarii, definitionem tota Pontificis auctoritate munitam, quam dedit ab Orientis Patriarcha, ejusque Concilio consultus, auditisque partibus, de qua & Ecclesiae Romanae sacros Viros consuluit; cujus denique & hi ipsi Viri defensores erant.**

Verum si Romanus Pontifex, si Sedes Apostolica, si ipsa Romana Ec-

(a) S. Maxim, Epist. ad Marin.

Ecclesia, si denique sacratissimi Viri, qui ejusdem Ecclesiae Clerum constituebant, una cum Romano Pontifice adeo sollemnem & Canonicam, tulerant de hac fidei controversia in Honorii Epistolis definitionem; quid est, quod S. Sophronius & Stephanus Dorensis ad Honorii Successores convolant, ut ad eos, quibus *tantummodo* in Apostolorum Principe collata potestas & auctoritas esset de fidei rebus canonicè decernendi? quid est etiam, quod idem Beatus Sophronius ad Sedem Apostolicam Dorensis Episcopum destinat, quod ibi *Orthodoxorum dogmatum fundamenta existant*; & eum cum sacris Viris ibidem consistentibus conferre jubet? Denique quid est, quod iidem sanctissimi Viri adhuc expetunt canonicum ab eadem Apostolica Sede iudicium, quo perfecte, idest, firmiter & irretractabiliter recens introducta dogmata destruantur?

Haec profecto longe majoris momenti sunt, quam quae ab Adversariis proferuntur, quae etiam si accurate seduloque expendantur, nostram potius roborant & confirmant opinionem. Nam interrogati ab Anastasio sacratissimi Ecclesiae Romanae Viri, ob emissas ab Honorio epistolas dolebant, easque, ut poterant, excusabant: solus autem ille, qui Honorio ab epistolis fuerat, testis adducitur in *unius* voluntatis articulo interpolatae a Grecis Epistolae. Itaque non fuerant communi consilio conscriptae. Honorii ad Sergium litterae: alioquin non unum privatum Scriptorem, sed universum Ecclesiae Romanae Cle-

rum huiusce interpolationis testem, producere debuissent: nec varia fuisset, ut Anastasius apud S. Maximum indicat, sed omnium concursus sibi quae constans, quam adornabant litterarum Honorii defensionem. Porro nullius momenti est, quod sex Episcopi observant, nempe contulisse Anastasium cum Ecclesiae Romanae sacratissimis *Viris ejus, quam scripserant, epistolae gratia*: Nihil enim magis usitatum, quam ut quae privatim ab uno Principe aut cum paucis consiliis scribuntur aut fiunt, generatim ejus Curiae ac Ministris tribuantur.

## S. V.

*Dogmaticas non fuisse Honorii ad Sergium Epistolas.*

**H**ujus quoque theses fundamenta in superioribus §§. iacta sunt. Non enim, ut ostendimus, moris erat Romanorum Pontificum Dogmaticas Epistolas in lucem emittere, nisi antea rem aut cum Synodo Episcoporum Italiae, aut cum Romanis Clericis in publico & sollemni ipsorum conventu communicassent: quod nequaquam ab Honorio praestitum esse, solidis jam, ut puto, conjecturis & rationibus demonstravimus. Sunt tamen & aliae speciales rationes, quibus eadem thesis confirmari potest: Et prima quidem inde conficitur, quod sexta Synodus Honorii Epistolas, ubi de illis speciatim loquitur, nusquam Dogmaticas appellat; quum tamen aliorum opusculis & epistolis ejusmodi titulum adjungat. Sic pag. seu col. 978. (4) *Retractantes dogmaticas*

*ricas Epistolas , quae tamquam a Sergio . . . . . tam ad Cyrum , qui tunc fuerat Episcopus Phasidis , quam ad Honorium quondam Papam antiquae Romae . Similiter autem & Epistolam ab illo , id est , Honorio rescriptam ad eundem Sergium . Ubi advertere est , Sergii quidem Epistolae dogmaticae dici , secus autem Honorii litteras . Col. 979. petunt Iudices , Georgium Chartophylacem proferre in medium , quaecumque reperire poterat Pyrrhi , Pauli , Petri Patriarcharum Regiae Urbis , & Cyri Alexandrini , ac Theodori Pharanitani , sive Synodica , sive dogmatica opuscula , vel Epistolas . Georgius autem variis eorum Opusculis & Epistolis recensitis , Regestum citat diversarum Epistolarum , in quo est inquit epistola ejusdem ( Petri ) dogmatica scripta ad Vitalianum . Col. 994. Antiochus relegit totum dogmaticum Pyrrhi . Col. 995. In medium venientibus tam dogmaticis epistolis quam scriptis , quae fecerunt Pyrrhus , Paulus , & Petrus , quondam Patriarchae hujus Regiae urbis , nec non quae a Theodoro , qui fuit Pharan Episcopus , & Cyro , qui fuit Papa Alexandriae &c. Col. 1002. Georgius Chartophylax alia profert monumenta , in quibus & alteram , id est , secundam , Latinam epistolam Honorii . . . . . Item & librum membranaceum habentem exemplaria diversarum dogmaticarum epistolarum , in quo jacet epistola dogmatica Pyrrhi . . . . . quam scripsit ad Johannem sanctae memoriae quondam Papam Romanum . Quo in loco nec Honorii epistola dogmatica dicitur , quemadmodum epistolae Pyrrhi , & ex alio Codice profertur ab eo , quo*

Dogmaticarum Epistolarum exemplaria continebantur . Quare unus tantum ab Adversariis proferri potest locus , qui eorum opinioni in speciem favere videri potest , exstatque Actione XII. col. 966. & quidem decretorius esset , si se ita reaptis haberet , quomodo eum lex Episcopi referunt : Ita enim illi : *Oportet ad nos afferri regesta ac dogmatica scripta ab Honorio ad Sergium facta super praesenti dogmatica questione ; nulla autem , ut fieri solet , interpunctione notant , aliquid in medio ab ipsis omitti , quo profecto vis hujusmodi testimonii admodum elevatur : Oportet , inquit Iudices , ad nos afferri regesta , ac dogmatica scripta , quae exposita sunt a Sergio quondam Patriarcha hujus Regiae Urbis , sive ad Honorium , vel Cyrum , vel Sophronium , aut etiam ad alias personas ; seu ab Honorio ad Sergium facta &c.* quo pacto non cogimur epithetum dogmatica etiam ad Honori scripta referre ; quum ut superius animadvertimus , ubi de Honorii litteris Synodus singillatim loquitur , nusquam eas dogmaticas vocet .

Secunda ratio ex eo petitur , quod supra cum Thomassino statuimus ; nempe Summorum Pontificum Epistolas decretales singulis pene verbis exertissimam potestatem , & iurisdicendi principatum ostentare , atque adeo parendi necessitatem inferre : Honorii autem Epistolae vehementer quidem & instantem exhortationem continent , sed nullum praeceptum , nec ullius poenae interminationem : Ita enim priorem Epistolam Honorius concludit : *Hae nobiscum fraternitas vestra praedicet , sicut & nos ea vobiscum unanimiter praedicamus ; hortantes*

VOS ,

vos, ut unius vel geminae novae vocis inductum operationis vocabulum aufugientes &c. Et in Epistola secunda: *Et hoc quidem*, inquit, *beatissimae fraternitati vestrae insinuandum praevidimus: . . . scribentes etiam communibus fratribus Cyro & Sophronio Antistitibus, ne novae vocis, id est unius vel geminae operationis vocabulo insistere vel immorari videantur . . . .* Quamquam hos, quos ad nos praedictus frater & Coepiscopus noster Sophronius misit, instruximus, ne duarum operationum vocabulum deinceps praedicare innitatur: quod instantissime promiserunt, praedictum Virum esse facturum, si etiam Cyrus frater & Coepiscopus noster ab unius operationis vocabulo discesserit. Haec simplices meraeque instructiones sunt, exhortationes, admonitiones, non praecepta, non dogmata, non decreta. Quis porro vel fando audiat, dogmaticis Romanorum Pontificum Constitutionibus promitti obedientiam, hac tamen clausula seu conditione adjecta, si Adversarius eis pariter morem gerat, quomodo hic Sophronii Legati promittunt, omnium iri a Sophronio duplicis voluntatis & operationis vocabulum, dum Cyrus ab unius voluntatis & operationis vocabulo, abstineat? Nam Romani Pontifices simplicem & absolutam suis dogmatibus ac decretis obedientiam firmiter, & constanter, ut jam superius ostendimus, exigere consueverunt; scribentes Ecclesiis, ut his, quae decreta sunt, si qui communionis suae participes velint esse, consentiant.

Hinc autem alia oritur ratio, qua probari potest, Honorii Epistolae non esse dogmaticis Romanorum Pontifi-

cum Constitutionibus adscensendas. Hae namque, ut jam praemonuimus, & cum Cl. Cutantio late probavimus, ut in omnium notitiam pervenirent, eorundem Romanorum Pontificum cura erat & vehemens sollicitudo; ut nimirum omnium consensu, quemadmodum loquitur Innocentius I., studioque firmarentur. Quapropter ut idem adnotat Cl. auctor, per optimae probatissimaeque fidei Clericos vel Episcopos ad Provinciarum Primates aut Patriarchas transmittebantur, nisi ad alios mitti specialis quaedam ratio suaderet. Tum ipsi Primates, sive alii quibus id negotii datum esset, eorum apographa cum Episcopis, vel singulis, vel in Synodo congregatis communicari curabant; ac saepe etiam eisdem Epistolis cum ipsi subcribebant, tum etiam ad subscribendum subiectos Episcopos adigebant. Nihil autem horum de suis ad Sergium, Cyrum, & Sophronium litteris Honorii praecipit, quod nimirum domesticae essent & familiares Epistolae. Id vero Sergius ipse, ejusque successores Pyrrhus & Paulus animo advertentes, non quidem Honorii epistolae, sed Heraclii Ethesim, aut Constantis Typum subscribendum Epistolae obtulerunt, omnique studio curarunt, ac dolis, minis, persecutionibus effecerunt, ut a quamplurimis Graeciae & Orientis Episcopis subscriberentur: quum tamen vetus mos obtineret plurimum Imperatorum exemplo confirmatus, ac Romanis ipsis Pontificibus & Oecumenicis Synodis probatus, ut dogmaticis ipsorum Romanorum Praefulum Constitutionibus, & Synodorum decretis Imperialia quidem decreta vel Epistolae, si opus esset, adjun-



adjungerentur ; non tamen ipsis , sed Pontificum aut Synodorum decretis subscriberetur . Nec obijci possunt Justiniani de tribus Capitulis Constituta , quibus ab Orientalibus Episcopis subscriptum est . Nam nulla adhuc erat ullius Romani Pontificis aut Synodi formula , quae ad subscribendum proponeretur . Quod autem pro Romani Pontificis dogmatica Constitutione Imperialis formula subscribenda Episcopis exhibeatur , quum Apostolicae & Imperiales litterae in unam eandemque sententiam conspirare creduntur , id vero exemplo carere existimamus . Quid est ergo , quod Euthesim Heraclii , aut Constantis Typum pro Honorii epistolis Sergius , Pyrrhus & Paulus aliquae Monothelitae subscribenda Episcopis obtruserunt ? Nimirum absurdum plane & absolum judicant , ut , praeter Honorii mentem , domesticae ac familiares Epistolae tanquam fidei formulae , sollemnibus Episcoporum subscriptionibus firmarentur .

Hinc autem mirum non esse intelligimus , quod neque Orientis neque Occidentis Episcopi adversus Honorii Epistolae ante sextam Synodum reclamant . Eminatissimus quidem de Bissy apud sex Episcopos hujusce sententiae , quod ad Occidentales pertinet , hanc causam adducit , quod illis adhuc ignotae essent : alioquin cur , inquit , non perinde adversus illas , atque adversus Heraclii Euthesim , & Constantis Typum reclamassent , si , ut adversariis placet , haud secus Monothelitarum haeresi suffragantur ? Reponunt sex Episcopi , discrimen ex eo esse petendum , quod ad subscribendum Imperatorum Edictis Episcopi coge-

bantur : Esse autem violentiae effectum , ut ei fortiter ac viriliter resistatur : Nemo autem , inquit , ad subscribendum Honorii litteris Episcopos coegit . At nos rursus quaerimus , cur ad subscribendum Imperatorum Edictis , secus autem Honorii litteris Episcopi cogeantur : Nec aliam putamus hujusce rei adferri posse rationem , quam quod Edicta Imperatorum edicta erant , hoc est , decreta , dogmata , leges ; secus autem Honorii Epistolae . Alioquin ad confirmandam & propagandam Monothelitarum haeresim , nonne magis idoneum & aptum , ac vetustis moribus consentaneum fuisset , ut vel solis Honorii litteris , aut his una cum Imperatorum Edictis subscribere-

CAPUT XXIII.

„ Bellarmini ac Baronii effugium ;  
 „ quod haec Honorius dispensatorie  
 „ pacis gratia scripserit , quoad rem  
 „ exactius definiret : id ipsius Honorii  
 „ verbis confutatur ; docetur  
 „ quae , Honorium cum Monothelitis a Romanis Pontificibus , ac  
 „ praesertim a S. Martino , pressio li-  
 „ cet nomine condemnatum .

**D**E Honorii litteris quid sentiamus , quidve sentiendum existimemus , superiori Capite declaravimus ; quare de Bellarmini ac Baronii verbis aut verborum apicibus trutinandis , non est , quod admodum sollicitus : neque est etiam , quod amplius in eisdem litteris vindicandis laboremus , postquam semel ostendimus , eas nequaquam ex Honorio Pontificem agente , seu ( quod in idem redit , ut suo loco demonstrabimus , ) ex Cathe-

dra aut Sede Apostolica prodiisse. Inferius quoque rationes excutiemus, ob quas Romani Pontifices, qui sextam Synodum praecesserunt, ab Honorii damnatione abstinerunt, secus autem ipsa Oecumenica Synodus. Quare id tantum hoc loco breviter adnotabimus, haud recte ab Episcopo Meldensi iactari, Honorium a Romanis Pontificibus, ac praesertim a S. Martino, cum Monothelitis pressio licet nomine condemnatum, quod Honorii proximi successores, Severinus, Johannes IV. Theodorus, S. Martinus, & alii, ac S. Agatho, pari sententia proscripserunt, quique unam operationem dicerent, quique duas aequae ac unam tacendam esse, indicerent. Non enim eadem mente geminae voluntatis & operationis vocabulum taceri volebat Honorius, ac professi Monothelitae. Ille enim, quae a Catholicis dogmatis *visis* seu substantiam pertinent, sincere & ex animo praedicabat, suadebatque illius vocis silentium, ut Ecclesiarum paci consuleret, & emergentia scandala submoveret; quare illius causa ad finem erat eorum causae, qui olim quum recte sentirent & Catholica mente praediti essent, attamen ut Orientis scandala mitigarent, & ad Ecclesiarum pacem ineundam faciliorem aditum, sternerent, ab *omnis* vocabulo abstinebant; quorum aliquos inter Sanctos veneramur; neque cum iis damnamus, qui ut Catholicis fucum facerent, alias quidem Catholicas voces usurpabant; hanc vero sileri volebant, qua ipsorum haeresis evidentius confodiebatur. Qua etiam mente Monothelitae duplicis voluntatis & operationis vocabulum supprimebant; aliis autem

Catholicis Sancti Leonis uti vocibus; nequaquam recusabant. Quapropter non est, quod ex horum damnatione Honorii quoque per laudatos Pontifices damnationem coniciamus.

## CAPUT XXIV.

„ De Synodo sexta generali: ea post  
 „ Romanorum Pontificum, atque  
 „ imprimis S. Martini exquisitissi-  
 „ mas definitiones est habita: in  
 „ ea de S. Agathonis totiusque Oc-  
 „ cidentalis Synodi Litteris rite  
 „ deliberatur: Quo sensu Synodus  
 „ suscipiat quae a S. Agathone de  
 „ Sede Apostolica praedicantur.

**M**ira profecto in hoc Opere Meldensis Episcopi dexteritas est, qui in rem suam convertere novit, quae universum illius systema funditus evertunt, & Sedis Apostolicae irretractabili auctoritati apertissime suffragantur. Quid enim evidentius, quam Monothelitas per universam Ecclesiam pro Haereticis habitos esse, antequam Synodus Oecumenica celebraretur? Ipse tamen hoc exemplo probare contendit, opus fuisse Synodo Oecumenica ad Monothelitarum doctrinam irretractabiliter proscribendam. Quid clarius, quam Agathonis & totius Occidentalis Synodi litteras, tanquam certas & immobiles fidei regulas ab eadem generali Synodo fuisse susceptas? Ipse tamen probare nititur, fuisse de illarum susceptione deliberatum. Postremo, quid magis perspicuum, quam ab Agathone inerrantiam in fidei dogmatibus definiendis Sedi Apostolicae vindicari? Ipse tamen pro arbitrio, nullaque solida ratione hujusce  
 resti-

testimonii vim elevare conatur. Itaque operae pretium erit haec tria adcuratius examinare, suamque illis vim adferere, & nativo ea splendori restituere.

## ARTICULUS PRIMUS.

*Ante Oecumenicam Synodum sola Romanorum Pontificum auctoritas valuit, obtrinitque, ut Monothelitae eorumque dogmata ab omnibus Ecclesiis, quae Catholica communione gaudebant, pro haereticis haberentur.*

**M**onothelitas eorumque dogmata, etiam longe antequam Oecumenica Synodus celebraretur, totam qua late patet, Catholicam Ecclesiam pro haereticis habuisse, ex iis quae adhuc supersunt illius aevi monumentis compertum est. Quare supervacaneum est in iis singillatim recensendis immorari. Itaque ea tantum afferam & expendam, quibus disertè probatur, solius Romanae Sedis auctoritatem valuisse in illis absque retractione damnandis.

Primus, qui nominatim ab Apostolica Sede anathemate percutus est, Pyrrhus fuit Sergii in Urbis Regiae Patriarchatu Successor; in quem, uti superius diximus Ravennae in haeresim relapsum, damnationis sententiam mixto cum Christi Sanguine atramento S. Theodorus Papa perscripsit. Quae vis autem fuerit prolatae a Romano Pontifice damnationis, colligere possumus ex luculento ac praeclearo S. Maximi Abbatis & Martyris testimonio in Epistola ad Petrum illustrem; quod etsi aliquanto prolixius, integrum tamen huic loco inserere libet:

Si enim, inquit, *Romana Sedes non solum reprobum Pyrrhum, sed & male sentientem & male credentem non nescit, perspicuum profecto est, quia omnis, qui eos qui Pyrrhum reprobaverunt anathematizat, Sedem Romanam idest Catholicam Ecclesiam anathematizat. Omitto enim dicere, quia utique & seipsum, qui talis est, si dumtaxat Sedi Romanae communicat Catholicaeque Dei Ecclesiae. Obsecro igitur, benedixit Domine mi, praecipere omnibus, ne Pyrrhum sanctissimum vel almificum nominent: neque enim tale quid sacra regula eum vocari permittit: a cunctis enim cecidit sanctitate, qui nimirum ab Ecclesia Catholica sponte profiliit: non enim fas est, illum ex quacunque laude cognominari, qui jam olim damnatus est & abjectus ab Apostolica Sede Romanae Urbis ob execrationis sensum opinionis, donec ab ea recipiatur conversus ad ipsam, imo ad Dominum nostrum per piam confessionem & Orthodoxam fidem, qua sanctificationem recipiat sanctumque vocabulum. Itaque si vult haereticus neque esse, neque audiri, non isti aut illi satisfaciatur, superfluum quippe hoc & irrationabile est: quia sicut uno contra eum scandalizato, omnes scandalizati sunt; ita quoque uno satisfacto, omnes proculdubio satisfient. Festinet pro omnibus Sedi Romanae satisfacere; hac enim satisfacta, communiter abique omnes pium hunc & Orthodoxum praedicabunt. Nam frustra solummodo loquitur, qui mihi similes suadendos & surripiendos putat; & non satisfacit & implorat sanctissime Romanorum Ecclesiae Beatissimum Papam, idest Apostolicam Sedem, quae ab ipso incarna-*

to Dei Verbo, sed & omnibus Sanctis Synodis secundum sacros Canones & terminos, universarum, quae in toto terrarum orbe sunt, sanctarum Dei Ecclesiarum in omnibus & per omnia percipit & habet imperium, auctoritatem & potestatem ligandi atque solvendi. Cum hoc enim ligat & solvit etiam in caelo Verbum, quod caelestibus virtutibus principatur. Si enim alios quidem satisfaciendos ducit, & Beatissimum Romanum Papam nequaquam implorat, simile quiddam agit ei, qui forte homicidii, vel alterius cuiusdam criminis redarguitur, & infontem se non ei, qui secundum leges iudicandi jura sortitus est, exhibere festinat; sed tantum inutiliter & sine lucro aliis & privatis hominibus munditiam monstrare sui fatagit actus, qui nullam habeant se solvendi a crimine potestatem. In quibus verbis notandum est, perinde esse juxta S. Martyrem, cum Romana Sede & cum Ecclesia Catholica communicare; perinde esse, Romanae Sedis, & Ecclesiae Catholicae communione excidere; derique perinde esse, Romanae Sedi, & Ecclesiae Catholicae satisfacere. Unde jure colligitur, Ecclesiae Catholicae iudicium a iudicio Romanae Sedis pendere: quod esse prorsus irretractabile Sanctus Martyr perspicue docet, quum ait, quod cum Romano Pontifice ligat & solvit etiam in caelo Verbum, quod caelestibus virtutibus principatur; indeque conficit, nullius auctoritate solvi posse quod a Romano Pontifice ligatum est: proindeque frustra illos agere, qui se apud alios purgare fatagunt, nec Romano Pontifici interim satisfaciunt; haud secus atque illi frustra laborant, qui se infontes non ei,

qui secundum leges iudicandi jura sortitus est, exhibere festinat; sed aliis, qui nullam habeant eum solvendi crimine potestatem: quod nimirum Romanae Ecclesiae Beatissimus Pontifex ille sit, qui ab ipso incarnato Dei Verbo universarum, quae in toto terrarum orbe sunt, Ecclesiarum in omnibus & per omnia percipit imperium, & cum imperio conjunctam ligandi atque solvendi summam & a solo Deo dependentem auctoritatem & potestatem.

Post Pyrrhum, qui Heraclii Ecthesim adoptavit ac propugnavit, ab eodem Theodoro Papa depositus & damnatus est Paulus Constantinopolitanae Sedis invasor, qui Constanti Imperatori auctor fuit, ut aliam haereticae doctrinae formulam publicaret. Adversus hunc Paulum lecta est Secretario II. Concilii Lateranensis Victoris Carthaginensis Synodica Epistola ad Theodorum Papam, in qua ipse quidem Pauli haeticam doctrinam damnat ac detestatur, sed ipsum tamen Fratrem & Coepiscopum vocat. Quae in re S. Martinus ejus commendat humilitatem, quod, inquit, *minime praesumens abrogatum endem Paulum habere, sed consacerdotem appellans, donec iudicium de eo nostrae Apostolicae auctoritatis, hoc est, Principis Apostolorum Petri cognoscat: ut pote quoniam solus, atque prae omnibus creditus est atque accipere meruit a Rege regum Christo Deo claves Regni caelorum ad aperiendum recte credentibus in eundem Dominum nostrum, & claudendum infidelibus haeticis.*

Consona sunt his quae superius ex Stephano Episcopo Dorense retulimus, & quae hoc loco iterum inculcare non piget: *Annunciamus haec omnia,*

*omnium praepositae Sedi , dico autem summam vestrae & principali ad medicinale consultum universi vulneris : quippe quoniam hoc potestative olim & ab antiquis facere per Apostolicam si-  
ve canonicam consuevit auctoritatem , dum aperta lucubratione non solum cla-  
ves regni caelorum creditae sunt ei , at-  
que ipse TANTUMMODO ad aperiendum eas fidelibus quidem digne , minime autem Evangelio gratiae credentibus iuste claudere magnus secundum verita-  
tem , & Princeps Apostolorum meruit Petrus , sed etiam & pascere primus iussus est oves Catholicae Ecclesiae , cum Dominus dicit : Petre amas me & Palce oves meas .*

Itaque duos hic habemus insignes Martyres Maximum & Martinum , & egregii Confessoris ac fidei defensoris Legatum Stephanum Dorensem , qui ex ejus mente se loqui proficitur ; qui omnes disertis verbis docent , solum Romanum Pontificem , accepiſſe in Petro ligandi atque solvendi potesta-  
tem & auctoritatem ; ac propterea totius Ecclesiae judicium ab ejus judicio pendere , nec quemquam solvere posse quem ipse ligaverit , nec ligare quem non ipse ligandum judicaverit . Hanc doctrinam Academia Parisiensis e suis Scholis eliminavit , Parla-  
menta e Regno Gallico proſcripserunt , & ab utrisque variis notis ac censuris inuritur : eam tamen inclyti Martyres non modo verbis docuerunt , verum & exemplo sanxerunt , & sanguine consecrarunt . Nam idem S. Martinus post damnatum in Synodo Lateranensi Sergium , & proſcriptam Heraclii

Ecthesis ac Typum Constantis , con-  
firmatamque Pyrrhi & Pauli damna-  
tionem , Roma per vim abstractus , & Constantinopolim veluti captivus abductus , quum Imperator extorque-  
re ab eo vellet , ut Ecclesiae Constan-  
tinopolitanae Pyrrhoque communica-  
ret , his verbis furentis Principis su-  
cilegos Ministros adlocutus est (a) : *Veruntamen , quid volumus plurima  
quaerere ? Ecce in manibus vestris re-  
tinetis me , & quodcumque vultis con-  
summare in me , Deo indulgente , in ve-  
stra est potestate . Vtique si membra-  
tim inciditis carnes meas , sicuti Praefecto  
jussistis , quum me traderetis , non  
communico Ecclesiae Constantinopolita-  
nae . Ecce hic sum , examine me ,  
& tentate , & invenietis experimen-  
to gratiam Dei , & fidelium servorum  
ejus . Interim Tyrrhus in medium ve-  
nit , qui totiens anathematizatus est &  
nudatus divino honore . En membra-  
tim incidi vult ; quam ut Ecclesiae  
Constantinopolitanae cui Pyrrhus ite-  
rum incubabat , Pyrroque ipsi commu-  
nicet , postquam eum semel Theodo-  
rus ejus Decessor , ipseque in Synodo  
Lateranensi damnaverat . Eodem Spi-  
ritu animatus & S. Maximus Martyr ,  
in simili conspectu quaesitus , an Thro-  
no Constantinopolitano communicaret ,  
se non communicare respondit , pro-  
pterea quod a Romanis damnati essent ,  
qui thronum illum occupabant (b) . Et  
post totam narrationem dicunt ei : non  
communicas throno Constantinopolita-  
no ? Et dixit : non communico .  
Quamobrem non communicas ? dixe-  
runt . Respondit : Quia sancta quatuor  
Con-*

(a) Epist. Anonym. Tom. VII. Concil.

(b) Collat. S. Maximi cum Princip. Ibid.

Concilia ejecerunt &c. Et infra: „li igitur, qui a se ipsis damnati sunt, & a Romanis, atque a Synodo, quae post haec per octavam indicationem facta est, sunt depositi, & Sacerdotio denudati, qualia celebrent rogo mysteria? Antea vero dixerat S. Martyr, doctrinam, quam ipse adversus Monothelitas propugnabat, propriam ejus non esse, sed commune dogma totius Ecclesiae Catholicae. Quum enim ab eo quaereretur: Dic nobis, Domine Abba, motionem dogmatum, quae inter te & Pyrrhum Romae & in Africa facta est; & quibus ei verbis persuaseris anathematizare proprium dogma, & tuo pacisci, enarravit eis omnia per ordinem, quaecumque retinere memoria valuit. Adidit autem & hoc dicens: Ego dogma proprium non habeo, sed commune Catholicae Ecclesiae: neque enim movi vocem quamlibet, ut proprium meum dicatur dogma. Itaque jam per universam Ecclesiam ea doctrina obtinebat, cujus prae omnibus, & ut Stephanus Dorenensis agebat, potestative, & per Apostolicam sive Canonicam auctoritatem vindices erant & adsertores Romani Pontifices, eorumque etiam auctoritate fiebat, ut omnes Catholici a Monothelitis eorumque communione, tamquam ab Haereticis abstinerent.

In eundem sensum & alii ex diversis Christiani orbis partibus ad Apostolicam Sedem, sedente in ea Theodoro Papa, scripserunt, quorum Synodicae epistolae Secret. II. Concilii Lateranensis relectae sunt. Quid enim his luculentius, quae ad laudatum Pontificem Sergius Cypriorum Metropolita scribebat? Firmamentum a Deo

fixum & immobile, atque tituli seu columnae fidei formam lucidissimam, ἐκδοχαίαν διαφανή τῆς πίστεως vestram Apostolicam Sedem constituit, ὁ sacer Vertex, Christus Deus noster. Tu es enim, sicut Divinum veraciter pronunciat Verbum, Petrus, & super fundamentum tuum Ecclesiae columnae confirmatae sunt; tibi & claves caelorum commisit, atque ligare & solvere potestative καὶ ἐν οἰκίᾳ, quae in terra, & quae in caelis sunt promulgavit. Tu profanarum haeresum depositor existis, ut princeps, ὁς κορυφαῖος, & doctor orthodoxae & immaculatae fidei. Igitur non despicias Patrum tuorum (Graece Πατέρων ὑμῶν nostrorum) fidem aestuantem, & ab aliquibus haereticis ventis violentatam, nec non periclitantem. Resolve nebulam insipientium lumine tuae Divinae scientiae o sanctissime. Et infra Multiloquium autem & contradictionem adversariorum non admittimus, quia parati sumus pro orthodoxa fide, auxiliantibus vobis sanctissimis & orantibus, Martyrium suscipere... si noluerint hoc facere (hoc est pravam doctrinam deponere) Apostolicos vos Patres sequentes, in scripto & sine scripto eos anathematizamus. Et rursus: Nam & nos, jubentibus vobis Dominis nostris, & a Deo inspiratis Patribus, percutimus eos anathematibus; & tunc monitiones de quaestionibus eorum & certamina faciemus, sperantes in vestram Deo placitam & beatam protectionem.... sic enim & sanctissimae memoriae Divinus noster Arcadius sapuit, vestram orthodoxam sequens doctrinam: cujus vestigia & nos omni virtute sequi oramus, consonantes orthodoxae & a Deo inspiratae doctrinae

*vestrae sanctissimae dominationis atque Paternitatis . . . . Hi sunt nostri sancti Concilii intellectus . . . . Vestris Divinae scientiae laetatur dogmatibus , nihil omnino minuens , & cum ea orthodoxa confessione proficisci ad Dominum , & terribili ejus exorat assistere iudicio .* Poterant ne Cyprii gravioribus ac magnificentioribus verbis exponere quid ipsi de Sedis Apostolicae auctoritate sentirent ? Nimirum esse penes Apostolicam Sedem immobilem & indeclinabilem in sanciendo fidei dogmatibus & evertendis erroribus potestatem . Nam si nutare posset Ecclesiae Romanae fides , si haeresibus concuti ac depravari ; quomodo , aut quo jure Sedes Apostolica diceretur firmamentum fixum & immobile , & columna lucidissima fidei , & fundamentum super quod ipsae Ecclesiae columnae confirmatae sunt ; ipse autem R. Pontifex haeresum depositor praedicaretur , tanquam orthodoxae & immaculae fidei princeps , doctor , & coriphaeus ? Huic autem fixo & immobili fundamento innixi Adversariorum dogmata secure damnant , pro Ecclesiae Romanae doctrina , quam sine augmento sine diminutione suscipiunt , Martyrium subire parati sunt , ejus demum confessione muniti ad Dominum proficisci desiderant . Potissimum autem notanda verba illa sunt : *Jubentibus vobis Dominis nostris & a Deo inspiratis Patribus , percutimus eos anathematibus ; & tunc motiones de quaestionibus eorum & certamina facimus . . . . praeposito Deo , & orthodoxa fide .* Quibus verbis irretractabiles esse Sedis Apostolicae de fide sanctiones , aperte significant : Prius enim haereticos jubente Romano Pontifice , damnare

parati sunt , ac deinde cum eis in certamen descendere non recusant ; ne videlicet suscepta cum haereticis disputatio ex dubitatione procedere videatur . Quum tamen si Romani Pontificis dogmaticas constitutiones retractioni obnoxias judicarent , prius cum haereticis disceptare , ac deinde illos damnare & anathematis configere debuissent .

Non minoris momenti sunt , quae Domino beatissimo Apostolico culmine sublimato , Sancto Patri Patrum , Theodoro Papae , & summo omnium Praesulum Pontifici , scribunt Columbus primae Sedis Episcopus Concilii Numidiae , & Stephanus primae Sedis Episcopus Concilii Byzaceni , & Reparatus Episcopus primae Sedis Concilii Mauritaniae , & universi Episcopi de tribus Conciliis antedictis Africanae Provinciae . Ita enim habet communis eorum e tribus praedictis Synodis Epistolae inscriptio ; quam iis verbis auspicantur : *Magnum & indeficientem omnibus Christianis fluentem redundantem apud Apostolicam Sedem consistere fontem , nullus ambigere possit , de quo rivuli prodeunt affluenter , universum largissime irrigantes orbem Christianorum , cui etiam in honore beatissimi Petri Patrum decreta peculiarem omnem decrevere reverentiam , in requirendis Dei rebus , quae omnino & sollicitae debent , maxime vero iusteque ab ipso Praesulum examinari Vertice Apostolico , cujus vetusta sollicitudo est tam mala damnare , quam probare laudanda .* Antiquis enim regulis sancitum est , ut quidquid quamvis in remotis vel in longinquo positus ageretur provinciis , non prius tractandum vel accipiendum sit , nisi ad notitiam almae Sedis vestrae fuisset

fuiſſet deductum, ut huius auctoritate juxta quae fuiſſet pronuntiatio firmaretur, indeque ſumerent ceterae Eccleſiae velut de natali ſuo fonte praedicationis exordium, & per diverſas totius mundi regiones puritatis incorruptae maneat fidei ſacramenta ſalutis. Si ex Apoſtolica Sede prodire poſſunt, atque ut Adverſarii contendunt, aliquando prodierunt noxiae ac veneficae Conſtitutiones; quomodo apud eandem Apoſtolicam Sedem inefficentem manere fontem, unde ſalubris & incontaminatae doctrinae rivuli per univerſum fundantur orbem, nullus ambigere poſteſt? Si in Eccleſia Romana fides deficere poſteſt, ejulque doctrina pollui & haeretico fermento contaminari; an non quaeſo abſurdum eſt, ut ex omnibus mundi partibus emergentes quaerſiones probandae vel improbandae ad Sedem Apoſtolicam referantur, ut inde velut ex natali fonte ſumant ceterae Eccleſiae praedicationis exordium, indeque per univerſum corpus vena ſuat immaculatae fidei & incorruptae puritatis? Quid ergo, ſi in ipſo Capite, ſi in ipſo natali fonte haeretico veneno Apoſtolicae traditionis unda inſiciatur, ſi terrenae abſectaeque doctrinae caeno contaminetur; an non inde conſequens erit, ut vel omnium pariter Eccleſiarum doctrina polluat, aut aliunde quam ex hoc natali fonte ſumere debeant Eccleſiae fidei rivulos & praedicationis exordium, praeter id, quod antiquis regulis fuiſſe ſancitum, Africani Patres teſtantur? Qui deinde enixe petunt, ut ſi Paulus regiae Urbis Antifſtis diſſimulaverit a nefanda ſe novitatis adinventione ad integram reformationem orthodoxae fidei praedicationem;

auctoritas, inquirunt, almae Sedis veſtrae, juxta Patrum ſanctiones ſalubri conſilio perſtrahet a ſano corpore ſeparare vulnus inſanum, remotoque morbi ſaevientis ſtatu, cautius quae ſunt ſincera perdurent, & grex purior ab hac mali contagione ſpirituali veſtri cultumini ſerramento purgetur. Quamquam non ignorabant, longe jam lateque graſſari per Aſiam & Aegyptum haeticam pellem; probeque perſpectam habebant Regiae urbis Antifſtis dominationem; nec ipſis ignotum erat, Imperialem auctoritatem totis viribus in impiae ſectae propagationem incumbere; attamen non opus eſſe Synodo oecumenica judicant, ſed unius Romani Pontificis auctoritate, ut e ſano corpore amputetur vulnus inſanum, & ab univerſo grege ſaevientis mali contagium amoveatur. Quod etiam, ut jam vidimus, perſuaſum erat & Sergio Cypriorum Metropolitae.

Eadem quoque mens erat Victoris Carthaginenſis Epiſcopi ejulque Synodi, quum haec ad Theodorum Papam ſcribebant: *Veſtrum eſt itaque, Frater ſanctiſſime canonica diſcretione vobis ſolite contrariis Catholicae fidei obviare, nec permittere noviter dict, quod Patrum venerabilium auctoritas omnino non cenſuit. Nos enim humiles corde, quae rectae ſunt, adiutore Domino ſapientes, uno vinculo caritatis vobiſcum ſumus conſtriſti, veram fidem ac religionem Catholicam in omnibus fortiter deſenſantes. Studioſius itaque a Catholicis improbis poſſe reſiſtere, imminendum eſt, ne torpore deſidiaae oppreſſi, culpa taciturnitatis teneamur obnoxii &c.*

His adjungendus eſt Maurus Ravenatensis Epiſcopus, qui quum Conci-



lio Lateranensi adesse non posset, Epistolam misit, in qua inter cetera proficitur; in his, quae moventur, & contra Patrum Orthodoxorum decreta proponuntur, se non aliter sentire, nisi quomodo sancta, inquit, vestra Apostolica doctrina, & orthodoxa tenet Ecclesia: & omnem novitatem repellens atque respuens, non solum Euthe- sim, quae a Pyrrho Constantinopolitano Episcopo defendebatur, abjicio; quippe quia in haeretica de aedibus Constantinopolitanae Ecclesiae est deposita: sed & quae ad ejusdem defensionem noviter conscripta sunt, omni modo nec consensio, nec suspitio, sed cum anathemate repello.

Denique huc pertinent quae S. Martinus scribit in Epistola e Synodo Lateranensi transmissa ad universas Ecclesias: Propterea enim ea, quae a nobis pro Catholica Ecclesia Synodali- ter gesta sunt, omnibus direximus, ut nostri studii perficientes opus, nos qui- dem ipsos innoxios esse approbemus co- ram Deo & electis Angelis, ante quos ab eo judicandi sumus cum eis qui haec a nobis susceperint, in terribili ejus adventu: inexcusabiles autem eos, qui non obediunt, demonstramus, ut- pote nullam habentes occasionem pro sua perfidia post veritatis ostensionem, Domino dicente: „ Si non venissem, „ & locutus eis fuisset, peccatum „ non haberent: nunc autem excusa- „ tionem non habent de peccato suo. Sed & Apostolus iterum perhibet . . . „ Voluntarie enim peccantibus nobis „ post acceptam notitiam veritatis, „ jam non relinquitur hostia pro pec- „ catis: terribilis autem quaedam „ expectatio judicii, & ignis aemu- „ latio, quae consumptura est adver-

T. I. P. I.

„ sarios. Ergo post Apostolici decreti promulgationem evadit statim inexcusa- bilis error, & parendi necessitas omnibus incumbit fidelibus, & con- tumaces ac rebelles terribile manet judicium, & ignis inextinguibilis aemu- latio. Haec Martinus cum univer- sa Lateranensi Synodo docuit & glo- riosa deinde confessione firmavit; haec ejus decessores Severinus, Johannes IV. & Theodorus; haec Maurus Ra- vennatenus in Italia; haec Sergius & Arcadius in Cypro; haec Sophronius & Episcopus Dorensis in Oriente; haec denique universae Africae Epi- scopi; quibus non venit in mentem, post Apostolicae Sedis solennem defini- tionem, adhuc opus esse Synodo oecumenica, ut omnino inexcusabilis & irretractabilis esset Monothelitarum, damnatio.

Haec ipsa, quae in praesenti arti- culo adtuli monumenta, etiam paucis attigit in hoc Capite Illustrissimus Bos- fuetius; Sancti Martini, inquit, La- „ teranense Concilium celeberrimum „ fuit legatione Africanarum, multa „ rumque Orientalium Ecclesiarum in „ eandem fidem consentientium: ac „ cesserunt ducentorum fere Episcopo- „ rum, una cum ipso judicantium, „ subscriptiones: denique missa San- „ ctae Synodi ad omnes Christi fide- „ les toto terrarum orbe Encyclica E- „ pistola: tum illud maximum, „ Sancto Pontifice pro ea definitione „ multa perpelle, fidem orthodoxam „ etiam martyrio consignatam.

Quis ergo judicet, fidem, quam tot Pontifices, tot per universum or- bem Episcopi, tot jam Synodi confir- maverant; & non modo S. Martinus, sed & alii Confessores martyrio suo

E c con-

consignaverant, adhuc adeptam non esse immobilem & irretractabilem firmitatem, sed opus adhuc fuisse ut ad legitimum Synodi oecumenicae examen revocaretur?

Ita est, subiungit Illustrissimus Bossuetius: „ Post eam tamen, inquit, „ definitionem toto Oriente commoto „ per Imperatores, atque Patriarchis „ Constantinopolitanis haeresim praedicantibus, Macario quoque Antiocheno Patriarcha in partes transeunte; necesse visum est sub Sancto Dono Papa, eoque mortuo, sub Sancto Agathone, Synodum Oecumenicam sextam haberi Constantinopoli a Constantino Pogonato Imperatore convocatam.

Ut haec Meldensis Episcopi verba intelligantur, prae oculis habere oportet, quod supra ab eo de Chalcedonensibus Patribus observatum est, quod nempe *vere & proprie rem examinabat ut nondum exploratam*; reprehensos autem ab eo fuisse, qui docent, *examen illud*, quod a Synodis Oecumenicis instituitur, *non ex dubitatione, sed ad ampliorem jam notae & creditae veritatis elucidationem pertinere*. Ergo post triginta & amplius annos a magna illa Synodo Lateranensi, post quadraginta & amplius a prima Monotheliticæ Sectæ sub Severino vel Johanne IV. Synodica damnatione; post quadraginta sex a Pseudo Synodo Alexandrina sub Cyro Patriarcha, cui statim a Sancto Sophronio contradictum est; Denique sexaginta fere post annos, ex quo prima iacta sunt nefariae doctrinae semina; adhuc Synodo Oecumenica opus erat, quæ vere & proprie rem examinaret ut nondum satis exploratam, eoque

genere examinis, quod non ad ampliorem jam notae & creditae veritatis elucidationem pertineret, sed ex dubitatione procederet, & quo demum adhibito, *jam nullus dubitationi aut disputationi locus superesset*. Id quidem ex Bossuetii doctrina consequens est; alia tamen, ut mox videbimus, Agathonis Papae & totius Occidentalis Synodi mens erat atque sententia.

## ARTICULUS II.

*Sanctus Agatho, & Synodus Occidentalis dogma de duabus voluntatibus & operationibus ut certam & inviolabilem Catholicæ fidei veritatem Imperatori ac sextæ Synodo proponunt.*

**S**anctus Agatho Papa post expositum in Epistola sua ad Constantinum Pogonatium & ad Tiberium Imperatores de duabus in Christo voluntatibus & operationibus Catholicum dogma, haec subiungit, quibus manifeste demonstrat, hanc esse certam & inconcussam, irretractabilem & irreformabilem totius Ecclesiæ Catholicæ fidem, atque doctrinam: *Haec est, inquit, Apostolica atque Evangelica traditio, quam tenet spiritalis vestri felicissimi Imperii mater Apostolica Christi Ecclesia. Haec est mera confessio pietatis. Haec est Christianæ Religionis vera atque immaculata professio, quam non humana adinvenit versutia, sed Spiritus Sanctus per Apostolorum Principes docuit. Haec est firma & irreprehensibilis Sanctorum Apostolorum doctrina. . . . Haec est Apostolorum Christi viva traditio, quam ubique quis tenet Ecclesia, quæ*

quae praecipue diligenda atque fovenda, & fiducialiter praedicanda est, quae per veridicam confessionem Deo conciliat.

Quin & disertis verbis doctrinam a se expositam purae & evangelicae confessionis regulam vocat; integram orthodoxae fidei rectitudinem; traditionis formulam a beato Petro Apostolo acceptam; Regulam veritatis; irreprehensibilem Apostolici dogmatis regulam; Regulam veritatis orthodoxae atque Apostolicae nostrae fidei; Apostolicam atque Evangelicam rectae fidei regulam: quam Constantinopolitanus Antistes integram & inviolatam amplecti debet, si cum Sede Apostolica pacem & communionem inire vult, fratrisque loco censeri. Sin autem (quod porro, inquit, longe sit) novitatem nuper ab aliis introductam amplecti maluerit, & alienis a regula veritatis orthodoxae atque Apostolicae nostrae fidei sese irretire doctrinis..... ipse noverit, quid de tali contemptu in divino Christi examine satisfaciet &c. Nobisque (quod suppliciter exoro) liceat, Apostolicam atque Evangelicam rectae fidei regulam, ut ab exordio percepi-mus, inconfuse & libere, cum simplici puritate integram atque illibatam servare.

Porro tam longe aberat, ut hanc eandem fidem atque doctrinam Synodi iudicio permitteret, eamque retractari ac reformari sineret, ut suis ad Synodum Legatis nullam prorsus hac de re facultatem dederit, ut sequentibus verbis aperte ipse Pontifex luculenterque testatur: Licentiam proinde eis sive auctoritatem dedimus apud tranquillissimum vestrum Imperium, dum jusserit ejus clementia, simpliciter satisfaciendi, in quantum eis duntaxat

injunctum est, ut nihil profecto praesumant augere, minuire, vel mutare, sed traditionem hujus Apostolicae Sedis, ut a Praedecessoribus Apostolicis Pontificibus instituta est, sinceriter enarrare.

Nec tamen ipse Pontifex renuebat, ut haec ipsa Apostolicae Sedis doctrina, quam omnino irreformabilem esse pronunciat, cum veterum Patrum testimoniis conferretur; imo ipse varia ejusmodi testimonia huic Epistolae adnectit, excerptaque plura cum ipsis eorum libris Legatis se se tradidisse, Imperatori & Synodo ostendenda, eodem loco significat: Quibus portitoribus & testimonia aliquorum Sanctorum Patrum, quos haec Apostolica Christi Ecclesia suscipit, cum eorum libris tradidimus, ut facultatem suggerendi a benignissimo vestrae Christianitatis Imperio consecuti, ex his dumtaxat satisfacere studeant, dum Imperialis mansuetudo praeceperit, quid haec spiritalis Mater eorum, ac a Deo propagati Imperii, Apostolica Christi Ecclesia credat & praedicet. Hanc, inquam, collationem in Concilio fieri, Pontifex non refugiebat; non quidem ut ad eorum initia fides Apostolicae Sedis reformaretur, sed ut iis, qui de hac re in Oriente adhuc ambigebant, aut pertinaciter altercabantur, hoc pacto manifeste constaret, quam esset illa irretractabilis prorsus & irreformabilis.

Eadem, nec minus luculenter exposita, in alia ejusdem Agathonis & Occidentalis Synodi Epistola continetur. Imprimis enim pluribus Patres declarant, quam nullo pacto transgredi liceat terminos nullae auctoritatis Apostolicae constitutos: In hoc enim, inquit, tam Apostolicae Sedis, quam-

que nostri exigui famulatus Praedecessores, usque adhuc non sine periculis desudarunt, nunc decretali commonitione cum Apostolicis Pontificibus consulentes, nunc Synodali definitione, quae veritatis regula continebat, omnibus innotescentes: ET SEMPERNOS TERMINOS, QUOS TRANSGREDI NEFAS EST, usque ad animae ipsius exitum constanter defendentes; non seducti blanditiis, non periculis territi &c. Et infra: Haec est perfecta nostra scientia, ut terminos Catholicae atque Apostolicae fidei, quos usque adhuc Apostolica Sedes nobiscum & tenet & tradit, tota mentis custodia conservemus: Credentes in Deum Patrem &c. Huic fidei confessioni adjungunt & articulum de duabus in Christo operationibus & voluntatibus, quem credere ac tenere, pietatis, inquirunt, nos regula instruit: quia hoc nos Apostolica atque Evangelica traditio, sanctorumque Patrum magisterium, quos sancta Apostolica atque Catholica Ecclesia, & venerabiles Synodi suscipiunt, instituisse monstratur. .... Hoc enim credimus quod per traditionem Apostolicam accepimus, cuius auctoritatem in omnibus sequimur. .... Hanc igitur merae Catholicae atque Apostolicae confessionis regulam, & sanctum Concilium, quod in hanc Romanam Urbem. .... sub Apostolicae memoriae Martino Papa convenit, praedicasse Synodicae, ac constanter defendisse, omnes nos, quisquis ubique est, humillimi Ecclesiarum Christi Antistites cognoscimus: in qua & nostrae parvitatibus Praedecessores convenientes, Apostolicam confessionem, quam a principio perceperunt, etiam Synodali praeconio praedicarunt, & absque cuiuspiam novitatis errore citra ambiguitatem

determinarunt. Denique quemadmodum Sanctus Leo ad Synodum Chalcedonensem, ita ipsi ad hanc sextam Synodum Legatos mittunt, non qui de fide disputent, aut quae definita sunt retractent; sed qui fidei definitionem adferant penitus irretectabilem & immutabilem, & quatenus opus sit, Imperiali etiam auctoritate omnibus praedicandam: Personas autem de nostrae humilitatis ordine praevidimus dirigere. .... quae omnium nostrum, id est, universorum per Septentrionales vel Occiduas regiones Episcoporum suggestionem, in qua & Apostolicae nostrae fidei confessionem praelibavimus, offerre debeant; non tamen tanquam de incertis contendere, sed ut certa atque immutabilia compendiosa definitione proferre: suppliciter obsecrantes, ut a Deo coronato vestro Imperio favente, haec eadem omnibus praedicari, atque apud omnes vim obtinere jubeatis.

Quis ergo inquires futurus erat Synodi oecumenicae fructus, si fides ab Apostolica Sede semel sancita, amplius retractari, ac si opus fuisset, ejus auctoritate reformari non poterat? Id statim sequentibus verbis iidem Patres exponunt: Pietatis itaque zelo, atque amore verae Apostolicae confessionis, vestrae Serenitatis benignitas mota, amplius declarare eam, ut regali fomite multo magis fulgeat, elaborare procuraret: cuius votum, quia ex Deo est, a Deo perficitur. Quae certe ex eorum sententia non alio pertinere, quam ad ampliorem jam notae & creditae veritatis manifestationem, nemo ut puto, sanus negaverit: Ut & veritas adhuc in ancipiti positae clareat, & eam sinceriter amplectentibus robur accrescat.

*erescat*. Quod ergo sinebant dogma jure suo prorsus irrefragabile in Synodo examinari, & cum veterum Patrum doctrina conferri, ex indulgentia erat, qua se se infirmis adtemperabant; ut hominibus ab Apostolica Sede segregibus, ejusque contemnendis auctoritatem, hac saltem via consuleretur. Denique, ut & *zizaniorum genimina spiritali falce, ut offensionis ac deceptionis occasio, de medio Christi Ecclesiarum tollatur, abscindantur*; id est, ut in errore & schismate pertinaces ab Ecclesiae communione etiam Oecumenicae Synodi auctoritate pellantur, ac nomina eorum, qui totius scandali auctores fuerant, eorumque Symmystarum e sacris Ecclesiae diptychis expungantur.

Ceterum quod ad ipsos Occidentales pertinet, quo jam loco illos haberent, qui non hanc fidei Catholicae confessionem in nullo prorsus apice reformatam admitterent, sequentia ipsorum verba declarant: *Quicumque proinde Sacerdotum haec, quae in hac nostrae humilitatis confessione continentur, nobiscum sinceriter praedicare desiderant, ut nostrae Apostolicae fidei concordet, ut Consacerdotes, ut Communiſtros ejusdem fidei, & (ut simpliciter dicamus) ut spirituales fratres, & Coepiscopos nostros suscipimus. Qui vero haec confiteri noluerint, ut infestos Catholicae atque Apostolicae confessioni, perpetuae condemnationis reos esse censemus: nec aliquando tales in nostrae humilitatis collegio, nisi correctos suscipere patimur. Nec transgredi nos quisquam eorum arbitretur quod a Praedecessoribus nostris percepimus.*

Haec adeo clara & perspicua sunt, ut ipse Meldenſis Episcopus fateri co-

gatur, quod „ Agatho & Occiden-  
„ tales ita sua dogmata proferebant,  
„ ut qui vellent de iis, non tamquam  
„ de incertis contendere; sed ut cer-  
„ ta atque immutabilia compendiosa  
„ definitione proferre. Profecto er-  
„ go quantum in ipsis erat, rem defi-  
„ niebant. Quaerebatur, an reliquae  
„ per orbem terrarum Ecclesiae con-  
„ sentirent, nec nisi Episcopali exami-  
„ ne res tanta constitit. Ut ex supe-  
„ rius adlatis testimoniis apertissime con-  
„ stat, nemo ex Occidentalibus ambige-  
„ bat, quin omnes Ecclesiae, quae Catho-  
„ lico nomine gloriabantur, in unam eam-  
„ demque cum Sede Apostolica fidem  
„ atque doctrinam consentirent; & has  
„ dumtaxat in suam communionem reci-  
„ piebant. Quare nihil magis absonum  
„ & absurdum dici potest, quam ideo  
„ habitum fuisse Concilium & Episcopa-  
„ le examen, ut quaereretur, an reliquae  
„ per orbem terrarum Ecclesiae consen-  
„ tirent, atque ut de re tanta constaret.

### ARTICULUS III.

*S. Agathonis Epistola tanquam certissima, & divinitus inspirata, & ipsius Petri veluti ore prolata, fidei Catholicae regula ab oecumenica Synodo suscepta est.*

**H**aec Thesis probatur 1. ex subscriptionibus Episcoporum, qui, paucis exceptis, de quibus infra disceremus, ita se credere profitentur, quemadmodum habent litterae, quemadmodum continent suggestiones ab Agathone ad Imperatorem directae, illatque se se recipere, sequi, ac sectari pure ac simpliciter protestantur. Alius enim inquit: *Suscipio, & sequor di-*

*rectas*

rectas suggestiones ab Agathone . . . .  
 & sic credo, & sic profiteor &c. Alius :  
 Audiens suggestiones Agathonis Sanctissimi Papae Romae, ita credo, &  
 harum virtutem sequor, & credo, &  
 sic profiteor &c. Alius : Audiens sug-  
 gestiones &c. credo sicut credit ipse Pa-  
 ter noster Agatho &c. Alius : Ita Do-  
 mine profiteor, & sic credo, quemad-  
 modum habent suggestiones &c. Alius :  
 Sic confiteor, & sic credo secundum  
 virtutem suggestionum directarum ab  
 Agathone &c. Alius : Profiteor, &  
 ita credo duas naturas, & duas ope-  
 rationes &c. super his autem sequor &  
 suggestiones directas ab Agathone &c.  
 Alius : Secundum virtutem relecta-  
 rum suggestionum sanctissimi Papae Ro-  
 manae Orbis, sic credo, & confiteor  
 . . . . duas naturales voluntates, &  
 duas naturales operationes. Potissimum  
 autem notanda est subscriptio Domitii  
 Episcopi Prusianos, quae sic habet :  
 Suggestiones directas a Patre nostro  
 Agathone . . . . ad . . . . Imperatorem  
 tanquam ex Spiritu Sancto dictatas per  
 os sancti ac beatissimi Principis Aposto-  
 lorum Petri, & digito praedicti ter  
 beatissimi Papae Agathonis scriptas,  
 suscipio, & amplector, & ita credo,  
 ita sentio &c. Huic re ipsa concinit &  
 haec Sergii Episcopi Selymbriae sub-  
 scriptio : Sequor suggestiones Patris no-  
 stri Agathonis sanctissimi Papae Ro-  
 mae, & ita suscipio & amplector eas  
 tanquam Epistolas sanctae memoriae  
 Leonis praedecessoris ejus beatitudi-  
 nis : & profiteor &c. Nemo autem  
 nescit, S. Leonis Epistolam habitam  
 fuisse tanquam fidei titulum & colum-  
 nam, & certissimam regulam, perin-  
 de ac Petrus ipse & Spiritus-Sanctus  
 per os Leonis locuti essent. Denique

surgentes ceteri omnes Deo amabiles  
 Episcopi, qui sub Sedem Constantino-  
 politanam fuerant, exclamaverunt di-  
 centes : Et nos piissime Domine notio-  
 nem accipientes suggestionis directae ad  
 mansuetissimam vestram fortitudinem  
 ab Agathone sanctissimo ac beatissimo  
 Papa antiquae Romae, & alterius sug-  
 gestionis, quae facta est a subjacente  
 ei Concilio, & sequentes sensum, qui  
 in ea continetur, sic sapimus, & pro-  
 fitemur, & credimus &c.

Probatur 2. ex eadem sexta Synodo  
 in Prophonetico ad Imperatorem Aet.  
 XVIII. Summus autem nobiscum con-  
 certabat Apostolorum Princeps : Illius  
 enim imitatore & Sedis Successo-  
 rem habuimus fautorem, & divini sa-  
 cramenti Mysterium illustrantem per  
 literas : Confessionem tibi a Deo scrip-  
 tam illa Romana antiqua Civitas ob-  
 tulit, & dogmatum diem a vespertinis  
 partibus extulit : charta & atramen-  
 tum videbatur, & per Agathonem  
 Petrus loquebatur .

Probatur 3. ex litteris ejusdem sa-  
 crae Synodi ad Agathonem, quae ita  
 auspicantur : Maximi morbi majoribus  
 indigent auxiliis, ut scitis, beatissimi :  
 atque idcirco Christus verus Deus no-  
 ster, virtus vere rerum omnium con-  
 ditrix & gubernatrix, sapientem de-  
 dit medicum, vestram a Deo honora-  
 tam sanctitatem, contagia haereticarum  
 luis fortiter propulsantem remediis or-  
 thodoxiae, ac valetudinis robur mem-  
 bris Ecclesiae largientem . Itaque tibi,  
 ut primae Sedis Antistiti & universalis  
 Ecclesiae, stanti super firmam fidei pe-  
 tram, quid agendum sit, relinquimus ;  
 perlectis verae confessionis literis &  
 vestra paternae Beatitudine ad piissimum  
 Imperatorem missis : quas ut a Summo  
 Apo.

*Apostolorum Vertice divine perscriptas agnoscimus, per quas exortam nuper multiplicis erroris haereticam sectam depulimus.*

Probatur 4. ex litteris Imperatoris ad S. Leonem II. Agathonis successorem : *Quum protinus suggestionem Sancti Papae Agathonis ad potestatem nostram ii, qui vice ejus fungebantur, obtulissent . . . . eam Serenitati nostrae porrexerunt, quam quum jussimus omnibus audientibus recitari, sanae nec adulteratae fidei characterem in ea perspeximus . . . . ac veluti ipsum Principem Apostolici Chori, primaeque Cathedrae Antistitem Petrum contuiti sumus mentium nostrarum oculis totius dispensationis mysterium divinitus eloquentem, verbaque haec per eas literas Christo facientem : Tu es Christus filius Dei vivi : Nam ipsum totum Christam sacrae ejus literae disserendo exprimebant ; quas omnes libentibus animis sincereque accepimus, & veluti Petrum ipsum ulnis animi suscepimus.*

Probatur 5. ex litteris ejusdem Imperatoris ad Synodum Episcoporum Occidentalium, quos ait Imperator & partem ipsius Oecumenici Concilii fuisse : *Interfuistis namque & vos, inquit, cum universali Principe Pastorum, simul cum ipso divinitus loquentes tam in spiritu, quam in litera : Suscepimus enim non tantum ex beatitudine ejus, verum etiam a Sanctitudinis vestrae directas nobis literas, quae prolarae, lectae sunt, & veritatis verum stylum declaraverunt, ortho-doxamque fidem depinxerunt . . . . Idcirco & omnes consonanter mente & lingua concedidimus, & similiter confelli sumus : & tanquam ipsius divini Petri vocem, Agathonis Relationem*

*supermirati sumus : nemo enim discrepavit, nisi unus. Scilicet Macarius Antiochenus in ipsa Synodo propterea depositus.*

Denique probatur ex Leone II. in Epistola ad eundem Imperatorem, qua editam a sexta Synodo fidei definitionem confirmat : *Hanc igitur rectae atque Apostolicae traditionis normam praedecessor meus Agatho, Apostolicae memoriae Papa, cum sua Synodo praedicavit : Hanc scriptis percurrentibus suae suggestionis pagina vestrae pietati per suos Legatos emisit ; approbans & confirmans testimoniis Sanctorum ac probabilium Ecclesiae Doctorum ; quam sancta nunc & magna Synodus, Domini & vestro favore celebrata, suscepit & in omnibus nobiscum amplexa est, utpote Beati Petri Apostolorum Principis sinceram doctrinam in ea agnoscens, & immutatae pietatis in hac signa contrectans. In quibus omnibus testimoniis claris disertisque verbis traditur ac docetur, quod probare institueram ; nempe Agathonis Epistolam tanquam certissimam, ac divinitus inspiratam, atque ipsius Petri veluti ore prolatam, fidei regulam ab Oecumenica Synodo fuisse susceptam.*

Observat tamen Bossuetius, illudque singulis fere hujusce libri paginis objectum, hic pariter ingerit & inculcat ; nimirum in iis litteris suscipiendis „ servatam esse firmam & ubique „ constantem in deliberandi ordine ac „ ritu sanctorum Synodorum traditionem. Quo enim ritu & ordine „ S. Cyrilli & S. Leonis Epistolae in „ tertis & quarta Synodis ; eodem ordine ritumque S. Agathonis in Synodo „ sexta probantur Epistolae : *Paulus*

,, ma-

„ *magnificus a Secretis dixit : Dicat*  
 „ *Georgius Archiepiscopus huius Re-*  
 „ *giae urbis , & qui cum eo &c. si*  
 „ *convenit sensui suggestionum directa-*  
 „ *rum ab Agathone sanctissimo Papa ,*  
 „ *& sua Synodo . Georgius dixit . In-*  
 „ *spiciens omnem virtutem , [ id est ,*  
 „ *significationem ac vim ] earum lice-*  
 „ *rarum , & scrutans libros Sancto-*  
 „ *rum probabilium Patrum ; cunctas*  
 „ *quae continent inveni consonantia*  
 „ *eis ; & sic profiteor , & credo . Alii :*  
 „ *Inveni in nullo eas a Sanctis Patri-*  
 „ *bus discrepare , & consentio . In-*  
 „ *eum sentum omnes sigillatim di-*  
 „ *cunt , nec nisi eo examine proba-*  
 „ *tae Epistolae S. Agathonis & Sy-*  
 „ *nodi totius Occidentalis .*

Haec obiectio , quae toties confutata est , nullo exemplo evidentius demonstrari potest , quam futilis nulliusque momenti sit , quam quod haec ipsa sexta Synodus suppetit . Nam primo Constantinus ipse Imperator in Edicto pro sexta Synodo fidei definitionem ab ipso Concilio editam amplectitur ac probat ut Apostolicis Evangelicisque sanctionibus , ac praecedentibus Synodis universalibus consonam : *Sanctum Concilium . . . . definitionem a Deo institutam , & sanctas Dei Ecclesias in unitate congregantem constituit ; Evangelicas quidem & Apostolicas consequentem sanctiones , sanctis autem & universalibus quinque Conciliis consonantem .* Idcirco & nos quae ab eis definita sunt , corroborare atque firmare cupientes , praesens pium Edictum edidimus &c. An igitur Oecumenicae Synodi definitionem vi sua valeat , & irreformabilem esse negabat Imperator , quum eam tanquam praecedentium Synodorum sanctionibus

consonam amplectebatur , suoque Imperiali edicto corroborabat ?

Deinde , si hoc argumento probatur , Pontificum Romanorum de fide sanctiones irretractabiles & irreformabiles non esse , antequam a Synodis Oecumenicis examinentur , & examinatae approbentur ; eodem pariter demonstrabitur , nec editas a Conciliis generalibus fidei definitiones irretractabilem & irreformabilem consequi auctoritatem , antequam a Romano Pontifice discutiantur & confirmantur . Nam Leo II. in Epistola ad Constantinum Pogonatum , Imperatorem diserte scribit , omnia se se sextae Synodi acta recensuisse : ideo autem illa probare , & Beati Petri Apostoli auctoritate confirmare , quoniam ea repererat Sedis Apostolicae doctrinae , & Agathonis Epistolae consentire : *Igitur gestorum Synodalium seriem recensentes , curio saepe diligentia singula quaeque gesta sunt flagitantes , eadem quae Apostolicae Sedis Legati narraverant , scriptis consonantibus convenire reperimus .* Cognovimus enim , quod sancta , & universalis , & magna sexta Synodus . . . . eadem , quae & universum Concilium assidens huic sanctae Sedi Apostolicae , cuius ministerio fungimur , senserit atque decreverit sub orthodoxae fidei integritate regulisque majorum , atque concorditer nobiscum confessa est , unum esse &c. Per quae revera probavimus , hanc sanctam & laudabilem atque praedicabilem sextam Synodum , per misericordiam Dei , qui Christianae fidei veritatem suis fidelibus reseat , Apostolicam praedicationem inoffenso pede fuisse secutam , sanctorumque & universalium quinque Conciliorum definitionibus in omnibus consentientem ; nihil super



*super statuta orthodoxae fidei augentem, aut minuentem, sed regiam & Evangelicam semitam rectissime gradientem; & in his atque per eos sacrorum dogmatum lima, & probabilium Catholicæ Christi Ecclesiæ Patrum doctrina servata est, & regularis lima ad omnium aedificationem prolata. . . . .*  
*Hanc igitur rectæ atque Apostolicæ traditionis normam prædecessor meus Agatho cum sua Synodo prædicavit. . . . . quam sancta nunc & magna Synodus, Domini & vestro favore celebrata suscepit, & in omnibus nobiscum amplexa est. . . . . Et quia definitionem rectæ fidei, ut dictum est, plenissime prædicavit, quam & Apostolica Sedes Beati Petri Apostoli (cujus licet impares ministerio fungimur) veneranter suscepit; idcirco & nos, & per nostrum officium hæc veneranda Sedes Apostolica concorditer ac unanimiter his quæ definita sunt ab ea consentit, & Beati Petri auctoritate confirmat.*  
*His verbis Leo II. omnem se se gestorum Synodaliū seriem recensuisse, eaque probasse & confirmasse testatur, quoniam curiosa adhibita diligentia, consona ea repererat præcedentium Conciliorum fidei, & quoniam in iis concinnandis sequuta fuerat Oecumenica Synodus Concilii Romani decreta, & Agathonis Epistolam: Ergo edita ab Oecumenica Synodo fidei definitio irretractabilis non erat, antequam a Romano Pontifice diligenti adhibito examine confirmaretur. Si negant Adversarii ejusmodi consecutionem; quo pacto & ipsi tueri poterunt palmare hoc argumentum, quo probare contendunt, retractationi obnoxias esse Romanorum Pontificum dogmaticas Constitutiones, quoniam in*

*T.I.P.I.*

Oecumenicis Conciliis relectæ sunt, nec ante probatæ aut subscriptæ, quam Patribus constaret, eas cum præcedentium Conciliorum decretis fideique sanctionibus consentire?

Porro & illud ex præcedentibus S. Leonis verbis elicitur, Synodi Romanæ decreta & S. Agathonis Epistolam habita ab eo fuisse tanquam certissimam & immobilem firmamque regulam, ad quam sextæ Synodi definitionem exigeret. Inde enim se se probasse docet, Catholicam esse & orthodoxam laudatæ Synodi definitionem, quoniam inoffenso pede sequuta fuerat Apostolicam prædicationem, seu Apostolicæ traditionis normam, quam predecessor ejus Agatho cum sua Synodo prædicaverat; nihil ex ea minuens, nihil augens, sed eam per omnia suscipiens & amplectens, tanquam ipsius Principis Apostolorum aut ore prolata, aut calamo exaratam. Id vero qui negat satis esse, ut a Sexta Synodo Agathonis Epistola pro fidei regula haberetur; negare quoque debet, & præcedentium quinque Conciliorum definitiones, aut constantem veterum Patrum traditionem pro fidei regulis habitas fuisse, quoniam ad illam perinde atque ad istas exacta est edita a sexta Synodo Catholici dogmatis definitio.

Nec modo Romanus Pontifex, verum & ipsa Oecumenica Synodus perspicuis verbis fatetur, Agathonis & Synodi Romanæ decretis perinde se se ac præcedentium Conciliorum sanctionibus adhaesisse: Ita enim ait in Prosphonetico ad Imperatorem: *Proinde inspiratione Sancti Spiritus conspirantes, & ad invicem omnes consonantes atque consentientes, & Agathonis*  
 F f *san-*

sanctissimi Patris nostri & Summi Papae dogmaticis literis ad vestram fortitudinem missis consentientes, nec non & suggestioni sanctae, quae sub eo est, Synodi CXXXV. Patrum concordantes, unum &c. Et infra, suorum decretorum aequitatem ac rectitudinem hac ratione Patres tuerentur, quod ipsi Agathonis, Agatho vero paternas & Apostolicas traditiones secutus fuerat: *Et ne forte quidam reprehendant seu Sanctissimi Papae divinam aemulationem, sive praesentem Angelicum conventum: Nos enim illius, & ante nos & nobiscum ille Apostolicas & paternas traditiones sumus secuti.* Et in Epistola ad Agathonem, ipseus se se doctrina & auctoritate Patres profitentur, infau-  
 tam haeresim profligasse: *Literas & vestra Beatitudine ad Imperatorem missas, ut a summo Apostolorum vertice divinae perscriptas agnoscimus, per quas exortam nuper multiplicis erroris sectam depulimus.* Et infra: *Sic nos Sancto Spiritu illustrati, vestraque instituti doctrina, infesta dogmata impietatis depulimus, rectissimam orthodoxiae semitam complanantes.* Denique Imperator ipse in Epistola ad Agathonem gloriam prostratae impietatis & erectae fidei ad Sedem Apostolicam refert, super quam veluti firmam Petram Ecclesiam Christus aedificaverit nullis depravandam haereticorum insidiis; & ex qua velut e caelorum convexis Agathonis Epistola tamquam caelestis quaedam lux ac divinus ignis effluerit: *Gloria Deo, qui gloriosa facit, & fidem apud nos integram conservavit.* Quomodo enim id factum non erat in ea Petra, super quam ipse Ecclesiam fundavit, ac praedixit, nunquam fore, ut portae inferi, hoc

est, haereticarum insidiae adversus eam praevalerent? *A qua tanquam e caelorum convexis verae confessionis sermo effulsit, animas diligentium Christum illustravit, suscitavitque refrigeratam orthodoxiam.* Quibus omnibus, si quae superius adlata sunt, adjiciantur, manifeste constabit, sextam oecumenicam Synodum, Agathonis Epistolam veluti caelitus ac divinitus inspiratam, & Principis Apostolorum ore pronunciatam, subindeque tanquam certissimam & immobilem fidei regulam suscepisse. Qua in re, ut Agatho ipse docuerat, nihil ab hac Synodo praestitum est, quod non aequae & reliquae Oecumenicae Synodi jam praestiterant; quae omnes in Romanis Pontificibus, eorumque de fide decretis, Apostolorum omnium Principis auctoritate, ejusque doctrinae veneratae sunt, eam in omnibus amplectentes eique indivulse ac fideliter adherentes: *Petrus spirituales oves Ecclesiae ab ipso Redemptore omnium trina commendatione pascendas suscepit: Cujus adnitente praesidio, haec Apostolica, ejus Ecclesia nunquam a via veritatis in qualibet erroris parte deflecta est: Cujus auctoritatem, utpote Apostolorum omnium Principis, semper omnis Catholica Christi Ecclesia, & universales Synodi fideliter amplectentes, in cunctis secutae sunt.* Cujus testimonii vis, quam Bostuetius infringere ac labefactare conatur, adserenda hic esset ac vindicanda. Verum id commodius ad XXVII. Caput praestabimus.

CAPUT XXV.

- „ Sextae Synodi in Honorium dicta  
 „ sententia : Ejus sententiae fre-  
 „ quens repetitio : Cur Synodus  
 „ eum damnatum voluerit , quem  
 „ Romani Pontifices excusare vi-  
 „ deantur .

CAPUT XXVI.

- „ Actio falsi intentata Synodalibus  
 „ gestis , ac duabus Leonis II. E-  
 „ pistolis temeraria & absurda : re-  
 „ pugnantibus omnibus scriptoribus  
 „ actisque publicis .

**I**N his duobus Capitibus nihil habeo  
 quod adjungam Eruditorum hoc  
 de argumento disputationibus ; quo-  
 rum hodie vix est , qui Honorium in  
 sexta Synodo reapse damnatum fuisse  
 neget ; aut sextae Synodi acta , alia-  
 que vetera monumenta adulterata fuisse  
 contendat . Quo pacto autem dicta  
 in Honorium damnatio cum Sedis A-  
 postolicae inerrantia , & suprema ,  
 quam tuemur , auctoritate conciliari  
 valeat , dictum jam nobis superius est,  
 ac videri possunt cum Garnerius in  
 Appendice ad Observationes in lib.  
 Diurn. Rom. Pont. tum Baluzius in  
 vita Petri de Marca : quorum obser-  
 vationibus unam hic & alteram adjici-  
 mus .

1. Nihil valituram pronunciatam a  
 sexta Synodo in Honorium damnatio-  
 nem , nisi eam Leo II. comprobasset .

2. Eatenus reapse valuisse aut va-  
 lere dictam in Honorium sententiam ,  
 quatenus eam laudatus Pontifex com-  
 probavit .

Quod pertinet ad primum , mani-  
 feste id constat ex iis , quae superius  
 de tribus Capitulis ac potissimum de  
 Ibae Epistola disputavimus . Non enim  
 plus valet Conciliorum generalium  
 auctoritas in damnandis quam in absol-  
 vendis aliorum scriptis : Ostendimus  
 autem citato loco , variisque testimo-  
 niis ac potissimum Pelagii II. in Epi-  
 stola ad Episcopos Itriae probavimus ,  
 nullius momenti habitum iri datam a  
 Synodo Chalcedonenſi Epistolae Ibae  
 absolutionem , si eam reapse innoxiam  
 declarasset , quoniam ad solum fidei  
 negotium Legatorum auctoritatem , &  
 gestorum Synodalium adprobationem  
 S. Leo coërcuerat . Id vero & S. A-  
 gatho caverat , quum suos Legatos ad  
 Synodum destinaverat : *Licentiam*  
*proinde eis , sive auctoritatem dedi-*  
*mus . . . . simpliciter satisfaciendi , in*  
*quantum eis dumtaxat injunctum est ;*  
*ut nihil profecto praesumant augere ,*  
*minuere , vel mutare &c.* Porro de  
 Honorii damnatione nihil Agatho Le-  
 gatis injunxerat ; imo eum potius , ut  
 etiam Bosluetius observat , excusare  
 videbatur . Itaque juxta traditam re-  
 gulam , nihil valitura erat in eum di-  
 cta damnatio , nisi eam Sedes Aposto-  
 lica comprobasset .

Alterum autem propterea monen-  
 dum censeo , quoniam si sextae Syno-  
 di verba pressius accipiantur ; Hono-  
 rii Epistolae velut haereticas , & Ho-  
 norium ipsum tamquam haereticum  
 damnasse videri potest . Quod quam-  
 quam hodie viri eruditi negent , alio-  
 que Synodi verba detorqueant , ut  
 videre est apud laudatum Garnerium ;  
 attamen Actione XVI. expresse ha-  
 betur , *Honorio haeretico anathema* .  
 Id vero nimium esse , nemo sanus ne-

gaverit. Quare ejusmodi sententia ex Leonis Epistola & verbis intelligenda & temperanda, seu mitiganda est: ut nimirum propterea damnatus intelligatur, quoniam, ut ipse Leo ad Episcopos Hispaniae scribit, *flammam haeretici dogmatis, non ut decuit, Apostolica auctoritate incipientem exstinxit, sed negligendo consovit.*

## CAPUT XXVII.

- „ Potissimum argumentum falsitatis  
 „ ex Agathonis epistola ductum :  
 „ quam vanum illud sit: Agatho &  
 „ Leo II. inter se componuntur :  
 „ Etsi Honorius de fide prava docuerit, haud minus Ecclesiae  
 „ Romanae permanere inconcussam fidem.

**Q**uae etiam hoc Capite Bossuetius disserit, in Bellarmini quidem opinionem aliquid momenti habent negantis damnatum a sexta Synodo Honorium, ejusque damnationem a Leone II. confirmatam; nostrum autem systema qui utrumque fatemur & admittimus, nihil prorsus adtingunt. Nos enim ex Agathonis verbis mox referendis nequaquam probare nitimur, Honorio in sexta Synodo non fuisse dictum anathema; quae Bellarmini mens est & conatus: sed, quod nec ipse Meldensis Episcopus hoc loco aperte negare audet, adsertam Apostolicae Sedi ab Agathone in definiendis fidei dogmatibus indeficientem & indeclinabilem auctoritatem; unde & illud consequens esse contendimus, Romanos Pontifices quum ex Cathedra pronunciant, in fide errare non posse.

## ARTICULUS UNICUS.

*Sancti Agathonis testimonium expenditur; indeque adseritur Sedis Apostolicae inerrantia; cum eaque conjunctam esse demonstramus indeficientem Romani Pontificis ex Cathedra pronunciantis auctoritatem.*

**S**anctus Agatho Papa in Epistola ad Constantinum Pogonatum Imperatorem haec de sua Sede praeflare, ut ipse ait Bossuetius, ac magnifice, & vere scripsit; quod nempe Beati Petri annitente praesidio nunquam a via veritatis, in qualibet erroris parte deflexa est; cujus auctoritatem, utpote Apostolorum omnium Principis, semper omnis Catholica Christi Ecclesia, & universales Synodi fideliter amplectentes, in cunctis secutae sunt; omnesque venerabiles Patres Apostolicam ejus doctrinam amplexi, per quam & probatissima Ecclesiae Christi luminaria claruerunt: & sancti quidem Doctores orthodoxi venerati atque secuti sunt; haeretici autem falsis criminationibus ac derogationum odiis infecti. Et infra: Haec est enim verae fidei regula, quam & in prosperis, & in adversis vivaciter, & quae, tenuit ac defendit haec spiritualis mater vestri tranquillissimi Imperii Apostolica Christi Ecclesia, quae per Dei Omnipotentis gratiam a tramite Apostolicae traditionis nunquam errasse probabitur, nec haereticis novitatibus depravata succubuit; sed ut ab exordio fidei Christianae percepit ab auctoribus suis Apostolorum Christi Principibus, illibata sine tenus permanet, secundum ipsius Domini Salvatoris divinam pollicitationem.

*sionem , quam suorum Discipulorum Principi in sacris Evangeliiis fatus est : . . . . Ego autem pro te rogavi , ut non deficiat fides tua . Consideres itaque vestra tranquilla clementia , quoniam Dominus & Salvator omnium , ejus fides est , qui fidem Petri non defecturam promisit , confirmare eum fratres suos admonuit .*

Qui his verbis negant Sedis Apostolicae inviolabilem in retinenda praedicandaque fide constantiam praedicari ; dicant quaeso quibus hoc ejusdem Sedis privilegium verbis effertur velint . Quid enim volumus , aut quid aliud contendimus , quum Sedi Apostolicae in fide Catholica , in fidei dogmatibus adserimus inerrantiam , nisi quod totidem verbis perspicue ac luculenter laudatus Pontifex docet ? nempe , quod nunquam Sedes Apostolica a via veritatis in quamlibet erroris partem deflexa est : Quod ejus auctoritatem velut ipsius Principis Apostolorum , semper omnis Catholica Ecclesia , omnes Oecumenicae Synodi , omnes Venerabiles Patres , omnes sancti & orthodoxi Doctores venerati , secuti , & amplexi sunt ; soli autem Haeretici variis eam criminationibus laceessere adgressi sunt : Quod eadem Apostolica Ecclesia & in prosperis & in adversis , hoc est , semper fidei regulam retinuit , strenueque defendit : Quod nullo argumento , nullo exemplo probari ac demonstrari potest , eam aliquando ab Apostolicae traditionis tramite deviasse : Quod ut ab exordio fidei Christianae ab Apostolorum Christi Principibus instituta est , eadem haecenus illibata & inviolata permanfit , & adhuc permanet : Denique , quod ejusmodi praerogativae ac dotes eidem

Sedi Apostolicae ex divina ipsius Christi pollicitatione conveniunt , qua se orasse pro Petro testatus est , ut non deficeret fides ejus . Proindeque quemadmodum deficere non potest Divini Verbi promissio , ita nec Petri , nec Sedis Apostolicae fides . Haec , ut dixi , & ex adlato ipsius testimonio constat , totidem verbis docuit Agatho ; haec & nihil amplius post Agathonem & nos docemus , quum Sedi Apostolicae in his , quae ad fidem pertinent , vindicamus & adserimus inerrantiam . Igitur quod Sanctus Agatho praedicavit , & quod sexta oecumenica Synodus , Agathonis suscipiendo Epistolam adprobavit , id nos hodie tuemur ac propugnamus .

Respondet Bossuetius : „ Dictum „ Agathonis non ad strictos apices exigendum , sed civiliter intelligendum „ esse ; & semper ideo dictum , quod „ plerumque id factum sit ; quod anius „ culpa Pontificis aliorum opera faciat , nihilque detrimenti patiatur „ fides . Solemus enim homines magna & illustria , & consueta sectari ; quod rarum fuerit , & statim „ mutatum , nulla rerum conversione „ memorabili , nec factum cogitamus . „ Ita quidquid ab Honorio peccatum „ est , id Sanctus Severinus Honorio proximus , id Sanctus Johannes IV. „ Sanctusque Theodorus , Martinus , „ Eugenius , Vitalianus , Adeodatus , „ Donus , Agatho , Honorii Successores cumulatissime repararunt ; ut „ officio defuisse Honorium Ecclesia „ Romana vix senserit . Hinc Ecclesiam Romanam non fuisse depravatam , neque errori succubuisse , sed „ in fide mansisse , Agatho praedicavit , & nos confitemur , neque in „ Petri

„ Petri Sede visos esse Sergios, Pyr-  
 „ rhus, Paulus, Petros, Theodo-  
 „ ros sibi mutuo errorem quasi haere-  
 „ ditarium cum sede tradentes, neque  
 „ Romanos Pontifices sibi invicem,  
 „ succedentes, a fidei unitate abru-  
 „ ptos fuisse. Quod si Honorius vel  
 „ peiora ausus esset, non Romana  
 „ propterea succubisset fides, sed  
 „ cum ut mortuum Ecclesia profecis-  
 „ set, & ex Ecclesia Romana Ponti-  
 „ fex Catholicus surrexisset.

Haec quidem ad Agathonis mentem non omnino quadrare, mox ostendam. Interim tamen observari diligenter velim, qua una ratione Bossuetius existi- met, propugnari ac defendi posse, quod, ut suo loco cum ipso Meldensi Episcopo demonstrabitur (a), ab omni- bus est Patribus traditum, deficere non posse Sedis Apostolicae, & Ecclesiae Romanae fidem: quod nempe unius culpa Pontificis aliorum statim opera sarciantur: quod ita quidquid ab Hono- rio peccatum est, id S. Severinus Hono- rio proximus, alique Honorii Suc- cessori cumulatissime repararunt: quod in Petri sede visi non sint Sergii, Pyr- rhi, Pauli, Petri, Theodori sibi mu- tuo errorem quasi hereditarium cum sede tradentes &c. Haec, inquam, se- dulo ac diligenter observari velim ab iis, qui Constitutioni *Unigenitus* aliis- que Romanorum Pontificum adversus Jansenianos, & Bajanos sollemnibus decretis adhuc pertinaciter oblectan- tur; perinde atque iis Catholica & sincera, & ab antiquis Patribus, & Conciliis, & Romanis Episcopis de- finita, de Christi gratia & caritate do- ctina prorsus labefactetur, eademque

illi labes inferatur, quam de duabus in Christo voluntatibus & operationi- bus avito dogmati Honorii Epistolae intulerunt. Quod si ita est, ut ipsi con- tendunt, nullus adhuc post Clemen- tem XI., nullus post Urbanum VIII. nullus post S. Pium V. surrexit Ponti- tefex, cujus opera horum culpa Pon- tificum sarciretur: neque quod a S. Pio V. peccatum est, id S. Pio prox- imus Gregorius XIII. neque quod ab Urbano VIII. Innocentius X. neque quod a Clemente XI. Innocentius XIII. alique eorum Successores cumulatis- sime repararunt; quinimo & validis- sime probarunt: ut jam multo amplio- rem seriem Pontificum in Petri Sede, quam olim in Regiae Urbis Patriar- chatu, videamus sibi invicem succe- dentium, & sibi mutuo, ut Jansenia- nis, Bajanis & Quésnelianis libet, er- rorem quasi hereditarium cum sede tradentium. Quod, auctore Bossue- tio, conciliari non potest cum iis, quae hoc loco Agatho, & alibi alii Patres, Concilia, & Romani Pontifices de Sede Apostolica vere, praeclare ac magnifice praedicarunt.

Verum, ut in orbitam redeamus, neque ipsius Meldensis Episcopi inter- pretatio ad Mentem Agathonis, ut jam diximus, omnino quadrat. Non enim Agatho id solum docet, quod unum Bossuetius admittit; nempe quod nunquam omnino perit Catholicorum Pontificum in Romana Sede successio; quod Sedes ipsa Apostolica funditus eversa non est; quod in ea penitus ex- stincta non est ab ipsis Apostolorum, temporibus sacrorum dogmatum deri- vata traditio; verum quod Sedes ipsa

Apo-

(a) Vid. inf. lib. XV, cap. VI. & seqq.

Apostolica nunquam in aliquam erroris partem deflexa est, quod nunquam ab Apostolicae traditionis tramite devia-  
vit, quod illibata adhuc permanet, qualis ab Apostolorum Principibus sub ipsum Christianae religionis exordium instituta est. Quae profecto vera esse non possunt, si vel ad modicum tempus in aliquem errorem deflexit, aut ab Apostolorum doctrina deviauit, aut aliqua haeretica contagione polluta est.

Deinde tantum abest, dictum Agathonis non esse ad strictos apices exigendum, ut Bossuetius ait, sed *civiliter* intelligendum; & *semper* ideo dictum, quod plerumque id factum sit; ut quum Apostolicos Pontifices *semper* juxta Domini admonitionem, & confidenter fratres suos firmasse, Agatho docet, clare ac perspicue Honorium ipsum hoc nomine comprehendat; quum tamen hoc potissimum Pontifice & auctore Romanam Sedem ab Apostolica traditione modicum deviasse, & haeretici erroris consortio pollutam & maculatam fuisse contendat: Ait vero laudatus Pontifex: *Unde & Apostolicae memoriae meae parvitas Praedecessores, Dominicis doctrinis instructi, ex quo novitatem haeticam in Christi immaculatam Ecclesiam Constantinopolitanae Ecclesiae Praefules introducere conabantur, nunquam neglexerunt eos hortari atque obsecrando commonere, ut a pravi dogmatis haeretico errore, saltem tacendo desisterent, ne ex hoc exordium dissidii in unitate Ecclesiae facerent, unam voluntatem unamque operationem duarum naturarum asserentes in uno Domino nostro Jesu Christo. Verba illa, saltem tacendo desisterent, ad Honorium pertinere, nec ipse Bossuetius dissitet.*

Porro non quaerimus, an id satis haberi debeat, ut Honorius inter eos Pontifices merito recenseatur, qui fratres suos, juxta Domini admonitionem, confidenter confirmasse dicuntur: sed quaerimus, quatenam fuerit Agathonis mens; & an ejus dictum sit ad strictos apices exigendum, aut solum *civiliter* intelligendum; & *semper* ideo dictum, quod plerumque id factum sit. Si enim vel Honorium ipsum ab eo numero ac serie non eximit, profecto constat, Agathonis dictum esse ad strictos apices exigendum; & *semper* ideo dictum, quod *semper* reapse, non autem plerumque id factum sit, quod sane juxta adhibitum ab ipso temperamentum verissimum est; nec aliud hinc fere objici potest, nisi Liberii lapsus, de quo suo loco disseremus.

Ut cumque tamen est de ipsa Honorii persona; attamen quod ad Sedem Apostolicam spectat, esse Agathonis dictum ad strictos apices exigendum, illud etiam suadet, quod ratio, quae suam sententiam confirmat, id ipsum aperte significet; quod nempe *Apostolica Christi Ecclesia per Dei omnipotentis gratiam a tramite Apostolicae traditionis nunquam errasse probabitur.* Qui ergo volunt, Agathonis dictum, quod ad Sedem Apostolicam adtinet, esse *civiliter* intelligendum, & non ad strictos apices exigendum, ii probare debent, Sedem ipsam Apostolicam ante Agathonem aliquando ab Apostolicae traditionis tramite deviasse; hoc est, probare debent, Severinum, Johannem quartum, Theodorum, Martinum, aliosque doctissimos, sanctissimos, & fortissimos ut *vetram viros*, qui sub Honorio praecipua & nobilissima erant Cleri Romani portio, tradi-

traditionem Apostolicam ignaviter prodidisse, & Honorio auctores fuisse, aut Synodice consensisse, ut duplicis in Christo voluntatis & operationis traditio intempestivo silentio obrueretur: quod certe gravissimis argumentis, & non inanibus conjecturis probari debet, ne temere hanc maculam sanctissimis illis ac fortissimis viris inuramus. Deinde, si Honorio Pontifice, Romana Sedes ab Apostolica traditione in errorem deflexit; qua fronte Agatho, qua fiducia, quum recens adhuc erat funesti casus memoria, scribere ausus esset, quod ab Apostolicae traditionis tramite nunquam errasse probabitur? Quamquam enim, ut ait Bossuetius; solemus homines magna & illustria & consueta sectari, & quod rarum fuerit & statim mutatum, nulla rerum conversione memorabili, nec factum cogitamus: attamen id solum verum est, quum rerum praeteritarum recordationem longa annorum series obliteravit; non autem quum adhuc ob oculos, & in ore omnium versatur rerum perperam gestarum tristis imago, aut lugubris memoria. Quum autem praeter Honorii ignavam dissimulationem, nihil nobis Adversarii frequentius objiciant, ex his, quae Agathonis tempora praecesserunt, quam Liberii lapsum; ut laudati Pontificis, qua de agimus, rationem elevent, & hanc quoque maculam Sedi Apostolicae inurant, probare pariter debent, Romanam Ecclesiam in *vi quovis* silentium, & S. Athanasii damnationem cum Liberio Synodice consensisse. Quod certe, ut suo loco videbimus, probare non possunt. Ac proinde ratio, qua suam sententiam Agatho confirmavit, aperte suadet, ejus dictum, quod ad

Sedem Apostolicam pertinet, non esse *civiliter* intelligendum, sed ad strictos apices exigendum; & semper ideo dictum Romanam Sedem in Apostolica fide ac traditione perseverasse, quod *nunquam* reapse ab ea in aliquam erroris partem deflexit: idque juxta divinam ipsius Christi pollicitationem, quae quum deficere non possit, nequam Agatho dubitabat, Sedem Apostolicam ita & deinceps & *sine tenus* virginem permansuram & illibatam, qualis ab exordio fidei Christianae ab auctoribus suis Apostolorum Christi Principibus instituta est.

Supereft, ut & illud breviter demonstretur, quod supra propositum est; nempe cum Apostolicae Sedis inerrantia, & constanti in Apostolorum traditionibus ac fide perseverantia conjunctum esse, ut Pontifex ipse qua Pontifex, & quum *ex Cathedra* quidquam definit, in fide errare non posse. Demonstrabimus alibi luculentius, quam haec duo invicem connexa sint, & indivulse conjuncta. Interim autem breviter animadverto, tum Romanum Pontificem quidquam *ex Cathedra* definire, quum adhibita, quae in rebus magni momenti adhiberi solet diligentia, primum sedulo ac sollicite inquirat, quae sit reipsa Sedis & Ecclesiae suae ab ipsis Apostolorum temporibus ducta traditio, eamque universae Ecclesiae tenendam sua auctoritate proponit; sua, inquam, auctoritate, quoniam ut supra ex S. Martino Papa, & ex Stephano Dorensi Episcopo probatum est, ipse *solus* Romanus Pontifex, ipse *tantummodo* claves regni caelorum accepit, & cum clavibus conjunctam docendi potestatem & supremam auctoritatem.

Quare



Quare una eademque semper est Ecclesiae Romanae & Pontificis ex *Cathedra* docentis seu definientis fides atque doctrina ; quam in Ecclesia ipsa Romana velut in tuto ac fideli deposito servatam Pontifex ipse tanquam ex communi & natali fonte in alias omnes Ecclesias sua auctoritate derivat . Quare , ut egregie hic Thomassinus observat ( num. XVII. ) : Ut Pontifex erret , at errare Sedes negetur , quia Plebs & Clerus Romanae Ecclesiae abhorret ab eo errore , praeposterum id quidem est . Cum ita Plebi & Clero , hoc est , membris plus induatur sapientiae , quam Capiti . Cum exadverso si quae sunt dotes corporis & membrorum egregiae , a Capite illae derivari censendae sint : & *fidei Romanae* Pauli elogio consecratae , sanctis Patribus honori & miraculo habitae , gloria principalis & palma ipsi Pontifici , ut magistro , prae Clericis & Laicis , hoc est , prae discipulis necessario adseratur . Neque illud praeposterum tantum , ut Pontifex quae Pontifex erret , at errare Sedes negetur ; verum & absurdum , cum Pontifex tum Pontificem agat , quum , ut laudatus Auctor subjungit : Cleri , vel Ecclesiae suae ita suffragia sententiamque expressit , sicut eo tempore familiare est & usitatum in rebus magni momenti , quae olim Synodice ventilabantur .

CAPUT XXVIII.

„ Quaestio de Honorio concluditur ,  
„ atque utcumque illius res se habent ,  
„ imictum manet ex his per-  
„ titum argumentum .

**I**N praesenti Capite Bossuetius adversus Bellarminum contendit Honorii Epistolae non esse Honorio tamquam privato homini tribuendas ; eademque in sexta Synodo pariter non qua privato homini , sed qua Pontificem agenti dictum anathema . Quod superius latissime a nobis confutatum est , omniaque perspicue soluta , quibus hanc suam opinionem Adversarii statuminare nituntur . Quod autem Baronius ac Bellarminus , & ante ipsos Anastasius Bibliothecarius , alias purgandi Honorii , vel ab hoc aevo Sedem Apostolicam liberandi , vias iniierint ; salva ea quae tantis nominibus debetur reverentia , non admodum nostra referre debet , qui non aliorum hypothesebus servimus , sed res ipsas ad proprios calculos revocamus .

CAPUT XXIX.

„ Patres Toletani Concilii decimi  
„ quarti Synodum VI. pro Oecumenica non habent , eo quod  
„ Hispani ad eam vocati non essent ; neque eam probant nisi  
„ facto examine , tametsi a Leone II. probatam constitisset .

**D**UO in hoc Capite nobis objicit Illustrissimus Bossuetius , primo Hispanos Episcopos sextam Synodum pro Oecumenica non habuisse , quod

G g Occi-

Occidentali Concilio ab Agathone collecto nulli ex eis interfuerant, neque ad sextam Synodum fuerant invitati, imo eam non nisi ex Leonis II. Epistolis noverant.

Secundo, eisdem Hispanos Episcopos laudatae Synodi Acta, nonnisi facto examine suscepisse; etsi ea a Romano Pontifice confirmata neutiquam ignorarent: unde colligit, esse retractationi ac iterato examini obnoxia Romanorum Pontificum de fide decreta, quantum in his duobus Capitibus pro Adversariorum opinione momenti sit, sequentibus Articulis expendemus.

### ARTICULUS PRIMUS.

*Romani Pontifices, & reliqui omnes Occidentis Episcopi sextam Synodum pro Oecumenica agnoscunt, etsi nulli ei ex Hispanis Episcopis interfuerunt.*

**A**D Synodum Oecumenicam constituendam illud omni aevo satis superque habitum est, ut quum Synodi in Oriente habebantur, eis per suos Legatos Sedes Apostolica, & generalis totius Occidentis Synodus interessent. Imo, quod pertinet ad praecedentia Concilia, non nisi Sedis Apostolicae legati illis interfuerunt; qui tamen totius Occidentis nomine adesse censebantur, quod in unius Apostolicae Sedis auctoritate & fide acquiescerent omnes Occidentis Ecclesiae, idque omnibus compertum esset. Quare susceptis Romanae Synodi actis ad Nestorium scribebat Cyrillus Alexan-

drinus (a) illius Decreto omnibus modis parendum esse illis, qui a totius Occidentis communionem excidere nolissent. Sextae autem Synodo non modo Sedis Apostolicae, quod satis fuisset, verum & totius Occidentis Synodi Legati interfuerant, aut interfuisse censebantur, etsi Concilio Romano sub Agathone nullus ex Hispaniis Episcopus adfuerat. Patet id primo ex inscriptione Epistolae Synodicae ad Constantinum Imperatorem: Ita enim inscribitur: *Agatho Episcopus servus servorum Dei cum universis Synodis subiacentibus Concilio Apostolicae Sedis.* Patet id etiam ex ejusdem Epistolae subscriptione: *Agatho Episcopus &c. huic suggestioni, cum generalitate totius Apostolicae Sedis Concilii ..... consensi, & subscripsi.* Porro ad Concilium Apostolicae Sedis totius Occidentis Synodi pertinebant. Quare huic eidem sub Agathone Concilio subscribunt non modo plurimi ex universa Italia & Sicilia Episcopi, verum & aliquot ex Galliis, tanquam *Legati Venerabilis Synodi per Galliarum Provincias constitutae*, & Wilfridus Eboracensis Episcopus tanquam *Legatus Venerabilis Synodi per Britanniam constitutae*. Itaque quum scribit Agathocum omnibus Synodis Apostolicae Sedis Concilio subiacentibus; & quum Epistolae subscribit cum generalitate totius Apostolicae Sedis Concilii, totius Occidentis universale Concilium, hoc nomine ab ipso repraesentari, nulli dubium esse potest.

Idem etiam non minus aperte ac perspicue in ipsa Epistola universi Patres testantur, quum eam omnium

Oc.

(a) 1. Par. Conc. Ephesi, cap. XXI.

Occidentalium nomine scriptam haud obscure significant : *Omnes non exigui Ecclesiarum Praesules, vestri Christiani Imperii famuli, in Septemtrionalibus vel Occiduis partibus constituti &c.* Et longe clarius versus Epistolae finem aliquot se mittere docent ex suo ordine tanquam totius Occidentalis Synodi legatos : *Personas autem de nostrae humilitatis ordine praevidimus dirigere ad vestrae a Deo protegendae fortitudinis vestigia, quae omnium nostrum, id est, universorum per Septemtrionales vel Occiduas regiones Episcoporum suggestionem, iu qua & Apostolicae nostrae fidei confessionem prae-libavimus, offerre debeant.* Itaque quum Sedes Apostolica & universale totius Occidentis Concilium sextae Synodo per suos Legatos adfuerint; nihil ei profecto deerat, ut ex Agathonis & omnium Occidentalium sententia, pro Oecumenica haberetur.

At quomodo, inquis, Concilium Romanum sub Agathone celebratum, universalis totius Occidentis Synodus dici poterat; quum ei ex universa Hispania nulli Episcopi adfuerint? Quomodo item sexta Synodus ab Hispaniis pro Oecumenica haberi poterat, quum ad eam, uti Bosluetius pro certo habet, vocati nec fuerint? Quare, inquit laudatus Auctor cavisse Hispanii videntur, ne quis existimaret, Concilii talis, quasi universalis, auctoritate teneri Hispaniam, tantam Ecclesiae partem, etiam non vocatam. Unde consequens est, neque ad Synodum Romanam vocatos fuisse Hispanos, quum ad eam propter sextam Synodum Episcopi vocarentur.

Respondemus, id quod Meldenensis Episcopus pro certo habet, falsum

omnino esse; nimirum, ad Synodum Romanam cum aliis totius Occidentis ac Septemtrionis Episcopis vocatos Hispanos non fuisse. Id enim ipsius Romanae Synodi clarissimo testimonio manifeste repugnat. Testantur enim, apertissime Patres, se se omne studium adhibuisse, ut non pars Occidentis, sed universus Occidens conveniret, indeque se Principi excusant, quod tam fero petitos Episcopos destinarent; quod nempe diu expectare debuerant, dum ex longinquiore Provincia, & usque ad ipsum Oceanum fuis, Episcopi advenirent: *Praeterea, inquit, satisfaciendum est . . . . pro tarditate missarum ex nostro Concilio Personarum . . . . Primum quidem, quod numerosa multitudo nostrorum usque ad Oceani regiones extenditur, cuius itineris longinquitas in multi temporis cursum protelatur. Sperabamus deinde de Britannia Theodorum, consamulum atque Coepiscopum nostrum, magnae insulae Britanniae Archiepiscopum & Philosophum, cum aliis qui ibidem usque haerentis demorantur, exinde ad nostram humilitatem conjungere, atque diversos huius Concilii Episcopos in diversis regionibus constitutos, ut a generalitate totius Concilii nostra suggestio fieret; ne si tantum pars quod agebatur cognosceret, partem lateret: & maxime, quia in medio gentium tam Longobardorum, quamque Sclavorum, nec non Francorum, Gallorum, & Gothorum, atque Britannorum plurimi Consamulorum nostrorum esse noscuntur, qui & de hoc curiose satagere non desistunt, ut cognoscant quid in causa Apostolicae fidei peragatur.* Non poterant certe clarioribus verbis exponere, nihil a se omissum, ut Romae totius Occidentis

universalis Synodus haberetur. Hinc vocatos Episcopos testantur, non modo in Italia Orientis Imperio subjectos, verum & in medio gentium positos, Longobardorum, Sclavorum, Francorum, Gallorum, Gothorum, Britannorum, quos omnes docent ad Concilium Sedis Apostolicae pertinere: Episcopi autem in medio Gothorum positi, quinam alii tunc erant, nisi Hispani, Gothorum tunc dominationi subiecti? Itaque & ipsos ad Synodum vocatos fuisse Patres significant, ut fidei confessio in Orientem transmittenda, ab omnibus Episcopis ad Concilium Sedis Apostolicae pertinentibus, subscriberetur. Eadem fere habet & peculiaris Agathonis Epistola ad eundem Imperatorem: *Et nisi longus Provinciarum ambitus, in quibus humilitatis nostrae Concilium constitutum est, tanti temporis protelationem ingereret, olim hoc quod vix tandem nunc fieri potuit, studiosa obedientia noster famulus impleveret. Sed dum de diversis Provinciis familiari nobiscum Concilium congregatur, & dum personas, quasdam quidem de hac servili vestri serenissimi Principatus Romana Urbe, vel de proximo dirigere procuramus, quasdam de longe positis Provinciis, in quibus verbum Christianae fidei ab Apostolicis exiguitatis meae Praedecessoribus missi praedicabant, remeare praestolamur, non parvus temporum cursus elapsus est. Quaecumque igitur ratio fuerit, cur Episcopi Hispani Romam ad Concilium vocati non adfuerint; nulla tamen ratio reddi potest, cur minime vocatos eos fuisse credamus: quare & iis absentibus, perinde Romanum illud Concilium pro universali totius Occidentis Synodo habitum*

est, & sexta Synodus; cui per Legatos interfuerunt, tamquam Oecumenica ab Agathone, Leone II. & Benedicto II. & a ceteris omnibus Occidentalibus Episcopis celebrata.

Non est ergo, cur nobis Bosluetius tantopere jactet Toletanorum Patrum auctoritatem. Nos enim septemdecim Toletanae XIV. Synodi Episcoporum iudicio, iudicium opponimus trium Romanorum Pontificum, & reliquorum omnium Occidentalium Episcoporum. Quamquam nec illud admittimus, diserte negatam sextae Synodo a Patribus Toletanis Oecumenici Concilii praerogativam. Quamvis enim hunc illi titulum initio non tribuant, attamen nec denegant; & postmodum septimo Canone consentiunt, ut post Chalcedonense Concilium, *dedito honore, loco & ordine collocetur; ut cuius, inquit, glorioso themate fulget, ei & loci & ordinis coaetetur honore.*

## ARTICULUS II.

*De Sedis Apostolicae auctoritate totius Synodi Occidentalis iudicium: Ab eo discrepasse Toletanos Patres, Bosluetius non probat.*

**P**ura docent Occidentalis Synodi Patres in Epistola jam saepius laudata ad Constantinum Pogonatum Imperatorem, quae cum Parisiensem & Meldenensem Episcopi opinionibus facile conciliari non possunt.

Primo enim docent, Apostolicae Sedis Romanorumque Pontificum, utique ex Cathedra docentium, doctrinam nullis unquam fuisse non modo haereticis conspurcatam, sed neque falsa-

falsarum opinionum , aut alicujus erroris caligine ac nebulis infuscatam . Quid enim ad id adstruendum his eorum verbis disertius ac luculentius? Credimus , inquit , quia quod paucis rare concessum est , a Deo coronato vestro Imperio divinitus concedetur , ut per ipsum Catholicæ atque Apostolicæ veræ nostræ fidei splendidissimum in omnium mentibus emicet lumen : quod ex veri luminis fonte tanquam de radio vivifici fulgoris , per ministros beatos Petrum & Paulum Apostolorum Principes , eorumque discipulos & Apostolicos Successores gradatim usque ad nostram parvitatem , Dei opitulatione servatum est , nulla hæretici erroris tetra caligine tenebratum , nec falsitatum nebulis confoedatum , nec intermixtis hæreticis pravitatibus velut caliginosis nebulis perumbratum , immune atque sincerum , & suis radiis perlustratum .

Secundo illud etiam confirmant , quod superiori articulo observatum est ; nimirum in unius Romanæ Sedis auctoritate ac fide ita acquiescere tunc solitas fuisse omnes Occidentis Ecclesias , ut quidquid Romanus Pontifex , pro illius ævi disciplina , cum sua peculiari vel totius Italiae Synodo definiret , ea censeretur omnium Occidentalium Ecclesiarum fides . Hoc autem ex sequentibus eorum verbis haud obscure colligitur : Hoc enim credimus , quod per traditionem Apostolicam accepimus , cujus auctoritatem in omnibus sequimur , a qua & institutos nostræ humilitatis Prædecessores cognovimus , quam & usque ad finem servari nobis siue per vitam , siue per mortem optamus . Hanc igitur meræ Catholicæ atque Apostolicæ confessionis regulam , &

sanctum Concilium , quod in hanc Romanam Urbem servilem vestri Christianissimi Imperii sub Apostolicæ memorie Martino Papa convenit , prædicasse synodice , ac constanter defendisse , omnes nos , quisquis ubique est , humillimi Ecclesiarum Christi Antistites cognoscimus : in qua & nostræ parvitatibus Prædecessores convenientes , Apostolicam Confessionem , quam a principio perceperunt , etiam synodali præconio prædicarunt , & absque cuiuspiam novitatis errore citra ambiguitatem determinarunt . Concilio Romano sub S. Martino Pontifice & Martyre nulli ex Galliis , nulli ex Hispaniis , nulli ex Britannia Episcopi interfuerant ; & tamen plenaria hæc totius Occidentis Synodus perinde ad Imperatorem scribit , ac si omnes hujusce Synodi Præsulum Decessores illi Concilio adfuissent , & Catholicæ fidei regulam synodice pronunciasent . Quod nimirum in una Petri Sedis auctoritate ac fide , quemadmodum dictum est , Ecclesiæ omnes Occidentis acquiescerent , & quidquid a Romano Pontifice cum sua vel Italica Synodo decernebatur , id commune omnium Occidentalium decretum censebatur . Quod & ipsi perspicue sequentibus verbis testantur : Hæc est perfecta nostra scientia , ut terminos Catholicæ atque Apostolicæ fidei , quos usque adhuc Apostolica Sedes nobiscum & tenet , & tradit , tota mentis custodia conservemus .

Tertio , illud etiam iidem Patres clare nobiscum ac , diserte docent ; id quod semel a Romano , Pontifice , siue cum sua , siue totius Italiae ; vel Occidentis Synodo definitum est ; retractationi vel examini , jure suo obnoxium non esse . Significant enim Im-

pe-

peratori per suos Legatos Apostolicae fidei confessionem transmittere, quam ipsi ac Synodo offerre debeant; *non tamen*, subjungunt, *tanquam de incertis contendere, sed ut certa atque immutabilia, compendiosa definitione proferre*. Adjungunt & illud, quod supra ex S. Cyrillo traditum est; nempe, hisce Sedis Apostolicae decretis omnino parendum esse illis, qui ab omnium Occidentalium communione excidere noluerint: *Quicumque proinde Sacerdotum haec, quae in hac nostrae humilitatis confessione continentur, nobiscum sinceriter praedicare desiderant, ut nostrae Apostolicae fidei concordantes ut Consacerdotes &c. suscipimus. Qui vero haec confiteri noluerint . . . . perpetuae damnationis reos esse censemus, nec aliquando tales in nostrae humilitatis collegio, nisi correctos, suscipere patimur*.

Hi ergo tunc temporis erant totius Occidentalis Synodi de Apostolicae Sedis auctoritate sensus: Ab his autem longe abfuisse Hispaniae Praefules, nec facile creditu est, nec Bosfuertius efficaciter probat, quum id unum objicit, sextae Synodi acta a Romanis Pontificibus confirmata, non nisi praemisso examine, eoque ad certam regulam exacto, ad Patrum scilicet & antiquiorum Conciliorum fidem, Hispano Episcopos suscepisse. Jam enim saepius ostendimus, hoc argumento nequaquam demonstrari, de dogmate, aut dogmatica Constitutione, quae examini subiiciatur, reapse dubitari; aut eam nequaquam pro certa & in Bobili fidei regula haberi. Quod enim mollius animadvertit: Quod „Uni- „ versalium Conciliorum, quae ut ta- „ lia sint agnita, doctrinam ac fidem

„ nemo unquam examini aut retracta- „ tioni submisit; si generatim ac de quocumque examinis genere intelligatur, quam falsum sit, jam pluribus exemplis demonstravimus: & de hac ipsa sexta Synodo, quam utique Leo II. pro oecumenica habebat, aperte constat, fuisse tamen ejus acta *curiosa diligentia* ab hoc Pontifice *recensita*, antequam ab ipso Apostolica auctoritate firmarentur; eaque etiam ad certam regulam exacta fuisse, nempe ad Agathonis Epistolam, & praecedentium Conciliorum fidem, uti superius adlatis ejus verbis probavimus.

Id igitur unum superest, ut ex ipsis Toletanis Patribus demonstremus, non quodlibet rerum gestarum aut antea definitarum examen ex dubitatione prodire; aut argumentum esse, quod res velut adhuc non satis firma & incerta, retractationi obnoxia judicetur; vel ad eam quasi adhuc latentem eruendam disceptatio & inquisitio instituat. Id vero inde facile probatur, quod ipsi Hispaniarum Praefules antequam in Synodum convenirent, suis singuli sedibus residentes, jam sextae Synodi acta probaverant; doctrinam de duabus in Christo voluntatibus & operationibus amplexi fuerant; ac fidei suae sentium copiosa ac dilucida & purissima verborum expositione Romano Pontifici aperuerant: En ipsorum verba: *Sed licet in unum generaliter colligi per idem tempus Hispanorum omnium Praesulum societas nequivisset; sparsis tamen sedibus atque locis, praefatas gestorum regulas pertractandas suscepimus, susceptas perlegimus, approbantes in his de utramque Jesu Christi Filii Dei differentia naturarum, quo gemina in eo voluntas & operatio praedicatur*,

*tur , recti dogmatis sensum , inculpan-  
dae disputationis edictum , Apostolicae  
traditionis stylum . Placuit proinde illo  
tunc tempore , Apologeticae defensionis  
nostrae responsis satisfaciennes Roma-  
no Pontifici , ea ipsa gesta firmare , no-  
straeque fidei sensum purissima verbo-  
rum enodatione depromere . Et quia  
illic de hac gemina voluntate & opera-  
tione Jesu Christi Filii Dei copiose &  
dilucide inscignuntur quae vera sunt ,  
quae jam utique Romanis partibus per  
legatos Hispaniae destinata sunt &c.  
Quis credat , Hispanos Episcopos ,  
quum post haec eadem acta , id est eum-  
dem recti dogmatis sensum , & incul-  
pandae disputationis edictum , & Apo-*

*stolicae traditionis stylum , Synodico  
examine dirimenda , & communis ju-  
dicii auctoritate firmanda decernunt ,  
de gemina Jesu Christi voluntate &  
operatione dubitasse ; subindeque exa-  
men hujusmodi alio pertinuisse , quam  
ad jam notae & creditae veritatis elu-  
cidationem ? Nam fidei suae sensum ,  
de duabus in Christo voluntatibus &  
operationibus pro duarum differentia  
naturarum , jam Romano Pontifici si-  
gnificaverant . Id ergo unum satage-  
bant , ut jam nota & credita veritas ,  
ampliore elucidatione innotesceret :  
ac proinde ex synodico illorum exa-  
mine nihil pro sua opinione extundere  
Meldenſis Episcopus potest .*

FINIS.



# ERRATA

# CORRIGE

Pag. 11. col. 2. lin. 11. adfertam nondum adfertam  
 pag. 37. col. 2. lin. 35. Arianos Afrianos,  
 pag. 76. [a] L. VII. C. V. n. III. L. IV. C. III. n. V.  
 pag. 125. col. 2. lin. 34. plurimum plurimarum  
 pag. 157. col. 1. lin. 2. invitato invito  
 pag. 164. col. 2. lin. 6. frueretur strueretur  
 pag. 177. col. 2. lin. 24. 1523. 1723.  
 pag. 200. col. 1. lin. 2. totius totis



# INDEX ALPHABETICUS

NOMINUM, AC RERUM PRAECIPUARUM.

*Numerus prior paginam, posterior cum littera c. columnam primam, vel secundam paginarum notat.*

A

**A**gatho Summus Pontifex in Romano Concilio Episcoporum Occidentalium dogma Catholicum adversus Monothelitas solemniter definivit ante celebrationem Synodi VI. *Pag. 218. Col. 2. & seq.* Post tam apertam, & unaninem Occidentalium Ecclesiarum cum Apostolica Sede consensionem Illustris. Bossuetius frustra exaggerat necessitatem Oecumenicae Synodi. 221. c. 2. Suam postea Definitionem proposuit Pontifex tum VI. Synodo, tum Imperatori Constantino Pogonato, ut teneretur tanquam certa, & irretractabilis fidei forma. 218. usque ad 221. Simul & Legatos suos ad Synodum misit, spoliatos tamen facultate disputandi de stabilito jam fidei dogmate. 219. c. 1. & 220. c. 2. Reipia universa Synodus amplexata est dogmaticam Agathonis epistolam seu Catholicae fidei regulam per ipsum a D. Petro prolatam. 221. in fine usque ad 224. Fuisse verò a Synodo exactam ad SS. Patrum traditionem dum opponit Bossuetius, argumentum promovet plane destruens auctoritatem ipsius Oecumenicae Synodi. 222. in fine usque ad 227. Laudati Pontificis praeclarissima, & verissima testificatio de *innocentia* Sedis Apostolicae. 228. c. 1. & seq. Ea solide vindicatur a distortis Bossuetii interpretationibus. 229. c. 2. usque ad 433.

**S.** Alexander Patriarcha Alexandrinus adversus exorientem Arianismi *Tom. I.*

pietatem primus classicum cecinit; 30. c. 2. Synodum Alexandriae eam ob causam celebravit. 34. c. 2. Eisdem Acta ad S. Sylvestrum Rom. Pontificem mox deferri curavit. *ibidem.* Litteras item cum Tomo Alexandrinae Synodi misit ad Christiani Orbis Episcopos. 34. c. 2. & seq. Quidnam intelligatur hujus Tomi nomine. 35.

Anatolius Dioscori Apocriarius susceptus in locum S. Flaviani Episcopi Constantinopolitani a Pseudo-Synodo Ephesina. 104. c. 1. & 145. c. 1. Ipsum postea in illa Sede confirmavit S. Leo Papa praescriptis quibusdam conditionibus. 103. & 145. c. 2. Huic Pontificiae dispositioni acquievit Synodus Chalcedonenfis. 145. c. 2.

Apostoli omnem veritatem scitu necessariam ad salutem divinitus didicerunt, subindeque praedicaverunt. 15. c. 2. & seq.

Appellationes ad Rom. Pontificem, utpote *Primas in omnibus tenentem*, jure sunt. 25.

Ariminenis Concilii de rebus fidei Formula maxime explodeada, quia absque sententia & auctoritate Rom. Pontificis condita. 38. c. 2.

Arius impius oppugnator Divinitatis, & consubstantialitatis Verbi cum Patre. 30. c. 2. Suos habuit fautores Episcopos in Nicaena I. Synodo. 32. c. 1.

S. Athanasius percelebris ob strenua cum Arianis disputationes. 32. c. 2.

Auctoris praecipuus scopus in hoc Opere per-

H h

pendere quaestiones fidei definitas in Concilijs generalibus, horumque traditionem exponere. L. c. L.

S. Augustinus antiquam Ecclesiasticorum Patrum traditionem opposuit novitiae Pelagianorum haeresi. 9. 63. 10.

## B

**B** Aluzius ex Codice Bibliothecae Colbertinae publicavit Vigilii Papae Constitutum contra tria Capitula. 151. c. 1. Septimae Collationi Synodi V. inseruit epistolam Imperatoris Justiniani ad Synodum, prohibentis recitari Vigilii nomen in sacris Diptychis. 166. c. 1. At hujusmodi Additamentum gravibus conjecturis ostenditur suppositum. 166. c. 2. usq. ad 169.

Baronii Card. & Petri de Marca discordia circa promulgationem Constituti Vigiliani contra tria Capitula in Synodo V. 163. c. 1. usq. ad 165. Eam P. Garnerius adnititur conciliare. 165. c. 1. 2.

Basilagius heterodoxus perperam criminatur formam iudicii contra Nestorium lati ab Ephesino I. Concilio. 77. c. 2. & seq. Criminatio tamen locum haberet, nisi Synodali iudicio praeluxisset Apostolica sententia Caelestini Rom. Pontificis. 78. c. 1.

Bellarmini Card. dimittenda opinio, qua censet S. Leonis epistolam ad Flavianum non prodiisse a Pontifice, tanquam ex Cathedra loquente. 135. c. 1. Negat damnatum a Synodo VI. Honorium, ejusque damnationem confirmatam a Leone II. 228. c. 1.

Beronianus Secretarius Sacri Conciliorii Chalcedonensis, & interpres. 107. c. 1.

Beduli Diaconus in Concilio Ephesino Oecumenico functus est legatione, non solius Cartaginensis Primatis, sed universorum Africae Episcoporum 55. c. 2.

Bossuetius non nisi extraordinariis in ca-

sibus necessarium pronunciat generale Concilium. 58. c. 1. Duplex ipsius antilogia manifesta. 142. c. 2. 143. c. 1. Mira quoque dexteritas, dum in rem suam convertit, quae ejus systema pessundant, 210. c. 2. Eidem systemati maxime officiant eruditae quaedam Petri de Marca Observationes in Constitutum Vigilii Papae. 163. c. 1.

## C

**C** Caelestinus Rom. Antistes *arx Pontificatus, & fidei, & Ecclesiarum firmamentum.* 51. c. 2. et seq. Totae Cathedrae auctoritate iudicium protulit in particulari Romana Synodo de Nestorii haeresi, atque persona. 50. c. 1. Illudque tribus veluti partibus constabat. 53. c. 1. Fuisse autem per se irreformabile, & minime idigum approbationis Concilii ullius generalis, declarant testimonia S. Cyrilli Alexandriani, & aliorum, ipsiusque Ephesini Concilii Oecumenici. 50. c. 2. usq. ad 53. Quia & Gallorum recentiorum principia conficiunt. 52. usq. ad 57. Dicendum proinde peremptorium, sicuti Rescripta Apostolica contra Pelagianos Romae edita. 57. c. 1. Nec nisi inepte ex gravibus postea subortis motibus necessitatem Oecumenicae Synodi ad illud firmandum committitur Bossuetius. 58. c. 2. usq. ad 61.

Antequam Legatos suos ad Ephesinum Concilium mitteret, copiosam coegit Synodum Episcoporum Occidentaliū. 55. c. 1. Subin Legatos dimisit Philippum Praesb. & Arcadium ac Projectum Episcopos. 68. c. 2. & seq. Commonitorium, seu instructiones ipsis dedit. 79. c. 2. & seq. Praesertim, ne causam Nestorii pateatur subici novo examini, sed potius Apostolicam sententiam Romae latam curent executioni mandari.

- dari. **80. & 81.** Eisdem constituit iudices Oecumenicae Synodi. **82. c. 2.** Huiusmodi autoritate Pontificia confirmarunt ipsi Synodalia gesta, ac iudicia, unde robur invictum ea habuere. **82. usq. ad 88.**
- Suum de Nestorio iudicium prohibuit retractari in Ephesina Synodo, eique tum Legati, tum Patres religiose parere. **79. usq. ad 82.** Finem causae Nestorianae suprema sua auctoritate proprie imposuit. **86. & 87.** Sanctionem Synodi adversus Orientales Episcopos non approbavit, nisi cum aliqua moderatione. **87. c. 1.**
- Canones Ecclesiastici ab Apostolica Sede confirmati dominantur Episcopis siue singulis, siue in Concilio generali congregatis. **76. c. 1.**
- Capitula tria in Ecclesiastica Historia valde decantata quidnam sint. **147. c. 2.** Eorum damnatio, seu non, damnatio quo sentiu, quoque tempore potuit dici libera. **169. c. 2. & seq.** A die publicati Constituti Vigili Papae evasit irretactabilis eorum reprobatio. **176. c. 2.**
- Causae Religionis a Rom. Pontificibus, vel a Conciliis Oecumenicis solemniter definitae, debent censi terminatae, & irretactabiles. **41. c. 2.** Nec obest, quod eas denuo in quaestionem trahere pertentent Retractarii. *ibid.*
- Claves ligandi, atque solvendi *solum* Rom. Pontificem in persona D. Petri accepisse, doctrina est a Gallis nuper proscripta. **213. c. 1.** Sed a vetustis Sanctis Martyribus verbo, exemplo, sanguine firmata. **212. c. 2. & seq.**
- Cleri Romani Monothelismo strenue resistentis laudes. **197. & 199. c. 2.** Communicare, vel non communicare cum Romana Sede, & cum Ecclesia Catholica, perinde visum est S. Maximo Abbati, ac Martyri. **212. c. 1.**
- Conciliorum officium, relate ad Fidei doctrinas, a Vincentio Lirinensi distincte expositum. **11. c. 2. & seq.**
- Concilium Oecumenicum unde constituitur. **234. c. 1. et 235. c. 1.** Quae nam ejus celebrandi utilitas post irreformabiles Sedis Apostolicae Definitiones. **220. c. 2. et seq.** Illius de fide iudicia neque ex indulgentia permitti debent examinari, sicuti interdum examen subire permittuntur Pontificiae Definitiones. **137. c. 2.**
- Concilia generalia quondam censeantur definire aliquid *conciliariter*. **160. c. 2.** Debent efformare fidei formulas juxta regulam ab Apostolica Sede praescriptam. **140. c. 2. usq. ad 143.** Regulam hanc deferentia fortuitur infelicem exitum. **102.** Universim probantur, vel reprobantur solius Rom. Pontificis auctoritate. **117. c. 2.** Ab ipso semel confirmata evadunt summae autoritatis. **173. c. 2.** Confirmationem ejusmodi ad adstruendam Pontificiam infallibilitatem, & superioritatem nihil valere putat Bossuetus. **84. c. 2.** At minus recte. **85. c. 2. et seq.** Possunt eorum Decreta firmitatem habere etiam citra expressam confirmationem Pontificis, quoties edantur consentientibus Legatis Apostolicis ab ipso probe jam instructis. **33. 38. c. 2. 173. c. 1.** Si quid adversus Ecclesiasticos Canones statuatur, irritum est ac nullum. **76. c. 1.**
- Concilia generalia quandoque celebrantur ad opprimendas Haereses, quia sic expedit, non quia necesse est. **99. c. 2. et seq.** Perlaepe tamen nec ipsa Concilia frangere possunt illarum pertinaciam. **133. c. 2.**
- Concilium Chalcedonense celebratum S. Leone Papa auctore. **115. c. 2.** Nulla equidem fuit absoluta necessitas illius congregandi. **106. c. 1.** Justa tamen ob causas expetitur a S. Leone. *ibid.* **c. 2.** Qui eidem postea praefuit

suit per suos Legatos Paschasium , & Lucentium Episc. Bonifacium , & Basilium Praesb. 94. c. 2. & 109. c. 1. Omnia in eo constituta juxta voluntatem Rom. Pontificis. 146. c. 2. Qui duplex manifestum signum supremæ suæ potestatis edidit. *ibid.*

Series sententiæ solemniter a Concilio prolatae contra Dioscorum. 108. c. 2. & seq. Animadversiones in eandem sententiam, quibus ostenditur summam auctoritatem S. Leonis emicuisse in illa Synodali damnatione. 110. usq. ad 113. Decreta Synodalia fuerunt deinceps examinata, & collata cum aliis fidei regulis in varijs Orientis Conventibus. 125. c. 2. usq. ad 128. & 137. c. 1. & 152. In eo supplicatum ab Illyricianis Episcopis pro Dioscuro, aliisque lapsis in Pseudo-Synodo Ephesina, ut Concilio redderentur, reclamantibus Clericis Constantinopolitanis. 121.

Concilium Constantinopolitanum I. quas ob causas congregatum. 48. c. 1. Macedonianos, aliosque plures Haereticos damnavit. *ibid.* c. 2. Nicaeno Symbolo varias addidit pariculas, seu variis Additamentis jam auctum adoptavit. 48. c. 2. & seq.

Concilium Constantinopolitanum II. primitus celebratum illegitime, relutante Vigilio Papa. 157. usq. ad 163. Solis constabat Orientalibus Episcopis. 161. Eidem interesse recusavit Vigilius, quamvis tunc agens Constantinopoli, ac saepius interpellatus. *ibid.* Quia nempe imperfectum Conventum nolebat praesentia sua reddere Oecumenicum, cum offensione Occidentalium absentium, 162. c. 1. Imo ne Synodi quidem nomen ei tribuere voluit, utpote destitutum Sedis Apostolicae suffragio. 174. c. 2. & 175. c. 2. Quaestionem verò in eo discussam non nisi Apostolico Decreto preem-

ptorie definiendam significavit. 174. c. 2. Reipsa hujusce Concilij Decreta, antequam a Rom. Pontificibus confirmarentur, non habuere auctoritatem ineluctabilem. 171. usq. ad 177.

Concilium Constantinopolitanum III. celebratum annis fere 60. post Monothelismi exordia. 119. c. 2. Ad irretractabilem ejusdem damnationem non fuit prorsus necessarium. *ibid.* Habuit authentica exemplaria Epistolarum Honorii Papae ad Sergium. 195. c. 1. Nusquam tamen illas vocavit Synodicas. h. c. protectas a Rom. Pontifice solemniter definiente. 194. & 195.

Concilium Ephesinum I. quoniam animo, & modo discesserit S. Caelestini sententiam, & S. Cyrilli epistolam contra Nestorium. 70. usq. ad 75. Solemni judicio Nestorium exaudivit, & tanquam haereticum ac blasphemum proscriptit. 77. c. 2. In eo ferendo judicio regulæ immobili a S. Caelestino praecriptae necessario paruit. 76. c. 2. usq. ad 79. Inde major Rom. Pontificis, quam Concilii generalis, auctoritas palam deprehenditur. *ibid.*

Concilii ejusdem indictio ab Imp. Theodosio facta an, & quomodo suspenderit executionem Apostolici iudicii. 61. usq. ad 70. Mera ipsius Caelestini Pontificis indulgentia tuit vera causa, cur ad effectum perducta non fuerit sententia contra Nestorium lata ante Concilii celebrationem. 68. & 69.

Concilium Ephesinum II. citra absolutam necessitatem convocatum, expetente Imp. Theodosio, & indulgente S. Leone Pontif. 90. & 92. c. 1. Quam suaserint Imperatori indictionem Concilii. 90. c. 2. Pontificis Legati ad illud missi Julianus Episc. Renatus Praesb. & Hilarius Diacon. 96. c. 1. Tyrannide Dioscorig Episcopi evasit illegitimum, & latrocinale.

le. 90. c. 1. Nefariis Dioſcōri auſibus ſtrenue ſeſe oppoſuere Legati Apoſtolici. 103. c. 103. Quænam in illo perperam geſta. 101. c. 1. 109. uſq. ad 113. & a S. Leone poſtmodum reproba. 103. c. 1. Non omnium, ſed aliquorum tantum, Epiſcoporum, qui in hoc Concilio buſo ceciderunt, cauſa ſubinde retractata a Chalcedonenſi Synodo.

111.

**Concilium Hieroſolymitanum** ob controverſiam Legalium celebratum ab Apoſtoliſ, & Senioribus. 12. c. 2. 14. c. 2. Non fuit proprie generale ſeu Oecumenicum. 24. c. 1. Habuit tamen vim Oecumenicæ ob præſentiam, & authoritatem D. Petri principis Apoſtolorum. 24. Concilium deinceps in Eccleſia peragendorum fuit veluti forma. 12. c. 2. Admiſſis Boſſuetii principiis circa authoritatem Pontificum, & Conciliorum, minime conſentirent cum hoc Apoſtolico archetypo Concilia Eccleſiaſtica. 24. uſq. ad 28. Corrigitur modus a Boſſuetio propoſitus ad tuendam ejuſmodi conſenſionem. 28.

**Illius Concilij controverſia** excitata a quibuſdam falſis Fratribus h. c. Phariſæis Chriſtiani nominis proteſſoribus. 14. c. 1. Ideo Paulus, & Barnabas, qui eis viriliter reſiſtebant, vocati cum Socijs ad Concilium. 14. c. 2. Controverſiæ ſubjectum: an Gentiles, qui Evangelica prædicatione Chriſto aggregabantur, adigendi forent ad ſervandam legem Moſaicam. 12. c. 1. & 14. c. 1. Hoc minime neceſſarium, iore conſtabat certiffime Apoſtoli� longe ante celebrationem Concilij. 13. uſq. ad 17. Idcirco quilibet ipſorum poterat dirimere controverſiam. 17. c. 18. Quare ex ſola Apoſtolorum indulgentia erga Errantes fuit delata ad Synodale examen. *ibid.* D. Petrus (quidquid contra opine-

tur Boſſuetius. 27. c. 2. c. ſeq.) ineluctabili ſua definitione litem penitus diremit. 22. Tertulliani, & Melchioris Cani hac de re præclara teſtimonia opinamentum Boſſuetianum deſtruunt. 27.

**Concilij Nicaeni** L. Decretis irretormabile robur acceſſiſſe contendit Boſſuetius ex conſenſione Patrum citra Rom. Pontificis approbationem. 30. c. 1. Verum iſſidem non detuliſſe Pontificum authoritatem, & ob hoc poſſimum ea invaluiſſe in Eccleſia, oſtenditur. 34. uſq. ad 39. Tres quaſtiones in hoc Concilio finitæ. 37. c. 2. Juxta avitam, apertamque Rom. Sedis doctrinam. *ibid.* Quare ab ipſa firmitatem obtinere Synodalia Patrum ſtatuta abſque ſpeciali confirmatione S. Sylveſtri Pontificis. 38. c. 2.

**Concilium Romanum** 135. Epiſcoporum Occidentalium ob cauſam Monotheitarum coactum ab Agathone Pontifici. 225. c. 2. c. ſeq. Suos Legatos cum irretactabili Fidei definitione, miſit ad Synodum VI. 220. c. 2. Proteſtatum, ſe a propria communione excludere, quotquot ſecus ſentire vellent. 221. c. 1. Eam definitionem, ſimulque dogmaticam Agathonis epiſtolam, perhonorifice excepit Synodus. 223. Ob hæc omnia ipſi Occidentales Epiſcopi cenſentur interuiſſe Synodo, ac ejus pars fuiſſe. 223. c. 1.

**Idem Concilium** multas & varias complectebatur particulares Occidentis Synodos. 224. c. 2. Idcirco merito reputatur univerſale Concilium Occidentis. *ibid.* Nullus equidem interuiſit ex Hiſpanis Epiſcopis. *ibid.* Hinc tamen minime interendum, cum Boſſuetio, Hiſpanos non fuiſſe prius vocatos, vel illud non habendum pro plenario totius Occidentis Concilio. 225. uſq. ad 238.

**Conſenſione Eccleſiarum, ſeu Epiſcoporum, tantopere a Boſſuetio decanta-**

ta,



- ta, quomodo intelligantur finiri controverſiae Religionis. 39.
- Conſtantis Imp. Typus fuit formulae haereticae doctrinae Monothelitarum. 113. c. 2.
- Controverſa in Eccleſiis dogmata ſunt duplicis generis. 17. c. 1.
- Cutantius Cl. icite oſtendit, Rom. Pontifices haud neglexiſſe media ordinaria in edendis Conſtitutionibus Dogmaticis. 188. c. 1.
- S. Cyrillus Alexandrinus fuit veluti mens & calamus Occumenicae Synodi Ephesine. 51. c. 2. Executor Apoſtolicae ſententiae in Rom. Concilio contra Neſtorium latae a S. Caeleſtino Pontifice. 53. c. 2. Ejuſdem Concilii Decretum, ob Pontificiam ſcilicet authoritatem, vocavit totius Occidentis conſentionem, eamque propterea ab Orientalibus etiam amplexandam. 54. Quatuor Episcopos ex Alexandria ſua Synodo miſit Conſtantinopolim ad Neſtorium, qui Caeleſtini ſententiam ei denuntiarent. 66. & 67. Hoc ab ipſis fideliter peractum publicato jam Imperiali Edicto de convocacione generalis Synodi. ibid. Quoniam ſentiu intelligenda publica ipſius Cyrilli poſtulatō in Ephesine Synodo: *reſcribere & inculpare, an ſecus ſcripſerim*: in Epilt. ad Neſtorium jam probata a Caeleſtino Pontif. 69. c. 2. uſq. ad 71.

## D

- S. **D** Amasius Pontif. convocata Romanae gemina Synodo ſolemniter damnavit, & anathematizavit Haereticos negantes Divinitatem Spiritus Sancti. 42. Eam Rom. Eccleſiae fidem omnes tunc Eccleſiae ſeu Occidentales, ſeu Orientales firmiter tenebant adverſus eoſdem Haereticos. 43. uſq. ad 46.

Depoſitum Fidei cuſtodire tum ad Episcopos, tum ad Rom. Pontificem per-

tinet, ſed modo diverſo. 88. c. 2. & ſeq.

Dioſcorus Alexandrinus Episcopus ſautor praecipuus Euthychianae haereſis. 90. c. 1. Ad indicendam Synodum generalem Ephesinam II. permovit Theodoſium Imp. ibid. c. 2. In pie poſtea in illa graſſatus. 101. c. 1. & 109. c. 1. Execranda audacia pronuntiavit ſententiam excommunicationis adverſus S. Leonem Rom. Pontificem. 112. Iniquiſſime depouendum curavit S. Flavianum Conſtantinopolitanum Episcopum. 112. c. 2. Irregulariter Euthychetem a S. Leone jam damnatum ad communionem recepit, praeter formam ab ipſo praefcriptam. 109. c. 1. & 111. c. 1.

Disciplinae Eccleſiaſticae ſtatuta ſubire poſſunt novitatem & mutationem, ſecus ac lex Fidei. 2. c. 1. Idcirco a Fidelibus diſciti, vel ignorari queunt ſalva Fide. 2.

*Diſputandi audacia contra fidem divinitas inſpiratam reiſcienda penitus.* 136. c. 1. *Nec liceat deſendi, quod non licet credi.* ibid.

Dogmatica Definitio Rom. Pontificis a nulla Occumenica Synodo tuit unquam reſormata. 117. c. 2.

Domnus Antiochenus Episcopus in frequenti Coepiscoporum Synodo Euthychetem ceu haereticum damnavit ante generale Conc. Chalcedonense. 91. c. 2.

## E

**E**ccleſia Chriſti ſedula cuſtos Dogmatum apud ſe depoſitorium. 11. c. 2. Eccleſiae ubique diſtulae certa, & incluſibilis in docendo authoritas. 7. uſq. ad 12.

Eccleſiae Orientales agnoverunt in Rom. Pontifice poteſtatem ſummam finiendi cautas fidei. 40. c. 1.

Eccleſiaſticorum Iudiciorum vis tota a Capite Eccleſiae pendet. 100. Diſtula

- susa tamen in Corpore Ecclesiae magis exeritur, & perimovet. *ibid.*
- Ephesium **L.** & **II.** Concilium. Vid. *Concilium*.
- Episcopi in Coaciliis generalibus gaudent facultate iudicandi de causis fidei. **29. c. 1. & 75. c. 2. Ea** tamen non destruit supremam, & ineluctabilem Rom. Pontificis auctoritatem. **29. c. 1. & 131. c. 2.** In Conciliis iudicant simul cum Pontifice, alit diversa ratione. **117. c. 1.** Instituti sunt a Christo Doctores, ita tamen ut de illorum doctrinis iudicandi potestatem habeat solus Pontifex. **88.**
- Episcopi primarum Sedium Orientis solebant nunciare Synodicis litteris propriam electionem Patriarchis, & Rom. Pontifici. **101. c. 2. & 102.**
- Episcopi sex impugnaverunt acerrime Instructionem Pastoralem Eminentissimi de Bissy. **177.** Idem perquam intensi Honorio Pontifici. *ibid.* Ipsorum in Honorium criminationes variae referuntur, ac dispelluntur. **186. & 187. & 200. usq. ad 207.**
- Epistolae Decretales Post-Syricianae, apertum iurisdicendi principatum in Rom. Pontifice demonstrant. **189. c. 2.**
- Eunomiani una cum Macedonio pernegarunt Spiritus Sancti Divinitatem. **42. c. 2.** Utrique damnati Synodali-bus Rom. Sedis Decretis. *ibid.* **61. & 2.**
- Eusebiani Episcopi, qui Conc. Nicaeni **L.** definitionibus solemnibus subscripserant, postea turbas excitarunt circa Verbi consubstantialitatem cum Patre. **41. c. 2.**
- Eutychiani haeretici magis grassati post, quam ante Conc. Chalcedonense. **133. c. 2. Fuit** vere culpabilis eorum dubitatio & error etiam ante Oecumenicum illud Concilium. **132. c. 2. & seq.** Ignorantia potuit utrinque suffragari quibuscumque Monachis ab Eutychete deceptis. **135. c. 1.**

- Euthychius Urbis Regiae Episcopus, in V. Synodo laudatus, perinde sensit de Decretalibus Rom. Pontificum, Epistolis, ac de Definitionibus Oecumenicorum Conciliorum. **154. c. 1.**
- Examen regularum Fidei duplex, vel quod ex dubitatione procedit, vel quod ex mera indulgentia, & juris relaxatione. **137.**

F

- F**ides Catholicorum illud dispicere, ac tenere debet, *quod ubique, quod semper, quod ab omnibus creditum in Catholica Ecclesia.* **7. c. 2.**
- Fides quoniam sensu dicatur a Tertulliano irretractabilis, & irreformabilis, **2. c. 2. & seq.**
- Fidei dogmata plura existunt, quorum expressa mentio non fit in Symbolo Apostolico. **3.** Ea nihilominus cum ipsius Symboli articulis referenda, inter veritates irretractabiles, ubi Rom. Ecclesiae testimonio firman-tur. *ibid.*
- Fidei formula in Conc. Nicaeno **L.** edita Sedis Apostolicae auctoritate fuit firmata, & ideo a Catholicis ubique recepta. **38. c. 2. & seq.** Illam dixit S. Athanasius *vere cyppum esse inscriptum contra universas haereses.* **43. c. 1.**
- Fidei professiones ab Episcopis Orientalibus editae in generali V. Synodo sa-vent Primatui Sedis Apostolicae. **153. c. 2. & seq.**
- Fidei causae revocandae ad Rom. Sedem tanquam ad supremam regulam. **155. c. 1.**
- Fideles quomodo sese gerere debeant exortis Religionis controversiis. **7. c. 2. & seq.**
- S. Flavianus Episcopus Constantinopolitanus nascentem Eutychetis haeresim statim damnavit coacta Synodo **32.** Episcoporum. **91. c. 2. Tum-** ejusdem Acta transmissit ad S. Leonem Papam. **90. c. 1.** Item ad va-rios

rius Orientis Antistites, ut communibus Christiani Orbis suffragiis proferberetur hæretica doctrina. 91. c. 2. et seq. Palam edixit, fuscitatem ab Euthychete controversiam terminari potuisse solius Rom. Pontificis autoritate absque generali Concilio. 90.

Fleurius Abbas irretractabiles non esse Rom. Pontificis definitiones frustratur demonstrare confessione Vigilii Papæ. 152. c. 1.

## G

**G**alla Placidia Augusta permaximam habuit exultationem Romanæ Urbis, ac Pontificis Summi. 114.

Galli Theologi recentiores qualem Episcoporum Catholicorum consensum requirant ad firmitatem Definitionum Pontificiarum. 52. & 58.

Galliarum Episcopi dogmaticam S. Leonis Epistolam agnoverunt ut irretractabilem Fidei regulam, antequam congregandum audissent Conc. Chalcedonense. 124. c. 1.

Gallicana Ecclesia semper admisit, inclinabilem auctoritatem inesse Pontificis de fide Decretis, saltem ubi pars maxima Catholicorum Episcoporum eis adhaeret. 46. c. 1. Hinc palmare trahitur argumentum adversus Bosluetium decertantem pro necessitate generalis Concilii ad evitendam Macedonianam hæresim. 46.

Gallicani Praefules, veritati sincere litantes, tacentur in Epist. ad Innocentium X. Pontificem, plures hæreses sola Rom. Sedis auctoritate proptas ante Oecumenica Concilia. 49. Item ejusdem Sedis de fide iudicia summam auctoritatem absque cunctatione obtinuisse penes universam Ecclesiam. ibid. c. 2. Exinde evidens promanat conclusio, generalia Concilia minime in Ecclesia celebrari ad retractanda Rom. Sedis

Oracula, uti passim decantat Auctor *Defensionis Cleri Gallicani. ibid. c. 2. & seq.*

## H

**H**aeretici pressio jure non sunt admitendi ad disputationem de Fidei dogmatibus. 2. c. 2. Solo novitatis titulo explodi queunt ipsorum doctrinae. ibid. Insignem hujusce Thematiss expositionem complectitur Liber Tertulliani *De Praescriptionibus. ibid.* Attamen ob prudentem oeconomiam praestat interdum Haereticos audire, & retractare Fidei causas ex se irretractabiles. 42.

Heraclii Imp. Ecclesis, seu Expositioni, prudentis oeconomiae obtentu duarum in Christo operationum silentium indicabat. 197. c. 1. Vocatur etiam Sergii, Constantinopolitani scilicet Episcopi, quia ipso praefertim auctore eam edidit Imperator. ibid. Transmissa ab Imperatore ad S. Severium Papam Honorii successorem, ut ab eo signaretur. ibid. At potius condemnata, & anathematizata Apostolica auctoritate. ibid. & 193. c. 1.

Honorius Papa ab hæresis crimine immunis communi nunc Theologorum iudicio pronuntiatur. 187. c. 2. & 227. c. 2. Ab omni tamen culpa minime absoluitur. 187. c. 1. Quia nimirum inconsulta sua dispensatione tomentum praebuit hæresi Monotheliticae. 185. c. 2. & 192. c. 2. Accomode exponendum dictum in Synodo VI. *Anathema Honorio hæretico. 227. c. 2. & seq.* Multo minus obesse censetur, quod eadem Synodus perhibuit, *Honortum Sergii mentem per omnia seculum esse. 187. c. 1.*

Duas scripsit ad Sergium Constantinopolitanum Episcopum, & Monothelitarum Coryphaeum *Epistolas. 179. c. 1.* Hinc gravem Honorii lapsum, Sedis-



Sedisque Romane maculam arguunt Pontificiae infallibilitatis Olores quæ Catholicis, quæve A Catholicis. 177. & 178. c. 1. Tique fundamenti loco assumunt, ac demonstrare conantur, Epistolas omnino dogmaticas fuisse, totaque Cathedrae autoritate prolatas. 177. Ad praeiacti fundamenti subversionem oportet in iis Epistolis probe discernere, quod spectat ad *substantiam Catholici dogmatis*, quodque ad *meram disciplinam*, & *oeconomiam*. 178. c. 2. Quoad *dogmatis substantiam*, complexas fuisse Catholicam prorsus doctrinam unanimi tere Eruditorum consensu constat. *ibid.* Exerte etiam probatur. 179. usq. ad 185. Hoc sensu a Synodo VI. appellatae fuerunt Dogmaticae. 178. c. 2. Unica autem Christi voluntas in iis memoratur solum ad excludendam repugnantiam voluntatum ab Ipsius humana natura. 179. c. 2. et seq. & 185. c. 2. Ad puram putamque *oeconomiam* referendum, quod in iisdem Epistolis indicitur silentium unius, vel duplicis in Christo operationis. 184. c. 2. Idque ex claris Scripturibus Gallis ostenditur a Thomassino. 184. c. 2. usq. ad 187. Inconsulta plane, fuit ea oeconomica dispensatio, atque Monothelitis peraccommodata. 184. et 185. Exinde suspicionem Monotheliticae haereseos sibi conflavit Honorius. 185. c. 2. Fuisse porro privatas dumtaxat Epistolas, non dogmaticas Sedis Apostolicae Constitutiones, Natalis Alexandri, Thomassini, aliorumque gravium Doctorum opinio est. 187. c. 2. Quae accurata argumentorum serie firmatur. 188. usq. ad 209.

Damnatum in VI. Synodo Honorium, apud Eruditos nunc in confesso est. 227. c. 1. Sed damnatio Synodalis nil valitura fuisset, si eam postea non comprobasset S. Leo II. Papa. 227. c. 2. Eam cum Sedis Apostoli-  
*Tom. I.*

cae inerrantia, & autoritate summa conciliant Garnerius, & Baluzius. 227. c. 1. Reipsa privilegium perpetuae ejusdem Sedis inerrantiae, ab Agathone verissime adserum, factis vindicat Honorium, reliquosque Pontifices. 228. usq. ad 233.

Proximi quatuor in Rom. Pontificatu successores Honorii mirabili zelo, ac fortitudine Catholicam doctrinam, adversus Monothelitas tutati sunt. 197. usq. ad 200. Proscripserunt aequae & qui unam in Christo operationem dicerent, & qui unius, vel duplicis silentium indicerent. 210. c. 1. Hinc autem non recte inferit Bossuetius, ab iisdem Pontificibus fuisse, cum Monothelitis condemnatum, pressio licet nomine Honorium ipsum. *ibid.*

Hugonis Grotii heterodoxi Scriptoris testimonium pro dogmaticis Rom. Sedis Definitionibus. 24. c. 2.

## I

**J**ansenistae perpetuam Rom. Sedis inerrantiam, Patrum praeconiis decantatam, temere labefactare moluntur. 230.

Janfenianarum 5. Propositionum damnationi factae ab Innocentio X. Pontifice subscripserunt Gallicani Praefules, permoti unius Apostolicae Sedis autoritate. 49. c. 2.

Ibae Edesseni Episcopi Epistola ad Mariam Perfam Catholicam doctrinam S. Cyrilli Alex. & Conc. Ephesini I. sigillabat. 151. c. 2. et seq. Eam, tanquam contrariam definitioni Chalcedonenfis Conc. adeoque haereticam proscriptere Patres V. Synodi. 148. c. 2. et seq. Idque praestiterunt facta prius collatione illius cum Actis Conciliorum tum Ephesini, tum Chalcedonenfis, ad ampliorem veritatis jam perspectae elucidationem. *ibid.* Cur accuratiori examine damnata fuerit praef. Theodoret. scrip-  
*I i* tis.

tis . 150. c. 2. Eandem epistolam non fuisse a Conc. Chalcedonensi probatam susceptamque ut Catholicam, ostendit Vigilius Papa . 151. & 152. c. 1.

Imperatorum, & Augustarum veterum testimonia summo Pontificis, Sedisque Rom. Principatui iuventia . 111. usq. ad 117.

Indictione generalis Concilii remanere, ipso jure suspensa praecedentia Rom. Pontificis Judicia, falsum esse demonstratur contra Boscuetium . 67. & 68.

Inquisitio, & collatio de Fidei Articulis duplex esse potest . 70. c. 1. & 95. c. 2.

*Inscitia vix in Laicis tolerabilis videtur . 133. c. 1. Quanto magis in eis, qui praesunt, nec excusatione est digna, nec venia . ibid.*

Joannes Antiochenus, alique Orientales Episcopi, ante apertam dissensionem, animo propendebant in Nestorium . 53. c. 2. & 59. c. 3. & seq. Et ejus doctrinam aliter, ac S. Caecilius, & S. Cyrillus, interpretabantur . 53. c. 2. Apostolicum tamen S. Caeciliani judicium minime improbarunt, imo ut ei pareret, extimularunt Nestorium . 56. c. 3. & 59. c. 3. & seq. Ad ipsum Joannem epistolam scripsit S. Cyrillus ex numerata Alexandrina Synodo . 54.

Joannes cum 30. circiter Episcopis Antiocheni Tractus in apertam deinceps erupit dissensionem, publicata S. Cyrilli epistola ad Nestorium cum 12. Anathematismis . 60. c. 1. Cum isdem habuit Pseudo-Synodum obliuiscantem Decretis oecumenici Conc. Ephesini . ibid. c. 2. Illorum tamen discordia haud distrupit moralem unanimiorem Episcoporum Catholici Orbis in damnatione Nestorii . ibid.

Itriae Episcopi pro causa trium Capitulorum schismate sejuncti a Rom. Ecclesia . 172. c. 2.

Judicium de rebus fidei infallibile variis

ditionibus expressum ab Antiquis . L. c. 2.

Judicium in causis Religionis peremptorium, seu irretractabile, quale sit . 40. c. 2. & seq.

Justinianus Imp. mirifice commendatus ab Joanne 11. & Agapeto Rom. Pontificibus . 155. Auctor fuit, ut variae fidei Professiones ab Orientalibus Episcopis ederentur . 154. c. 1. Multiplici testimonio Primatum Rom. Sedis adstruxit . 153. c. 2. & 155. & 156. c. 1. Primum tria Capitula Libello damnavit . 158. c. 1. Ad eandem damnationem pertraxit Orientis Episcopos, inconsulto Rom. Pontifice Vigilio . ibid. Utque eos magis induceret, transmisit ad ipsorum Synodum omnes Chartas, quibus tria Capitula Vigilius damnarat . 162. c. 2. Plura suadent, amandandam ad apocrypha scripta ejusdem Justiniani epistolam pro expungendo Vigili nomine ex Sacris Dyptichis, quae perhibetur lecta in Collat. 7. Synodi V. 166. usq. ad 169.

## L

**L**EO 1. Pontif. post Ephesinam S. Pseudo-Synodum expetivit oecumenicum Concilium, non ut retractaretur edita a se Definitio contra Euthychem . 92. usq. ad 95. Sed geminam aliam ob causam . 106. c. 2. Quoniam sensu dixerit, debere convocari Concilium *ad plenius judicium, & ad quaestionem irretractabili sententia terminandam* 95. usq. ad 100. In reparandis damnis Ecclesiae Dei illatis ab ea Pseudo-Synodo adlaboravit strenue 101. usq. ad 107. Simulque auctoritatem plane summam, & a generali Concilio minime pendulam ostendit . ibid. Per suos Legatos praecepit Chalcedonensibus Patribus ipso Concilii initio, ut non permetteretur Diolcorus sedere suo loco inter Episcopos . 107. c. 1.

**91.** Fuitque Apostolicum ejus praeceptum communi consensu executioni mandatum. *ibid.* c. 2. *et seq.* Eorundem Patrum jus & libertatem minime violavit proponendo subin univ. Concilio suam Epistolam tanquam regulam fidei irretractabilem, novaeque super illa quaestiones vetando. **136.** c. 2.

Epistola haec celeberrima, totoque Orbe notissima **90. c. 2.** Scripta ab ipso S. Leone ad Flavianum Episcopum Constantinopolitanum adversus Euthychetis haeresim. **90.** Magna *orthodoxae fidei luce praefulgens.* **151.** c. 2. Utpote plenissime, et lucidissime declarans, quae sit de Sacramento Incarnationis **D. N. G. C.** pia, et sincera confessio **136. c. 1.** Pseudo-Synodi Ephesinae scandalum inde maxime natum, quod perversitate Dioscori non fuerit publica. **199.** c. 2. *et 128.* c. 1. Secus in Chalcedonensi Conc. ubi sub initium publice lecta. **120.** c. 2. Et a maxima Episcoporum parte mox approbata. *ibid.* *et 134. c. 2.* Qui in ipsa ad profligandam Euthychianam haeresim agnoverunt auctoritatem prorsus aequalem Decretis trium priorum Synodorum oecumenicarum. **119.** c. 1. Ac S. Petrum per Leonem locutum esse fassii sunt. **120.** c. 2. Quid quod, antequam in Concilio legeretur, plerique Concilii Patres eam habuerunt pro irreformabili fidei regula? **118.** c. 2. *usq. ad 124.* Imo ante ipsum Concilium ut talem agnovit Ecclesia Orientalis **124. c. 2.** Necnon Occidentalis, praesertimque Gallicana. **124. c. 2.** & **128. c. 1.** Ex mera indulgentia ad eximendos scrupulos permissum Episcopis perpaucis illam privatim, ac maturius perscrutari intra **7.** dies. **121.** c. 1. *et 134.* c. 1. Hinc tamen nullum praepudicium Pontificiae inerrantiae, & auctoritati. **130.** c. 1. *et 134.* c. 1. Quod vero a Concilio deinceps sta-

rum fuit examen Epistolae, illud non spectasse ad rei quasi adhuc dubiae declarationem, probatur adversus Bossuetianas animadversiones. **137. 139. usq. ad 142. et 152. usq. ad 157.** In edenda solemni fidei definitione debuerunt sese conformare eidem Epistolae Patres Concilii. **140.** c. 2. *usq. ad 143.* Quoniam sensu ipse Pontifex dixerit, *irretractabili assensu firmatam* fuisse in Concilio. **130. c. 2.** *et 131.* In eadem porro Epistola manifeste expressit S. Leo Catholicum dogma de duplici Christi natura, & operatione. **179.** c. 1. *et 181. 182.* Ejusdemque verba fuerunt postmodum adoptata animo sincero & catholico ab Honorio Papa. **179. c. 1. et 182. 183.** Subdole vero ac nectarie a Sergio Monothelita. **182. 183.**

S. Leo **II.** Pontif. probavit Acta Synodi VI. utpote consona doctrinae Sedis Apostolicae, & dogmaticae Epistolae Agathonis. **224.** c. 1. *et seq.*

Liberio Pontif. synodice adscriptam esse Rom. Ecclesiam in silentio vocis *omissionem*, & in damnatione S. Athanasii nequit rite probari. **232. c. 1.**

## M

**M**acedoniani ex vitiata radice Ariana exorti. **42. c. 2.** Inficiati sunt Spiritus Sancti Divinitatem. **40. c. 1.** Quam ex adverso propugnabant viriliter plures Orientales Patres. *ibid.* Controversia solo Rom. Sedis judicio mox terminata ante Concilii generalis celebrationem. *ibid.* Idque, velit nolit, admittere debet Bossuetius. **46. usq. ad 48.** Atque etiam fassii sunt aperte Gallicani Praefules Innocentio X. Pontif. scribentes. **49. c. 2.** Adsecuti sunt illi Ecclesiasticam communionem missio ad Rom. Antistitem Libello, quo palam errorem suum repudiabant. **41. c. 1.** Postmodum mutata fide resiliunt ab eadem communione. **47. Vocati** subinde ad oecumenicam Synodum.

Constantinopolitanam **L**. non ad retractandum Rom. Sedis praecedens de ipsis iudicium . **48.** c. 2. Vid. **S. Damasus**, & *Pneumatomachi* .

**M**acharius Antiochenus in Synodo VI. depositus, eo quod reuult suffragari solemni Definitioni fidei ad Agathone Pontif. & Occidentalium Episcoporum Concilio transmissae. **223.** c. 2. **S. Martinus** Pontif. & Martyr eximius laudibus celebratus . **199.** c. 2. **Pyrro** Constantinopolitano Monothelitae communicare reclusus ad mortem usque . **213.** c. 2. & *seq.*

**Maximianus** decreto Conc. Ephesini **L**. confirmato a S. Caelestino Pontif. fuffectus Regiae Urbis Episcopus in locum Nestorii damnati, & exautorati . **87.** c. 1.

**Maximus** praeter Canones ordinatus ab Anatolio Episcopus Antiochenus, depulso Domino vi Pseudo-Synodi Ephesinae **145.** c. 2. Ipsum postea in communionem recepit, pristinaeque Sedi restituit **S. Leo** Papa, applaudente etiam Chalcedonensi Concilio. **145.** **146.**

**Monothelitae** habiti pro haeticis in universa Ecclesia ante celebrationem VI. Synodi . **211.** c. **L**. Idque potissimum evenit ob auctoritatem Rom. Sedis *211. usq. ad 218.* Epistolae Honorii ad Sergium nentiquam obtulerunt subscribendas Episcopis, quos in suas partes pertrahere nitebantur. **208.** c. 2. Vid. *Honorius* .

## N

**N**estorius ob evulgatam haeresim primo statim damnatus a S. Caelestino in Rom. Synodo . **53.** c. **L**. Contrarium quippe docebat apostilimae fidei universalis Ecclesiae. **53.** Decem ei dies ad canendam palinodiam praestituti a Pontifice . **53.** c. **1.** *Uo* tamen, *imo paucis horis* poterat absolute confici, quod ille in controversiam *vocabat*. **57.** c. **1.** Utro-

te *ad ipsa pertinet fidei fundamenta*. *ibid.* Et Pelagiano commento haud ab simile . **57.** c. 2. Post Episcopatus sui initia, erroris virus effundendo, publicam Constantinopoli incurrit offensioem . **59.** c. **1.** Deinde ad Ephesinam Synodum ter juxta Canones vocatus contumaciter obedire noluit . **77.** & **78.** Idcirco a Patribus merito damnatus, & exautoratus juxta Apostolicam S. Caelestini regulam . *ibid.* Vid. *S. Caelestinus*, & *Concilium Ephesinum I.* Nicaenum **L**. Concilium . Vid. *Concilium*. Novatores, ab Illustris Petro de Marca notati, contra Pontificiam auctoritatem argumentum petunt ex V. Synodo, haud abludens ab oppositione Bossuetii . **163.** c. 1. & *in Nota* .

## O

**O**ccidentalium Ecclesiarum cum Rom. Sede concordia, & firma adhaesio in fidei doctrinis . **54.** **55.** **91.** c. 1. **234.** **235.** c. 2.

**Operationis** unius, vel duplicis in Christo vocabulum diverso prorsus animo ac fine reticendum voluere Honorius Papa, & Sergius cum reliquis Monothelitis . **184.** & **185.** c. **1.** Vid. *Honorius* .

**Orientalis** Episcopi vigente controversia trium Capitulorum declararunt in fidei Confessione, se recipere ut irrefractabilia ea Synodalia Decreta, quae sunt definita cum consensu Sedis Apostolicae . **171.** c. 2. & *seq.*

**Osius** Cordubensis Episcopus tanquam Apostolicae Sedis Legatus Nicaeno I. aliisque Orientalibus Conciliis praesuit . **36.** c. 2.

## P

**P**astores Ecclesiasticos decet interdum indulgentia uti erga Errantes, & mansuetudinis magis, quam potestatis exhibere signa . **17.** c. 2. & **18.** c. 2. Patrum

Patrum Sanctorum concors traditio fide indubia tenenda in Religionis controverſis . 8. *uſq. ad 11. Ea* tamen non in omnibus quaestiunculis anxie exquirenda . 8. c. 2.

Veteres Patres nullo in honore habebant Ariani . 30. c. 2. Unde subtili examini ſubjiciendam contendebant eorum de fide doctrinam . 32. c. 1. Contra Epilecopi catholici Nicenae 1. Synodi eorundem traditionem de Verbi Divinitate curioſis diſcepra-tionibus exagitari aegre ſerebant . 31. c. 2. & ſeq. Chalcedonenſis itidem Synodus plurimi fecit priſco-rum Patrum fidem . 120. c. 2. Simi-liter, D. Auguſtinus 11. antiquiorum Patrum autoritate impugnavit enaſcentem Pelagianorum errorem . 2. et 10.

S. Paulus Evangelium, quod jamdiu Gen-tibus praedicaverat , contulit cum primariis Apoſtoliſ Hieroſolymae reſidentibus . 14. et 20. Iique divi-nam tum Pauli vocatioem , tum Evangelii autoritatem probavere . 17. c. 1. et 20. Quem in finem , & quonam modo facta fuerit eadem Evangelii collatio . 19. 20. et 70. *uſq. ad 79.*

Pelagianae , & Macedoniae haereſeos comparatio . 46. 47. et 49. c. 2.

S. Petrus Apoſolorum Princeps , & ca-pit , ſidis columna , Eccleſiae Ca-tholicae fundamentum . 85. c. 1. *Sem-per in ſuis Succelloribus vivit , et ju-dicium exercet .* ibid. Totius ſidei ca-pit S. c. 2. Petra , et crepido Ca-tholicae Eccleſiae , et rectae fidei fun-damentum . 109. c. 2. & ſeq. Doctor oribedoxae , et immaculatae fidei . 214. c. 2.

Petrus de Marca , cui Baluzius & Boſſue-tius adhaerent , opinatur , Theo-dorium Imp. Edicto ſuo ſuſpendiſſe executionem ſententiae contra Neſtorium a Synodis Romana , & Ale-xandrina latae . 62. Hae opinio a Guarnerio , aliſque Scriptoris ri-

te impugnatur . 64. et 65. De Syno-do V. generali , ac de Vigilio Pon-tifice ea reſert , quae Boſſuetii ſy-ſtemati adverſantur . 157. *uſq. ad 165. & 174. 175.*

Paeumatomachi , negantes ſcilicet Divi-nitatem Spiritus Sancti 42. Damnati primum a S. Damaso Papa tanquam haeretici . ibid. Dein a pluribus Oc-cidentalibus , & Orientalibus Syno-bis . 43. *uſq. ad 48.*

Pontifex Romanus . Viſ. *Romanus Pon-tifex .*

Principes Saeculares num Edictis ſuis poſſint ſuſpendere executionem Ju-diciorum Pontificiorum . 64. c. 2. & ſeq.

R.

**R** Atramni vetuſti Theologi Galli de praeminenti autoritate Rom. Pon-tificis in univerſa Eccleſia inſigne teſtimonium . 111. c. 2.

Regula fidei legitima , & unica , quam *Fecleſia ab Apoſtoliſ, Apoſtoli a Chriſto, Chriſtus a Deo accepit .* 3. c. 2.

Religionis Chriſtianae cardinalia princi-pia . 15. c. 2.

Retractatio , ſeu diſcuſſio Pontificiarum Definitionum , ſaepe in Oecume-nicis Conciliis peracta , neutiquam elevat ineluctabilem illarum firmi-tatem , quidquid decantet Boſſuetius 5. et 69. c. 2. *uſq. ad 74.*

Roma Civitas Domina omnium . 115. c. 1. *De-cet Auguſtus Perſonas huius maxime Ci-vitatis, quae Domina eſt omnium Civi-tatum, in omnibus reverentiam conſer-vare .* 114. c. 1. Oportet primum in omnibus immortalis Urbis tribuere , quae totum *Mundum* propriae virtu-tis dominatione replevit . ibid. c. 2. Faecunda Virorum peritorum Apoſtolicae Traditionis . 183. c. 1. & 196. c. 2.

Romana Eccleſia caput omnium Sancti-*rum Eccleſiarum* 154. c. 2. Id Patrum regulae , & Principum ſtatuta de-clarent . 155. c. 1. Senior curſa-  
rum ,  
113



*rum, quae sub Sole sunt Ecclesiarum, omnibus praedicata.* 127. c. 2. Ex Divinis Litteris utriusque Foederis potavit suas de fide doctrinas. 3. c. 1. Fidem, jam a principio B. Pauli Apostoli ore laudatam, constanter servavit illibatam. 129. c. 2. & seq. Ejus suprema auctoritas, & inerrantia perpetua ab omnibus passim praedicata etiam Honorii Papae tempore. 126. c. 1. Praeclaris Episcoporum Orientalium, & Occidentalium testimoniis illustrata. 214. usq. ad 218. Idem S. Agathonis Pontificis verissima protestatione. 228. c. 2. & seq. Hujus Ecclesiae pace & communione trui nequeunt caeterae Orbis Ecclesiae, & Episcopi, nisi Pontificum Summorum dogmaticas Epistolas, perinde ac Decreta Conciliorum generalium, amplectantur. 154. c. 1. Vid. *Sedes Apostolica*.

Romanus Pontifex universalis Archiepiscopus, & Patriarcha. 108. Ex Antiquitatis constitutione Princeps *universum* habetur Ecclesiarum. 15. c. 1. Principatum in Episcopatu divinae fidei praesidet. ibid. c. 2. Principatum obtinet Episcoporum. 117. c. 2. Ejus auctoritas super cunctis Ecclesiis Christi praeceminet. ibid. Omnes Episcopi illum habent caput. ibid. Ad illius judicium pendet, quidquid in Ecclesiasticis negotiis disponitur. ibid. Hujus auctoritate debet colligi Synodus, et quae sunt tractanda, per ejus dispositionem debent ordinari. ibid. In Conciliis Oecumenicis praestit Episcopis, sicut membris caput, et summitas, seu Pater, filiis. 108. c. 2. Absque ejus sententia Decreta Ecclesiae sanciri, praescribere leges, & consuetudo Ecclesiae vetant. 158. c. 1. Principatum Sacerdotii super omnes Antiquitas ei contulit. 113. c. 2. Quae iuxta sunt jura Sedis suae, ipsum exigere convenit. 159. c. 2.

Quandocumque censeatur loqui ex Cathedra

*dra*. 169. c. 2. Id praestare non solet, nisi praemissis quibusdam mediis, ac solemnitatibus. 177. c. 1. & 232. c. 2. Referuntur distincte solemnitates hujusmodi. 188. usq. ad 191. Inerrantiae privilegium ipsimet Pontifici proprie adhaeret, non Sedi, vel Ecclesiae, vel Clero Romano. 169. & 188. c. 2. Pontifici tamen Pontificem agenti. 189. c. 1. In materia facti quaestione non est indecens ejus judicium. 144. c. 2. Onus & cura ei incumbit communicare Orbis Christiani Episcopis Decretales suas de fide, & moribus. 189. Ubi haec fuerit Romae promulgatae, vim obtinent quasi oecumenici Concilii, adeoque ab omnibus suscipiendae ceu irretormabiles. 24. & 25. Ejus praecepta praestant omnibus Ecclesiasticis regulis, sive Canonibus. 108. c. 1. Ipse dumtaxat assensu suo conferre potest auctoritatem irretactibilem Decretis Conciliorum generalium. 171. usq. ad 174. Haec est prima, & immobilis, & secunda ratio, quae Conciliorum Patres tuetur ac firmat adversus omnes contradicentium quaestiones, ubi Pontifex ipsorum statuta approbavit. 137. c. 2. Hinc recentiorum Gallorum fuit opinio, qui Pontificias Constitutiones ajunt evadere irretactibiles per Concilia. 173. c. 2. Eum in causis fidei interiozem esse generali Concilio, Bossuetius immerito complectitur ex forma judicii ab Ephesina Synodo lati contra Nestorium, 75. usq. ad 79. Ejus domaticae Epistolae, quamvis a nullo generali Concilio discussae & probatae, tanquam supremae regulae fidei habitae ab Antiquis. 152. c. 2. usq. ad 157. Nimis demisse de iisdem ex adverso sentire, & scribere convincitur Bossuetius. 156. Epistolae ejusmodi transmittuntur ad generalia Concilia, ut sint Episcopis regulae judicandi, non ut de ipsis juridice judi-

judicetur. **111. c. 1. & 139. usq. ad 142.** Haud decessit iisdem Epistolis autoritas infallibilis ex eo, quod Episcopi in Conciliis ipsas conterant cum aliis fidei regulis, sicque eis subseribant. **125. usq. ad 130.** Pontificia iudicia in Conciliis generalibus interdum retractari permixta sunt ex mera indulgentia erga Errantes. **133. c. 2. & 137.**

## S

**S**acerdotalis officii meritum splendescit, ubi sic in Summis servatur auctoritas, ut in nullo Inferiorum putetur imminuta libertas. **131. c. 1.**

Scopus primarius maxime attendendus in solemnibus Decretis tum Rom. Pontificum, tum Conciliorum. **170. c. 2.**

Sedes Apostolica, in qua primus Apostolorum sedis beatus Petrus, qui etiam claves regni caelorum suscipiens, Sacerdotii principatum tenuit. **114. c. 2.** Firmamentum a Deo fixum, & immobile, atque tituli seu Columnae fidei forma lucidissima. **114.** In ea inviolabilis semper Catholica custoditur Religio. **155. c. 2.** Et orthodoxorum Dogmatum fundamenta exsunt. **201. c. 1.** B. Petri annitente praesidio nunquam a via veritatis in qualibet erroris parte deflecta est. **228. c. 2.**

Summam esse hujus Apostolicae Sedis auctoritatem olim Catholicis per suum juxta Majorum sententiam. **174. c. 1.** Eam praeclarissimo testimonio declaravit S. Maximus Abbas, & Martyr. **211. c. 2. & seq.** Itidem S. Agatho Papa scribens ad Constantinum Pogonatum Imp. **228. c. 2. & seq.** Proprium ac singulare ejus privilegium est, vim addere includibilem Conciliorum generalium, Decretis, causisque Ecclesiasticis finem imponere. **86. & 87.** Cum inerrantia Sedis ejusdem necessario

conjunctum est, ut Pontifex quā Pontifex, five ex Cathedra loquens, nequeat errare. **232. c. 2.** Non errante Sede Apostolica Pontificem quā Pontificem errare, inepte fingitur. **233. c. 1.** Distinctio Sedis Apostolicae, & Pontificis, ita ut possit abrumpi communio cum isto unitate servata cum illa, est proflus nova in monumentis Ecclesiasticae Antiquitatis. **168. c. 2.** Vid. *Romana Ecclesia*.

Sergius Constantinopolitanus Episcopus, Monothelitarum Coryphaeus, & veterator maximus. **182. 183.** Cur agens cum Honorio Papa ulcus sit callida dissimulatione. **187. c. 1.** Vid. *Honorius Papa*.

S. Sophronius Antistes Hierosolymitanus graviter angebatur ob enatam in Oriente controversiam de duabus Christi operationibus. **201. c. 2.** Idcirco Stephanum Dorensem Episcopum misit Legatum ad Sanctam Sedem, praemissa terribili adjuratione. *ibid.* In ea Legatione palam declaravit, supremam auctoritatem dirimendae controversiae penes Apostolicam Sedem vigere. **201. c. 2. 204. 1. 206. c. 1.** Legatio autem ejusmodi probe distinguenda ab alia prius ab ipso directā ad eandem Sedem. **201. usq. ad 205.**

Sozomeni praeclarum testimonium, torquens infallibilitatis Pontificae osiores. **39. c. 2. & seq.**

S. Sylvestri Rom. Pontificis partes in damnatione Arianismi, & in Nicæna Synodo, nunc ob veterum monumentorum inopiam hand satis innotescunt. **30. c. 1. 35. c. 2. & 36. c. 1.** Non ideo tamen negandae, sed rectissime praesumendae. **36.** Ad illam oecumenicam Synodum suos ipse destinavit Legatos. **36. & 37.** Symbolum Apostolicum regula est fidei nostrae una, sola, immobilis, irreformabilis. **2. c. 1.**

Synodi nomen quoniam sensu fuerit in Eccle-

Ecclesia veteri usurpatum . 189. c. 1. & 195. c. 2. Synodum facere sine auctoritate Apostolicae Sedis nunquam licuit . 107. c. 2. 108. c. 1. 157. c. 2. & seq.

## T

**T**entat Deum quisquis ejus voluntati sufficienter manifestatae obstitit . 21.

Theodoretus , e Sede Episcopali dejectus in Pseudo-Synodo Ephesina , restitutus postea & in communionem admittus a S. Leone Papa . 144. c. 1. S. Leonis judicio universi fere Patres Chalcedonenses ipso Concilii initio suffragati sunt . 144. Quare non fuit absolute necesse , ut Apostolicum illud Judicium Actione VIII. Concilii discuteretur , ac firmaretur . 144. c. 2. & seq. Damnatio Scriptorum ipsius Theodreti contra S. Cyrillum decreta fuit in Synodo V. ex eorum simplici Lectione .

Theodorus Rom. Pontifex depositionis sententiam in Pyrrhum Monothelitam , post ejuratam haeresein ad vomitum redeuntem , perscriptis atramento mixto cum Christi sanguine . 191. c. 1. & 199. c. 1.

Theodorum Mopsuestenum , ejusque nataria Scripta anathemati subjecit Synodus V. praemisso subtili examine ad majorem cautelam . 149. c. 2. & seq.

Theodosii Imp. *Sacra* , seu Edictum , pro convocatione Synodi generalis contra Nestorium , impetratum ab Orthodoxis zelo tutandae fidei . 61. Adversus Bossuetium probatur datum fuisse , antequam Constantinopoli promulgaretur Judicium S. Caeclestini Papae contra Nestorium . 62. usq. ad 70.

Thomassini Gallicani Theologi varia testimonio pro summa , & irreformabili Rom. Pontificis auctoritate in damnatione praesertim Euthychia-

nae haereseos . 99. 100. c. 1. 130. usq. ad 135.

Toletana Synodus XIV. ex 17. Episcopis conflata . 226. c. 2. Juxta Bossuetium ipsa non habuit pro occumenico Concilium Generale VI. eoquod Hispani non fuerunt ad illud vocati . 233. c. 2. Gemina responsione concluditur haec assertio . 236. c. 2. Eam Synodum de suprema Sedis Apostolicae auctoritate aliter sensitisse , ac reliquos Occidentales adhaerentes Agathonis Papae , haud praesumendum . 238. c. 1. Incassum hoc erueri tentat Bossuetium ex eo , quod Acta memorati Concilii VI. a Rom. Sede probati non fuissent Synodus , nisi praemisso eorundem examine . 238. & 239.

## V

**V**erbi Divinitas , & consubstantialitas cum Patre fide indubia tenebatur ab omnibus Orthodoxis , cum eam impugnare cepit Arius . 30. c. 2. & 31. Illam proinde in quaestionem trahi absolute nolebant catholici Episcopi Nicaenae Synodi . 31. Nihilominus ob Arianorum vim & pervicaciam coacti fuerunt acres subire disputationes . 32. 139. 140. c. 1.

*Veritas clarius renitescit , & fortius retinetur , dum quae fides prius docuerat , haec postea examinatio confirmat* , scilicet Sacerdotalis in Conciliis . 130. c. 2. & seq. Veritatis Orthodoxae splendidum indicium communem cum Ecclesiis Apostolicis tenere doctrinam . 3. c. 1.

Vigilius Papa nequaquam putavit , retractabiles esse Epistolae dogmaticae suae Sedis , antequam probetur a generali Concilio . 252. & 153. Damnationem 3. Capitulorum , & inconsulto factam Constantinopoli ab Imp. Justiniano , & Episcopis Orientalibus , graviter impugnavit eorum injurio .



juriosam suae Sedi, atque auctoritati. 159. c. 1. Hinc, ubi Constantinopolim venit, a communione suspendit Episcopos eisdem. *ibid.* Neque ulla vi adigi potuit ad subscribendum praedictae damnationi. 159. c. 2. Hujusce repugnantiae afferunt rationes. 170. c. 1. Anno tamen insequenti permisit eam causam discutiri in Conventu 70. Episcoporum. 159. c. 2. Horum suffragiis postea ad Se scripto delatis, & ipse 3. Capitula Judicatio damnavit. *ibid.* Putavit posse Judicatio suo componi Orientalium, & Occidentalium discordiam circa eadem Capitula. 160. c. 1. Ast Neutri acquievere. *ibid.* Hinc integram rei discussionem ad *Synodum Canonica*m, seu generale Concilium deferri consensit, rescisso suo Judicio, simulque repudiato Imperiali Edicto in Capitulorum damnationem. 160. Convocatum reipsa Concilium, ast non legitime & canonice. 161. & 162. Unde nec per Se, nec per Legatos suos Pontifex voluit eidem interesse, quamvis iteratò ad Episcopis expectitus. 161. Cur tantopere id optarent Episcopi, aperitur. 172. c. 3. Mansit igitur Concilium minus legitimum, quousque non accessit Apostolicae Sedis confirmatio. 162. c. 2. Post solemnem Concilii de 3. Capitulis definitionem Vigilius eandem quaestionem retractavit edito Constituto. 175. Hujusce Constituti-

ti finis primarius panditur 170. c. 1. Simulque accurata exhibetur *analysis. 170. c. 2. & seq. 175. c. 2. & seq.* Neutiquam vero promulgatum, & relectum fuisse in Collatione vi. illius Concilii, tunc ostenditur. 163. usq. ad 166. Quod si etiam concedatur lectum fuisse in Concilio, semper tamen pro rato habere oportet adversus molimina quorumcumque Pontificiae auctoritati intensorum, nec reipsa fuisse, nec Concilii Patribus vilius Decretum peremptorium, sive Constitutionem ex Cathedra prolatam. 169. c. 2. usq. ad 171. c. 2. Vincentius Lirinensis *Commonitorium*, edidit vere aureum. 7. c. 1. Quod eò totum collimat, ut irretorinabiles ostendat fidei veritates, Ecclesiae Catholicae, ac perpetuae Traditionis auctoritate subnixas. 7. usq. ad 12. Hinc sequitur, ipsum nullatenus credidisse absolute necessaria generalia Concilia ad illas retractandas. *ibid.*

## U

**U**nanimitas moralis Rom. Pontificis, & majoris partis Episcoporum requisita a Theologis Gallis ad robur dogmaticae Definitionis Pontificiae. 93. Ea ob gravem illorum discordiam deficiente, contendunt necessarium Concilium generale, *ibid. c. 2.*

F I N I S.















